



Trinity  
Theological  
Seminary

Ward B. ...

1873

225

Geni: ~~...~~  
Receptum Dei, causa timoris  
Domini: Timor excutit omnem  
sordidam & ignaviam per negli-  
gentiam.

Memoria adfert peram et  
causa fidem in Deum:  
Fides vero adiuva omni  
solicitatione, iudicium.

16ms B6., 316 53.

Brinet I, 150.

Enchir. S. 29.

xi. 63d  
xi. 3165.





# Ioannis Caluini

IN LIBRVM IOSVE  
breuis Commentarius, quem paulò  
ante mortem absoluit.

*Addita sunt quaedam de eiusdem morbo  
& obitu.*

Cum Indice.

*Introite per arcam portâ quoniâ*

lata est porta & spatiosa via quæ

*abducit in exitum. Math. 7. 13.*



GENEVÆ,

Ex officina Francisci Perrini.

M. D. LXIIII.

11111

11111

11111

11111

11111

DE INCOMPARABILIS  
viri D. Io. Caluini morbo & obitu,  
excerpta quædã ex Gallica Theod.  
Bezæ Vezelii in hũc eundem Com-  
mentarium præfatione, P. Garnerio  
interprete.



Nimuerò præterquam quòd sum-  
mum illud ingenium Deus collo-  
carat in fragili & imbecillo cor-  
pusculo, & naturali quadam con-  
stitutione propẽso ad phthisin, quæ  
etiam vitæ finem illi attulit, huc accessit, quòd a-  
dolescentiæ & ineuntis ætatis studiis, mirum in  
modum iam attritus, quum ad res gerẽdas se cõ-  
tulit, perpetuò in subeundis animi laboribus tam  
parùm se ipse respexit, vt absque singulari Dei  
beneficio & munere, qui Ecclesiã suam, hoc in-  
strumento adhibito ædificare vellet, nullo vn-  
quam pacto, vel ad ætatem, quæ medicis decli-  
nãs vulgò dicitur, peruenire potuerit. Anno ita-  
que 1556. quum Francfordiensis Senatus rogatu,  
eò profectiõnem suscepisset ad pacificãdos mo-  
tus quosdam excitatos in Gallicana Ecclesia, quæ  
in illam vrbem recens adhuc recepta fuerat &  
collecta: ex longo illo & perquam molesto iti-  
nere reuersus, in acerrimam febrim tertianã in-  
cidit, quam quidem valetudinis ipsius veluti pri-  
mum, vt ita dicam, scopulum meritò vocare li-  
cet. Eam deinde anno 1558. excepit diuturna &  
tædii plena quartana, quæ ipsum coegit legendi

& concionandi labore perinuitū abstinere. Neque tamen vllis monitis dimoueri potuit, quin tum etiā domi aliquid lucubraretur. Itaque hoc ipso tēpore Christianæ religionis Institutionem postremò recognitā & auctam tum Latinè tum Gallicè & exorsus est & absoluit. Hic porrò morbus hominem ita confectum & exhaustum reliquit, vt ab eo tēpore penitus conualescere nunquam potuerit. Semper exinde crus dextrum ægrè trahere, vnde etiam interdum magnos dolores sustinebat: vetusta etiā valetudinis incommoda & vitia récrudescere: quo in numero erāt dolores capitis, magna stomachi cruditas cum perpetua pituita coniuncta. Præter cætera mala, sanguinis etiam fluxione per interualla torquebatur, quæ *αιμορροϊς* vulgò dicitur, idque eò etiam grauius, quod casu aliquo pars illa malè affecta fuerat & valde debilitata. Causa porrò hæc erat, quod dum nullam animo remissionem & quietem concederet, perpetua *ἀσροπία* eum laborare necesse fuit, de qua ne cogitauit quidē vnquam, nisi vi doloris coactus. Secuta sunt deinde intestinorum tormina, tandémque podagra & calculus. Adhæc ex nimia contentione, & humorum fluxu erodente eò deuenerat, vt sanguinem interdum excrearet, quæ quidem res extremā corporis totius debilitatē efficiebat. In tot tantisque morbis mirū est, incredibilem illam animi perspicacitatem & solertiam impeditā potius fuisse quàm imminutam: & acerrimam sagacitatem illam iudicii nūquam languisse. Tantūm hoc inerat mali, quòd ingenii celeritatē corpus assequi

non

non poterat, quod tamen semper supra vires nitentur, donec spiritus angustia ita cōstringeretur, vt ne duorum quidem aut trium passuum motum ferre posset. Non deerant suis partibus medici: ipse quoque licet tāta dōlorum morborūque varietate implicatus, eorū consiliis praecise & ad vnguem obtemperabat, id tamen frustra, quemadmodum semper dicere solitus erat, quum in cælum suspiciens sæpius repeteret hæc verba, *Quousque Domine?* Ad extremum itaque stratus in lectulo iacuit, loquēdi vsu non penitus quidem adempto, ita tamen vt propter illam spirādi difficultatem, longiorem sermonem prosequi sine maximo valetudinis incommodo non posset. Neque tamē idcirco à laboribus desistebat. In hoc enim ipso morbo Harmoniā ex quatuor posterioribus Mosis libris contextam è Latino sermone in Gallicum totam conuertit. Gallicam quoque Genesew interpretationē recognouit: scripsit in hunc, qui iam in lucem prodit, Iosue librum: postremo Gallicas in nouum Testamentum annotationes ab aliis ante collectas maxima ex parte recognouit & emendauit. Insuper nunquam sibi pepercit in Ecclesiarum negotiis, quin & coram & per literas, quoties ita res postulabat responderet, nobis tamen sæpenumero obtestantibus, vt maiorem sui rationem duceret. Eius autē hoc solenne fuit responsum, nihil se agere, ac saltem sineremus ipsum vigilantem perpetuò & in opus ad extremum vsque halitum incumbentem à Domino reperiri.

Ad 7. Calend. Maias Testamentum condidit,

P R A E F A T I O.

breuiffimum illud quidem, quippe qui ne vocabulis etiam, quantum in ipfo fuit, vnquam fit abufus, fed eiufmodi tamen, vt luculentiffimum & fingulare ad omnem pofteritatē testimonium in eo extet, vnde appareat, quod animo credebat, ipfum eſſe & in vita & in morte locutum. Quæ cauſſa me mouit, vt id lubēs, ad verbum ab ipſius ore exceptum infererem ex fratris & vnici ipſius hæredis conſenſu, vt vel poſtremæ huius actionis perpetua memoria maneat; quo modo nimirum placuit Domino præſtatiſſimorum aliquot ſeruiorū ſuorum teſtamenta literarum monumentis conſignari, ex quibus ad omnes ſæculorum ætates liqueat, eodem ipſos tum in vita tum in morte, Dei Spiritu fuiſſe gubernatos: deinde etiam vt melius cuius pateat ſumma eorum impudentia, qui cuperent hominibus perſuaſum, eius mortem parūm fuiſſe vitæ conſentaneam. Quod ſiquis aliquid hîc conſictum & ſuppoſitum exiſtimat, in refellenda eius opinione nihil temporis & operæ conſumam. Tantūm moneo, quiſquis ille ſit, ſeriò cogitet, quid in humana ſocietate firmum & ἀξίωμαſον ſit futurum, ſi quæ in celebri ciuitate, omnibus quibus id ſtudio fuit, & ſpectantibus & audiētibus geſta ſunt, in dubium vocare liceat.

D. IO. CALVINI TESTAMENTVM.

Quod Deus bene vertat. Anno 1564. 7. Calēd. Maias, quum me Petrum Chenalatum publicum & iuratum huius vrbs Geneuæ ſcribam & ciuem, ſpectatus vir Ioannes Calvinus in hac Geneuenſi Eccleſia verbi Dei miniſter & ciuitate dona-

te donatus, tunc aduersa corporis tantum valetudine affectus, ad se accersiuisset, dixit testamentum se facere velle, & supremam voluntatē declarare: ac simul etiam petiit, vt dictantis & pronuntiātis verba exciperem. Quod quidem eius rogatu feci, ac testamentum ipsum, sicuti ab ipso pronuntiatum fuit & dictatum ad verbum, ne syllaba quidem vel omissa, vel adiecta, scripto consignauit in hunc qui sequitur modum,

In nomine Domini. Ioannes Calvinus Verbi diuini in Geneuēsi Ecclesia Minister, quum multiplici morborum cōgerie oppressus, nihil aliud cogitare possim, nisi me propediē à Domino ex hac vita euocandū, testamentū meum & supremæ voluntatis declarationē edere & scriptis cōmendare institui, in hanc quæ sequitur formam:

Imprimis gratias ago Deo, qui non solum mei miserrimi hominis misertus, ex idololatriæ abyfso, in qua demersus iacebam, ereptū me ad clarā Euangelii sui lucem adduxerit, meque alioquin indignissimum doctrinæ salutis participem effecerit, ac continuo misericordiæ suæ tenore tot mea vitia benignissimè tolerarit, quorum causa millies ab ipso reiici merebar: sed quod longè maius est, clementiam erga me suam eo vsque protulerit, vt dignatus sit opera meā & labore vtī in perferenda annuntiandaque Euangelii sui veritate. Atque hīc testor me hac fide, quam ab ipso accepi, præditum tum viuere, tum etiam mori velle, qui videlicet totam spem, & vnicum perfugium habeo in gratuita adoptione, qua sola, tota salus mea nititur. Amplector

etiam gratiam mihi ab eo in Christo Domino factam, mortisque ipsius & passionis meritum peccatis omnibus meis delendis accipio: suppliciter etiam eum oro, ut sanguine, quem summus ille meus Redemptor pro cunctis peccatoribus effudit, me ita abluat & perpurget, ut coram ipsius facie comparere valeam illius imagine ornatus. Testor praeterea me pro gratia ab eo mihi concessa mensura, conatum sincere ipsius Verbum & concionibus & scriptis docere, ac bona fide sacram Scripturam fuisse interpretatum, & in cunctis illis disputationibus & certaminibus, quae mihi cum veritatis hostibus intercesserunt, nullis obliquis artibus, nulla sophistica usum, sed in asserenda eius veritate fideliter & candidè versatum. Sed eheu, voluntas haec mea, & zeli si ita appellare libet, studium ita frigidum fuit & remissum, ut me omni ex parte iusto eius iudicio obnoxium sentiam, ac nisi infinitam benignitatem adhibeat, quicquid in me animi & studii fuit, nihil quam fumum existere, imò propter dona mihi concessa, longè grauioribus poenis me teneri profitear. Igitur vnicum mihi asyllum restat, ut Pater clementissimus & summè misericors, mei miserimi peccatoris Patrem se ostendat, & re ipsa praestet. Caeterum post meum obitum cupio cadaver meum vulgari & communi ritu sepultum humari, dum expectatur beatus ille dies resurrectionis. Bonorum autem omnium, quae pauca mihi viuo Dominus concessit, vnicum heredem instituo Antonium Calvinum charissimum mihi fratrem, heredem, inquam, honorarium tantum, qui donationis



tionis iure nihil habeat præterquã pateram mihi à D. Varenno amico olim meo datam : atque ipsum rogo, vt quod mihi certò persuadeo illum facturum, hoc munusculo contētus, cogitet non alia id de causa à me fieri, quàm vt pauca hæc, quæ relinquo, ad ipsius liberos perueniant. Præterea in Gymnasia ædificationē lego decem aureos coronatos : peregrinorū quoque pauperū ærario totidem : Ioannæ item Caroli Costani & sororis meæ paternæ filiæ, decē : Samueli quoque & Ioanni fratris mei filiis, singulis quadraginta : eiusdē porrò filiabus Annæ, Susannæ, & Dorotheæ singulis triginta. Quod ad Dauidē fratris itidē filiū attinet, quia leuiculus fuit, viginti quinque aureos tantum dono, quod illi castigationis loco esse velim. Et hæc quidē est vniuersa bonorum, quæ mihi largitus est Dominus summa, (quantum illorum pretium & æstimationē inire potui) tū in libris, tum in supellectile ac reliquis omnibus. Veruntamen si forte hanc æstimationem superent, hoc quicquid accedet inter eosdem fratris liberos tum mares tum fœminas distribui volo, Dauide etiam non excluso, siquidem hoc illi Deus dederit, vt modestior & sedatior euadat. Veruntamen hac in parte nihil negotii & difficultatis fore arbitror, præsertim dissoluto ære meo alieno, quemadmodum hoc ego fratri madaui, in cuius etiam fide acquiesco, quemque huius mei testamenti procuratorem, &, vt vulgò loquuntur, executorem nuncupo, vna cum spectatissimo viro Laurétio Normandio. Illis etiã plenum ius & potestatem tribuo censum bono-

rum meorum agendi absque Magistratus auctoritate, ut ex illorum venditione pecunia conflata, quæ hîc perscripta sunt, perficiantur. Datum 1564. 7. Calend. Maias. Testamento ita absoluto, eodem tēporis momēto Calvinus ipse, his omnibus à me ex ipsius ore exceptis manu sua subscripsit, adhibito etiam quo uti consueuerat chirographo. Postero die, qui 26. erat Aprilis, idem Calvinus quum iterum me acciuisset vnà cum spectatis viris Theodoro Beza, Remundo Calueto, Michaelē Copo, Ludouico Enoco, Nicolao Colladonio, Iacobo Bordensi verbi diuini in hac Ecclesia ministris, clarissimo item viro, Henrico Scringero qui omnes sunt Geneuenses ciues, rogauit ut illud mihi à se dictatum testamētum, eadem forma & iisdem verbis, ut supra perscriptū est, sibi & testibus illis in hunc finem vocatis, denuo recitarem. Quod vbi clara voce à me factum est, testatus est hanc suam esse extremam voluntatē, quam obseruari vellet. Idque ut certius constaret, petiit à testibus, quos modo nominaui, ut mecum subscriberent. Quod etiam factum est eodem quo suprā scripsi die & anno. Geneuæ in vico, qui Canonorum vulgò dicitur, in testatoris ipsius ædibus. Postremò ut hæc omnia rata sint & firma, & indubitatae probationis locum obtineant, testamētū ipsum ad hanc formam redegi, in eorum vsum, quorum id intererit, apposito etiā publico magnifici huius Senatus sigillo, ac priuatim meo chirographo. Hoc est igitur illius testamentum.

Cæterum quū illā quā dixi, *δυσπρόβια* anhelitus  
difficul-

difficultatē in dies ingrauescere sentiret, Quartumuiros, qui vulgò Syndici vocātur, totūmq̃ minorem vt appellant, Senatum rogauit, ne grauarētur in ædes suas conuenire: qui quum adessent, grauissimis verbis commemorauit quot & quam insignia à Deo beneficia accepissent: ex quā grauibus etiā & manifestis periculis fuissent erepti. Quod sanè sigillatim & enucleatè recensere poterat, quippe qui omnia illa optimè, si alius quisquā perspecta haberet, & re ipsa cognita. Illos etiam multorum commonefecit quæ ad Reipub. statum & gubernacula pertinerent: denique veri Prophetæ & serui Dei omnes partes impleuit. Testatus est etiam de eius quā ipsis annuntiārat, doctrinæ puritate: confirmauit eos præterea contra imminētes tempestates, modò in recto cursu animosius in dies pergerent. Ad extremum, illos in genere & priuatim precatus, vt vitia & delicta, quæ nunquam ita vt ipse graua quisquam iudicauerat, sibi condonarent, & dextram sigillatim omnibus porrexit. Nescio an clarissimis Senatoribus tristius vllum & magis lugubre spectaculum accidere potuerit, quibus nimirum, neque id iniuriâ, Calvinus pro munere quidem quod sustinebat, erat perinde vt os Domini: animo autem & pietate, parentis loco: vt qui etiam plerosque illorum iam inde ab adolescentia non modo familiariter nosset, verū etiam sedulò instituisset ac formasset.

Die veneris, qui fuit Aprilis 18. cuncti Geneuenses tum in vrbe, tum in agro fratres & Ministri, eius rogatu, conuenerunt in ipsius cubicu-

lum, quibuscum longa oratione egit. Eius autem hæc erat summa, vt strenuè in officio pergerent post suum obitum, neque frangerentur animis: Deum vrbs ipsius & Ecclesiæ in variis & multiplicibus terroribus & periculis tutorem fore: cauere à mutuis simulatibus & dissidiis, quin potius fraterna inter eos vigeret charitas & animorum coniunctio: agnosceret quantum deberent huic Ecclesiæ, ad quam essent à Domino vocati, neque vlla ratione ab ea dimoueri se paterentur. Qui fastidio quodam alienati eam deserere vellent, posse quidem aliquid causificari & probabiles excusationes afferre, apud Deum tamè huiusmodi perfidiam impune illis non fore. Adiunxit narrationem sui in hanc Ecclesiam ingressus, vitæque in ea tráfactæ, aiebatque quum primùm in eam venit iam institutá fuisse Euangelii promulgationem, res tamen adhuc fuisse valde confusas & perturbatas: Euangelium plerisque nihil aliud visum, quàm euerسیونé idolorum: permultos fuisse improbos homines & sceleratos, multas indignitates sibi fuisse deuorandas, sese tamen Dei præsidio confirmatum perpetuò fortiter perstitisse licet natura meticulosum. Atque has voces iterum & tertium ingeminavit, Hoc vobis affirmo, aiebat, natura me timidum esse & pavidum. Commemorauit etiam se Argentina reuersum, prouinciá istam perinuitum & repugnátem recepisse, qui videlicet non magnum inde fructum speraret, nec satis intelligeret Dei consilium. Et reuera multas difficultates sibi fuisse subeundas, sed tamen constanter per-

gendo

gendo procedente tempore fœlicem successum à Domino datum sensisse . Quocirca animos pro se quisque colligeret, in hoc vocationis munere fortiter sustinendo , atque disciplina conseruanda: non deesse quidem viros bonos, veruntamen multos etiam malignos & contumaces existere. Grauiissimum hoc apud Deum crimen fore , si rerum statum eo vsque prouectum nostra negligentia collabi & pessum ire sineremus. Testatus est præterea se cum fratrum cœtu vera animi consensione & affectu fuisse coniunctum, ac tandem etiam petiit veniam sibi dari, si quando urgente morbo morositatis aliquid in se animaduersum esset , ac quod sæpius iam fecerat, gratias egit de cõcionandi prouincia nomine suo suscepta & obita. Ad extremum omnibus singulatim & ordine dextrâ præbuit , quod quidem factum est tanta cum omnium tristitia & mœrore, vt sine summa doloris acerbitate istius actionis ne meminisse quidem possim.

Ad sextum Nonas Maii quum literas à Gulielmo Farello Neocomensis Ecclesiæ ministro accepisset, intelligeretque constitutum illi iam octogenario , aut etiam amplius, ipsum inuisere, rescripsit hanc ad eum epistolam,

S. Vale mi optime & integerrime frater: & quãdo te Deus superstitem manere vult in mundo, viue memor nostrę cõiunctionis, quę vt Ecclesiæ Dei fuit utilis, ita nos eius fructus in cælo manet. Nolo te fatiges mea causa. Ægrè spiritũ traho, & assidue expecto dum me anhelitus de-

ficiat. Satis est quòd Christo viuo & morior, qui suis lucrum est in vita & morte. Iterum vale cum fratribus. Geneuæ 2. Maii, 1564. Ioannes Caluinus tuus.

Exinde morbus ipsius nihil aliud fuit quàm perpetua quædam precatio, licet acerrimis & assiduis doloribus conflictaretur. Habebat autè frequenter in ore hæc verba ex Psal. 39, *Tacui Domine, quia fecisti.* Aliàs etiam interdum pronuntiabat ex 38. cap. Esa. *Gemebam sicut columba.* Accidit etiam, vt me alloquès erumperet in has voces: Tu contundis me Domine, verum satis est quòd hæc manu tua fiant.

Cupiebant permulti eum inuisere, & sanè ianuam interdum noctúque patere necesse fuisset, si libuisset omnium votis obtéperare. Hoc verò quum ipse prospiceret intelligeretque per suum illud *ãd qua* & spiritus angustias sibi integrum nõ fore agere quod vellet: deinde etiam quia parum illi grata erat multorum curiositas, petierat vt preces apud Deum fundere contenti, permitterent se aliquantum quiescere. Quinetiã quum ad eum accederem, tametsi erat ei gratissimas mei conspectus, tamen quoniam norat quantum onus negotiorum mihi incumberet, non obscure significabat, nolle priuata sua caussa me vllò modò occupari. Itaque aliquoties mihi discedèti dixit, magnam sibi religionem esse, quod me vel tãtillum detineret, quanuis alioqui meo conspectu, pro singulari ac plane paterno in me amore, valde delectaretur. Sed hoc semper fuerat viri ingeniũ, etiam atque etiam cauere ne vel  
leuis-

Icuiusmodi commodum Ecclesiæ retardaret, vel etiam aliquid molestiæ exhiberet amicis, quibus tamen nihil optatius euenire poterat, quam illi suam operam nauare. In hunc ergo modum se gessit, vt & se ipsum & amicos multis modis solaretur vsque ad Veneris diem qui in 13. Calend. Iunias incidit biduo post futura die Pētecoste & huius Ecclesiæ *συνάξει*, quo die, propterea quod ex nostro more & instituto conueniunt Ministri ad censuras de vita & doctrina agendas, deinde etiam mutæ beneuolentiæ ergo vnà cibum capiunt, exoratus est vt in suis ædibus conuiuium fieret. Eò quum in suo sedili delatus esset, triclinium ingressus, Ego vos fratres, inquit, postremum visurus accedo. neque enim alias vnquam mensæ accumbam. Tristis omnino & luctuosus nobis fuit hic introitus, licet preces ipsemet pronuntiaret utcunque poterat, nosque etiam exhilarare conaretur, perpaucum admodum cibo sumpto. Veruntamen ante exitum cœnæ discessit à nobis in suum cubiculum quod proximum erat, reportatus, totidē hæc verba hilari, quantum dabatur, vultu proloquutus, Non obstabit interiectus paries, quominus animo vobiscum iunctus maneam. Et reuera ita accidit vt prædixerat. Nam ad eum vsque diem quantumuis infirmus, iubebat se efferri è lectulo, atque ad cathedrā deduci, quæ è regione minoris cuiusdam mensæ erat posita. verum ab illo vespero supinus semper iacuit, corpore quod alioqui habebat admodum gracile & macilentum, ita exhausto, & absumpto vt nihil præter men-

tem & animum restaret, nisi quod in vultu non apparebat insignis mutatio. Præcipuè verò illa *ἀσπνοία* constricto & intercluso spiritu fiebat, vt preces & consolationes eius assiduæ in suspiria potius exirent, quàm articulas voces: verumtamen eiusmodi oculorum obrutu, & ore ita composito, vt vel solus ille aspectus satis superque testaretur quanto fidei & spei robore munitus esset. Quo die à nobis migravit, robustius & facilius loqui videbatur: sed hic scilicet extremus erat naturæ nixus & contentio. Etenim vespere circiter octauam repète apparuerūt certa mortis præsentis indicia: quod quū statim mihi significatum esset, qui paulò ante ab eo discesseram, illico cum altero ex fratribus accurrens comperi illum iam expirasse animam, idque tam leniter & placidè, vt absque vlllo violento singultu, quū ad vltimum vsque halitum distinctè locutus esset, citra vllam pedum aut manuū distensionem vel motum, dormire potius videretur quàm occidisse. Sic igitur vno penè eodémque temporis puncto, illo die & sol occubuit, & splendidissima huius Ecclesiæ lux in cælum recepta est: ac meritò certè affirmare hoc licet in vno hoc homine rectam tum viuendi, tum moriendi rationem nobis à Deo fuisse demonstratā. Ea quæ subsequuta est nocte & postero die magnus tota vrbe fletus excitatus est, quum ciuitas vniuersa Dei Prophetam lugeret, miser Ecclesiæ grex fidi sui pastoris morti illachrymaretur, schola ingemisceret veri sui doctoris & magistri desiderio, omnes denique genuinum suum patrem

& con-



& consolatorem secundum Deum requirerent. Multi cupiebant semel adhuc eius quamvis mortui vultum intueri, à quo nec viuo nec mortuo poterant auelli. Non deerant etiam complures peregrini, qui quoniam eius coram videndi gratia venerant, neque hoc adhuc obtinere potuerant, quippe quem nemo tam citò moriturū putaret, vehementer auebant mortuum spectare, atque hoc valde flagitarūt. Sed tamen, vt improborū maledicentiæ & calumniis obuiā iretur, sub octauam horam matutinā conditum est corpus in ligneo loculo : secunda verò pomeridiana quemadmodum vulgo moris est, atque ipsè testamento cauerat, elatus est in commune cœmeterium, cui à Plano Palatio nomē est, absque vlla prorsus funeris pompa & apparatu. Cadaver ipsū maxima ciuitatis pars atque frequentissima omnium ordinum turba comitata est, eò diutius illum defleturis omnibus, quo minus spei est, saltem non nisi post lōgum tempus, tantam & tam luctuosam iacturam refarciri posse. Vixit in hoc mortali æuo, ANN. L V. M E N. XI. D I E S XVII. cuius quidem temporis dimidiā omnino partem in sancto ministerio trásegit & concionando & scribendo, ita vt doctrinæ, quam à primo functionis suæ die annuntiare cœpit, nihil penitus vnquam, vel addiderit, vel detraxerit, nihil etiā immutarit: eo Spiritus Dei præsidio & robore fretus, vt cum improbus nemo securè & intrepidè audire, bonus verò non & amare & colere potuerit.

Supereſt, vt quemadmodum ſingulari Dei beneficio illi conceſſum eſt, tam eruditis & ſanctis lucubrationibus etiã mortuo nobiſcum loqui, ita etiam à tota poſteritate exaudiatur ad mundi vſque diſſolutionem, quum videlicet Deum videbimus qualis eſt, æternùm cum ipſo victuri & regnaturi. Quod vt ita ſit, faxit idem Dominus. Genevæ, 17 Auguſti, anno Domini 1564.

EX

EX MULTIS EPITAPHIIS IN  
D. Io. Caluinum passim scriptis, hæc de-  
mum nunc visum est feligerè, quæ hîc  
apponerem.

הקינה הזות במות הרב יוחנן קלוינוס  
קונן תלמידו הצעיר המבנה קול ריאות

הַכְּנִים בֶּן-נוֹן הַבְּגִיד בְּיָמָיו ,  
בְּבֶשׂ חֵלֶק הַזֹּהִיר בְּטָרֶם סָף :  
בְּאֵל עֲשֵׂה קְלוֹיִנוֹס לְעַמּוֹ ,  
וּבֶן רוּחוֹ אֶל-אֵל רוּחוֹת נְאֻסָּף :

ΦΡΑΓΚΙΣΚΟΥ ΤΟΥ ΠΟΡΤΟΥ  
εἰς Ἰωάννην τὸν Καθῆτον.

Οὐκ ἔσθης ἰερόν μερόπων φῶς, δῖε Ἰαννε,  
Ἀνθά μινος φέγγης δι' αἴτυγ' ἐς αἴθερίω.  
Ἡελίοις δὲ πόσοις γαίης ἔπι κάλλιπες, ὄσση  
Καθῆτῶν ὧ καμάτων εἰσι τεῶν σελίδες.  
Κεῖνό γε μὲν ἄναγεῦσι λεῶ ἄμα. εἰ γὰρ ἔτ' ἔζης  
Βασιλῶν, ἀπὸ θεοῖσι πᾶν σκότος ἔσκε δασαίς.

Τοῦ αὐτοῦ.

Καθ' ἑὶν ὄσος ἔης, πόντου πόροι, αἰάτ' ἀπείρων,  
Μάρτυρες, ἀκτίνων σῶν ἴκετ' ἔνθα σέλας.  
Μάρτυς δ' ἑπταλόφοιο δράκων Ρώμης βικάρως,  
Οσυγὸς ἀνοβαρῆς Ταρταρέοιο γόνος.  
Οὐ σὺ δάμνας πληγαῖσιν ἀφκέσιν, ὅππῳτ' ἀέθλας  
Ζῶων πρῶτοδαποις ἀν' ἔθνα γ' ἔξετέλης.  
Νιῶ δ' ὅ σε' οἰχομένης σμερδνὸν λόφον ὑψίσ' αείρη,  
Φωλεὸς Ἐξαναδὸς θυρῶν δ' ἔχλωε Φάρυγξ  
Γοιμνίῳ ἀμφὶ τεῶ. ὄλοσόν τερας, ἀλλὰ μέμνησο,  
Ἰλιον Ἡρακλέους ὡς ἐσέλω βήεσιν.

Τοῦ αὐτοῦ.

Τίς δὴ ποιμνέει λαοὺς ἔτι; τίς ποτὶ κρέαντα  
Ἀξὺ Νιῶ καθαρὸν ἀνάματος ἀένδου;  
Τίς δέ κε θυμοδόρον ἀπαλήκει κήδεα νούσων;  
Αὐλῆς ἢ ἐλύκει εἴρζετ' ἀπ' ὠμοδόροις;  
Ὡχετο δὴ λαμπερὸν γαῖης φάος, ὦχετο ποιμνὶ  
Καθ' ἑῖνος, ψυχὰς βόσκειν ὅς ἀμβροσίη.  
Τοιγὰρ δακρυχέει ῥοδάμοι κάρα, καὶ σοι ἀχέουσιν  
Ἐθνεα πᾶσι γ' ἀγῶης οἷς μὲν δὴ δυσεβίης.  
Οὐρανὸς δὲ ἀμέγας πολυδαίδαλος, ὧ ἔνι λάμπει,  
Τέρπετ' ἀγαλμα Τσόνδ' ὄψι κρημιασάμενος.

# ΕΡΡΙΚΟΥ ΤΟΥ ΣΤΕΦΑΝΟΥ

εἰς τὸν αὐτόν.

Ὁς δηρὸν Χειροῦ σαδιοδρόμος ἠὲ ἐν ἀγῶνι,  
Κολυβῖνος, κείται τῆδε βραβεῖον ἑλών.

Τοῦ αὐτοῦ.

Ἐκ τὸν ἔτος θνήσκῃ καὶ πεντήκοντ' αἰύσας  
Καλυβῖνος, πλεόνων ἀξίος ὢν ἑτέων.

Ἀξίος ἠὲ πλεόνων, τούτου δὲ θεοσδύτου αἰδρός  
Ἀξία οὐχ ἡμῶν ἠὲ ἀχρεισσῶν.

Τοῦ αὐτοῦ.

Γαππολάτρευα, τί τόσον τούτου μύρα βύχετά αἰθεῖ,  
Ὡς περ φουρνῖνες ἀπαξ τῆδε παλαμοσιῶν;  
Κεῖται ὅς πληγαῖς ὑμᾶς κατέκρησε παλαμῆς  
Πολλάκι παμπύλλας, παππολάτρευα σκύλακες.

Ἀλλ' οὐπω τούτου θενόεντα παλάσματα κείται,  
Οἷς ἐπὶ τόσ' ὑμῖν ἀντιπάλασεν ἔτη.

Ὅπλα μὲν τούτου καὶ ἀπνόου ἔμπνοα ἔμπνης,  
Αἰδίον τε μὲν ἔμπνοα ὄντα χέρονον.

Τοῦ αὐτοῦ.

Ὡχετο Κολυβῖνος, ὡν δ' αὐτῷ ὦχετο ἀχλὺς  
Ἡ φρίν Χειρῶν ὄμμασιν ἀμφεχύθη.

Ωχετο Καλβῖνος, σιωπῶχετο ψύδεα λυγρὰ,  
Απὸ τὴν Χριστιανῶν οὐασιν ἐγκατέδου.

Ωχετο κείνος ἀνὴρ, ὥχοντο δὲ καὶ λύχει ἀγνοί,  
Εὐθαδέδε δὲ λαίας οἱ ἐλάφουσσον οἷς.

Αλλ' οὐκ οἰχομῆροις ἀπραπὸς μία ἐπλετο τούτοις.  
Εἰς γὰρ ὄλυμπον ὁ μὲν, τοῖ δὲ αἰδὸς δε εἶσαι.

### IN EVNDEM TH. BEZA.

*Te viuo, Caluine, fuit mihi viuere dulce:*

*Hei cur non licuit te moriente mori.*

*Et tamen est, fatcor, grata hoc mihi nomine vita,*

*Quòd, tibi quas fundam, sufficiat lacrymas.*

*Viue igitur, Beza, in luctus, tibi vt vsque peren-*

*Caluini in tumultu vita ministret aquas. (nes  
Iunctura absenti donec te rursus amico*

*Mors, pariter vitam finiat & lacrymas.*

### A. CEVALLERII IN EVNDEM.


*Chara quibus fuerit Caluini vita, laborum*

*Gratior eiusdem vita perennis erit.*

*Hac siquidem viuit morti tumultoque superstes.*

*Et sacrum Christo pascit, vt ante, gregem.*

# LECTORI.

 Via nemo piorum reperietur, cui pergratum non sit certò intelligere quosnam libros Ioannes Calvinus in lucé emiserit, quæque ab eo relicta fuerint scripta, & eo concionante excepta, ne quis hac in parte posthac fallatur, sicuti satis notum est in scriptis illustriù ac doctorum virorum accidisse, vt sub eorum nomine multa falsò obrepserint, & adulterina: opere præritum fore visum est hîc attexere catalogum rum librorum omnium, qui Latinè ac Gallicè iam in publicum prodierunt: tum etiam eorum qui nondum editi sunt in lucem, quorum saltem meminisse licuit. Qui autem nondum conuersi sunt in Latinum sermonem, hac nota indicantur \*.

## CATALOGVS LIBRORVM

*à Ioanne Caluino conscriptorum.*

Qui iam in vetus Testamentum extant  
Commentarii.

In Genesim.

In quatuor alios Mosis libros, in formâ Harmoniæ digesti.

In librum Iosue.

In omnes Psalmos.

In Isaiam.

Prælectiones.

In Ieremiam.

In Daniele.

In duodecim quos vocant minores Prophetas.

In nouum Testamentum extant etiam  
Commentarii.

In tres Euangelistas, in formam Harmoniæ digesti.

In Ioannem.

In Acta Apostolorum.

In omnes Pauli Epistolas.

In Epistolam ad Hebræos.

In Canonicas Petri, Ioannis, Iacobi, & Iudæ.

C A T A L O G V S    C O N C I O N V M

Gallicarū quæ extant, vt exceptæ fuerunt dum publicè concionaretur.

\*In librum Iob.

\*In decem Legis præcepta.

\*In Psalmum 119.

\*In Canticum regis Ezechia, ex 38. Isaia.

\*In aliquot capita Harmoniæ trium Euangelistarum.

\*In decimum & vodecimum cap. prioris ad Corinth.

\*In Epistolam ad Galatas.

\*In Epistolam ad Ephesios.

\*In Epistolas ad Timotheum & Titum.

\*Item conciones aliquot de Christi Natiuitate, Passione, Morte, Resurrectione, & in cælos Ascensu.

Conciones quatuor nostris temporibus peritiles.

\*Concio in cœtu publico (quam vulgè vocât Cōgregationem) habita de Prouidentia & æterna Dei Electione.

Conciones in vetus Testamentum, quæ nondam extant.

\*In Genesim.

\*In Deuteronomium.

\*In duos Samuelis libros.

\*In librum priorem Regum.

\*In complures Psalmos.

\*In librum Iosue breues quædam summa exceptæ quum in cœtu publico paucis tractaret quod propositum erat.

\*In Isaiam.

\*In Ieremiam.

\*In Ezechielem.

\*In posteriora octo Danielis capita.

\*In septem ex duodecim Minoribus Prophetis.

In nouum Testamentum.

\*Conciones etiam aliquot in Harmoniam trium Euangeli-



gelitarum.

\*In Acta Apostolorum.

\*In 2. Epistolas ad Corinthios.

\*In 2. Epistolas ad Thessalo.

\*In aliquot capita Epistolæ ad Hebræos.

Prælectiones nondum editæ Gallico  
sermone.

In Psalmos à 37. ad finem vsque.

In Ieremiam.

In priora 20. capita Ezechielis nondû Gallicè ne Latinè.

C A T A L O G V S A L I O R V M L I -

brorum, quos seorsum variis temporibus  
scripsit, ac in lucem emisit.

Commentarius in Senecam de Clementia.

Institutio Christianæ Religionis.

Psychopannychia.

Epistolæ duæ, prior de fugiendis impiorum illicitis sa-  
cris: altera de Christiani hominis officio, &c.

Responsio ad epistolam Sadoleti Cardinalis.

De Cœna Domini.

Epinicion Christo cantatum.

Catechismus Ecclesiæ Geneuensis.

Formula Sacramentorum administrandorum cum publi-  
cis precibus.

Defensio sanæ & orthodoxæ doctrinæ contra Pighium  
Campensem.

Scholia in admonitionem paternam Pauli tertii Romani  
Pontificis.

Antidotum ad articulos Facultatis Theologiæ Parisiensis.

De necessitate reformandæ Ecclesiæ.

Instructio aduersus errores Anabaptistarum, Libertino-  
rum, &c.

Admonitio qua ostenditur quàm è re Christianæ Reipub.  
foret, Sanctorum corpora & reliquias velut in Inuentarium redigi.

De vitandis superstitionibus.

Excusatio aduersus Pseudonico demitas.

Antidotum ad Acta Synodi Tridentinæ.

## C A T A L O G U S .

Vera Christianæ pacificationis & Ecclesiæ reformandæ ratio.

Admonitio aduersus Astrologiã, quam vocât Iudiciariam.  
Consensio mutua in re Sacramentaria.

De scandalis.

De æterna Dei Prædestinatione, & de Prouidentia.

Defensio orthodoxæ fidei de sacra Trinitate, contra prodigiosos errores Michaelis Serueti Hispani.

Admonitiones tres ad V Vestphalum.

Aduersus Heshuffium, & Stancari errorem.

Aduersus Valentinum Gentilem.

Responsio ad calumnias nebulonis cuiusdam.

Breuis responsio ad diluendas nebulonis cuiusdã calūnias.

\*Congratulatio ad venerabilem presbiterum Gabrielem Saconnæum.

Responsio ad versipellem quendam Mediatorem.

Responsio ad Balduini conuitia.

Breuis admonitio ad fratres Polonos.

Epistola quæ fidem huius admonitionis apud Polonos confirmat.

\*Responsio ad Holandum quendam.

\*Censura qua silentium imponatur cuidam nebuloni Antonio Cathalano.

\*Confessio fidei nomine puriorum Ecclesiarum quæ sunt in Gallia, belli tempore conscripta, vt imperatori offerretur, &c.

Præterea supersunt plurimæ literæ, consilia, admonitiones, & responsa tum Latinè, tum Gallicè scripta ad varia hominum genera, in quibus variis de rebus agitur, & ex quibus (si quando, fauente Deo, in lucem edantur) multo clarius perspicietur, quali ingenio, dexteritate, iudicio singulari, & donis planè diuinis & admirandis præditus fuerit vir pius & fidelis Christi seruus.

A R G.

ARGUMENTVM IN  
librum Iosue.

**D**E authore libri huius præstat iudicium suspendere, quam temere quidquam affirmare de re incerta. Qui existimant fuisse Iosue, quia inscribitur eius nomen, nituntur leui & infirma ratione. Nam & sacra historia impositum fuit Samuelis nomen, ubi tamen contextitur eorum narratio, quæ sequuta sunt eius mortem. Et certe liber ordine proximus non ideo vocatur Iudicum, quòd fuerit ab ipsis conscriptus, sed quia res eorum gestas commemoret. Iam verò quæ de expugnatione Hebron & Debir narratur historia cap. 15. posterior est eius morte. Magis probabilis coniectura est, ab Eleazar summo sacerdote, collectas fuisse rerum summas, ex quibus volumen hoc fuit cõfectum. Proprie enim erant eius partes, non modò viua voce etatis sue populum docere: sed testatam quoque ad posteros facere Dei gratiam in Ecclesia conseruanda, ut vera religio melius propagaretur. Et antequam degenerassent Leuita, fuerunt ex illo ordine actuarii, qui in perpetua monumenta referrent quidquid memoratu dignum erat in Ecclesia gubernatione. Verùm quod nobis compertum non est, neque adeo cognitu necessariũ, in medio relinquere ne pigeat: modò quod præcipuum est nobis constet, doctrinam quæ hic cõprehenditur, à Spiritu sancto in usum nostrũ esse dictatam, ex qua non vulgaris fructus percipi ab attetis lectoribus potest. Quãuis enim populus in-

Eleazar d  
summa

Actuarii  
ref.

Actuarii  
ref.

signes viatorias iam adeptus, in regione satis com-  
 moda & mediocriter fertili habitaret: suspēsa tamen  
 adhuc manebat Dei promissio, quoad terram Cha-  
 naan. Imo præcipuum fœderis caput effectu adhuc  
 carebat: ac si Deus coniecto in retractum angulum  
 populo, opus suum deseruisset mutilum ac deforme.  
 Hic ergo liber demonstrat, quum intolerabilis popu-  
 li impietas cursum abruptisset liberationis, Deum ta-  
 men in pœnis exigendis sic tēperasse iudicii rigorem,  
 ut præstiterit tandem nihilominus quod pollicitus  
 fuerat de hereditate terra Chanaan. Vbi etiam oc-  
 currit apprime utilis consideratio: quamuis homi-  
 nes morte abrepti deficiant in medio cursu, Dei fi-  
 dem nunquam intercidere. Ex Mosi interitu im-  
 pendebat tristicis cōuersio. Relictus erat populus tan-  
 quam corpus suo capite truncatum. In hoc dissipati-  
 onis metu non tantum apparuit immortalis Dei  
 veritas, sed in persona Iosue tanquam in illustri spe-  
 culo patefactum fuit, ubi auferit Deus e medio quos  
 singularibus donis ornauit, in manu eius esse alios  
 quos substituatur: neque si ad tempus vult quosdam  
 excellere, ipsis alligatam esse eius virtutem, quin re-  
 periat quoties visum fuerit successores, imo suscitetur  
 ex lapidibus qui ad præclaras res gerendas sint ido-  
 nei. Principio quum traiectus maris rubri quadra-  
 ginta annis quibus Deus populum circumduxerat  
 in deserto, fere obsoleuisset: eodem miraculo in Iorda-  
 ne edito continuus liberationis tenor de integro san-  
 citus fuit. Circumcisio vero renouata perinde valuit,  
 ac si fœdus suum Deus fœda populi incuria obrutum  
 vel de desperatione abiectum rursus stabiliret. Sequi-  
 tur, quomodo Dei manu in possessionem terra pro-  
 missa

missa deducti fuerunt. Prima urbis expugnatio ar-  
rha fuit perpetua quam sperare debebant Dei vir-  
tutis, dum solo tubarum clangore quatefacti muri  
Iericho sponte corruerunt. Neque tamen uno præ-  
lio aut exigui tēporis militia profligatae fuerunt gen-  
tes: sed paulatim multis laboriosis certaminibus at-  
trita ac deleta. Vbi etiam notandum est, obiectas  
populo fuisse arduas difficultates, dum reges consti-  
ratione facta, & collectis viribus obviam progressi  
sunt: quia non modò cum singulis populis bellandum  
fuit, sed cum ingenti multitudine, quæ uno impetu  
Israelitas obruere poterat. Verùm huc tandem re-  
ciderunt violenti illi conatus, ut dum superior emer-  
git Dei potentia, clarior etiam in defensione electi  
populi enituerit misericordia & fides. Certe continui  
foelicitatis progressus, & tot incredibiles victoriae  
manum eius quasi è cælo extentam palam repre-  
sentarunt. Præcipuo autem documento cognitum fuit,  
eos sub Dei auspiciis militare, quòd solis cursus ad  
solum Iosue votum cohibitus fuit: ac si elementa in  
eius auxiliùm armata præsto ad obsequium adessent.  
Iam quanvis tardior de bellandi successus utile fue-  
rit constantia populi examen: tenendum tamen est  
admirabile Dei consilium: de quo tempestive admo-  
niti fuerant à Mose, ne tædio fatiscerent: noluisse  
gentes momento deleri, ne fera bestia in regionem  
vacuam irrumperent. Verùm quum optimè Deus  
hoc modo in posterum consuleret eorum securitati:  
quod statuerat sua prauitate in perniciem suam ver-  
terunt. Nam satis amplum spacium ad commodam  
habitationem, ut quædam putabant, nacti, flagitiose  
ignavia retro cursum flexerunt. Quod unum cri-

men plura secum traxit. Nam & Deo cui nomen dederant, ad complendum militiae cursum immorigerifuerunt ac perfidi, non secus ac fugitiui milites, qui militaris sacramenti immemores, signa turpiter deserunt. Iam terra dominium quod diuinitus oblatum erat, scelestâ ingratitudine repudiarunt, partem duntaxat amplexi. Adhæc, quum iussi essent terram sanctam inquinamenti omnibus purgare, ne qua profanatio puri & legitimi cultus maneret: passi sunt impias superstitiones quas Deus abominabatur, pro more grassari. Præterea quum scirent salutis suæ fuisse prospectum, ne gentibus permixti eorum fallaciis & insidiosis artibus illaquearentur, quasi data opera periculū appeterent, eas tanquam exitialis incendii materiam reliquerunt. Quod vero poena denunciatione territi non fuerunt, in eo se prodidit obstinata eorum incredulitas. Atqui tandem experti sunt Deum non frustra minitatum fuisse, gentes illas quibus male pepercerant, fore illis in spinas & aculeos. Assiduis enim incursionibus fuerunt vexati, rapinis expilati, & tandem tyrannica violentia ferè oppressi. Denique per eos non stetit, quominus irrita caderet Dei veritas. Quanquam hæc de re potest moueri quæstio: quia si promissio Abrahæ data non nisi in mero eius beneplacito fundata fuit: qualiscunque esset populus, eius culpa labefactari absurdum fuit. Quomodo igitur hæc conciliabimus, populum iustâ & solida hereditate non fuisse potitum, & tamen Deum fuisse veracem? Verum adco concussa non fuit, vel dissipata vel ullo modo imminuta Dei fides, ut hinc melius appareat, quantus sit artifex, qui pro incōprehensibili sapien-

ria lucem è tenebris nouit eruere. Dictum fuerat  
 Abrahæ, *Semini tuo dabo terrã hanc à fluuio Æ-*  
*gypti usque ad fluuium magnum Euphratem.* Effe- Gen. 15.  
 ctum Iosue affirmat instare ac iam adesse. *Atqui* 18  
*desidia fracti ad fines illos non perueniunt: imo spon-*  
*te se in angustias coniciendo, claustra quodammo-*  
*do opponunt Dei largitati. Visa fuit hoc modo eclipsis*  
*quadam obscurare Dei fœdus. Nec dubium est, quum*  
*multa anxietate laborauerint pie mentes, quum*  
*præcisum cernerent opus Dei. Verum ita sibi mode-*  
*ratus est in castigãdo populi scelere, ut tentatio gra-*  
*uis & periculosa in fidei adminiculũ conuersa fue-*  
*rit. Defectus ergo filius Dei admonuit, expectandum*  
*esse præstantiorem statum, in quo luculentior exta-*  
*ret Dei gratia, imò superatis obstaculis penitus ful-*  
*geret. Hinc ad Christum fuerunt erecti: unde etiam*  
*innotuit, à capite pendere integram Ecclesiæ fœlici-*  
*tatem. Ad eam rem adiuti fuerunt nouis prophetiis:*  
*Nã quod Iosue nũc ex antiquo fœdere repetit, Psal-* Psal. 72,  
*mus ad regnum Messie transfert: quia in id tempus* & 89  
*distulerat Deus plenam terræ fruitionem, quò re-*  
*gnum filii sui illustraret. Eius rei specimen in Davi-*  
*de fuit editum, qui personam Christi gestabat: &*  
*tunc apparuit, non aliter stabiliri rataeque esse Dei*  
*promissiones, quam per manum Mediatoris. Nunc*  
*videmus nihil esse absurdi si Dei veritas, cui reme-*  
*ram iniecerat populi malitia, non nisi rectè composit-*  
*o Ecclesiæ statu, prorsus emerferit, quum scilicet in*  
*persona Dauidis obiecta fuit oculis populi Media-*  
*toris effigies, in quo sita est perfecta Ecclesiæ fœlici-*  
*tas. Interea mediocris ille fauoris Dei gustus ad fi-*  
*deles sustentandos sufficere debuit, donec plenius sa-*  
*tiarentur. Nec verò lusoria aut fallax partitio fuit à*

Iosua facta, & tribuum praefectis, quibus ea res mādāta erat: sed Dei mandato verè certòque diuisa fuit hereditas, in cuius possessione sua manu eos locauerat. Quae etiam in parte enituit foederis cum Abraham percussis sanctitas. Iacob sub vitæ exitum certas quibusdam filiorum suorum sedes destinauerat. Si sua cuique tribui simpliciter hominum arbitrio & suffragiis portio obtigisset: visi fuisset Patriarchæ auctoritatem sequuti. Atqui dum sortes quibus nihil magis foruitum censetur, vaticinium comprobant: nō minus quam si palam apparuisset Deus, sancita fuit donationis stabilitas claro effectu. Itaque postquam bello finem imposuit populi desidia, Rubenitas & Gaditas cum dimidia tribu Manasse domum liberos Iosue remisit tanquam emeritos. Sequitur memorabilis historia, ex qua liquet, quam animosi ad vindicandum Dei cultum fuerint Israelitæ, qui in terra Chanaan habitabant. Nam quum fraternæ societatis monumentum crexissent duæ istæ tribus & dimidia, putantes illi aliare sacrificandi causa fuisse extructum, quod nefas erat, bellum statim decernunt, ac statuunt suos consanguineos potius delere, quam ut adulterino cultu scindatur religio. Simul tamen laudatur eorum moderatio, quòd sicuti repente ad arma suscipienda sancto zelo accensi fuerāt, ita accepta satisfactione facile placantur. In fine libri exponitur, quā in opere sollicitus fuerit Iosue de propaganda Dei gloria, & quam diligenter conatus sit, populi leuitati & perfidia occurrere. Huc tendunt grauissima nō exhortationes modò, sed obtestationes: praesertim verò foedus solenni ritu & iureiurando renouatum.



# Ioannis Caluini

## IN LIBRUM IOSVE

*breuis Commentarius, quem paulò ante  
mortem absoluit.*

### CAPVT I.

**V**IT autem post mor-  
tem Mosis, vt Iehoua al-  
loqueretur Iosué dicēdo,  
Moses seruus meus mor-  
tuus est: nunc ergo surge, traice Ior-  
danē iustum tu, & omnis hic populus,  
ad terrā quam ego do illis, nempe fi-  
liis Israel.

3 Omnem locum quem calcauerit  
planta pedis vestri vobis dedi: quem-  
admodum loquutus sum Mofi,

4 A deserto & Libano isto vsque  
ad flumen magnum, flumen Euphra-  
ten, tota terra Hitthæorum vsque ad  
mare magnum ad occasum solis, erit  
terminus vester.

1 *Fuit autem.*) Primo hic ostenditur Dei perseverantia in fouendo populo, curandaque eius salute. Quod enim Iosue nouum ducem repetitis mandatis confirmat, pertinet ad continuandum gratiae cursum, ne Moſis obitu se derelictos esse putent. Iam quidem electus erat Iosue ad gubernandum populũ, neque munus iniunctum duntaxat, sed spiritualibus quoque donis ipse fuerat instructus. Verum quia fortissimi etiam quique, licet probè comparati, vbi ad rem ventum est, vel subsistunt, vel vacillant: minimè superuacua fuit hæc exhortatio, vt Iosue mox ad expeditionem se accingeret. Quanquam non tantum eius causa iterum sancitur eius vocatio: sed vt populus collectis animis eum sequi ducem non dubitet, quem videt pedem non mouere nisi præeunte Deo.

2 *Seruus meus Moſes.*) Duplex elici potest sensus: prior erit, quãdo quidem Moſes est mortuus, nunc onus in te deuolutum est. Tu ergo subeas in eius vicem, cui datus es successor. Alter, Quamuis interierit Moſes, ne tamen desistas, sed ulterius perge. Verum illatio magis mihi probatur, vt prouinciam ex qua decesserat Moſes, ipse suscipiat successionis iure. Epitheton *Serui* quod Moſi adscribitur, gubernationem populi respicit, ac res eius gestas: quia accommodari debet ad circumstantiam loci. Neque enim de Lege hic agitur: sed de præfectura, quæ eo mortuo transferat ad Iosue. Ac Deus quidem non tam vt Moſen laudet, ministrum suum agnoscit, quam vt stabilietur authoritas Iosue, qui in eius locũ iam

erat

erat subrogatus. Porrò quia fortè in nudo præcepto non satis acquieuisset populus: vbi iussit Iordanem traicere, promittit pacatos fore dominos totius regionis, quocunque pedem intulerint. Nam sicuti nihil nos magis ignauos & inutiles reddit quam diffidentia: ita vbi fœlicem euentum nobis proponit Deus, vigorè ad quiduis aggrediendum inspirat fides. Adde quòd non incipit nunc demum promissione ante inaudita eorum animos ad bene sperandum erigere: sed in mentem reuocat, quod antè illis testatus fuerat Mosès. Dicit ergo iam venisse tempus, quo præstet atque exhibeat quod antè pollicitus fuerat Mosi. Si quis obiiciat, Abrahæ longè ante natum Mosèn id fuisse dictum: imò propriè à perpetuo fœdere, quod penes Abraham depositum erat, fluxisse quidquid quatuor pòst seculis audiuit Mosès: respondeo, præteritam esse vetustam promissionem, quæ passim nota erat ac celebris: Mosèn verò testem produci, cuius recètior erat memoria, & cuius morte quatefacta fuisset populi fides, nisi pronunciaisset Deus omnium quæ dixerat effectum præito esse.

4 *A deserto & Libano.*) Quomodo huius promissionis veritas & effectus emerferit supra obstacula malitiæ populi, neque tamen ipse ita potitus fuerit tam ampla ditione, in præfatione exposui. Neque enim si inæstimabiles suæ beneficiæ thesauros explicuerat Deus, eos constituèdo terræ dominos, ideo non castiganda fuit eorum segnities. Imò quod illis minitatus fuerat Mosès impleri oportuit: nisi gentes exi-

tio addictas delerent, fore illis spinas & aculeos, quibus latera & oculi eorum configerentur. Cæterum, vt remora quadraginta annorum, quibus circumducti sunt per desertum, minimè cassa fuit vel irrita promissio: ita possessio integra quâuis diu suspensa fuerit, nihil de fide decreti, quo adiudicata fuerat, mutauit. Licuit populo ad præscriptos limites tempestiuè progredi: noluit. Dignus certe fuit qui prorsus expelleretur. Atqui Dei indulgentia concessa est regio, quæ ad commodam habitationem sufficeret. Et si verò prædictum fuerat, iusta mercede infestas illis fore quas seruassent reliquias, nihil tamè molestiæ perpessi sunt, nisi quum sua perfidia & continuis propè defectionibus iram Dei prouocauerant. Quoties enim res illis fuerunt prosperæ, statim ad lasciuiam defluerunt. Verùm admirabili interea Dei bonitate factū est, vt oppressi hostium violentia, & quasi in sepulchrū demersi, in morte tamen viuerent: neque id modò: sed vt subinde existerent liberatores, qui præter spem rebus perditis succurrerent. Mare magnum vocatur mediterraneū, cui opponitur terra Hitthæorum: sicuti Libanus Euphrati, modò sciamus sub Libano comprehendi desertum, quemadmodum ex alio loco patet.

5 · Non consistet quisquam contra te cunctis diebus vitæ tuæ: quia sicuti fui cum Mose, ita ero tecum: nō te dereram, nec derelinquam.

6 Confirmare ergo, & roborare: quia tu in hæreditatem diuides populo huic terram, de qua iuravi patribus eorum me daturum illis.

7 Tantum confirmare & roborare vehementer: vt custodias & facias secundum totam legem quam præcepit tibi Moses seruus meus: non recedes ad dextram vel ad sinistram, vt  
 \*prudenter agas in omnibus.

8 Non recedat liber legis huius ab ore tuo: sed mediteris in eo die & nocte, vt custodias & facias, secundum id totum quod scriptum est in eo. Tunc enim secūdas reddes vias tuas, & tunc prudenter ages.

9 Nonne præcepi tibi, vt te confirmes, & te robores? ne formides neque animo frangaris: quoniam tecum sum ego Iehoua Deus tuus in omnibus ad quæ tu pergis.

5 *Non consistet.* ) Quia negocium inistabar cum multis & bellicosis hostibus: hac speciali fi-

ducia necesse fuit Iosue instrui. Alioqui quod de tradenda terra pollicitus fuerat Deus, subinde hæc cura obnubilasset: at verò quantæ molis erit tot gentes profligare? Ergo tollitur illud impedimentum. Ac quò melius dubitationem eximat, victorias Mosis proponit, quibus palam fecerat Deus sibi in prosternendis quibuslibet copiis & viribus, nihil fore negocii. Iubetur ergo Iosue in suppetiis quas Deus Mosis tulerat perspicere, qualis futurus esset bellorũ euētus, quæ eodem duce & authore ipse suscepturus erat. Nam successioni continua gratiæ series annectitur. Quod sequitur tamen in eundem finem tendit, verbis tamen latius patet, *Non te deseram*. Itaque Apostolus ab auaritia retrahere volēs fideles, ad sollicitudines quaslibet pacandas, & corrigendos omnes nimios timores eam accommodat. Et certe diffidentia quæ ex anxietate nascitur, tantum fatagendi ardorem in nobis accendit, vt miserè tumultuemur in minimis quibusque periculis, donec statuerimus, & Deum nobis affore, & ad nos tuendos satis superque in eo fore præsidii. Et verò vbi non aliud timiditati nostræ sanandæ remedium præscribit, præsentiam sui auxilii debere nobis sufficere admonet.

Hebr.  
33-5

6 Confirmare ergo.) Subiicitur exhortatio ad fortitudinem, & quidem repetita, quò vehemētius afficiat. Quāquam adhuc interponitur promissio aliis verbis, vbi suæ vocationis certior redditur Iosue, ne dubitanter prouinciam suscipiat, quam sibi diuinitus iniunctam esse nouit: aut etiam si cum obstaculis luctandum sit, ne in medio

dio

dio cursu vacillet. Neque enim satis fuisset, strenuè se initio accingere, nisi probè simul fuisset comparatus ad perseuerantiam. Et si autem fidei proprium est, nos animare ad strenuè agendum, sicuti rursus ignauia & celsatione detegitur incredulitas: colligere tamè licet ex hoc loco, non satis vigere nudas promissiones, nisi accedat exhortationum stimuli. Nam si Iosue, cuius singularis alioqui erat alacritas, ad præstandū officium incitandus fuit: quanto acrius nos pungi oportet, qui tāta pigritie laboramus? Adde quòd non semel, nec vno verbo exigitur robur & cōstantia à Iosue: sed quia multis & variis certaminibus exercendus erat, sepius & pluribus verbis confirmatur. Iubetur forti & infracto esse animo. Quauis ex duobus verbis pateret, de re maxime seria Deum præcipere, tamen hac duplicatio- ne non contentus, eandem mox sententiam iterat cum amplificatione: quia adiūgit aduerbium *valde*. Discamus itaque ex hoc loco, nunquam arduis & difficilibus negotiis exequendis nos fore pares, nisi summa contentione nitamur: quia & imbecilla est nostra facultas, & Satan duriter nos oppugnat, & nihil procliuius est, quam animos remittere. Ceterum, quia multi erratico vagoque conatu neruos frustra intendunt: additur vera fortitudinis ratio, vt Iosue suum omne studium applicet ad seruandam legem. Quo docemur, ita nos demum fore inexpugnabiles, si ad præstādum fidele Deo obsequium enitamur. Alioqui præstaret molles & lentos iacere, quam præcipiti audacia ferri. Porro non simpliciter

*Handwritten marginal note*

*Handwritten marginal note*

*Handwritten marginal note*

*Handwritten marginal note*

*Handwritten marginal note*

Deus seruum suum vult esse fortem ad Legem seruandam: quin potius eum viriliter contendere iubet, ne sub onere laboriosi muneris fatiscat: sed quia obrepere poterat dubitatio, quomodo se expediret in rebus perplexis, & quodnam caperet cōsiliū: ad Legis doctrinam eum reuocat, quia se illic præeuntem sequendo, satis ad omnia erit instructus. Prudenter, inquit, ages in omnibus, modò te sub Legis magisterio contineas. Quamquam verbum Hebraicum שכל, non tantum prudenter sed etiam fœliciter agere significat, quia uix plurimum temeritas infortuniis plectitur. Quidquid sit, ita certius animatur ad sperandum Dei auxilium, si rotum se eius doctrinæ addicat. Magnopere enim refert, ubi ad nos terrendos impendent pericula, posse nos statuere, Deo probari quidquid agimus, quia aliud nihil sit nobis propositum, quam obtemperare eius mandatis. Porro quia non sufficeret aliquatenus parere Deo, modestiam & sobrietatem commendat, qua Iosue retineatur in simplicitate obediētiae. Multi enim quibus rectus aliqui est affectus, interdum sibi plus sapere permittunt quam liceat: vnde fit, ut per negligētiam multa omittant, vel Dei præceptis admisceāt sua consilia. Quod ergo generaliter omnibus vetitum fuit in Lege, ne quid adderent vel detraherent: nunc Deus ad Iosue præcipuè accomodat: quia si priuatis hominibus hæc vna est vitæ formandæ ratio, multo magis necesse est, qui populo gubernando præsumt, Deo se subiicere. Quod si hoc modestiæ fræno opus habuit tan-



tus vir, ne metas suas transcenderet: quam intolerabilis audaciæ erit, si nos qui longè ab eo absumus, plus nobis sumamus licentiæ? Nominatim verò hoc seruo suo præscripsit Deus, vt qui honore excellût, se tamen eadem sciant lege teneri, qua vulgus ignobile.

8 *Non recedat.*) Assidua quoque præcipitur Legis meditatio: quia vbi vel ad exiguum tempus intermittitur, facile obrepunt multi errores: & memoria contrahit rubiginem, vt multi abiecta studii continuatione, quasi noui & rudes ad negocia accedât. Iubet ergo Deus seruum suum quotidianos facere progressus, vt tota vita in Lege proficere non desinat. Vnde sequitur, eos quibus fastidio est hoc studium, intolerabili arrogantia esse excæcatos. Verùm cur ab ore magis quam ab oculis vetat Legem recedere? Quòd de facie quidam accipiunt per synecdochen, frigidum est. Itaque non dubito, peculiariter hoc quadrare eius personæ, qui non tantùm sibi priuatim, sed toti populo cuius regendi curam sustinebat, studium de quo agitur debebat impendere. Sic ergo iubetur attédere ad Legis doctrinam, vt pro munere sibi imposito in communem populi vsum proferat quod didicerit. Interea iubetur sua docilitate aliis dare parendi exemplum. Multi enim concionando, Legem in ore habebunt, qui pessimi interea erunt eius custodes. Vtrumque ergo mandatur, vt alios docendo, suos quoque mores & se totum ad eandem normam formet. Quod sequitur in altero membro versus, ostēdit profanis hominibus tandem

*Assidua  
Legis  
meditatio*

*Non recedat  
de ore  
magis  
quam  
ab oculis*

infœliciter cessurum, quidquid spreto Dei verbo tentabunt: & quanuis læta principia interdum arrideât, fore tamen exitus maledictos: quia non aliunde quàm à favore Dei prosperos successus sperare licet, quo destitui æquum est consilia temere suscepta, omnem arrogantiam quæ semper coniuncta est cum ipsius Dei contemptu. Ergo fideles vt res illis ex voto fluant, Dei benedictionē sibi concilient tam discendi studio, quàm fidei obedientia. In fine versus quia ambiguum est verbum, vt nuper dixi: vel eadem repetitur sententia, vel additur secunda promissio: qui sensus mihi probatur. Optimè enim conuenit, post fœlicitatē promissam, simul Iosue cōmonefieri, homines nihil rectè, ordine ac scienter aggredi nisi quatenus se Dei verbo regendos subiiciunt. Itaque prudentia quam ex Dei verbo discunt fideles, eorum confidentiæ opponitur, qui sibi satis considerate ex proprio sensu agere videntur.

9 *Nonne præcepi.*) Quanquam sæpe Hebræi interrogando simpliciter affirmant, eaque phrasiss passim trita est: hæc tamen interrogatio emphatica est ad obfignandam superiorem doctrinam, dum producta in medium sua autoritate, dubitatione & cura serui sui animum Deus liberat. An nō ego sum qui tibi præcepi? inquit. Idem quoque tibi adero. Emphaticè nimirum, quia fas non est refragari eius imperio. Docet autem rursum hic locus, nihil ad fiduciam magis valere, quàm vbi Dei vocatione & mandato freti, eiusque probè nobis conscii, quò vocat ipsum sequimur ducem.

10 Tunc præcepit Iosue præfectis populi dicendo,

11 Trásite per medium castrorum, & præcipite populo, dicendo, Parate vobis annoná: quia post tres dies transibitis Iordanem hunc, vt intretis & possideatis terram, quam Iehoua Deus vester dat vobis possidendam.

12 Ad Rubenitas verò & Gaditas & dimidiá tribum Menasse loquutus est Iosue dicendo,

13 Recordamini verbi quod præcepit vobis Moses seruus Iehouæ dicendo, Iehoua Deus vester reddidit vos quietos, & dedit vobis terrá hanc:

14 Vxores vestræ, paruuli vestri, & pecora vestra residebũt in terra quam dedit vobis Moses trans Iordané: vos autem transibitis armati ante fratres vestros, quicumque erunt viri bellicosi, iuuabitísque eos,

15 Donec quietem præstiterit Iehoua fratribus vestris sicut vobis, & pos-

fideant ipsi quoque terram quam Iehoua Deus vester dat eis: & tunc redibitis ad terram hæreditatis vestræ, possidebitisque eam quam dedit vobis Moses seruus Iehouæ ultra Iordanem ad exortum solis.

16 Tunc responderunt Iosue, dicendo, Omnia quæ præcepisti nobis faciemus, & ad omnia ad quæ miseris nos, ibimus.

17 Sicut in omnibus obediuimus Mofi, sic obediemus tibi: tantum sit Iehoua Deus tuus tecum sicut fuit cum Mose.

18 Quisquis fuerit qui rebellaauerit ori tuo, nec verbis tuis acquieuerit in omnibus quæ ei mandaueris, interficiatur. Tantum confirmare & roborare.

10 *Tunc præcepit.* ) Dubitari potest, an post exploratores missos, adeoque ab ipsorum reditu promulgatum fuerit hoc edictum. Et certe mihi non modo probabile est, sed omnino persuasum, ubi ex eorum relatu cognouit quæ volebat, tunc demum de castris mouendis consilium cepisse.

Alioqui

Alioqui præpostera fuisset festinatio, viam incognitam arripere: siquidē vtile censebat, de multis rebus se prius doceri, quam pedem inferret in terram hostilem. Nec verò nouum est, temporis ordinem negligi, & quod omissum fuerat, deinde attexi. Ergo caput secundū erit tanquam parenthesis interposita, quæ plenius lectoribus explicet, quando tandem Iosue populum iusserit vasa colligere. Vbi ergo rebus bene compertis, vidit maturum esse progrediendi tempus, populum edicto iussit ad expeditionem se accingere. Ex tanta fiducia pronunciat, elapso triduo Iordanem transituros, nunquam id ausus fuisset, nisi spiritu suggerente. Vadum nemo tentauerat, nec spes ostendebatur posse id fieri. Neque ponte, neque nauibus traicere licebat. Et facilis nulliusque negotii erat prohibitio. Nihil ergo aliud restabat, nisi vt ipsos Deus mirabiliter veheret. Id Iosue non temerè neque ex proprio sensu, sed vt erat diuinitus patefactum, sperauit. In obsequii quoque pròptitudine enituit populi fides, quia tanta obiecta difficultate, nisi reiecta in Deum cura, nunquam ita fuissent morigeri. Nec verò dubium est, quin hanc alacritatē indiderit Deus eorum animis, vt obstacula omnia, quæ morari poterant promissionis effectum, tolleret.

12 *Ad Rubenitas.*) Concessa illis fuerat hæreditas trans Iordanem hac lege, vt in profligandis gentibus Chanaan eandē cum fratribus militiam obirent. Nunc ergo ad præstandam fidem ipsos hortatur Iosue, vt relictis vxoribus & pueris omnibusque impedimentis, Iordanem trai-

*Spiritus*

*quasi in*

*Iosue*

*re-*

*juramentum*

*ad trans-*

*populi*

*quasi in*


1  
suis
1  
compa
 ciant, nec finem bellandi faciant, donec fratres suos collocauerint in tràquilla possessione. Duobus autem argumentis eos ad officium extimulat, quorum prius ab autoritate ductum est, alterum ab æquitate. Cōmemorat ergo quid illis Moses præceperit, à cuius decreto fas non erat deflectere, quum omnibus probè compertum esset, nihil à seipso protulisse, sed tantum quod Deus ore suo dictauerat. Interea quod non exprimit obliquè subindicat, ex compacto etiam ipsos teneri, quoniam receperant se ita facturos. Iam æquitate proposita eos mouet, ne dispar sit eorum conditio, quibus eadem hæreditas communiter destinata erat. Minimè consentaneum esset, inquit, fratres vestros periclitari, vel saltem sudare bellum gerendo: vos autem in pacata statione commodis omnibus perfrui. Porrò quòd iubet præcedere, non eò tendit, vt primi confligant cum hostibus, & ad discrimina quælibet expositi plus oneris & molestiæ sustineât. Tantùm hoc modo ad pergendi alacritatem eos hortatur: quia terguerandi species fuisset, postremũ agmen tenendo, lente alios sequi. Ergo transire ante fratres, non est stare in acie: sed ordinem seruando studii promptitudinẽ testari. Nam certum est, vt erant in quatuor vexilla dispositi, ita fuisse progressos. Quòd autem viros bellicosos nominat, inde colligitur quod alibi clarius patebit, senibus & aliis parũ robustis permissum fuisse, domi sua negocia curare, vel ociari, si essent fracta & caduca valetudine.

16 *Tunc responderunt.*) Non modò acquiescunt

eunt, sed liberaliter & prolixè deferunt quod de-  
 bent obsequium. Atque hoc demum est ritè offi- offitium gale  
 cio perfungi, hilariter præstare quod Deus exi- ex. ut de,  
 git, non ex mæstitia, vt Paulus loquitur. Si quis quid p. l. m.  
 obiiciat, parum verecunde eos iactare, se Mosi 2. Cor. 9.7  
 fuisse obedientes, cui sæpe fuerant immorigeri,  
 respondeo, quanuis non semper quo decebat  
 ardore sequuti fuerint, tamen satis ad parèdum  
 fuisse compositos, vt non tolerabilis modò esset  
 eorum modestia, sed summa laude digna, si re-  
 putemus quàm superbè eorum patres tumultu-  
 tuati sint, & quanta peruicacia excutere conati  
 fuerint iugum sibi diuinitus impositū. Loquun-  
 tur enim non refractarii illi, à quibus se fuisse ex-  
 acerbatum conqueritur Deus in Psalmo: sed qui Psal. 97.  
 pœnarum exemplis subacti, placidè se submitte- 8. 9. 10.  
 re didicerant. II Quanquam non tam prædicant  
 suas virtutes, quàm extollunt authoritatem Io-  
 sue, dum profitentur eodem sibi loco fore, quo  
 Mosén habuerant. Votum quod subiiciunt simul  
 continet fiducia materiam: vt Deus adsit seruo  
 suo Iosue, sicut opitulatus fuerat Mosi. Ostédunt  
 enim se præsto fore ad bellandum sub auspiciis  
 noui ducis, quia persuasi sint Dei virtute esse in-  
 structum & auxilio, victorem fore sperent: sicuti  
 experti fuerant Deum sibi mirabiliter adfuisse  
 per manum Mosi. Hac porrò fiducia præditos  
 fuisse colligitur, tum quòd experimenta gratiæ  
 Dei commemorant ad se animandos, tum quòd  
 Iosue statuunt Mosi successorè, quoad fœlices  
 successus. Neque enim pondere caret epitheton,  
*Deus tuus*: sed ad continuandum gratiæ Dei cur-

sum pertinet. Forma tamen loquendi media est inter fidei gloriationem & votum. Quanquam ergo bonâ spem se in animis alere significant, tamen vt in re maximè ardua, simul ad preces se conuertunt. Certè dum mox eum vltro ad constantiam hortantur, se eiusdem fiducia comites ac socios fore demonstrant. Vbi notandum est, quanuis omnibus fortitudinis exemplar esset Iosue, eosque tam præceptis quàm factis animaret, vicissim tamen stimulos præcurrenti addi, vt sua alacritate melius populum incitet.

## CAPVT II.

I  Iserat autem Iosue filius Num è Sitthim viros duos exploratores clam dicendo: Ite considerate terram & Iericho. Profecti sunt igitur & ingressi sunt domum mulieris meretricis, cuius nomen erat Rahab, & dormierunt illic.

2 Dictum autem fuit regi Iericho, Ecce venerunt huc viri nocte hac è filiis Israel ad explorandum terram.

3 Tunc misit rex Iericho ad Rahab dicendo: Educ viros qui ingressi sunt  
ad



ad te, qui venerunt domũ tuam: quia ad explorandam totam terram venerunt.

4 Sumpserat autem mulier duos viros, & absconderat eos: Tunc ait. Venerunt quidem ad me viri, sed non noueram vndenam essent.

5 Fuit autem dũ porta clauderetur in tenebris, egressi sunt viri: nec cognoui quò abierint. Sequimini cito eos, quia comprehendetis eos.

6 Ipsa autem ascendere fecerat eos in tectum & absconderat eos sub culmis lini ab ea ordinatis super tectum.

7 Viri autem persequuti sunt eos itinere Iordanis vsque ad vada: portã verò clauerunt, simul ac egressi sunt qui eos persequabantur.

8 Antequam verò dormirent, ipsa ascendit super tectum ad eos.

9 Et ait ad viros: Noui quòd Iehoua dederit vobis terram eò quòd cecidit terror vester super nos, & quòd

defluerunt omnes habitatores terræ  
à facie vestra.

10 Audiuimus enim quomodo a-  
refecerit Iehoua aquas maris suph à  
facie vestra dum exiistis ex AEgypto:  
& quæ fecistis duobus regibus AE-  
morrhæi, qui erant trans Iordanem:  
Sihon & Og quos interemistis.

11 Audiuimus: & dissolutū est cor  
nostrum, neque constitit vltra spiritus  
à facie vestra. Iehoua enim Deus ve-  
ster Deus est in cælo sursum & super  
terram deorsum.

12 Nunc ergo iurate mihi quæso  
per Iehouam (feci enim vobiscum mi-  
sericordiam) quòd facietis etiam vos  
cum domo patris mei misericordiam,  
& dabitis mihi signum verum,

13 Quòd viuos seruabitis patrem  
meum, & matrem meam, & fratres  
meos, & sorores meas, & omnes qui  
sunt eorū, eruetisque animas nostras à  
morte.

14 Dixerunt ei viri: anima nostra pro vobis ad moriendum: modò non prodideris sermonem nostrum hunc: tunc erit, vbi tradiderit Iehoua nobis terrã, faciemus tecum misericordiam & veritatem.

15 Demisit itaque eos fune per fenestram: domus enim eius erat in pariete muri, & in muro ipsa habitabat. *Ligaturus iherosolimis*

16 Dixit autem eis: ad montem pergitte, ne forte occurrant vobis qui insequuntur, & latitate illic tribus diebus, donec redeant qui insequuntur, & postea ibitis per viam vestram.

17 Tunc dixerunt ei viri: Innoxii erimus à iuramento tuo hoc quo nos adiurasti.

18 Ecce quũ ingrediemur terram funiculum hunc fili coccinei ligabis in fenestra, per quam demiseris nos: patrem verò tuum & matrem tuam congregabis ad te in domum, & omnem familiam patris tui.

19 Erit autem, quicumque egressus fuerit è valuis domus tuæ foras, sanguis eius erit in caput eius, nos verò innoxii. quicumque verò tecum fuerit in domo, sanguis illius in caput nostrū si manus iniecta fuerit in eum.

20 Si verò prodideris sermonem hunc nostrum, erimus innoxii à iuramento quo adiurasti nos.

21 Respondit illa: Vt loquuti estis, ita fit. Tunc dimisit eos, & abierunt, ligauitque filum coccineū in fenestra.

22 Profecti venerunt ad montem, & manserunt ibi tribus diebus, donec reuenterentur qui insequuti fuerant, qui quæsierunt per omnem viam nec inuenerunt.

23 Reuersi ergo duo illi postquam descenderunt è monte transierunt, veneruntque ad Iosue filiū Nun, & narrauerunt ei quæcunque acciderāt sibi.

24 Dixeruntque ad Iosue: Tradidit Iehoua in manus nostras totā terram.

Diffoluti enim sunt omnes habitatores terræ à facie noſtra.

I *Miserat autem Iosue.* ) Alia fuit explorandi ratio de qua nunc agitur, quam superior dum Iosue cum aliis vndecim missus est, vt lustratis omnibus terræ plagis, de eius situ, natura, fœcunditate, aliisque dotibus, de vrbiũ amplitudine, & frequentia, de incolis, & eorum moribus ad totum populum referrent. Nempe quo se libentius ad expeditionem accingerent qui alioqui erant segniores. Etsi autem ex primo capite Deuteronomii apparet, Mosen flagitate populo mississe delectos viros qui terram inspicerent: alibi tamen refert, id Dei iussu se fecisse. Ergo & Deo authore profecti sunt illi duodecim, & in finem paulò diuersum, vt terra diligenter perspecta, excellentiæ eius præcones essent ad instigandos populi animos. Nunc autè duos clam mittit Iosue, qui considerent an liber pateat transitus nec ne, securine sint ciues Iericho, an ad resistendum parati & instructi. Denique speculatores mittit, ex quorum relatu præcaueat omnia pericula. Quare in vtranque partè agitari potest quæstio, probandumne sit eius consilium, an nimia sollicitudo damnanda: præsertim quia videtur plus æquo innixus fuisse suæ prudentiæ, dum inconiulto Deo tam circumspectus fuit ad cauenda pericula. Verum quia neque exprimitur, oraculo fuisse admonitum, vt vasa colligere iuberet, ac edictum promulgaret de transitu Iordanis: quum tamen res ipsa clamet, de castris mouedis non nisi præ-

eunte Deo cogitasse: probabilè quoque est, in mittendis speculatoribus sciscitatum esse quid Deo placeret: aut quia videbat ipse Deus hoc subsidio confirmationis opus esse, vltro tale consiliū seruo suo inspirasse. Quidquid sit, dum præcipit Iosue suis nunciis vt considerent Iericho, ad eam oppugnandam se cōparat: ideóque certior fieri cupit, qua parte facilior & tutior pateat accessus.

1 *Ingressi sunt domum.*) Cur nomen meretricis quidam fugiant, & הבית exponant quæ cauponam exercet, non video: nisi quòd probrosum esse ducebant hospitium scorti, vel eximere volebant à dedecore mulierem, quæ non tantum humaniter exceperat nuncios, sed fortitudine & prudentia singulari saluos præstiterat. Id quidem Rabinis solennè est, quò gentis suæ existimationi cōsulant, Scripturam audacter torquere, suisque commentis inuerrere quod minus videtur honorificum. Atqui verisimile est, dum fugitant nuncii hominum conspectum & frequentiam, ac celebritatem declinant, venisse ad mulierem quæ in obscuro recessu habitabat. Domus enim contigua erat vrbs muro: imò paries exterior domus in muro locatus erat. Vnde colligitur fuisse angulum ignobilem procul à foro: sicuti meretrices angiportus & loca solitaria vt plurimum incolunt. Nec verò consentaneum est, vulgarem fuisse cauponam, quæ promiscuè aperta esset quibuslibet, quia nec familiari colloquio tanta fuisset libertas: & difficilis ad eos occultandos ratio. Sic igitur statuo: dum se clanculum in-

sinuant,

finuāt, statim se in latebras abdidisse. Porrò quòd mulier ad turpem quæstum antè exposita paulo post in corpus electi populi coaluit, vt fieret Ecclesiæ membrum, id Dei gratiam magis illustrat, dum in lupanar penetravit, vt inde non Rahab modò, sed patrem quoque & fratres extraheret. Certe quum nomen *רחב* vbique fere scortum significet: nulla ratio hîc cogit à recepto vsu discedere.

2 *Nunciatum est regi.*) Probabilè est, vt dubiis temporibus, & in metu belli fieri solet, appositos fuisse custodes, qui suspectos hospites notarent. Propinqui erant Israelitæ, qui aperte professi fuerant apud Idumæos & Moabitas se in terra Chanaan sedem quærere: formidolosa erat eorum multitudo: cæsis duobus vicinis regibus amplam ditionem occupauerāt: celebris vt paulo post videbimus, erat fama de trāsitu maris rubri. Nimix ergo socordiæ fuisset, liberum transitum per urbem Iericho in finibus sitam, aduenis quibuslibet permittere in discrimine tam manifesto. Non ergo mirum est, homines incognitos, & quos multa indicia prodebant hostili animo venisse, statim fuisse ad regē delatos. Quanquam simul colligimus, fuisse diuinitus excæcatos, quòd portas diligentius non custodierint: quia facile erat, ex quo ingressi fuerant retineri, si mediocris adhibita fuisset sedulitas. Imò protinus examinari oportuit: atque ita nullo negotio fuissent deprehensi. Sic ergo trepidarunt ciues Iericho, vt Dei iudicio obstupefacti, nihil ratione vel consilio agerent. Interea in easdem fere ar-

gustias redacti sunt duo nuncii, acsi ad pœnam trahendi essent. Rex eos accersit: latent in caupona: vita eorum ex lingua mulieris non secus atque è filo pendet. Putarunt nonnulli, castigatam hoc modo fuisse diffidentiam Iosue, quia solo Dei ductu fretus debuerat securè traicere Iordanem. Verùm exitus in diuersam potius sententiam nos ducit, Deum ereptis è tanto discrimine nunciis, animos populo addidisse: quia in illo potentia suæ documento palam ostendit, se pro salute populi & foelici in terrâ ingressu excubare.

4 *Mulier accepit viros.*) Coniicere licet, antequam iussa fuerit Rahab eos repræsentare, sparsum fuisse rumorem de eorum aduentu, atque ita aliquantulum temporis datum fuisse ad eos occultandos. Et certe, audito regis mandato, nisi rebus ad fallendum probè compositis, non fuisset tergiuersandi locus: multo autem minus ausa fuisset tam securè mentiri. Verùm quia suos hospites sic texerat, vt difficilis esset inuestigatio, prodit intrepidè in medium, & callido responso se expedit. Iam hîc quæritur, primû fueritne excusabilis patriæ proditio: deinde an mendacium vitio caruerit. Scimus naturaliter ingenitum nobis esse patriæ amorem, quæ velut cõmunis est mater. Quùm ergo sciret Rahab de clade vrbis agi, cuius indigena & alumna erat, detestanda videtur fuisse inhumanitas, speculatores consilio & ope iuuare. Puerile effugium est, nondum professos fuisse hostes bello non indicto: quando satis liquet in ciuium suorû perniciem conspirasse. Ergo sola cognitio, quam Deus animo e-



ius indidit, eam eximit à culpa tanquam solutam  
 communi lege. Laudatur à duobus Apostolis e-  
 ius fides, qui simul tentantur, officium quod spe-  
 culatoribus præstitit, Deo fuisse gratū. Non mi-  
 rum igitur, si Deus vbi mulierem extraneā tra-  
 ducere dignatus est ad populum suum, & in Ec-  
 clesie corpus inlerere, à gente profana & male-  
 dicta segregauit. Quauis itaque ad eum vsque  
 diē obtricta fuisset suis popularibus: vbi tamen  
cooptata fuit in corpus Ecclesie, noua conditio  
quædam manu missio fuit à iure societatis, quo  
inter se deuincti sunt ciues. Denique vt fide tran-  
 saret in nouum populum, renunciare oportuit  
 suis popularibus. Et quia tantum Dei iudicio ac-  
 quieuit, nullum in prodicione fuit crimen. De  
 mendacio sic habendum est: quamuis in bonum  
 finem tenderet, non tamen fuisse extra culpam.  
 Nam qui mendacium officiosum prorsus excu-  
 sant, non satis attendunt, quam preciosa sit Deo  
 veritas. Ergo quamuis fratres nostros iuuare, eo-  
 rum saluti consulere, & ipsos subleuare propo-  
 situm sit: nunquam mentiri fas erit: quia rectū esse  
non potest, quod Dei naturæ est contrarium. At-  
 qui Deus est veritas. Neque tamen ideo virtutis  
 laude exuitur opus Rahab, quauis macula sit,  
 aspersum. Sæpe enim contingit, dum sancti rectā  
viā tenere student, in obliquos tamen circuitus  
diuertere. Dum Rebecca filio suo Iacob benedi-  
 ctionē procurat, oraculo subscribit. In eiusmodi  
 obsequio pius & laude dignus zelus perspicitur.  
 Atqui filium Iacob subornādo in locū Esau, non  
 dubium est quin ab officio deflectat. Vafrities er-

Hebr. 11  
 31, & 12  
 cob. 2.  
 25

*Quauis se  
 est, apud  
 in unum  
 abib.  
 proprietas  
 qd. Rahab.*

*Heu. Men  
 cis. exiit  
 lo.*

*Heu. Deu  
 e. illy. qd. pu  
 dop. rest. qd.*

Ge. 27

*Rebecca va  
 uis. qd. pu  
 uis. p. d. p. d.*

*praeda in Rahab oraculo  
 d. 2. 15.*

go opus per se laudabile aliquatenus contāmi-  
 nat. Neque tamen particulare vitium gratiam  
 prorsus abrogat sancto eius studio : quia Dei in-  
 dūlgentia sepelitur , ne in rationem veniat. Per-  
 perā quoque Rahab , dum nuncios abiisse men-  
 titur : præcipua tamen actio Deo grata , quia vi-  
 tium virtuti admistum non imputatur. Interea  
 sicuti voluit Deus liberari speculatores, ita men-  
 dacio protegi eorum vitam non probavit.

7 *Viri persequuti sunt.* ) Tanta credulitas o-  
 stendit, fuisse à Deo infatuatos. Etsi autem ipsis  
 delusis multum profecerat Rahab : noua tamen  
 iniicitur anxietas, quia portis occlusis vrbs instar  
 carceris spem exitus adimebat. Serio itaque exa-  
 mine rursus fuerunt experrecti ad Deum inuo-  
 candum. Nam quum ex eorū relatu scripta fuerit  
 hæc historia, quid tunc ageretur minimè eos la-  
 tuit : præsertim quum amplificandæ gratiæ suæ  
 causa Deus eos consultò obiecerit aliis atque a-  
 liis discriminibus. Et iam quum edocti fuissent  
 se quæri, vbi refertur fuisse peruigiles, sollicitos  
 ac perplexos fuisse colligimus. Trepidationem  
 verò non parum auxit, quod narratum est, ab e-  
 xitu prohiberi. Apparet tamen Rahab nullo mo-  
 do fuisse exterritam , quando præsentī animo &  
 sedatis verbis de sua & familiæ incolumitate pa-  
 ciscitur. Atque in hac constantia relucet quæ ali-  
 bi cōmendatur eius fides : quia humanitus nun-  
 quam contempto regis & populi furore, semi-  
 mortuis hospitibus supplicasset. Ridiculum qui-  
 dem multis videtur elogiū quo eam insigniunt  
 tam Iacobus quam author epistolæ ad Hebræos,  
 dum

Heb. II.  
 31, & Ia  
 cob. 2.  
 25

dum eam recēsent in catalogo fidelium. Verūm quisquis circumstantias omnes prudenter expendet, facile iudicabit præditam fuisse viua fide. Primò si à fructibus arbor cognoscitur, hîc effectus fidei cernimus non vulgares, qui totidem sunt eius testimonia. Deinde ex semine pietatis hæc sententia prodiit, iam quodammodo victas esse & prostratas gentes vicinas, quia terrore diuinitus immisso perculsi sunt omnium animi. Occurrunt eiusmodi voces in profanis quoque scriptoribus: quas Deus vt sibi regendis & flectendis quocunq; voluerit hominum cordibus imperium vendicaret, expressit. Verūm quod illi quasi psittaci garriunt, Rahab ex sincero affectu pronuncians Deum terram destinasse filiis Israel, quia omnes incolæ defluerint coram ipsis, imperium Deo vendicat in hominum corda, quod ei mundi superbia abrogat. Etsi enim omnium temporum experientia docuit, plures exercitus cælos fuisse vel profligatos subito & inopinato pauore, quam vi & impressione hostium: mox tamen euanuit illa cognitio. Hinc factum est, vt suam fortitudinem semper extulerint victores, & ex prospero successu gloriati sint, se bellicosos ac strenuos fuisse. Senferunt fateor, interdum aliunde vel conferri vel eripi pugnandi audaciam & animosos spiritus: vnde fortunam plurimum in bello pollere confessi sunt, vel prorsus dominari: & de Panicis terroribus iactatum proverbium: vota quoque nūcupata sunt tam Ioui Statori, quam pauori: sed nunquam seriò eorum animis insedit hæc persuasio, vnumquemque for-

*Viua fide*

*terrore diuinitus immisso perculsi sunt omnium animi*

*Iuppiter Stator*

*Iuppiter Stator*

tem esse, prout Deus præsentem animum indiderit: timidum verò, prout deiecerit eius audaciam. Diuinitus ergo factum esse agnoscit Rahab, ut terrore percussæ gentes Chanaan præiudicio quodam seipsas damnent: ac inde colligit, quod ita formidabiles sint filii Israel, præfagiū esse victoriæ, quia Deo duce militent. Quod autē omnium animi conciderant quasi liquefacti, & tamen obstinata væcordia se ad resistendum parabant: inde perspicitur vbi Dei manu fracti & contriti iacent impii, non tamen subigi ad recipiendum iugū: sed in suo pauore & anxietate manere indomabiles. Atque hîc notandum, quomodo in communi metu differant fideles ab incredulis: qua etiam in parte fidem Rahab perspicere licet. Timebat enim ipsa non secus ac vnus quilibet è populo. Sed dum reputat sibi negotium esse cum Deo, statuit non aliud sibi esse remedium, quam humiliter & placidè cedendo, malum declinare: quia resistendo nihil proficiet. Quid autē miseri omnes regionis incolæ: Quauis pauore exanimati iaceant, non tamen frangitur eorum peruiacacia, quin se ad conflictum stimulent.

10 *Quomodo siccauerit Iehoua.* ) Præcipuam consternationis causam recēset, quòd rumor de inauditis antè miraculis sparsus opinionem indiderat omniū animis, Deum pro Israelitis bellare. Neque enim dubium erat, quin via per mare rubrū diuinitus patefacta esset: quando aquæ nunquam mutata natura coaceruatae essent in solidos cumulos, nisi ita iubente Deo naturæ auctore

thore. Illa igitur elementi cōuersio palam ostendit, Deum stare à parte eius gentis, cui siccū transitū per aquas & abyssos dederat. Victoriæ quoque contra Og & Sihon, vt erant insignes, meritò censerī debuerant testimonia eiuldem erga Israelitas fauoris. Quanquā hoc posterius membrum coniectura duntaxat subnixū fuit: in transitu verò maris probatio plena & solida: non secus acsi manum è cælo Deus extendisset. Persuasio igitur occupauit omnium animos, Deum in populi Israelitici expeditione præcipuum esse duces: vnde pavor & consternatio. Atqui simul probabile est, falsa imaginatione deceptos esse, acsi Deus Israel in certamine superior fuisset diis Ægypti: sicuti Pœtæ fingūt prout quisque Deus in patrocinium suum hanc vel illam gentem recepit, cū aliis bellare atque ita inter se configere dum singuli tuentur suos clientes. At verò fides Rahab altius transcendit, dū soli Deo Israel summam potentiam cum æternitate adscribit. Id enim continet elogium Iehouæ. Itaque non somniat pro vulgari more, quempiam ex turba deorum Israelitas auxilio suo iuuare: sed quem illis fauere vulgo notum erat, verum & vnicū Deum prædicat & agnoscit. Videmus ergo vt ex cōmuni auditu longe supra suos populares profecerit.

II *Iehoua Deus vester ipse est.*) Hic verò tanquam in speculo dilucida apparet imago fidei Rahab, vbi prostratis omnibus idolis, cæli & terræ imperium vni Deo Israelis asserit. Neque enim obicurū est, vbi Deo Israelis subiicitur cælum & terra, omnia gentium commenta repu-

Heb. II.  
31, & Ia  
cob. 2.  
28

diari, quibus maiestas Dei, & potentia, & gloria discerpitur. Vnde perspicitur, non temere fidei titulo insigniri Rahab à duobus Apostolis. Id quidem sublannant superbi quidam & fastidiosi homines: sed vtinã expenderent quid sit Deum verum & vnum ab omnibus fictitiis discernere, & simul ita extollere eius potentiam, vt censeatur totum mundum regere pro suo arbitrio. Nec verò dubitanter loquitur Rahab, sed absolute pronunciat, quidquid est potentiaẽ residere in solo Deo Israelis, vt omnibus elemẽtis imperet, omnia ordinet sursum ac deorsum, resque humanas constituat. Interea non nego fidem eius fuisse implicitam: imò libenter admitto, germen duntaxat fuisse pietatis, quod nondum ad æternam salutem sufficeret. Tenendam est nihilominus, quamlibet tenuis & exigua esset Dei cognitio in hac muliere, dum se eius imperio addicit, proferre electionis suæ documentum, & ex illo semine germinare fidem, quæ deinde in iustam mensuram adoleuit.

12 *Nunc itaque iurate.*) Aliud fidei specimen, quòd in certa possessione terræ Chanaan filios Abrahamæ locat, non alio argumento freta, nisi quòd illis diuinitus promissam audierat. Neque enim Deum latronibus fauere existimauit, qui iniusta violentia & effreni libidine in alienos fines irrumperet: quin potius statuit, venire illos in terrã Chanaan quia eius dominium illis Deus adiudicauerat. Nec verò credibile est, quã transitum peterent ab Idumæis & reliquis, tacuisse quorsum tenderent. Imò gentibus illis nota erat

pro-

promissio Abrahæ data, cuius memoriã iterum renouauerat abdicatio Esau. Porro in sermone Rahab iterũ refulget quod de fide prædicat auctor epistolæ ad Hebræos, visionem esse rerum non apparentium. Habitat Rahab apud suos in vrbe munita. Hospitibus semimortuis perinde vitam suam cõmendat, ac si terra iam potiti, suo arbitrio seruare quoslibet possent ac perdere. Hæc certe voluntaria deditio perinde fuit ac si Dei promissionẽ amplexa, in eius patrocinium se conferret. Iusiurandum porrò exigit, quia sæpe in expugnandis vrbibus feruor & perturbatio memoriã officii excutit. Eadem ratione commemorat quã erga eos exercuit humanitatem: vt gratitudo magis ad fidem præstandã eos extimulet. Etsi enim satis apud eos valere debebat iurisiurandi religio: bis tamen inhumanũ ac turpe fuit hospitiæ à qua liberati fuerant, non referre gratiam. Humanitatis verò est, quòd de patre quoque & consanguineis sollicita est. Naturale id quidem: sed multi ita sibi addicti sunt, vt filii patrum morte vitam suam redimere non dubitent: tantum abest, vt animum & studium applicent ad eos seruandos.

14 *Anima nostra in mortem.*) Mortẽ sibi imprecantur, nisi Rahab seruandæ curam fideliter suscipiant. Nam quòd vertunt quidã, Trademus animas nostras, videtur remotum vel nimis restrictum: quando non aliud propositũ est, quam se coram Deo obligare. Sete igitur tanquã piacula constituunt, si quid aduersi patiat<sup>ur</sup> Rahab eorum negligentia. Particulam, *Pro vobis*, ad pa-

Hebr.

11.1

Rahab serua  
anima & su

trem, fratres & sorores referri dubium non est. Itaque vitam suam obnoxiam reddunt, ut ab ipsis exigatur sanguis, nisi familia Rahab maneat incolumis. Atque in eo sita est iurandi sanctitas, quanuis impunè fallere liceat quoad homines, ut Deus tamen interpositus testis rationem perfidiae repositat. Facere misericordiam & veritatem tantundem Hebraeis valet, ac fideliter, sincere, constanter humanitatis officio defungi. Exceptio autem inseritur, modò ne Rahab prodat sermonem, non diffidentiae causa, ut vulgo exponunt: sed tantum ut melius sibi caueat Rahab. Fidelis ergo fuit hæc admonitio, & ex pura benevolentia manauit: quia periculum erat, ne Rahab suo semet indicio proderet. In summa, ostendunt quanti inter sit, rem latere quasi sepultam: ne mulier pactum inconsideratè iactando, sibi mortem accerleret. Qua in re ostendunt, seriò eius salutem se curare, quãdo maturè præueniunt, ne sibi eripiatur beneficii facultas. Quòd distinctè etiam præcipiunt, ne quis domo exeat, seque innoxios fore profitentur, si quis in publico occisus fuerit, inde utilem doctrinam colligere licet, sobrietatem in iuramentis sedulò colendam esse, ne futiliter quidlibet promittendo, nomen Dei profanemus. Consiliũ Rahab, ut diuertant in montem illicque triduo quiescant, ostendit cum fide minimè pugnare cautiones, quæ manifestis periculis occurrunt. Non dubium est, quin trepidè in montem obrepserint nuntii: interea tamè fiducia quam ex notabili Dei auxilio conceperant, eorum gressus direxit ne quid tumultuose



multuosè agerent. Quæstio rursus à quibusdam mouetur, quum crimen sit muros transilire, an licuerit per fenestram vrbe egredi. Verùm tenendum est, non ubique sanctos fuisse muros vrbiũ: quia non ubique fuerunt Romuli, qui ad fratres necandos prætextum captarent. Deinde lex illa vt Cicero admonet, æquitate temperanda est: quia præmio quam pœna dignior est, qui repellendi hostis causa murum conscenderit. Finis legis est, vt murorũ custodia securi sint ciues. Qui igitur nec contemptu, nec proteruia, nec fraude, nec tumultuosè: sed necessitate coactus muros transcenderit, perperam ideo trahetur in captis discrimen. Si quis excipiat, mali esse exempli rem, id quidem fateor: sed vbi vitam eripere ab iniusta violentia aut latrocinio propositũ est, modò absque offensione cuiusquam aut noxa id fiat, necessitas excusat. Sic Paulo quod per sportam demissus est quum Damasci periclitaretur, vitio minimè vertendum fuit: quia vim & crudelitatem sceleratorum absque tumultu fugere, diuinitus permissum est.

24 *Nunciarunt Iosue dicendo.*) Docet hic locus, Iosue in eligendis speculatoribus non fuisse deceptum, quia ex sermone cordatos & rara integritate præditos fuisse apparet. Alii forte nondum à concepto semel pauore recreati tota castra turbassent. Hi verò dum admirabilem Dei gratiam tam in fœlici suæ expeditionis euentu, quam in superato periculo reputant, Iosue & populum ad intrepidè pergendum hortantur. Etsi autem sola promissio ad terram occupandã ius-

ficere debuerat: eo tamen vsque indulget Deus suorum infirmitati, vt tollendæ dubitationis causa quod pollicitus est, experimentis confirmet. Consternatio itaque gentium probauit non frustra loquutum esse Deum, quum iam illas fugare inciperet, & quasi immissis crabronibus abigere. Ratiocinantur enim exemplo Rahab, terram sibi esse datam, quia incolæ metu fere euauerint. Ideo illatiuam particulam posui, quum tamen ad verbum legatur, atque etiam. Verum satis liquet cõfirmari quod dixerát hoc modo. Et certe dissoluti sunt omnium animi, ac si Dei manu se profligari sentirent.

## CAPVT III.

**I** Vrrexit autem Iehosua summo mane, & profecti sunt è Sittim, veneruntque vsque ad Iordanem ipse & omnes filii Israel, pernoctaueruntque illic antequam transirent.

2 Et fuit à fine trium dierũ, vt præfecti transirent per medium castrorũ,

3 Præciperentque populo dicendo, Quum videritis arcam fœderis Ieho-

uæ Dei vestri, & sacerdotes Leuitas portantes eam proficiscemini è loco vestro, ibitisque post illam.

4 Veruntamen interstitiũ erit inter vos & ipsam fere duũm milium cubitorum in mensura: ne appropinquetis ei, vt cognoscatis viã per quam ambulaturi estis. Non enim transistis per viam istam heri vel nudiustertius.

5 Dixerat autem Iosue ad populum: \*sanctificate vos. Cras enim faciet Iehoua in medio vestri mirabilia.

\*aut,  
præpara-  
rate

6 Loquutus autem est Iosue ad sacerdotes dicendo, Tollite arcam fœderis, & transite ante populum. Tulerunt itaque arcam fœderis, & ambulauerunt ante populum.

7 Dixerat autẽ Iehoua ad Iosuum, Hodie incipiã magnificare te in oculis totius Israel, vt sciant, quomodo fui cum Mose, sic me fore tecum.

8 Tu ergo præcipies sacerdotibus portantibus arcam fœderis, dicendo:

Quum ingressi fueritis vsque ad extremum aquæ Iordanis, in Iordane stabitis.

9 Dixitque Iosue ad filios Israel, accedite huc, & audite verba Iehouæ Dei vestri.

10 Dixit item Iosue, In hoc cognoscetis quòd Deus viuens est in medio vestri, & quòd expellendo expellet à facie vestra Chanæum, Hitthæum, & Hiuæum, & Pherisæum, & Gergesæum, & Amorrhæum, & Iebusæum.

11 Ecce arca fœderis dominatoris vniuersæ terræ transibit ante vos per Iordanem.

12 Nunc ergo tollite vobis duodecim viros è tribubus Israel, singulos per singulas tribus.

13 Quum autem quieuerint plantæ pedum sacerdotum portâtium arcam Iehouæ dominatoris vniuersæ terræ in aquis Iordanis, aquæ Iordanis inter-

\*vel de  
super,  
vel de-  
sursum

cidentur, & aquæ\* supernè fluentes

confi-

consistent in aceruo vno.

1. *Surrexit mane.*) Tenendum est quod ante docui, Iosua castra nō mouisse postridie quam reuersi fuerūt speculatores: sed ipsis demum auditis, mandasse per præfectos vt vasa colligerent, quia triduo post transituri erant Iordanem. Ergo quòd mane surrexit non refertur simpliciter ad eorum reditum, sed potius ad promulgationem edicti. Triduo completo, rursus per castra emissi sunt præfecti, qui de modo traiectionis populum commonefacerent. Hæc quamuis sparsim narrentur, facile tamen est contexere historiæ filum. Antequam verò palam fieret, qua ratione patefacturus viam esset populo, multitudo ad ripam fluminis exposita tumultuandi causam habuit. Vadis quidē Iordanis traiciebatur. Verùm tunc intumuerant aquæ atque exundauerant, vt transitum facile prohiberent vel expeditis hominibus. Spes itaque nulla dabatur, mulieres & paruulos cum animalibus & impedimentis reliquis posse transportari in vltiorem ripam. Quòd autem obiecta desperationis materia, dubium & sibi incomprehensibilem euentum se- *osus p...*  
datis animis expectant, ex hac fidei obedientia *videtur...*  
patet, quam dissimiles fuerint patribus, qui ad *quisit...*  
minimas quasque occasiones turbulento impe-  
tu efferebantur cōtra Deum & Moysen. Quæ mu-  
tatio non absque singulari spiritus Dei operatio-  
ne contigit.

2. *A sine trium dierum.*) Nempe ex quo indicta fuerat profectio. Neque enim ad ripam diu-

tius vna nocte substiterunt. Sed quia tempus tridui ad traiciendum fuerat præfixum: ea autem spe deiiciebatur, nunc hortatur eos Iosue vt obstaculis ac difficultatibus valere iussis, attenti sint ad Dei virtutem. Etsi enim nondum designatur miraculi forma, dum tamen arca fœderis producitur instar vexilli ad iter regendum, colligere promptum fuit, Deum aliquid insolitum parare. Ac dum suspensi tenentur, iterum serio examine probata fuit eorum fides: quia raræ virtutis fuit, præcepto simpliciter morè gerere: atque ita arcam sequi quum de successu nondum plane edocti essent. Atqui hoc præcipuum est fidei caput, nō inquirere curiosè quid factururus sit Deus, nec subtiliter disceptare quomodo fieri possit quod pronunciat: verum curas omnes quibus angimur, reicere in eius prouidentiam: & quoniam immensa est eius potentia, vt in eam recumbamus, sensus nostros attollere supra mundum, & fide amplecti quod ratione nō capimus.

Num.  
4.35

1. Sa. 6

4 *Veruntamen interstitium.* ) Quum minoribus Leuitis, quibus gestandæ arcæ iniuncta erat prouincia, seuerè interdictum fuerit ne eam attingerent, vel nudam conspicerent, vulgus ab illius accessu longa distantia prohiberi mirum non est. Ergo commendatur arcæ dignitas, dum iubetur populus longe se ab eius accessu subduciendo, venerationem suâ testari. Et scimus quid Vziæ contigerit, dum eam à petulcis bobus excuti videns, zelo inconsiderato manum suâ supponit. Quâuis enim familiariter nos ad se Deus inuitet, fiducia tamen securitatem & audaciam  
mini-

minimè gignit, quin potius semper coniuncta est cum metu. Hac ratione arca fœderis suaue quidem & iucundum fuit gratiæ Dei pignus: vt tamen formidabilis esset eius maiestas ad domandam carnis superbiam. Porrò hæc humilitas & modestia simul ad fidem exercendam valuit, ne Dei gratiam nimis angustis finibus constringerent, sed longe distiti ab arca, statuerent propinquam sibi esse Dei virtutem. In fine versus ostenditur, quam necessarium illis sit diuinitus regi per iter incognitum: vt sollicitudo & metus eos sub arcæ protectione contineat:

§ *Dixerat Iosue.* ) Insolitam quidem Dei potentiam in ferendo auxilio proponi oportuit, ne segnities ex hæitatione remoram adferret: quò tamen penderent Israelitæ ex mero Dei consilio, speciem miraculi nondum aperte designat Iosue, nisi forte vno cõtextu legere placeat quod paulo post sequitur. Atque hæc vera fidei probatio est, sic recumbere in Dei consilium, vt non sciscitemur nimis anxie de forma agendi vel euentu. Quia verbum  $\text{וּתְּקַדְּשׁ}$  nunc præparare significat, nunc sanctificare, & vterque sensus non male conuenit, liberam optionem relinquere visum est. Nam & fides nos ad percipiendam Dei virtutem præparat: & quum se propius manifesta-  
bat Deus, solenni ritu se consecrabant. Sicuti videmus in promulgatione Legis Mosen Dei iussu sanctificasse populū. Quod exponunt quidam, populo tantum in hunc finē mandari vt se purget ab inquinamentis, ne quid transitum Iordanis impediat, videtur esse nimis restrictum.

Exo. 17

6 *Loquutus est ad sacerdotes.* ) Probabile est, admonitos fuisse sacerdotes, quorum vellet Deus arcam præire, ut ad exequendum imperium promptiores essent: quia & totus populus mox de intercisione aquarum fit certior. Iam autem quum in castris edixerant præfecti, ut arcam fœderis sequeretur populus: sacerdotes minimè latebat quod obituri erant munus. Disertè enim pronuntiatum fuit duces vel antesignanos fore. Verùm ubi omnes fuerunt in procinctu, palam explicuit Iosue quod acceperat oraculum. Neque enim consentaneum esset, clarius vulgo quam ipsis patefactam fuisse Dei gratiam. Atqui continuo post subiicitur, populum de miraculo fuisse edoctum. Itaque statuo, postquam aliquandiu suspensos tenuit Deus sacerdotes cum multitudine, comperta omnium obedientia palam denunciassè quod facturus erat. Primò itaque narratur, sacerdotibus iniunctum fuisse à Iosue, ut arcam portarent ante populum: deinde ne quis putaret, eum temere vel proprio arbitrio id tentasse, simul inseritur promissio, qua instructus ad præcipiendum fuit. Etsi autem illic disertè non exprimitur, abruptum iri cursum Jordanis: ex sermone tamen Iosue ad populum habito colligere licet, prolixius loquutum esse Deum, & distinctius exposuisse quod facere decreuerat. Neque enim quidquam retulit Iosue quod non ex ore Dei ipsius intellexisset. Imò antequam rem ipsam proferat, iubet audire Dei verba: atque ita præfatur omnium quæ dicturus est Deum sibi esse authorem.



10 *In hoc cognoscetis.*) Miraculi vim longius extendit quam ad terræ ingressum : & meritò : quia illis tantùm patefieri iter in terrâ hostilem, vnde nullus deinde esset regressus, nihil aliud erat quam in mortem exponi. Nam aut deprehēsi in angustiis & regione incognita facile concidissent, vel periissent confecti inedia & rerum omnium egestate. Prædicat ergo Iosue, quum Deus flumen retroaget, perinde fore ac si manum porrigeret ad profligandos omnes terræ incolas : & quod in transitu Iordanis specimen edet suæ potentiae, simul obtinendæ contra omnes populos victoriæ certum fore prælagium. Hinc scietis, inquit, Deum vobis præsto esse. in quæ finem? non solum vt pedem ponatis in terra Chanaan, sed etiam vt ea potiamini. Nam certe quum de profligandis gentibus fit mentio, tranquilla & vacua possessio notatur. Itaque sicuti fluuium scindendo clare ostendit Deus virtutē suam apud Israelitas residere : ita vicissim spem perpetui auxilii concipere debuit populus, ac si hostes suos iam sterni & pessundari videret. Neque enim Deus opus manuum suarum in medio cursu mutilum Psa. 136 & inchoatum deserit. Vt Deus in hæreditatem promissam suos inducat, Iordane interciso sicutum iter patefacit. Quid ergo magis peruersum, quam in momentaneo illo actu subsistere, nec confidere in futurum tempus, donec pacata obtingeret terræ fruitio? Prudenter itaque hoc exemplo contexere discamus quæ ad salutis nostræ summam pertinent Dei beneficia, vt læta exordia spem similis exitus foueant & alant in animis

nostris. Quod autem dicit Iosue populū ex miraculo cogniturum Dei præsentiam, obliquè diffidentiam eius perstringit: quia ad solidam certitudinem sufficere simplex Dei promissio debuerat in qua sola nisi fundata sit nostra fides, subinde vacillare necesse est. Verūm quanuis propriè in vna Dei veritate recumbere debeat fides, id tamen non obstat, quin experimentalis cognitio eam adiuuet tanquam secundaria imbecillitatis eius fultura, & subsidium eius confirmationi utile. Nam & Deus quod nobis voce pollicitus est re ipsa obsignat: & quotquot nobis proponit suæ gratiæ & virtutis documenta, totidem vult esse approbationes suæ vocis & ad eximendam dubitationem adminicula.

ii *Ecce arca Dominatoris.* ) Primò dicit arcam præituram: deinde explicat in quem finem: nempe vt loco cedat Iordanis tanquā Dei conspectu tremefactus, vt in Psalmo dicitur. Quæ autem de viris duodecim inseritur narratio abrupta est: quia breuiter tantū delibatur quæ postea fusius & clarius tradet. Nunc solū teneamus, quum arca præcessit, Deum suam virtutem explicuisse in regendo populo. Atque hac ratione cōmendata fuit cultus Legalis sanctitas, quum perspicerent Israelitæ non inane esse quod Deus apud ipsos deposuerat suæ præsentia symbolū. Neque enim aliter quam si Iordani conspicua fuisset Dei maiestas, in eius obsequium coactus est. Simul tamen meminerimus, non alia ratione adductum esse Deum, vt gratiam suam in arca exereret, nisi quia illic tabulas sui fœderis locauerat.

uerat. Porrò quia res difficilis erat creditu: animos populi reuocat Iosue ad considerandã quæ omnes difficultates superat Dei potentiam. Neque enim frigidum est elogium *Dominatoris vniuersæ terra*, quo hîc Deus insignitur: sed eius imperium extollit supra omnia mundi elementa, ne dubitent Israelitæ, quum sub eius ditione sint maria & fluuuii, aquas licet natura sint fluidæ, solo eius nutu fore stabiles.

14 Et fuit, quũ proficisceretur populus ad transeundum Iordanem, sacerdotes qui portabant arcam fœderis erant ante populum.

15 Postquam autem venerunt qui portabant arcam vsque ad Iordanem, & pedes sacerdotum portantium arcã intincti fuerunt in extremo aquarum (Iordanis autem erat plenus vltra omnes suas ripas toto tẽpore messis)

16 Constiterunt aquæ quæ descēdebant desuper, & assurrexerunt in aceruum vnum procul valde, ab Adã vrbe quæ est ad latus Sarthan, & quæ descendebãt ad mare solitudinis, mare salis cõsumptæ sunt, interciderunt:

populus autem transferunt e regione Iericho.

17 Stabant autem sacerdotes portantes arcam fœderis Iehouæ in sicco in medio Iordanis\* expediti, totus verò Israel transibant per siccum donec finem facerēt vniuersa gens transeundi Iordanis.

\* præ.  
parati.

15 *Postquam venerunt.* ) Non vulgari laude digna fuit sacerdotum virtus, ultra aluicū quoque intrepidè pergèdo penetrare in aquā ipsam, quum statim metuēda esset submersio. Pedibus enim intinctis quid sperare poterant, nisi mox se reperturos profundum gurgitem quo absorberentur? Quòd ergo non terrentur fluminis occursum quominus ad præscriptum locum perseveranter contendant, signum est raræ alacritatis ex fiducia conceptæ. Accessit peculiaris tentatio, quod tunc Iordanis exundauerat, vt solet quotannis æstatis initio. Neque enim cooperta planitie notari poterat riparum tractus, nec vadum obseruari: & illuies late diffusa timorem & curam augebat. Et cum his quidem obstaculis certare voluit Deus populum suum & præsertim sacerdotes, quo illustrior esset fidei & constantiæ ipsorum victoria: simul tamen obiecta difficultate magis extulit miraculi gloriã, dum eius imperio cesserant aquæ, & in firmam congeriem coag-

coagmentatæ sunt, quæ ripas suas excefferant. Primum formam miraculi exponit, tollendæ dubitationis causa, ne profani homines subtiliter exquirerent alias causas ad obruendam Dei gratiam. Potest quidem fieri, vt breui tempore cohibeatur aquarum fluxus, & spacium aliquod siccum appareat, vel mutetur cursus, & aliò se auertat. Sed aquas stare in aceruū congestas, nunquam certe naturaliter contigit vel fortuitò. Hac ratione dicitur, aquas quæ ante ex superiore loco fluebant vt descensu ipso quærent continuos exitus, tunc stetisse. Nec verò dubium est, quin formidinē incusserit incredibile illud spectaculum: quò melius agnoscerent Israelitæ se in media morte seruari. Quid enim erat illa congeries nisi sepulchrum ad obruendam totam multitudinem, si aquæ pro sua natura liquefactæ essent? Si ambulassent super aquas, pōtis vice fuisset illis fides. Nunc verò dum impendent aquarum montes eorum capitibus, perinde est ac si sub aquis reperirēt vacuum & planum iter. Designatur locus inter duas vrbes, ne vnquam intercidat memoria: sicuti etiam voluit illic Deus lapides statui in perpetuum monumentum, quò seculis omnibus tam præclarum beneficiū apud posteros celebraretur.

## CAPVT IIIL.

**I**T fuit, postquam finē fecit tota gens trauciendi Iordanis:

quia loquutus erat Iehoua ad Iosnam dicendo,

2 Tollite vobis è populo duodecim viros virum vnum ex quâque tribu.

3 Et præcipite illis dicendo: Tollite vobis hinc è medio Iordanis à loco vbi stant pedes sacerdotum expeditorum, duodecim lapides quos feretis vobiscum, & deponetis in loco vbi hac nocte manebitis.

4 Tunc vocauit Iosue duodecim viros quos ordinauerat è filiis Israel, singulos ex quâque tribu.

5 Et dixit illis Iosue, Transite ante arcam Iehouæ Dei vestri per medium Iordanis, & tollat quisque ex vobis lapidem vnum super humerum suum, pro numero tribuum filiorum Israel.

\*Hebr.  
in me-  
dio ve-  
stri.

6 Vt sit hoc inter\* vos signũ quum interrogauerint filii vestri cras patres suos, quid sunt lapides isti apud vos?

7 Tunc respondeatis eis, quòd intercisæ fuerint aquæ Iordanis ante ar-

cā foederis Iehouę, quum inquā, tran-  
siret Iordanē, intercisæ fuerint aquæ  
Iordanis, tunc facti fuerint lapides i-  
sti in monumentum filiis Israel per-  
petuò.

8 Fecerunt itaque filii Israel sicut  
præceperat Iosue, & sustulerunt duo-  
decim lapides è medio Iordanis sicut  
loquutus fuerat Iehoua ad Iosuum pro  
numero tribuum filiorum Israel, tu-  
lerūtque eos secum ad locum vbi per-  
noctauerunt, & reposuerunt illic.

9 Duodecim quoque lapides ere-  
xit Iosue in medio Iordanis sub statio-  
ne pedum sacerdotum qui portabant  
arcam foederis, manseruntque ibi vs-  
que in hunc diem.

1 *Et fuit, postquam.*) Quod breuiter & obscu-  
rè attigerat de viris duodecim, nunc prolixius  
exponit. Dixerat iussu Dei electos fuisse quem-  
que ex sua tribu: sed abrupto sermone finem  
subtricuerat. Nunc dicit mandato Iosue sustulis-  
se duodecim lapides ac deposuisse in Gilgal, vt  
apud posteros extaret insigne monumentum.  
Porro quia tantum commemorat quid factum

fuerit post transitum populi: quod interponitur, per tempus plusquam perfectum verti debet. Copulam verò vice rationalis particulæ accipi facile apparet. Summa est, antequâ pedem mouerent sacerdotes è medio flumine vbi constiterant, lapides ab eorum pedibus fuisse sumptos, & locatos in Gilgal, vt perpetui essent miraculi testes: atque ita Iosue fideliter fuisse exequutum quod Deus præceperat. Vocauit ergo Iosue viros quos ante delegerat: sed non absque Dei iussu: quò scilicet plus authoritatis haberet testimonium. Nam si trophæum eiusmodi sponte erexisset Iosue, laudanda quidem fuisset eius pietas: sed contempta forte fuisset admonitio tantum hominis arbitrio cõstituta. Nunc autem vbi signû Deus ipse attollit, id negligenter præterire nefas est. Itaque monumentum summa attentione dignum significat, dum filios interrogantes inducit, quid sibi velint lapides.

7 *Tunc respondeatis.*) Quauis per se non loquantur lapides, monumentum tamé parentibus materiam loquendi præbuit, vt filiis testatum facerent Dei beneficium. Atque hic tum propagadæ pietatis studium exigitur à senibus, tum erudiendis liberis iubentur operam impendere. Voluit enim per singulas ætates Deus hanc doctrinam per manus tradi: vt qui tunc nõdum nati erant, à parentibus tamen edocti, testes essent ex auditu: quâuis rem oculis non vidissent. Pro numero autem tribuû positi sunt lapides, vt singulæ proprio symbolo ad gratitudinẽ incitarentur. Duæ quidem tribus & dimidia, quibus



bus trans Iordanem obtigerat hæreditas, transitu illo seorsum opus non habuerant. Sed quia in commune bonū totius generis Abrahæ possessa à reliquis fuit terra Chanaan, separari alios ab aliis nō oportuit, quorum eadem vel cōmunis erat ratio. Etsi verò hæctenus nō nisi duodecim virorum facta fuit mentio, ex clausula tamen apparet, propositū toti populo fuisse Dei mādatum: quia dicitur, filios Israel obtemperasse verbis Iosue. Quin etiam probabile est, suffragiis fuisse delectos, qui lapides deferrent omnium nomine.

9 *Duodecim quoque lapides.*) Nullus sub aqua videtur fuisse lapidum vltus: ideóque absurdum fuisse lapides obruere in loco profundo. Nam in aliis qui locati fuerunt in Gilgal, quia palam conspiciébatur, data fuit inquirendi occasio. At verò absconditos ab hominum oculis in imo fundo latere nihil profuit ad mentes excitādas. Inutile quidem, fateor, fuisset monumentum silentio prorsus sepultum. Sed quum inter se narrent relicto illic fuisse vestigium trāsitus, valuit ad fidei confirmationem audire quod non cernebāt. Arca fœderis sanctuario inclusa erat, & opposito velo tegebatur: neque tamen fructu carebat occultus eius splendor, quum ex lege discerent, reconditum illic esse Dei fœdus. Potest etiā fieri, vt quum fluuius minueretur, interdū apparuerit cacumen acerui. Verum quod dixi magis probabile est, quamuis lapides defoderat Iosue in medio amne, vtiliter coram populo fixisse testimonium, quod hominum sermone

postea celebraretur.

10 Sacerdotes autē portantes arcā stabāt in medio Iordanis donec compleretur omnis sermo quem præceperat Iehoua ad Iosuaam, vt diceret populo: prorsus vt præceperat Moyses ipsi Iosue: festinauit autem populus transeundo.

11 Quum verò transeundi finem fecisset vniuersus populus transiit arca Iehouæ, & sacerdotes corā populo.

12 Transierunt quoque filii Ruben, & filii Gad, & dimidia tribus Manasse armati ante filios Israel: quemadmodum loquutus fuerat ad eos Moyses.

13 Quadraginta milia armatorum transierunt coram Iehoua ad prælium ad campestria Iericho.

14 Eo die magnificauit Iehoua Iosuaam in oculis totius Israelis: & timuerunt eum quemadmodum timuerant Moysen omnibus diebus vitæ eius.

15 Loquutus est autem Iehoua ad Iosuanam dicendo,

16 Præcipe sacerdotibus portantibus arcam testimonii vt ascendant è Iordane.

17 Et præcepit Iosue sacerdotibus dicendo, Ascendite ex Iordane.

18 Porrò quum ascēdissent sacerdotes portantes arcam foederis Iehouæ è medio Iordane, & translatae essent plantæ pedum sacerdotum in siccū, reuersæ sunt aquæ Iordanis ad locum suum, & fluxerūt sicut heri, & nudiustertius super omnes ripas eius.

10 *Sacerdotes autem.*) Vbi aliis festinātibus iubemur consistere, scimus quàm facilè in hac remora obrepat tædium, quia deterior videtur nostra cōditio. Meritò itaque laudatur sacerdotum patientia, quòd toto populo ad ripam vltiorem celeriter currente, soli in sua statione placidè quieuerint. Poterat enim dubitatio obrepere, ne aquarum moles quæ eorū capitibus imminebat, subito defluxu eos absorberet. Pietatem ergo suam nō minus testati sunt illic manendo, quam dum in aduersum fluuium tendere ausi sunt. Ita initio apparuit eorum prompti-

tudo, constantia deinde accessit, quæ palàm faceret non impetu tantùm obsequutos esse Deo. Firmum enim quod laudatur propositum non nisi ex viua radice manare potuit. Modestix fuit, quòd nihil tentarunt inconsideratè, sed ad Dei sermonem tãquam ad normam, composita fuit tota actio. Et si autem probabile est, nouo oraculo edoctum fuisse Iosue quid factu esset opus, dicitur tamen sequutus quod præceperat Moses. Quod ego sic interpretor, Mosèn diligenter mandasse, vt ex ore Dei penderet: ipsum verò fuisse penitus morigerum, atque ideo semper obseruasse quid Deo placeret. Denique præceptum Mosi cuius fit mentio, generale fuit: Deus autem prout ferebat res nata, Iosue specialiter admonuit.

12. *Transferunt quoque filii Ruben.*) Expeditionem duarum tribuum & dimidiæ commemorat: quoniam non sua priuatim causa profecti sunt ad obeundam militiã: sed vt fratres quorum virtute parta illis fuerat possessio, in terra Chanaan occupanda vicissim adiuuarent. Hanc legem imposuerat Moses, seque iureiurãdo obstrinxerãt, reliqui populi se fore comites, donec quietam sedem adepti omnes forent. Idem rursus polliciti fuerunt, quum mouenda essent castra: sicut cap. i. vidimus. Verùm ex hac narratione colligimus, non nisi partem fuisse delectam. Numerantur enim duntaxat quadraginta milia virorum: nempe tertia pars aut circiter eorũ qui censi paulò antè fuerant. Porrò quia vbique dicuntur fausseculse suis promissis, probabilis elicitur

citur coniectura, Mosis consilium nō fuisse, præ-  
 cisè exigere, vt omnes qui nomina dederāt, re-  
 lictis vxoribus & liberis, militarent in terra Cha-  
 naan, donec profus debellatum foret. Et certè,  
 durum ac crudele fuisset, imbellem turbam mul-  
 tis gentibus infestis circumdatam absque custo-  
 dia deferere. Nec verò hostium reliquiæ à vici-  
 nis gentibus adiutæ in tanta occasione diu ces-  
 sarent, quin mulieres & pueros trucidando, se  
 vlciscerentur. Præsidium ergo in regione non-  
 dum satis pacata manere oportuit, quod ad pro-  
 hibendas incursiones sufficeret. Nec verò adeo  
 rigidus fuit Moses quin miseris cōsuleret. Quin  
 etiam pro sua prudentia & æquitate nunquam  
 præsidio nudasset quā nuper armis occupauerāt  
 ditionem. Adde quòd concursus tantę multitu-  
 dinis impedimēto fuisset magis quàm adiumen-  
 to in acquirenda terra Chanaan. Hac itaque mo-  
 deratione contentus fuit Moses, ne Rubenitæ &  
 Gaditæ fratribus in gerendo bello occupatis, i-  
 psi residues & otiosi prouētus suos domi come-  
 derent, ac eos destituerent suo auxilio, quibus  
 acceptam ferre debebant quam nacti erant hæ-  
 reditatem. Atque in eo perspecta fuit quadragin-  
 ta milium sinceritas, quòd tribulibus suis quie-  
 tis, onera, molestias, & pericula militiæ non de-  
 trectant. Promptum erat causari, sibi non minus  
 iustam esse vacationis causam. Quòd igitur de-  
 lectu habito alacriter pergunt quò iubentur,  
 neque fratribus immunitatem inuidēt, inde ap-  
 paret fuisse sponte & liberaliter ad officium pa-  
 ratos. Quanquam dubium non est, accepto flo-

re, anſam querimoniis & litibus fuiſſe præciſam. Neque enim contendere æquum fuit, quin ſenibus & emeritis, vel teneris & debilibus parcerent: niſi fortè diuinare quiſpiam malit, non iudicio, ſed ſorte conſcriptum fuiſſe exercitū. Mihi tamen potius videtur, vt quiſque erat robuſtiſſimus & ad ferendos labores maximè idoneus, nomen dediffè.

14 *Eo die magnificauit.*) Non fuit hic quidè præcipuus miraculi finis, vt Iosue potentia & auctoritate præſtaret: ſed quum publicæ utilitatis magnopere referret, Iosue imperium ſtabiliri, merito tanquam beneficentiæ Dei cumulus id ponitur, fuiſſe quaſi ſacris inſignibus ornatum, quæ venerationem apud populum parerent, nequis eum contemnere auderet. Niſi enim à capite regatur promiſcua multitudo ſponte diſſipatur. Deus ergo vt populi ſui ſaluti proſpiceret, Iosuam inſigniuit eximia nota, quæ eius vocationem aſſereret. Diſcèdum autem eſt ex hoc loco, eos omnes à Deo nobis commendari per quorum manum excellenter virtutem ſuã proferret, vt iuſtum apud nos honorem ac reuerentiã obtineant. Porro ſiquis obiiciat, quod dicitur populus timuiſſe Iosuam, ſicut Moſen timuerat, multis ſeditionibus & turbis refelli, quas non proterue modò, ſed furioſè contra eum excitauerant. Facilis ſolutio eſt, nō comprehendi totū tempus ex quo egreſſi fuerant ex Ægypto, ſed tantum notari illud, quo ſubacti plagis ac manſuefacti, Moſen obedienter colere cœperant. Tranquilla enim gubernatio nunc deſcribitur,

acti

acsi peruicaciã veterẽ exuissent: præsertim verò, vbi tumultuosis patribus mortuis successit melior soboles. Itaque non legimus quidquã fuisse negotii in illis regendis ac flectendis. Quod iam exposui, nunc breuius attingo. Nam dum eos hortatus initio fuit Iosue ad obsequium, se fore obsequentes dixerunt, sicut antè fuerant Mosi.

16 *Præcipe sacerdotibus.* ) Clarius exprimitur quam sedatis & compositis animis ad Dei nutũ attenti fuerint sacerdotes; quia pedem non mouerunt donec receptui canere iussit Iosue. Sicuti autẽ raræ virtutis fuit ita esse morigeros & obsequetes: ita paterna Dei sollicitudo in eo refulget, quòd singulos fere progressus dirigere voce sua & moderari grauatus non est, nequa perplexitas tardiores eos redderet. Sequitur luculentior miraculi cõfirmatio, quòd simulac ripam transcenderunt, Iordanis more suo iterum fluere cœpit. Nisi enim rediisset ad pristinam naturam, & quidẽ repente: multi occultã causam, sed fortuitã mutationis imaginati essent. Verũm vbi Deus minimis temporum articulis potẽtiã & gratiã suã illustrat, tollitur omnis dubitatio. Quũ primũ madefacti sunt pedes sacerdotum, Iordanis retrocessit: nunc eorum discessu liberum cursum recuperat, idque eodem quo in ripam venerunt momento. Siccum enim hĩc accipitur pro ea parte, quæ exundatione tecta non erat. Ita fluuius quamuis mutus, optimus fuit præco, dum plusquam sonora voce testatus est Deo Iraclis subesse cælum & terram.

19 Populus autem ascēdit è Iordane decima die primi mensis, & castrametati sunt in Gilgal ad plagá Orientalem Iericho.

20 Ac duodecim lapides quos tulerát ex Iordane statuit Iosue in Gilgal.

21 Et loquutus est ad filios Israel, dicendo: Quum interrogauerint cras filii vestri patres suos dicendo, Quid lapides isti?

22 Indicabitis filiis vestris dicendo, Per aridam transiuit Israel Iordanem istum:

23 Quoniam siccauit Iehoua Deus vester aquas Iordanis à facie vestra donec transiretis: quemadmodum fecit Iehoua Deus vester mari Suph quod siccauit à facie nostra donec transiremus.

24 Vt cognoscant omnes populi terre manum Iehouę, quòd fortis sit: vt timeatis Iehouam Deum vestrum cunctis diebus.



19 *Populus autem.* ) Cur notetur dies quo  
 terram ingressi sunt, & in ea prima castra loca-  
 runt, videbimus proximo capite. Nomen ve-  
 rò primæ stationis Gilgal ponitur *קט' גלגל*:  
 quia sic postea vocatus fuit à Iosue post nouam  
 circuncisionem: & etymologia suo loco videbi-  
 tur. Porrò hîc præcipue agitur de monumento  
 duodecim lapidum: cuius etsi facta antè fuerat  
 mentio, nunc tamen quasi solennis dedicatio  
 narratur: nempe quòd Iosue non modò extru-  
 xerit aceruum, sed eius usum commendauerit  
 populo, vt à patribus ad filios celebris vigeret  
 gratiæ Dei memoria. Quum verò filios sciscitan-  
 tes inducit quid sibi velint lapides illi, colligimus  
 ita fuisse dispositos, vt spectantium sensum affi-  
 cerent. Nam si temerè nullòque ordine fuissent  
 congesti, nunquam posteris in mentem venisset  
 de significatione inquirere. Ergo in colloca-  
 tione fuit notabilis ratio, quæ non permetteret specta-  
 culum illud negligi. Cæterum quia fœdus Dei  
 quo genus Abrahæ adoptauerat continua serie  
 firmum erat in mille ætates, propter corporis v-  
 nitatem quòd Deus patribus mortuis præstite-  
 rat beneficium ad filios communiter transfer-  
 tur, qui longo pòst tempore nati erát. Atque hæc  
 coniunctio vehementius excitare debuit eorum  
 animos: quia admoniti hoc modo fuerunt po-  
 steri, quod pridem maioribus datum fuerat, ad  
 se quoque pertinere. Alioqui frigidè exceptum  
 fuisset responsum, si ad vnum diem restricta fuis-  
 set Dei gratia. Verùm vbi audiunt filii filiorum  
 siccatum à facie sua fuisse Iordanem multis ante-

*Lapides  
 Iosue  
 alio*

quam nasceretur seculis, agnoscunt se illum esse populum, erga quem se protulerat mirificus ille Dei fauor. Eadem ratio est de arefacto mari rubro, quamuis res non adeo vetusta foret. Certe duo soli erant superstites Caleb & Iosue, qui egressi essent ex Ægypto: sic tamen alloquitur totum populum acti oculatus esset testis miraculi. Siccauit à facie nostra Deus mare rubrum. Nempe quia in gratiam perpetuæ adoptionis quæ à patribus ad filios transibat, id fuerat factum. Porro transitum maris rubri in memoriam reuocari operæ precium fuit, non modò vt similitudo miraculi fidem faceret: verùm vt audita Iordanis historia simul renouaretur superius illud miraculum, quamuis nullum eius visibile symbolum ante oculos extaret.

24 *Vt cognoscant omnes populi.* Commemorat Deum illud edidisse potentia suæ specimen, non vt tantùm prædicaretur in populo suo, sed vt fama longe lateque spargeretur inter gentes. Etsi enim laudem suam voluit residere in Zion: voluit tamen opera sua aliquatenus innotescere extraneis, vt fateri cogerentur eum esse verum Deum: & quem libenter spreuissent eum inuiti metuerent: licuti in cantico Mosis dicitur, Inimici nostri sunt iudices. Significat enim, velint nolint increduli, ex cognitione tamen operum Dei illis extorqueri hanc confessionem. Verùm quia nihil illis profuit, scire quanta esset Dei fortitudo, discernit eos Iosue ab Israelitis, quibus peculiarem scientiam attribuit, nempe quæ generet serium Dei timorem. *Vt cognoscant gentes, inquit:*

quiritu verò timeas Deum tuum. Ergo dum lucem tenebris suis obruunt increduli, discamus ex consideratione operum Dei proficere in timore eius. Addit, cunctis diebus, quia gratia de qua nunc agitur in plures ætates diffusa fuit.

## CAPVT V.

**I** **V**IT autem quū audissent omnes reges AEmorrhæi qui erant trans Iordanem ad Occidentem, & omnes reges Chananæi, qui iuxta mare, quòd siccasset Iehoua aquas Iordanis à facie filiorū Israel donec transirēt, liquefactum fuit cor eorum, neque fuit amplius in eis spiritus à facie filiorum Israel.

2 Eo tempore dixit Iehoua ad Iosua, Fac tibi cultros acutos, & iterum circuncide filios Israel secundò.

3 Et fecit sibi Iosue cultros acutos, circūciditque filios Israel in colle præputiorum.

4 Hęc autem est causa cur circun-

*Et non erat  
Circuncisio*

ciderit Iosua. Vniuersus populus qui egressus fuerat ex AEgypto, masculi omnes viri bellatores mortui erant in deserto in itinere posteaquã egressi erant ex AEgypto.

5 Nam circuncisus fuerat totus populus qui egressus est, at totum populum, qui natus fuerat in deserto in itinere, postquam egressi erãt ex AEgypto, non circunciderant.

6 Nam quadraginta annis ambulauerunt filii Israel per desertum, donec consumeretur vniuersa gens virorum bellatorum, qui egressi fuerant ex AEgypto, qui non audierãt vocem Iehouẽ, quibus iurauerat Iehoua quòd non ostenderet terram de qua iurauerat Iehoua patribus eorum se daturum illis terram fluentem lacte & melle.

7 Filios itaque eorum quos substituit in locum ipsorum circuncidit Iosue, quia incircuncisi erant: neque enim eos circunciderat in itinere.

8 Quum autem fuit circumcisus vniuersus populus manserunt in loco suo in castris donec sanarentur.

9 Dixit Iehoua ad Iosua, Hodie deuolui opprobriũ Aegypti à vobis. Et vocauit nomẽ loci illius Gilgal, vsque in hunc diem.

1 Fuit autem quum audissent.) Huc vsque apud eos valuit agnitio formidabilis Dei potentia, vt pauore attoniti deficerent: verum animos eorũ nõ flexit ad quæredũ mali remediũ. Liquefactum ergo fuit cor eorum, quia consilio & viribus destituti se nõ mouerunt: sed quoad cõtumaciam, eadem semper durities eos constrinxit.

Et iam alibi vidimus sic terrore exanimari incredulos, vt tamen non desinant Deo reluctari: sic concidere, vt sua ferocia cælum impetant. Ergo metus qui ad cauendum eos stimulare debuerat, nihil aliud quam præcipites egit. Verum diuinitus territi fuerunt in populi gratiam, quò expeditior esset victoria: & animosiores essent Israelitæ quum viderent cum hostibus iam fractis & semimortuis fore negocium, atque ita eorũ infirmitati peperit Deus, acii obstaculis remotis viam patefecisset: quia plus satis alioquin timidi & pigri erant. Summa igitur est, priusquam confligerent, hostes eorum fuisse iam prostratos, quia miraculi fama timorem incusserat.

2 Eo tempore.) Videtur maxime absurdum &

prodigio simile, circuncisionem tandiu fuisse intermissam : præsertim quia quotidianis documentis admonitos diligentius solito attendere decebat ad colenda pietatis exercitia. Symbolū erat adoptionis vnde illis obtigerat liberatio. Certe dum ad extrema redacti sub tyrānide gemitabant, semper circunciderunt suos liberos. Et scimus quam seuerè minetur Deus, si quis octauum diem prætereat, se vltorē fore. Quòd si neglecta fuisset obseruatio in Ægypto, quia tunc videri poterat Dei fœdus quodammodo obsoletum, magis excusabilis fuisset segnities. Nunc verò quū de integro affulget Dei veritas ad stabiliedum fœdus, quænam excusatio nisi vicissim testentur, se Dei esse populum? Defensio quam afferūt interpretes, prorsus friuola est. Fateor assidue fuisse in procinctu, semper fuisse incertos quando migrandū foret. Verūm perperam inde colligi dico, nullum illis fuisse liberū diem : quia crudele fuisset teneros fœtus circuncidere, dum paulo post mouenda erant castra. Nihil enim tanti esse debuit, vt securè contemnerent quod dictum fuerat Abrahæ: anima quæ circūcisa non fuerit, excidetur è populo suo. Quod si periculum esset mortis, optimum & vnicum erat compendium, recumbere in paternā Dei prouidentiam, qui certe passus non esset, infantibus exitiale esse suum præceptum. Denique omissio periculi respectu non aliunde nasci poterat quam ex diffidentia. Quòd si in certū discrimen coniecti essent infantes, parendum nihilominus fuit Deo: quia obsignatio fœderis qua recipiebantur

in Ecclesiam, centum vitis erat preciosior. Nec verò tantam ignauiam tulisset Moses, nisi alia ratione inductus. Porrò in re dubia conuicio, non à primo die egressus destitisse à circuncidendis filiis: sed tantum ex quo propter suam peruicaciam retroacti sunt. Et hac ratione tam accuratè exprimitur defectio & pœna. Neque enim dicitur, rursus fuisse circuncisos, quòd in illa peregrinatione subinde mutandus esset locus: sed quia oportuit effluere quadraginta annos, donec cõfumerentur scelerati illi apostatae, qui se promissa hæreditate abdicauerat. Hæc igitur causa notanda est, quòd filii Israel vagati sint per desertum donec tota illa gens aboleretur, quæ Deum sequi abnuerat: ex qua, meo iudicio, colligere licet, in signum maledictionis vel reiectionis cessasse toto illo tempore circuncisionis vsum. Verum quidem est, pœnâ hanc innoxiiis fuisse inflictam: sed vtile fuit, patres castigari in eorum persona, ac si Deus in posterum eos repudiaret. Quum ergo cernerent nihil à profanis & extraneis sobolem suam differre, simul patefactum fuit quid essent promeriti. Emergit tamen absurditas, primum quòd illis damnatis, mox eorum soboles recepta fuit in gratiam: deinde quòd ipsis quoque relicta fuit spes veniæ: præcipuè verò, quòd priuati non sunt aliis sacramentis, quorum aliter non poterant esse participes, nisi à profanis gentibus segregati. Deus quidè fateor, eos repudiando simul testatur se propitiū fore eorum liberis: verum cernere in tua sobole repudii signū donec omnes periissent, utilis fuit castigatio. Pi-

gnus enim gratiæ suæ non nisi ad tempus Deus retraxit, & apud se quasi reconditum seruauit vsque ad eorum mortem. Itaque hæc pœna liberis qui postea nati sunt inflictæ propriè non fuit: verùm suspensio perinde valuit, acsi Deus palam faceret circūcisionem se differre, ne profanaretur, donec eius renouandę veniret oportunitas. Siquis excipiat, absurdum fuisse pascha celebrare in præputio, fateor secundum ordinẽ vsitatum. Neque enim ad pascha & sacrificia admissi fuerunt nisi qui initiati essent in Dei cultũ: sicuti neque hodie mysterium Cœnæ aliis commune est, quam qui iam per Baptismum in Ecclesiã sunt recepti. Sed Deo liberum fuit ordinaria ratione ad tempus mutata, participes facere aliorum sacrorum, quibus circuncisionem ademerat. Ita in vna parte excommunicatus fuit populus: ad miniculis tamẽ idoneis interea subleuatus est, ne desperaret. Quẽadmodum si pater filio infensus, pugnũ attollat, acsi vellet procul abigere, & tamen altera manu domi eum retineat: minis terreat ac verberibus, nolit tamen à se discedere. Hæc mihi videtur fuisse ratio cur Deus præcipuo adoptionis pignore populum spoliens, aliis tamẽ ad miniculis destitui noluerit. Siquis obiiciat, disertè exprimi nullos fuisse in itinere circuncisos ex quo egressi sunt: respondeo, breuitatis causã non exactè omnia notari: colligi tamen posse ex contextu, non alios præputium gestasse, nisi qui post seditionẽ nati erãt. Dicitur enim, filios eorum quos ipsis substituit Deus, Iosue circuncidit. Vnde apparet nouu populum



pulum fuisse tunc creatum, qui peruersis defecto-  
 ribus substitueretur. Porro tritis ac dura fuit  
 hæc probatio, quòd Deus populum antè circū-  
 cidi noluit quam ab hostibus vndique obside-  
 retur. Commodior certe & tutior fuisset ratio,  
 antequam Iordanem traicerent, in regione Ba-  
 san, quæ profligatis incolis pacata erat, se circun-  
 cidere. Expectat Deus vique dum inter medios  
hostes inclusi, eorum libidini & violentiæ pateat:  
acsi consulto eos morti obiiceret. Nam omnes  
 ex vulnere debilitatos simul decumbere oport-  
 uit: vt nullo negotio iugulari potuerit. Si enim Gen. 34  
 duobus filiis Iacob impune in vrbem Sichem  
 perrumpere liberum fuit, & ciuibus occisis eam  
 diripere: quanto facilius vicinis gentibus fuit, Is-  
 raelitas eodem modo sauciatos aggredi & pas-  
 sim trucidare? Fuit igitur, vt dixi, hoc valde aspe-  
 rum examen: quòd maiori laude digna est prom-  
 ptitudo obsequii. Quanquam locus ipse videtur  
 Dei consilio electus, quòd propensiores eissent ad  
 parendum. Si trans Iordanem idem mandatum  
 fuisset, timendum erat ne animos desponderet,  
 & hac remora iniecta, iterum detrectarent ter-  
 ram ingredi. Nunc quum felicibus auspiciis quasi  
 Dei manu in possessionem adducti, sublato hoc  
 vno obstaculo certam debellandi spem concipi-  
 unt, nihil mirum si libētus obtēperent quam  
 si nondum fuissent tam præclarè cōfirmati. Ipse  
 quoque terræ conspectus stimulos addere de-  
 buit, quum ideo se rursus Deo consecrari intel-  
 ligerent, ne terram sanctam polluerent eorum  
 præputia.

9 *Dixit Iehoua ad Iosnam.*) Opprobrium Ægypti quidam exponunt, quòd præputiù eos similes redderet Ægyptiis, profanos scilicet ac ignominia macula notatos: ac si dictum esset receptos esse in Dei peculium, vbi de integro insigniti fuerunt hac nota, vt ab immundis gentibus differrent. Alii actiue accipiunt, factum esse ne posthac ludibrio sint Ægyptiis, ac si Deus eos fefellisset: quod tanquam longè petatum repudio. Alii non fore amplius fallo dedecori obnoxios, ac si deos gentis illius coluissent. Ego verò existimo potius intelligi, liberatos esse inuidia criminis, quo alioqui grauati essent. Odiosum erat excusso iugo à rege sub cuius ditione agebāt, descuisse. Porro quia iactabant Deum iniustæ tyrannidis fuisse vindicem, exprobrare facile erat fallò eos obtendere nomen Dei. Ergo pro fugitiuis habiti essent, nisi ad eluendum dedecus opposita fuisset circuncisio, qua iam ob signata erat Dei electio in eorum carne antequam descenderent in Ægyptum. Proinde vetusti fœderis instauratiōe palam factum est, non fuisse rebelles legitimo imperio, nec propria temeritate abiisse, sed libertatem à Deo fuisse redditam, qui pridem eos in fidem & clientelam receperat. Ab hac deuolutione probri nomen loco impositum fuit. Nam qui Gilgal putant vocari rescissam pelliculam, quia sit velut rotundus circulus, discedunt à verbis, & commentum minimè necessarium longè accersunt, quum res per se liqueat, locum fuisse vocatam reuolutionem, quia illic Deus populum suum ab ignominia qua indignè

onera-

onerabatur,asseruit. Quod Iosephus libertatem interpretatur, vanum & ridiculum est. Vnde apparet nō minus linguæ Hebraicæ fuisse ignarum quàm scientiæ legalis.

10 Itaque castrametati sunt filii Israel in Gilgal, & fecerūt Pēsach quartadecima die mensis ad vesperum in campestribus Iericho.

11 Et comederūt è fructu terræ postridie Pēsach infermentata, & polentam ipsomet die.

12 Et cessauit Man postridie postquam comederunt è frumento terræ: neque fuit vltra filiis Israel Man, sed comederunt è fructu terræ Chanaan eo anno.

13 Contigit autem quum esset Iosue apud Iericho, vt leuaret oculos suos ac aspiceret: & ecce vir stabat cōtra eum, in cuius manu erat gladius euaginat: & iuit Iosue ad eum, dixitque illi, Ex nostris es? an ex aduersariis nostris?

14 Et dixit: Non: sed sum princeps exercitus Iehouæ: nunc veni. Et cecidit Iosue in faciem suam ad terram, & adorauit, dixitque ei: Quid Dominus meus loquitur ad seruum suum?

15 Et dixit princeps exercitus Iehouæ ad Iosuiam: Solue calceamētum tuum è pedibus tuis: quia locus super quem stas, sanctitas est. Et ita fecit Iosue.

Hic narratur legitimo die celebratum fuisse Pascha. Quanquam sunt qui putent quasi de re insolita verba fieri: atque inde colligunt, per quadraginta annos fuisse interruptum, sicut omissa fuit circuncisio. nempe quia absurdum fuisset, præputiatos ad sacrum epulum seingere: deinde quia ab initio anni secundi non legimus Pascha fuisse immolatum. Atqui probabile non est, quod Deus perpetuum esse nuper iusserat repente fuisse abiectum. Dictum enim

Exo. 12. illis fuerat, Nox obseruabilis erit apud filios Is-  
42. rael in cunctas generationes suas. Quomodo conueniet, biennio post obsoleuisse quod seculis omnibus inuiolabile esse debuit? Cuius deinde socordiæ fuisset tam exiguo tempore sepelire beneficii recentis memoriam? Atqui præputium bonam partem arcebat, ne mysteriū profanaretur. simul enim dictum fuerat: Nemo incircuncisus

Exo. 12.  
48.

cuncifus accedet. Iam respondi, fuisse id extraordinarium priuilegium, quòd lege soluti sunt filii Israel. Nam certe interea sacrificiis vsi sunt, & se exercuerunt in reliquo cultu legali: quod nefas fuisset, nisi ex præscripta legis forma aliquid fuisset diuinitus remissum. Prohibitos fuisse ab atrio Dei immundos omnes certum est. Illic sacrificia obtulerunt filii Israel in præputio: quod tantundem fuit ac Pascha immolare. Ergo tolerantia, permissum illis fuit, quod secundum legis normam non licebat. Quod autem secundum illud Pascha commemorat Moses, id fit alio consilio: nempe vt oblique perstringat incuriã & pigritiam populi, qui anniuersarium sacrum in fine primi anni nõ obiisset nisi admonitus. Etsi enim edixerat Deus, vt per omnes ætates renouarent quotannis redemptionis suæ memoriam, iam ante finem anni obrepserat obliuio, vt in officio cessarent. Neque enim frustra nouo oraculo urgentur: sed quia sponte non erant satis attentii. Adeo autem locus ille non probat Paschatis deinde vsum intercidisse: vt probabilis inde cõiectura elici queat, fuisse quotannis obseruatum: quia anno vertente anteuertit Deus, vt in posterum diligenter cauerent, ne vnquam ab iniuncto sibi mandato desisterent.

12 *Postridie Pasch.*) An tunc primùm inceperint tritico velci non satis liquet. Habitauerat enim in regione nõ inculta & mediocriter fertili. Certe in duorum regum ditone fuit annonæ copia, quæ incolis sufficeret. Filios Israel passos esse corrumpi & putrescere quod illic inue-

nerant frumentum, consentaneum non videtur. Carnes verò quæ ex sacrificiis restabant comedisse non dubito. Fieri itaque potest, vt nō prorsus abstinuerint à pane triticeo: & tamen à victu consueto non discesserint. Nam tātæ multitudini alimenta non suppeditasset regio, quæ decimæ parti attributa fuit. Minimè ambiguum est quin iusta æstimatio seruata fuerit, quum duas tribus & dimidiam Moses illic locauit. Ergo victū nondum nactæ erant duodecim tribus: præsertim quum bello vastata esset regio, nec agriculturæ operam darent Israelitæ, quibus turum non erat à castris discedere. Quare Man ad eos alendos necessarium fuit, donec plenior obtingeret copia: quod factum est in terra Chanaan: ideoque tunc reuersi sunt ad communem victum. Cur autem in illum vsque diem distulerint, nescitur: nisi quòd sanatis vulneribus dies aliquot consumere oportuit in colligenda annona: panem verò conficere non permiserit religio, ne sabbatum violarent. Etsi autem sancta illis fuit quies, ex circumstantia tamen colligitur festinasse: quia iam antè parata erat farina: quum molere & coquere vno die non potuerint. Quicquid sit, viatico profectus est eos Deus, quandiu penuriæ subueniendum fuit. Quòd autem subito & in iplo articulo Man defecit, valere debuit ad testificandam rursus Dei gratiam: quia inde apparuit Man temporale fuisse subsidium, quod tam ex nubibus quam paterna Dei prouidentia fluxerat. Porro de prouentu anni superioris hoc esse intelligendum patet, ac quætionem ea de re mouere

uere superuacuum est: quia nimis præcipitanter volassent ad hornum triticum nondum bene maturum: & ante mensē vix coaceruare poterant quod tantæ multitudini sufficeret. Cur ergo in re tam clara laborēt interpretes, nō video.

13 *Accidit quum Iosue.*) Hic refertur insignis visio, qua redditus fuit animosior Iosue. Quamquam autem munus suum strenuè obibat, vtile tamen fuit, currenti calcar addere. Neque tamē priuatim eius causa apparuit Angelus, sed ad cōfirmationem totius populi. Imò longius respexit Deus, vt certioribus documentis testatam posteris faceret gratiam, quæ nunquam satis expensa fuit. Etsi enim magnificè iactabant, se Dei manu plantatos esse in terra sancta: vix tamen adducti sunt tot miraculis, vt seridè agnoscerent, se illic esse Dei inquilinos. Itaque visio hæc seculis omnibus prodesse debuit, ne ambiguum esset Dei beneficium. Quòd dicitur leuasse oculos, ad certitudinem valet: nequis euanido spectro acie eius perstrictam fuisse existimet. Formidabile verò spectaculum primo intuitu fuit: quia verisimile est Iosue tunc fuisse solum, siue orandi causa, siue vrbs inspiciendæ consilio, ab hominum frequentia secesserit: atque hoc secundum magis placet, seorsum fuisse speculatum qua parte vrbs esset oppugnanda, ne alios terreret difficultas. Certe comites abfuisse apparet, dum solus occurrit: nec dubium quin paratus ad certamē, si in hostem incidisset. Cæterum tanquam de homine interrogat, quia Angelum nō agnoscit nisi ex responso. Atque hæc dubitatio visioni plus fi-

dei rursus conciliat, dum paulatim ab hominis quem alloquitur aspectu ad Angeli cognitionē deducitur. Quanquam verba sonant, non quēlibet fuisse Angelum, sed præcipuæ excellentiæ. Vocat enim se principem exercitus Dei, quod tā de electo populo, quàm de Angelis potest intelligi: sed prior sententia rectior est: quia nihil insolitum profert Deus: sed quod antè legimus præstitum Mofi fuisse, continuat. Ac scimus Mosen ipsum hoc beneficium aliis omnibus prætulisse: & meritò: quia palam & familiariter Deus illic gloriam suā manifestabat. Itaque promiscuè vocatur Angelus, & insignitur elogio Dei æterni.

1. Cor. 10. 4. **Q**uius rei Paulus nobis idoneus est testis, qui disertè testatur fuisse Christum. Et Moses ipse in persona Mediatoris Deum præsentē amplexus est. Nam vbi post vitulum fabrefactum pronunciat Deus, se non fore amplius populi ducem, simul se vnū ex Angelis daturū promittit, sed quasi ex turba: quod Moses vehemēter deprecatur. Népe quia remoto Mediatore, sperare nō poterat Deū fore propitiū. Rarū itaque fauoris Dei pign<sup>9</sup> fuit, præsto adesse principē & caput Ecclesię, cui Moses assueuerat. Et certe non aliter rata potuit esse Dei adoptio, quā per manū Mediatoris.

14 *Non: sed dux exercitus.*) Quauis negatio aptè vtrique membro conueniat: quia neque Israelita erat neque Chananęus: ac si præcisè negaret se esse hominem mortalem, commodè tamen restringere licebit ad secundum membrū, vbi rogabat Iosue an esset ex hostibus. Porro quando in ea re parum est momenti: satis sit tenere



nere quod præcipuum est, venisse vt præfset e-  
 lecto populo, quem honorificè appellat Dei e-  
 exercitum. Quòd se alium à Deo facit, in eo no-  
 tatur personalis distinctio, non autem scinditur  
 vnitas essentię. Diximus apud Mosen sepe nomē  
 Iehouæ adscribi Angelo præfidi: qui haud dubie  
 vnigenitus erat Dei Filius. Nempe quia & verus  
 est Deus: & tamē in persona Mediatoris per di-  
 spensationem, Deo inferior. Iam quod docent  
 veteres libenter recipio, dū apparuit olim Chri-  
 stus in forma hominis, præludium fuisse myste-  
 rii quod deinde fuit exhibitum, quando mani-  
 festatus est in carne Deus. Cauendum tamen ne  
 imaginemur Christum tunc induisse carnē: quā-  
 do non legitur Filium suum misisse Deus in car-  
 ne ante plenitudinem temporum: deinde qua-  
 tenus homo est, Filiū Dauidis esse oportet. Ve-  
 rùm vt apud Ezechielem legitur, similitudo ho-  
 minis duntaxat fuit. Cæterum fueritne substan-  
 tiale corpus an forma exterior dūtaxat, argutius  
 disputare superuacuum est, contēdere verò no-  
 xium. Superest vna quęstio, quomodo se nunc  
 venisse dicat princeps exercitus Dei, qui populū  
 fidei suę commissum non deseruerat: & nuper  
 incomparabile præsentia suę specimē ediderat  
 in traiectu Iordanis. Atqui trito Scripturæ vsu di-  
 citur ad nos venire Deus, vbi re ipsa sentimus e-  
 ius auxilium, quod remotum videtur, nisi expe-  
 rientia patefiat. Perinde igitur est, ac si operā suā  
 ad obeunda quę instabant, certamina offerret:  
 ac suo aduentu promitteret fœlicem debellandi  
 exitum. Ex adoratione certò colligi non potest,

filius  
 Eze. i. f. m. t.  
 do s. o. s. : fa  
 in carnis ex  
 carnis h. s. d.

Deus ad  
 vbi carnis  
 sed est alia  
 in f. m. t. p. l. g.  
 d. m.

an Iosue Christo probè cognito diuinum honorem exhibuerit. Verum rogando quid Adonai seruo suo præcipiat, imperium defert quod non nisi in Deum competit.

15 *Solue calceamentum.*) Tantum quò sanctior sit visio, in signum reuerentiæ & timoris exigat magnus Angelus, vt calceos exuat Iosue. Idem & Moses sibi iniunctum fuisse refert in monte Sinai, non alia ratione, nisi quòd gloriam suam Deus illic manifestabat. Neque enim aliunde maior vni quam alteri loco sanctitas, nisi ex peculiari dignatione. Ita Iacob exclamat locum vbi propius Deum cognouerat, esse domum eius, terribilem locum & portam cæli. Ergo quòd iubetur sanctus vir calceos sibi detrahare, hac ceremonia Deus ob signat præsentia suæ fidem, & plus ponderis addit visioni: non quòd pedum nuditas per se censeatur in Dei cultu: sed quia eiusmodi subsidiis adiuuanda est hominum infirmitas, quò se melius ad venerationem excitent & comparent. Porrò sicuti Deus loca in quibus apparet, sanctificat sua præsentia: ita mihi probabile est hoc elogio commendari præstantiam terræ Chanaan, in qua sibi domicilium elegerat Deus, vt purè illic coleretur. Vnde & passim vocatur eius requies. Laudatur in fine versus obedientia Iosue, vt eius exemplo discat posteritas sanctè in ea terra pietatem colere. Ita videtur tacita subesse comparatio, vel antithesis, quæ extollat terram Chanaan præ aliis regionibus.

C A P V T

Exod.  
3-5

Gen.  
28.17

Psal. 95.  
11, & 132  
14

## CAPVT VI

1 **I**ericho autem erat clausa  
& claudebatur propter  
filios Israel, nec poterat  
quisquam egredi vel in-  
gredi.

2 Dixitque Iehoua ad Iosua, Ecce  
tradidi in manum tuam Iericho, & re-  
gem eius, & virtute præstantes.

3 Circuibitis itaque urbem, omnes  
viri bellatores circundando eam semel:  
sic facies sex diebus.

4 Porrò septem sacerdotes ferent  
septem cornua arietina ante arcam: Die  
autem septima circuibitis urbem sep-  
tem vicibus, & sacerdotes ipsi clan-  
gent tubis.

5 Quum verò protraxerint sonitum  
cornu arietino: vbi primum audieritis  
vocem tubæ, vociferabitur vniversus  
populus vociferatione magna, & con-  
cidet murus urbis sub se: populus verò  
ascendet quisque è regione sua.

6 Vocauit ergo Iosue filius Nun sacerdotes, & dixit eis, Tollite arcã fœderis, & septem sacerdotes accipiant septem tubas arietinas coram arca Iehouæ.

7 Dixit quoque ad populũ, Tranſite, & circuite urbẽ, & armatus quisque præcedat arcam Iehouæ.

8 Et fuit poſtquã loquutus eſt Iosue ad populum, tulerunt ſeptẽ sacerdotes ſeptem tubas arietinas, & tranſeuntes ante arcam Iehouæ clanxerunt tubis: Arca autem fœderis Iehouæ ſequebatur ipſos.

9 Et armatus quiſque præcedebat sacerdotes clangentes tubis, Et qui cogebat agmen ſequebatur arcam eundo & clangendo tubis.

10 Populo autem præceperat Iosue, dicendo, Non vociferabimini, nec facietis audire vocem veſtram, neque egredietur ex ore veſtro verbum, uſque ad diem quo dixerò vobis, voci-

feramini:tunc vociferabimini.

11 Circuiuit itaque arca Iehouæ urbē, circundando semel, & reuersi sunt in castra: manseruntque illic.

12 Rursum surrexit Iosue mane, tuleruntque sacerdotes arcam Iehouæ.

13 Septem autem sacerdotes ferentes septē tubas arietinas præcedebant arcam Iehouæ, eundo: & clangebant tubis. Armatus. verò præcedebat eos, & qui cogebat agmen sequebatur arcam Iehouæ eundo, & clāgendo tubis.

14 Circuiuerunt ergo urbem die secundo vice alia, reuersique sunt ad castra, sic fecerunt sex diebus.

15 Vbi autē aduenit septimus dies, surrexerunt simul ac ascendit aurora, & circuiuerunt urbē secundum eundem morem septem vicibus: tantum die illa circuiuerunt urbē septem vicibus.

16 Septima autem vice quum clangerent sacerdotes tubis, dixit Iosue ad

populum, Vociferamini, tradidit Iehoua vobis vrbem.

17 Erit autē vrb̄s anathema, ipsa & quęcunque in ea sunt, Iehouę: tantūm Rahab meretrix viuet, ipsa & quicūque fuerint cum ea domi: quia abscondidit nuncios quos misimus.

18 Veruntamē vos cauete ab anathemate, ne forte contingatis aliquid de anathemate, tollatīque de anathemate, & ponatis castra Israel anathema, & turbetis ea.

19 Omne autem argētum, & aurum, & vasa ærea & ferrea, sanctitas erunt Iehouę: thesaurum Iehouę ingredientur.

*1 Iericho erat clausa. )* Dicit Iericho fuisse clausam, quia non aperiebantur portę: sicut belli tempore custodiuntur vrbes diligentius solito. Addit vehementiæ causa, portas fuisse obseratas: quasi diceret, attentos ad custodiam fuisse incolas, ne incauti opprimerentur. Ita eius potiundę non alia spes, nisi vi & manu expugnaretur, quia per insidias capi non potuit. Hoc ad gratiam Dei illustrandam valet, quia longa & molesta obsidio

dio fatigasset filios Israel, nisi maturè oblatum  
 fuisset è cælo remedium. Interea periculum erat,  
 ne in angulum coacti inedia & fame consume-  
 rentur: quia in regione infesta nulla erat pabu-  
 landi facultas. Deus ergo ne ad urbem vnã  
 desideant, insolito miraculo succurrit: ac mu-  
 ris quidem euersis ingressum illis patefecit, quò  
 deinde confidentius alias vrbes inuaderèt. Nunc  
 videmus quomodo inter se cohæreant duo pri-  
 mi versus, Iericho fuisse clausã, & ita filios Israel  
 fuisse ab accessu prohibitos: Deum verò fuisse  
 pollicitum illius se expugnatorem fore: quia sci-  
 licet hoc modo anteuertere voluit, ne anxia de-  
 liberatione se torquerèt. In summa, Deus hoc tã  
 fælici facilis victoriæ exordio prouidet, ne in fu-  
 rorum animos despondeant. Notandus interea  
 populi illius stupor, qui Dei potētiae muros suos  
 & portas opponit, acti difficilius esset paucos af-  
 feres confringi vel dissolui, quam arefieri Ior-  
 danem.

3 Circuibitis itaque.) Promissio quidem per  
 se ad spem victoriæ idonea & efficax: sed cui ra-  
 tio agendi tam ludicra fidem abrogat. Iubet  
 Deus vno circuitu quotidie urbem lustrare vs-  
 que ad septimum diem, quo iubet septies eos cir-  
 cuire, clangere tubis & vociferari: quod totum  
 nihil aliud fuit, quam pueriliter ludere. Verũ  
 hoc examine probari eorum fidem operè pretiũ  
 fuit: vt in re ipsa nihil præter meram frustratio-  
 nem cernentes, acquiescerent nihilominus in  
 Dei oraculo: quo etiam consilio sæpe virtutem  
 suam sub infirmitate ad tempus occultat, & ina-

nibus nugis videtur ludere, ut eius debilitas tãdem  
 omni potentia fortior appareat, & stultitia supra omnem  
 sapientiam refulgeat. Sic dum ratione sua faceſſere iuſſa ab eius ore  
 pendent Iſraelitæ, ineptiendo longe plus proficiunt, quam  
 ſi violento conatu irruptionem facerent, murosque quateſacerent  
 validiſſimis & innumeris machinis. Tantùm eos ad breue tempus  
 ſulteſcere oportuit, neque appetere nimium acumẽ, anxie ac  
 ſubtiliter de euentu ſciſcitando: quia id fuiſſet Dei potentie quodammodo viã obſtruerẽ.  
 Interea quanquam ludibrio eſſe potuit circularis eorum  
 ambulatio, tandem proſpero ſucceſſu cognitum fuit, Deum nihil  
 fruſtra præcipere. Alia etiam dubitatio & cura obrepere potuit  
 eorum mentibus, ſi ſubitò erumperent urbis ciues, nullo  
 negotio diſſipatum iri exercitum, quũ longe diſſuſus totam  
 urbem circundaret, nec acie diſpoſita incederet ad excipiendos  
 inſultus. Sed hac quoque in partẽ quicquid ſollicitudinis  
 eos angebat, reiicere in Deum oportuit: quia ſancta eſt  
 quæ in eius providẽtiam recumbit ſecuritas. Accessit ad  
 exercendam eorum tolerantiam repetita per ſeptẽ dies  
 urbis luſtratio. Quid enim minus conſentaneum, quam ſexies  
 abſque proſectu ſe fatigare? Iam quorſum ſilentium, niſi  
 ut timiditatem prodẽdo, hoſtes ad pugnam elicerent,  
 quibus tamen occurrere animus non erat? Verũ quia  
 profani homines ſeruẽter ſatagendo ſæpe omnia miſcent  
 ac peruertunt, tacẽdi & quieſcendi vices ſuis iniungit  
 Deus, quò ſe ad exequẽda ſimpliciter eius iuſſa melius  
 aſſuefaciant.



faciant. Hoc quoque notatu dignum est, non de-  
 promi è sanctuario argéteas tubas, quibus clan-  
 gant sacerdotes: sed tantùm cornua arietina illis  
 dari. Certe ad confidentiam longe plus valuisset  
 sacrarum tubarum sonitus: sed melius probata  
 fuit eorum obedientia, dum symbolo vulgari  
 contenti fuerunt. Porro ita dispositi fuerūt pro-  
 gressus, vt maior pars arcam præcederet quæ  
 per armatos intelligitur: sequerentur autem qui  
 solebant impedimenta comitari. Nam eorum e-  
 rat curare ne postremum agmen dissiparetur.  
 Quia nomen Congregantis obscurum erat, red-  
 didi quod erat apud Latinos magis vsitatum.  
 Quòd tribui Dan has partes quidam attribuunt  
 firmum non est, quia tunc non fuerunt pro mo-  
 re aliarum expeditionum dispositi.

15 *Vbi aduenit septimus.*) Hic quoque visus  
 est Deus toties populum circumagèdo non mo-  
 dò rem tenere suspensam, sed miseros qui frustra  
 se fatigabant, data opera ludificari. Cur enim de-  
 repente urbem aggredi non iubet? Cur in pri-  
 stino silentio vsque ad lassitudinem eos continet  
 neque ora ad vociferandum aperit? Verùm hu-  
 ius tolerantia fructus docet, nihil esse melius  
 quam temporum articulos, & agendi opportu-  
 nitates relinquere in eius arbitrio, neque festi-  
 natione nostra anteuertere eius prouidentiam,  
 in qua nisi acquiescimus, viam obstruimus eius  
 virtuti. Quum ergo tuba clangerent sacerdotes,  
 voluit Deus populum suo clamore succinere, vt  
 hoc documento probaret, nullos impetus quos  
 à seipsis excitant homines sibi probari: sed in pri-

*mirabilis  
est: summa*  
 mis requiri zeli moderationem, cuius vnica regula est, nec linguam, nec pedes, nec manus mouere donec ipse præcipiat. Cornua enim arietina eius imperium haud dubie repræsentarunt.

*cap: 20.*  
 17 *Erit vrbs anathema.*) Quamquam Deus statuerat, populum suum non modò spoliis & præda ditare: sed etiam locare in vrbibus quas non extruxerant: peculiaris tamen ratio fuit in prima vrbe: quia æquum fuit tãquam primitias, consecrari. Itaque tam ædificia quam supellectilem sibi vni asserit, ac vetat quidquam in priuatos vsus conferri. Potuit quidem hoc tyrociniū graue & molestum esse populo, vltro domos euertere, in quibus commode habitassent, & corrumpere quæ vtilia fuissent subsidia. Sed debuit æquis animis, quia à pugna abstinuerat, prædam non attingere: Deo que libenter cedere ac remittere victoriæ præmium, cuius solo nutu muri vrbis corruerāt, & vna cum illis conciderant ciuiū animi. Deus quidem hoc gratitudinis pignore ita contentus fuit, vt tamen populus maturè disceret, nihil nisi ex gratuita eius liberalitate esse suum. Eodem enim iure addictæ fuissent aliæ quoque vrbes excidio, nisi quia suis habitandas concessit. De voce אנתמה breuiter id tantum nunc repetam ex alijs locis: dum refertur ad sacras oblationes, pro abolitione sumi hominum respectu, vt rebus eo modo deuotis non secus renuncient, ac si in nihilum essent redactæ. Id est Græcis ἀνάθημα vel ἀνάθημα quasi sepositum: nos lingua Gallica aptè interdictum vocamus. Hinc exhortatio, vt caueant ab anathemate: quia perierat

rat quoad homines, quod vni Deo erat separatum. Aliter proximo versu accipitur, ne castra Israel sint in anathema, quia simpliciter notatur excidium, perditio, vel interitus. Porro vasa ex metallis fabrefacta destinavit Deus in vsum sanctuarii, alia omnia incendio consumi vel aliis modis deleri iussit.

20 Itaque vociferatus est populus postquam claxerunt tubis. Quum enim audisset populus vocem tubarum, vociferatus est vociferatione maxima, & cecidit murus subtus, tum ascendit populus in urbem quisque e regione sua, & ceperunt eam.

21 Et perdiderunt omnia que erant in vrbe, a viro vsque ad mulierem, a puero vsque ad senem, ad bouem & ouem, & asinum, acie gladii.

22 Duobus autem viris qui explorauerant terram dixit Iosue, Ingradi mini domum mulieris meretricis, & inde educite eam, & quecunque habet, quemadmodum iurastis ei.

23 Ingressi itaque exploratores educerunt Rahab, & patrem eius, & ma-

trem eius, & fratres eius, & quæcun-  
que habebat, & totam cognationem  
eius eduxerunt, ac locarunt extra ca-  
stra Israel.

24 Urbem verò succenderunt igni,  
& quæcunque erant in ea: tantum-  
modo aurum, & argentum, vasa ærea  
& ferrea posuerūt in thesauro domus  
Iehouæ.

25 Itaque Rahab meretricem, &  
domum patris eius, & quæcūque ha-  
bebat viuere fecit Iosue: habitauitque  
in medio Israel vsque ad hunc diem,  
quia absconderat nuntios quos mise-  
rat Iosue ad explorandum Iericho.

26 Adiurauit autem Iosue tempo-  
re illo dicendo, Maledictus vir coram  
Iehoua qui surget vt ædificet urbem  
istā Iericho. In primogenito suo fun-  
dabit eam, & in minore suo statuet  
portas eius.

27 Fuit autē Iehoua cum Iosue, &  
fama eius fuit in tota terra.

20 *Itaque vociferatus.*) Hic laudatur populi obsequium, & simul Dei veritas celebratur. Fidē suam clamore testati sunt, quia persuasi erant nō frustra id sibi præcipi: & Deus vicissim dum passus nō est ipsos operam ludere, fidem verbo suo asseruit. Altera nihilo inferior virtus, quòd spreto illicito quæstu, totam prædam alacriter perdidērūt. Neque enim dubium, quin multis obreperit ista cogitatio, quorsum Deus tãtas opes perire vult? cur nobis inuidet quæ dedit in manum? cur non potius nos exhilarat, vt materiã gratiarum actionis suppeditet? Ergo rationibus quæ officium interrumpere poterant, valere iussis, vltro abiicere quæ in manibus erant spolia, & vrbis vnius opes, raræ & eximiæ continentiæ fuit. Quòd nullo ætatis & sexus discrimine tã feminas quam pueros infantes ac senes iam caducos & decrepitos promiscuè trucidarunt, videri posset immanis strages, nisi Dei iussu fuisset edita. Sed quia ipse in cuius arbitrio sunt vita & mors, iustè ad interitum destinauerat gentes illas, facessat omnis disceptatio. Adde quòd iam quatuor seculis eas tolerauerat, donec completa esset ipsorum iniquitas. Quis nunc de immodico rigore queratur, vbi Deus tam diu iudicium suum suspendit? Si excipiat quispiam, saltē pueros infantes adhuc immunes fuisse à culpa, in promptu est solutio, quia maledicta erat ac reproba soboles, iustè periisse. Hoc quidem fixum manere debet, quod atrociter & barbara sæuitia factum esset, si pro sua libidine & iracundia teneros fœtus cum matribus iugulassent Israe-

litæ, nunc meritò conferri piam & laude dignã strenuitatem, sanctòque zelo adscribi, dum exequuntur Dei mandatum, qui terram Chanaan hoc modo fœdis & pridem fœtidis ac putrefactis sordibus purgare voluit.

22 *Duobus autem viris.*) Fides quidẽ Iosue in seruandis promissis & integritas in hac sollicitudine apparent: verùm quia anathemati subiecta erat tota vrbs, de exceptione vnus familiæ moueri potest quæstio. Neque enim liberũ fuit homini mortali, quidquam in Dei sententia mutare. Verùm quia de sua impunitate Rahab nõ nisi Spiritus instinctu pepigerat: nihil in ea seruanda Iosue nisi consideratè & prudenter fecisse statuo. Adde quod nulla adhuc religio nuncios tenebat, antequam de vrbs excidio pronunciatum esset. Audierant quidem in genere, delendas esse omnes illas gentes: libera tamẽ fuit cum vna muliere pactio, quæ sponte à suis descuerat. Quanquam solutio longe expeditior postea occurreret: nõpe dum ex Dei præscripto hortati sunt Israelitæ ad deditionem quoscunque aggrediebantur, spe veniæ proposita: illi autem excæcati pertinaciter abnuerunt pacem sibi oblatam, quia Deus omnes perdere decreuerat. Quoniã publicè omnes in suam perniciem fuerint obdurati: sequitur Rahab priuilegio fuisse exemptam, vt aliis pereuntibus incolumis euaderet. Prudenter ergo reputauit Iosue, non absque peculiari Dei gratia mulierem quæ sponte ad Ecclesiam tranierat, mature fuisse ereptam. Dissimilis quidem patris & totius familiæ ratio: sed quando  
sponte

sponte se omnes abdicant à pristino statu, salutē quam ipsis stipulata erat Rahab, promptitudine obediendi cōfirmant. Porro discamus exemplo Iosue, quanuis malitiōsè & data opera fidem nō violemus, non tamen id ad testandam probitatem sufficere, nisi sedulò conemur quam dedimus fidem præstare. Neque enim tātum patitur Rahab à suis hospitiibus liberari: sed maturè cauet nequid iniurię in primo tumultu sustineat: & quo propensiores sint ad officium, admonet interposito iureiurando ita fuisse pollicitos.

23 *Ingressi itaque.*) Haud dubie saluos esse Deus voluit, quorū ita flexit animos ad amplexandam liberationem. Alioqui eam non minus superbè nec minore ludibrio quam duo generi Loth repudiaissent. Sed longe melius etiamnum illis cōsultitur, dum reiecti extra castra, seuera inuitatione ad superioris vitæ abnegationem vocantur. Nam si protinus admissi essent, & populo indifferenter permixti, nūquam illis forte venisset in mentem sua immundities, atque hoc modo in ea obtorpuissent. Nunc vbi seorsum locantur, ne gregem sua cōragione inficiant, simul incutitur pudor, qui ad seriam conuersionē eos sollicitet. Neque enim conuenit, fuisse quasi in tuto sepositos, ne quis in turba violenter contra eos insurgeret: quia summo omnium fauore & gratulatione fuissent excepti: in solitudine autē facilius & quidem impune, offensi fuissent. Pristina igitur illis immūdities ante oculos fuit posita, ne polluti temere prorumperent in sanctum cœtum: sed potius hoc rudimento assueherent

ad mutandum vitæ genus. Sequitur enim paulò post, habitasse in medio populi: nempe quia inquinamenti purgati, non alio loco haberi cœperunt, quam si fuissent oriundi ex genere Abrahæ. Denique significat, ex quo professi sunt se antè fuisse in sordibus, promiscuè cum aliis admissos. Et hac cooptatione Rahab insignem adeptæ est fidei suæ fructum.

26 *Adiuravit autem.*) Ergo consecratio non modò in vnum diem valere debuit, sed omnibus sæculis posteros commonefacere, urbem illam non nisi diuinitus fuisse expugnatam. Itaque ruinas & vastitatem, loco trophæi in perpetuum monumentum extare voluit: quia noua structura instar lituræ futura erat ad miraculum delendum. Ergo vt loci deformitas memoriam potestatis Dei & gratiæ ad posteros renouet, dira execratione sancit Iosue, ne quis urbem ædificet semel dirutam. Colligimus autè ex hoc loco, ad miniculis indigere torporem hominum, ne Dei beneficia obliuiscendo sepeliant. Ideo spectaculum in quo conspicua populo fuit Dei virtus, quasi obliqua fuit ingratiudinis exprobratio. Imprecationis verò summa est, vt si quis aggressus vnquam fuerit extruere Iericho, in fausto & lugubri euentu sentiat, sceleratum & nefandum fuisse opus. Nam fundamenta iacere in primogenito tantundem valet, ac filium proiicere, vt obrutus & attritus lapidum mole infeliciter pereat. Sic portas locate in minore filio, tantundem valet ac ædificium moliri quod non nisi filii interitu surgat. Ita in sua progenie damnatur qui



co vesaniæ prorumperet. Nec verò Iosue ex proprio sensu hanc maledictionem protulit: sed præco fuit cælestis vindictæ. Quo magis prodigiosum est, repertum in populo Dei fuisse hominem quem formidabilis ista adiuratio solénibus verbis concepta à sacrilega temeritate non arceret: sicuti tempore Achab exortus est Hiel ciuis Bethel, qui Deum quasi ex professo hac in re lacessere ausus est. Verùm simul testatur sacra historia, non irritum fuisse oraculum, quod Deus pronuntiauerat in manu Iosue: quia in Abiram primogenito nouam Iericho fundauit, & in Segub filio minore erexit portas eius: vt in sobolis suæ exitio agnosceret, quid sit inuito & repugnante Deo quidquam tentare.

1. Reg.  
16

## CAPVT VII.

**I**RANGRESSI autem sunt transgressione filii Israel in anathemate: quia Achan filius Charmi filii Zabdi, filii Zerah de tribu Iehuda abstulit de anathemate: & accensa est excandescencia Iehouæ contra filios Israel.

2 Porro misit Iosue viros è Iericho contra Ai, quæ erat iuxta Bethauẽ ad

orientem Bethel, & loquutus est cum illis dicendo, Ascendite & explore terram. Ascenderunt itaque viri, & explorauerunt Ai.

3 Qui reuerſi ad Iosua, dixerunt ei, Ne ascendat totus populus: circiter duo millia virorum aut circiter tria millia virorum ascendant, & percussent Ai.

4 Ascenderunt ergo illuc è populo fere tria millia virorum, & fugerunt coram viris Ai.

5 Percusseruntque ex eis circiter triginta & sex viros, & persequuti sunt eos à porta vsque ad Sebarim, & percusserunt eos in descensu: atque ita liquefactum est cor populi, fuitque velut aqua.

6 Porrò Iosue scidit vestimèta sua prociditque in faciem suam in terram coram arca Iehouæ vsque ad vesperã, ipse & seniores Israel, & posuerunt puluerem super caput suum.

7 Dixitque Iosue, Ah ah, Dominator Iehoua, vt quid traduxisti populū hunc trans Iordanem, vt traderes nos in manū Amorrhæi qui perdat nos? Atque vtinam libuisset nobis manere in deserto trans Iordanem!

8 O Domine quid dicam postquā vertit Israel ceruicem coram inimicis suis?

9 Audiētque Chananæus & omnes incolæ terræ, & vertent se cōtra nos, disperdētque nomen nostrum è terra: quid verò facies nomini tuo magno?

1 *Transgressi sunt.*) Refertur vnius hominis crimen, & quidem clandestinum, cuius culpa in totum populum transcribitur: neque id modò: sed in plures infontes reicitur pœna. Atqui minimè consentaneum videtur, priuato & occulto scelere totum populum, qui conscius non erat, damnari. Respondeo, non esse nouum, vt in totum corpus redundet vnius membri peccatum. Si ratio nos lateret, satis supérque nobis esse debet, transgressionem imputari filiis Israel, dum ad vnum hominem noxa restringitur. Verùm quia

quia vt plurimum contingit, conniuendo etiam  
nō malos alere fratrum peccata, pars culpæ me-  
ritō reiiicitur in eos omnes, quos dissimulatio so-  
 1. Cor. cietate implicat. Hac ratione Paulus Corinthiis  
 5.4.5.6. omnibus exprobrat priuatum vnius hominis fla-  
 gitium, & in eorum fastum inuehitur, quòd tā-  
 ta ignominia fœdatis adhuc gloriari audeant. Ve-  
 rùm hīc excipere promptum est, furtum omnes  
 latuisse: ideòque non esse locum prouerbio, eū  
perpetrare crimen, qui dum impedire potest,  
nihilominus fieri patitur. Fateor certe, nō lique-  
 re cur toti populo imputetur priuatum crimen,  
 nisi quòd forte non satis diligēter antè animad-  
 uerterant in maleficia: vnde fieri potuit, vt hic  
 miser audacior fuerit ad peccandum. Et certè,  
 furtim obrepunt ac pullulant malæ herbæ, fru-  
 ctūsque noxios producunt, nisi citò reuulsæ fue-  
 rint. Quanquam ratio cur Deus totum populū  
 reū faciat occulti furti, altior est ac magis recon-  
 dita: quia insolito documento voluit in posterū  
 admonitos, vnius scelere posse omnes fieri reos,  
 quò diligentius ad cauenda vitia attenderēt. Ni-  
 hil ergo melius, quàm suspensas tenere nostras  
 mentes, donec libri aperiantur, vbi clarè pate-  
 bunt quæ nunc nostra caligine obtenebrantur  
 Dei iudicia. Sufficiat nobis, priuata labe infectū  
 fuisse totum populū: quia sic pronuntiauit sum-  
 mus Iudex, coram quo nunc obmutescere, sic-  
 uti ad eius tribunal semel nos sisti oportet. Re-  
 fertur ex qua stirpe fuerit progenitus Achā, au-  
 gendæ & quasi propagandæ ignominia causa:  
 ac si diceretur, familia suæ & totius gentis fuisse  
 probrum.

probrum. Nam scriptor historię ad tribũ vsque Iuda ascendit. Quo docemur, vbi quispiam ex nostris turpiter & sceleratè se gerit, quodãmodo in eius persona verecundię notam nobis inuri, vt humiliemur, non quod propinquis omnibus scelerati hominis insultare æquum sit; sed vt diligentius incũbant omnes consanguinei ad mutuas correctiones: deinde vel suam conuiuentiã, vel propria delicta puniri agnoscant. Iam scandali maior obiecta fuit occasio ad omnes turbãdos, quòd in tribu Iuda, quę flos & decus erat totius gentis, deprehensum fuit tale facinus. Et certe admirabili Dei consilio factum est, vt resideret in illa tribu pręrogatiua, quę spem futuri regni foueret. Atqui vbi inter principia decus hoc ob vnius hominis culpam deformitate fœdatum est, non parum infirmas mentes ea res turbare potuit. Verũm seuera correctione deletum fuit quod alioqui conceptum erat scãdalũ. Vnde colligimus, vbi improbis maledicendi occasio data est, nullum tollendis Ecclesię probris aptius esse remedium, quam si in peccata grauitè animaduersum fuerit.

2. Porro misit Iosue:) Explorare situm vrbis, & accessus omnes cõsiderare prudentiã fuit: ne temere per ignota loca, se proiciendo, insidiis circumuenirentur. Sed quum necesse esset paulò post totis copiis longius progredi: exiguam manum pręmittere vrbis expugnandę causa, non videtur fuisse solertię militaris. Itaque mirũ non fuisset, subita eruptione terreri & fugari duo vel tria millia hominum. Et certe multitudinĩ vtilè

erat, viginti aut triginta millia ad pabulandū huc & illuc spargi. Adde quod in strage edenda, quāuis iugulum iponte præberent omnes, satis fuit negotii ad fatigandos paucos homines. Quod ergo repulsa sunt tria millia vel circiter, iusta fuit securitatis ac desidiæ merces. Verūm paucitatem non fuisse in causa cur dissiparentur, Spiritus sanctus pronuntiat, vt damni culpa illic minimè quærenda sit. Potius factum est arcano Dei consilio, quum signum iræ suæ ostendere vellet, vt tamen in exiguo numero id fieret minore iactura. Et certe rarum clementiæ specimen fuit, populum leniter & sine magna clade castigando, expergefaceret, vt malo statim remedium quæret. Forte etiam non ausi fuissent ciues Ai impetum facere in Israelitas, si iusto exercitu urbem aggressi forent. Viam itaque patefecit Deus suo iudicio: quod tamē ita mitigauit, vt tantum deleteret occultum crimen, quo alioqui tanquam lenta tæbe consumptus fuisset populus. Quamquam autem mirum nō fuit, proiterni Israelitas qui iniquo loco pugnabant in descensu: palam tamen apparuit, metu & defectione animi, antequam manus confererent, fuisse victos: quia terga vertendo, ex loco superiore in accliuem vallem cesserunt. Quod probrosè verò cōtempti fuerint ab hostibus, ex cōfidentia & strenuitate patet, quòd incitato cursu fugiētes persequi non dubitauerunt versus castra. Accessit trepidatio in castris, quæ omnium corda liquefecit. Fateor quidem fuisse timendi causam, quia hætenus quasi ludēdo tot victorias adepti, se turpiter

pter succubuisse cernebant. Magis autem nos conturbant res inuoluntariæ. Verum cælesti magis terrore fuerunt percussi, quam morte triginta hominum & trium millium fuga.

6 Porro Iosue scidit.) Quanquam cladis vel ignominia acceptæ causam aliò reicere promptum erat: deinde animosum ducem minimè ducebat tantopere deiici triginta hominibus amissis: præsertim quum auctis in centuplum copiis hoites ab itinere adhuc lassos frangere non difficile esset: non abs re tamè mœrore oppressus animum propè despondet. Neque enim cogitationem illam, quæ victos sustentat ac recreat, dubios esse bellorum euentus, admittere patiebatur Dei promissio, semper fore victores. Quoniam ergo spei non respondet successus, quod verum erat, statuit: non alia de causa infeliciter pugnasse, nisi quòd destituti essent promissio Dei auxilio. Ergo tam ipse quam seniores non tantum tristitiæ & dolori se tradunt: sed suscipiunt solennem luctum, ut in rebus maxime afflictis fieri solet, scindendo vestes, & puluerem super capita spargendo. Etsi autem ritus iste incredulis quoque vitatus fuit ad testandum dolorem: specialis tamen fuit ratio piis & Dei cultoribus, ut iram eius suppliciter deprecarentur. Ideo in vestium scissura & aliis continebatur pœnitentiæ professio: quod etiam colligitur ex annexa prece: quæ tamen partim ex fide & sincero pietatis affectu, partim ex immodica perturbatione mixta est. Quòd ad Deum rectà se cōuertunt, & agnoscunt in manu eius qua inflictum

fuit vulnus, paratam esse medicinam, ex fide manat: doloris tamen excessu abrepti metas transiunt. Hinc ex postulandi libertas, hinc præposterum votum, Vtinâ libuisset manere in deserto! Neque verò nouum est, vbi sancto zelo ad Deum quærendum adspirant piæ mentes, lucem fidei obnubilari affectuû vehementia & impetu. Hoc autem modo vitiarentur omnes preces, nisi Deus pro immensa indulgentia ignosceret, ac maculis absterfis, eas tanquam puras susciperet. Et tamen quum ita libere ex postulando reiiciant curas in Deum, simplicitas hæc licet venia indigeat, gratior longe est quam ficta hypocritarum modestia, qui sedulò ne qua vox confidentiæ testis erumpat se cohibendo, intus contumacia turgent ac crepant. Excidit à moderatione Iosue, vbi cum Deo litigat, quòd populum eduxerit è deserto: ad maiorem verò intemperiem profilit, vbi turbulentum votum Dei promissioni decretòque opponit, Vtinam è deserto nunquam exiissemus! Atqui id erat Dei fœdus abrogare. Sed quia propositum erat tueri atque asserere Dei gloriam, excusata fuit vehementia, quæ meritò alioqui Deum prouocasset. Hinc docemur, sanctos dū ad rectū scopū cōtendunt, læpe impingere & labi: idque in precibus quoque interdum contingere, vbi maximè fidei puritatem & compositum obedientiæ affectum lucere decebat. Porro de gloria Dei præcipuè fuisse sollicitum ex proximo versu patet, vbi eius patrocinium quasi sibi iniunctum suscipit. Quid dicā, inquit, vbi obiectum fuerit, populum terga vertisse?



tisse? Ac meritò cōqueritur, nihil sibi esse quod respondeat: quia Deus testem eum ac præconē suæ gratiæ creauerat, vnde perpetuus victoriarū tenor erat sperādus. Quum ergo magnificè Dei potentiam pro munere sibi diuinitus mandato extulisset, cōtrario euentu eum turpiter obmutescere necesse fuit. Videmus itaque nulla re magis torqueri, quam vocationis suæ dedecore: nō vt suæ existinationi consulat, sed ne periclitetur Dei veritas coram mundo. Denique, quia non nisi Dei iussu populum adduxerat in terrā Chanaan, eum in aduerso euentu authorem compellat & vindicem: ac si diceret, quando in has angustias abs te coniectus sum, vt frustrator videri possim: tuum est occurrere, & mihi suggerere defensionis materiam.

9 *Audientque.* Proponit alterū metū, quia vicini omnes qui vel malis subacti vel miraculis expauesacti quiescebant, sumpta confidentia repente impetum facient contra populum. Fuit autem id probabile, sicuti Dei potentia eos frangerat & reddiderat attonitos, ita audacter descēsurus in prælium, simulatque desiissent Deum sibi infestum sentire. Ergo periculum futuri temporis Deo obicit nisi maturè prospiciat, quia hac occasione arrepta, Chananæi qui hæctenus torpore constricti iacebant, vltro insiliēt, & populum exanimem aggressi facile delebunt. Cæterum ex clausula patet, nō simpliciter commēdare populi salutē, sed in primis iatagere, vt salua Deo maneat nominis sui dignitas, nec subiaceat impiorum petulantiæ: quod futurum erat, si eie-

Deut.  
32.27

*S. Sebastian.  
v. g. m. 2. Q. v. s.  
v. s. i. s. i. s.*

ctus fuisset populus ab hæreditate toties promissa. Nota est Dei vox quæ refertur in cantico Mo-  
sis, Animus esset eos perdere nisi timerem ho-  
stium superbiam: ne forte dicant, Excelsa est ma-  
nus nostra, Iehoua hæc omnia non fecit. Quod  
ergo Deus se humanitus pronuntiat veritum  
fuisse, nunc cauendum esse Iosue dicit, ne clade  
populi eousque insolescant hostes, vt triumphos  
agant de ipso Deo.

10 Tunc dixit Iehoua ad Iosuem,  
Surge. Vt quid tu ita procidis super fa-  
ciem tuam?

11 Peccauit Israel, atque adeo trans-  
gressi sunt pactum meum quod præ-  
cepi illis, atque etiam tulerunt de ana-  
themate, atque etiã furati sunt, atque  
etiam mentiti, atque etiam reposue-  
runt in vasa sua.

12 Itaque non potuerunt filii Israel  
stare coram inimicis suis: ceruicẽ ver-  
tent coram inimicis suis, quia sunt in  
anathema, non perseuerabo esse vo-  
biscum, nisi deleatis anathema è me-  
dio vestri.

13 Surge, sanctifica populũ, & di-  
cas,

cas, Sanctificate vos in crastinũ: sic enim dicit Iehoua Deus Israel: Anathema est in medio tui Israel: non poteris stare corã inimicis tuis, donec abstuleritis anathema è medio vestri.

14 Accedetis ergo mane per tribus vestras, & tribus quam deprehendet Iehoua accedet per familias, & familia quam deprehēdet Iehoua accedet per domos: & domus quam deprehēdet Iehoua accedet per viros.

15 Qui autem deprehensus fuerit in anathemate, cōburetur igni, ipse, & omnia quæ eius sunt: quòd transgressus fuerit pactum Iehouæ, & quòd fecerit nefas in Israel.

16 Surrexit itaque Iosue mane, & accedere fecit Israelẽ per tribus suas, & deprehensa est tribus Iuda.

17 Tunc applicuit cognationes Iuda, & deprehendit cognationem Zari, applicuit deinde familiam Zari per viros, & deprehēsa est familia Zabdi:

18 Et applicuit domum eius per viros, & deprehensus est Achan filius Carmi, filii Zabdi, filii Zera, de tribu Iuda.

10 *Tunc dixit.* Non reprehēdit Deus simpliciter, quòd Iosue humi prostratus defleuerit cladem populi: quando hæc ratio fuit impetrandæ veniæ, suppliciter procidere coram eo: sed quòd intemperanter se mœrori dederit. Quamquam obiurgatio ad futurum magis quam ad præteritum tempus referri debet: quia iubet facere lugendi finem, ac si diceret, fatis superque iacuisse prostratum, tollendam esse desidiã, quia alio remedio sit opus. Sed prius ostēsa mali causa, rationem eius tollendi præscribit. In faustum ergo prælii euentum fuisse admonet, quia scelere populi offensus, eius defensionem abiecerit. Diximus ante, cur priuati sacrilegii pœnam in omnes transcribat: quia etsi suo & aliorum iudicio rei non tenebantur, iudicium tamē Dei quo in eādē simul coniecti sunt damnationem, occultas habuit rationes, de quibus etsi forte liceat sobriè sciscitari, curiosius tamen peruestigare fas nō est. Rarū tamen clemētix exemplū, quòd dānationē oretenus ad omnes extendens, nō nisi in vnā domum, quæ piaculo fœdata erat, animaduertit. Quæ sequuntur ad crimen exaggerādum valent: atque ideo particula **et** non absque vehemētia toties repetitur: quia alioqui extenuassent criminis atrocitatem. Ergo vbi dicit, etiam trans-

transgressos esse pactū, significat non leuiter deliquisse. Ac pactum nominat prohibitionē quā vidimus: quia mutua stipulatione adhibita, vt suæ essent primitiæ, totius terræ spolia Israelitis permiserat. Itaque non intelligit pactum generale, sed in anathemate se fraudatum esse conqueritur: quemadmodum continuò post explicandi causa subiicit, etiam de anathemate tulisse; idque nō absque sacrilegio, dū furati sunt quod sibi vendicauerat. Mentiendi verbum pro frustrari spem conceptam accipitur, vel pro fallere, vt passim. Extremū est, quod tametsi primo intuitu leue multi ducerent, non tamen abs re ponitur tanquam sceleris cumulus, quòd in eorum vasis reconditum sit anathema. Nam certe lucricupiditas interdum eos sollicitat qui alioqui nō prorsus sunt improbi: in occultatione verò & custodia magis se prodit obstinatio, vbi malefici author nulla pœnitentia tangitur. Proximo versu nomen anathematis sumitur diuerso sensu pro execratione: quia propter aurum subreptum maledicti erant filii Israel, & propè exitio deuoti.

13 *Surge, sanctifica populum.*) Quanquam verbum שָׁרַף latius patet: quia tamen de expiādo populo agitur, non dubito quin solennem sanctificandi ritum præscribat. Itaque non satis meo iudicio exprimunt scriptoris mentem qui generaliter vertūt præparare. Quin potius quia sistendi quodammodo erant in Dei cōspectum, ne illuc immundi prodiret, lustratione opus fuit. Notanda autem quoad Iosue sanctificādi ratio,

quòd scilicet purgationem legalem populo in-  
 dicit. Etsi autem ceremonia per se leuis fuisset  
 momenti, plurimum tamen valuit ad experge-  
 faciendum rudem populum. Externa enim ob-  
latio eos adducere debuit ad Spiritualem mun-  
ditiam. Continentia verò à rebus alioqui licitis  
 eos admonuit, summam & exquisitam puritatē  
 ab illis requiri. Prædicatur autem illis quid futu-  
 rum sit, quòd diligētius se quisque examinet. Imò  
 gradatim procedit Deus, ac si inducias ad resipi-  
 scendum dare vellet. Neque enim alia excogita-  
 ri potest ratio cur à tribu ad familias, & tandem  
 ad vnum hominem descenderit. Vnde cogno-  
 scitur prodigiosus stupor Achā, qui pudore for-  
 te victus impudentiam suam duplicat: dum se  
 audacter ingerens, illudere Deo nō dubitat. Cur  
 enim vbi se deprehēsum videt, nō sponte occur-  
 rit, & fatetur crimen, sed pertinaciter expectat  
 dum inuitus trahatur? Verum hæc iusta est eorū  
 merces, qui se diabolo exceçandos tradunt. Iam  
 vbi in damnatione suæ tribus, deinde familiæ pa-  
 lam agnouit non tantum vrgeri se & constringi  
 Dei manu: quomodo tunc saltem non prosiliit  
 vt voluntaria deditioe suppliciter vindictam  
 deprecaretur? Apparet ergo mentē eius & sensus  
 omnes fuisse à diabolo falcinatos postquā in sce-  
 lere obduruerat. Etsi autem non omnia malefi-  
 cia in lucem Deus protrahit eodem modo, nec  
fortis iactu semper vtitur: hoc tamē exēplo do-  
 cuit, nihil tam occultum esse quod suo tempore  
 non retegat. Forma quidem manifestationis erit  
 diuersa: verum quisque pro se cogitet, quæ fugiūt  
 totius

totius mundi notitiam: minimè esse Deo abscon-  
dira, & in eius arbitrio esse, palam facere. Etsi e-  
nim peccatum velut sopitum iaceat, pro foribus  
tamen cubat & miserum hominem obsidet, do-  
nec opprefferit. /.

19 Tunc dixit Iosue ad Achan, fili mi, da nunc gloriã Iehouæ Deo Israel, & ede ei confessionem, atque indica mihi quid feceris, ne abscondas à me.

20 Respondit Achã ad Iosua, & ait, Verè ego peccaui Iehouæ Deo Israel, & sic & sic feci.

21 Vidi inter spolia pallium Babylo-  
 nicum bonum, & ducentos siclos ar-  
 genteos, & ligulam auream vnã, cu-  
 ius pondus erat quinquaginta siclo-  
 rum, quæ concupiui & abstuli: & ec-  
 ce abscondita sunt in terra, in medio  
 tabernaculi mei, & argentum subtus.

22 Misit itaque Iosue nuncios qui  
 cucurrerunt ad tabernaculum: ecce ab-  
 scõditum erat in tabernaculo eius, &  
 argentum sub eo.

23 Acceperuntque ea è medio ta-

bernaculi, & attulerunt ea ad Iosua & ad omnes filios Israel, statueruntque coram Iehoua.

24 Tollens igitur Iosue Achan filium Zera, & argentum, & pallium, & ligulam auream, & filios eius, & filias eius, & boues eius, & asinos eius, & pecudes eius, & tabernaculum eius, & omnia quæ erant eius, simulque vniuersus Israel cum eo deduxerunt in vallem Achor.

25 Dixit Iosue, Cur turbasti nos? Turbet te Iehoua hodie, & obruerunt eum vniuersus Israel lapidibus, combusseruntque eos igni postquam lapidauerunt eos lapidibus.

26 Et statuerunt super eum acruum lapidum magnum vsque in hunc diem, & auersus est Iehoua ab ira excandescentiæ suæ: ideo vocarunt nomen loci illius vallem Achor vsque in hunc diem.

19 *Tunc dixit Iosue.*) *Et si forte duntaxat, quæ for-*



fortuitò cadere videtur, illaqueatus tenetur Achan: quia tamen pronunciauit Deus, quisnam esset author criminis se quasi digito ostēsurum, non dubitanter interrogat Iosue: sed rem cōmper tam fateri iubet. Probabile quidem est, tritā fuisse adiurationis formam, sicuti apud Ioānem, Io. 9. 24 Scribæ & Sacerdotes cæcū cui reddiderat Christus oculos adiurant iisdem verbis, vt de miraculo respōdeat. Specialis tamen fuit ratio, cur Achan hortatus fuerit Iosue ad dandam gloriam Deo, quia inficiando vel tergiuersando fidem illius decreto abrogasset. Res enim iam sorte erat definita. Simpliciter ergo Iosue ipsum Dei sententiæ subscribere iubet, ne frustra litigando scelus augeat. Filium neque ironicè neque simulate nominat: sed verè testatur ac sincerè paterno se esse erga eum affectu, quē iam morti destinauerat. Quo exemplo docētur iudices, dum scelera puniunt sic temperare suum rigorem, ne exuant humanitatis affectum: & rursum ita misericordes esse, ne dissoluti sint ac remissi. Denique ita sint patres eorum quos damnant, ne mansuetudine mollescat seueritas. Multi blanditiis miseros demulcent, fingendo se velle ignoscere: elicita autem confessione, carnifici repēte tradunt, qui falso impunitatem sperauerant. Iosue autem reum ad Dei tribunal citasse contentus, inani veniæ spe eum minimè demulcet. Ita demum liberior est ad ferendam quæ à Deo dictata est sententiam.

20 *Respōdit Achan.*) Quia iam attonitus erat non subterfugit, neque crimen extenuat, neque

ad obscurādum colores inducit: quin potius ingenuè rem totam explicat. Itaque ad extorquendam confessionem plus valuit sacrum Dei nomen quam tormenta quælibet. Neque tamen certum pœnitentiæ indicium fuit eiusmodi simplicitas: sed tanquam pauore exanimatus apertè prodidit quod libenter texisset. Nec verò nouū est, postquam aliquandiu elabi tentarunt reprobī, atque etiam in suis vitiis obtorpuerūt, repente fieri voluntarios suos testes, non quod sponte eō descendant, sed quia Deus inuitos trahit, & quodammodo agit præcipites. Quanquam multorum hypocrisin qui suis ambagibus clarā lucem obnubilant, damnabit tam apertā responsio. Emphatica enim loquutio est, hoc & illud feci: quæ significat distinctè & ordine singulas rei gestæ partes fuisse expositas. Nec verò tantūm facinus agnoscit, sed omiſſa defensione ac omni prætextu reiecto, seipsum in qualitate quoque ipsa condemnat. Peccaui, inquit, quod non diceret nisi sacrilegii conscius: vnde apparet errorem vel incogitantiam non obtédere.

22 *Misi itaque Iosue.)* Quanquam nouum non est, currendo & properando nuncios suum obsequium probare: festinatio tamen cuius nūc fit mentio, ostendit trepidè omnes fuisse intentos, vt quam citissimè piaculum è medio tollerēt. Ergo quia eos angebat ac cruciabat seuera illa denunciatio, Non ero vobiscum donec purgati sitis ab anathemate: ideo non tantūm ad exequenda Iosue mandata, sed multo magis ad Deum placandum celeriter currunt. Porro ex rebus ~~forte~~

*forte* ablati

ablatis, vbi antè oculos productæ sūt, satis supér-  
que patefacta fuit ignominie & cladis acceptæ  
causa. Dictū fuerat, ideo terga vertisse hostibus,  
quia anathemate polluti destituerēt solito Dei  
auxilio. nūc ex cōspectu rei furtiuæ colligere prō-  
ptū est, Deū meritò illis fuisse infestum. Inde etiā  
admoniti fuerunt, quāti faceret Deus sibi totius  
terre Chanaā primitias illibatas offerri, ne sua li-  
beralitas vnquā ex ipsorū memoria intercideret.  
Simul didicerūt, quū in occultissimos quosque  
recessus penetrēt Dei cognitio, frustra ad eluden-  
dum eius iudicium integumenta captari.

*Justitiam hanc  
non eludit*

24 *Tollens itaque Iosue.*) Duas ob causas ex-  
tra castra educitur: ne labem ac pollutionem ex-  
cede contrahant (sicuti Deus semper in legitimis  
quoque pœnis manere voluit aliquod humani-  
tatis vestigiū) deinde ne quod inquinamētum in  
populo resideat. Primò igitur extra castra pœ-  
nam fontibus infligere solenne fuit, quo magis à  
fundēdo sanguine obhorrerēt. Sed nunc mēbrū  
putridum à corpore resectum fuit, & castra sor-  
dibus expiata. Ac exemplum memorabile fuisse  
agnoscimus, quod nomen loco impositum fuit.  
Si quem conturbat vel offendit pœne atrocitas:  
semper eò redire conuenit, quanuis à Dei iudi-  
ciis ratio nostra dissideat, pię tamen modestie &  
sobrietatis freno cohibendam esse audaciam, ne  
improbemus quicquid nobis nō placet. Durum  
quidem, imò immane & barbarum videtur, tene-  
ros pueros qui extra culpam erant, ad crudele  
suppliciū rapi, vt lapidentur & exurantur. Quod  
in bruta animalia eodem modo sæuitum est, nō


ita mirum: quia vt creata sunt hominum causa,  
 meritò suos dominos sequuntur. Ergo quidquid  
 possedit Achan vnà cum ipso periit tanquam ac-  
 cессio. Verum pueros ob crimen patris lapidari  
 & comburi, immitis fuit vindicta. Atque hic pœ-  
 nam de sceleribus parentum palam filiis Deus  
 infligit, contra quam per Ezechielem pronun-  
 ciet. Verum quomodo neminem perdat inson-  
 fem, & reiiciat tamē scelera patrum in filios bre-  
 uiter explicui, vbi narratum fuit de communi  
 vrbis excidio & promiscua ætatum strage. Qui  
 tunc gladio consumpti sunt infantes & paruuli  
 ideo tanquam indignè occisos deflemus, quia  
 nulla eorum culpa apparet. Verum si reputamus  
 quanto altius penetret Dei cognitio quam mē-  
 tis nostræ intelligentia, potius acquiescemus e-  
 ius decreto, quam nostra temeritate vesanáque  
 superbia nos efferendo, in præcipitium ruamus.  
 Certè inconsiderato odio correptus non fuit vt  
 inhumaniter filios Achan occideret. Nam quum  
 essent figmentum & opus manuum eius, simul  
 insculpta in eorum carne erat circumcisio, mini-  
 mē fallax adoptionis symbolum, eos tamē mor-  
 ti addidit. Quid nobis hic reliquum, nisi vt infir-  
 mitatis nostræ cōscii, incomprehensibili eius cō-  
 silio cedamus? Fieri potest, vt mors illis ad medi-  
 cinā profuerit. Quòd si reprobi erant, nō potuit  
 immatura esse eorum damnatio. Adde quòd vi-  
 tam quam dedit potest Deus quoties visum est,  
 non magis morbo quā alio quolibet modo au-  
 ferre. Discerpet fera bestia infantem ac laniabit.  
 Alterum virulēto morsu serpens extinguet. Ca-  
 det vnus

det vnus in aquam, alter in ignem, alium nutrix suffocabit, alium conteret lapis. Imo nonnullis antequam lucem aspiciant vterus est sepulchrũ. Nullas ex tot mortibus nisi Dei arbitrio accidere certum est. Quis tamen propterea audebit item contra eum mouere? Quod si quis eo vsque infaniam, quid proficiet? Tenendũ quidẽ est, nullos eius mādato perire, nisi quos morti destinauerat. Cæterum ex quo recensentur eius boues, asini, & oues, colligimus fuisse satis locupletem: vt penuria eum ad scelus non impulerit. In quo se prodidit inexplabilis eius cupiditas, quòd res furtiuas non ad vsum sed ad luxuriam appetiuerit.

25 *Dixit Iosue.*) Videtur nimis dura esse insultatio: ac si propositum esset miserum hominẽ, quem ad patientiam hortari debuerat, propè ad furorem adigere. Verũm mihi dubium non est quin populi causa ita loquutus sit, vt omnibus vile esset exẽplum. Ita statuo, noluisse Achan desperatione obruere: sed in eius persona ostẽdere, quam graue sit crimen, Ecclesiam Dei turbare. Quanquam fieri potest, vt homo superbus cõqueltus fuerit non acceptam esse suam satisfactionem, qua se probè defunctum putabat, ideò que Iosue corrigendæ vel frangendæ eius contumaciæ causa asperius inuectus sit. Nam & interrogatio subindicat, illũ exostulasse: & vbi Deũ iudicem appellat, videtur compescere hominem præfractum. Quòd totus populus lapides proiecit, factum est in lignum detestationis, ac si testatum facerent, ab eo crimine quod vlciscebant.

tur, se fuisse remotos & adhuc abhorrere. Congeries lapidum partim ad posteros monumentum fuit, partim eò spectauit, ne si locus esset vacuus quispiam inde vel per imprudentiam particulas auri vel argenti legeret. Quamuis enim prius iussisset Deus aurum sibi offerri, noluit tamen furto pollui suum sanctuarium.

## CAPVT VIII

1  Ixítque Iehoua ad Iosúa, Ne timeas, nec formides, sume tecum omnem populum bellicosum, & surge, ascende in Ai. Vide, dedi in manu tua regem Ai, ac populum eius, urbē eius, & terram eius.

2 Faciēsque Ai, & regi eius, quemadmodum fecisti Iericho & regi eius: tamē spolia eius, & animalia eius prædabimini vobis. Colloca autē insidias vrbi à tergo eius.

3 Surrexit itaque Iosue, & omnis populus bellicosus, vt ascenderent in Ai, & elegit Iosue triginta millia vi-

rorum fortium robore, misitque eos nocte.

4 Ac præcepit eis dicendo, Attendite vos, Insidiabimini vrbi à tergo eius, nec remoueatis vos ab ea procul, sed estote omnes vos parati.

5 Et ego & omnis populus qui mecum est accedemus ad urbem: cum autem egredientur in occursum nostrum, sicut prius, fugiemus ante eos:

6 Tunc egrediatur post nos, donec auellamus eos ab vrbe: dicent enim, Fugiunt ante nos, vt prius: & fugiemus ante eos.

7 Vos autem surgetis ex insidiis, & expelletis habitatores vrbis, tradetque eam Iehoua Deus vester in manu vestra.

8 Quum ceperitis urbem, succendetis eam igni, secundum sermonem Iehouæ facietis. Videte, præcepi vobis.

9 Misit itaque eos Iosue, & perrexerunt ad insidias, manseruntque inter

Bethel & Ai, ab occidente Ai. Mansit autem Iosue nocte illa in medio populi.

10 Postea surrexit Iosue summo mane, recensuitque populum, atque ascendit ipse & seniores Israel ante populū versus Ai.

11 Omnisque populus bellicosus, qui erat cū eo ascēderunt & appropinquarunt, veneruntque è regione vrbi, & castrametati sunt ab Aquilone Ai. Vallis autē erat inter ipsum & Ai.

12 Tulitque præterea circiter quinque millia virorū, quos locavit in insidiis inter Bethel & Ai ab occidente vrbi.

13 Et propius accessit populus tota castra quæ erant ab Aquilone vrbi, & insidiæ eius ab occidente ipsi vrbi, perrexitque Iosue nocte illa in mediū vallis.

14 Porrò quum videret rex Ai, festinauerunt & mane surrexerunt, atque



que egressi sunt homines vrbis in occursum Israel ad prælium, ipse & vniuersus populus eius ad tempus cõstitutum ante campestria: nesciebat autem quòd insidiæ sibi essent à tergo vrbis.

15 Et profligati sunt Iosue, & vniuersus Israel ante eos, & fugerunt per viam deserti.

16 Et congregati sunt totus populus qui in vrbe erat, vt persequeretur eos. Et persequuti sunt Iosuan, abstractique sunt ab vrbe.

17 Neque remansit quisquam ex Ai & Bethel, qui non egressus sit post Israel, & reliquerunt vrbem apertam, & persequuti sunt Israelem.

18 Dixit autem Iehoua ad Iosuan, Eleua hastã quæ est in manu tua contra Ai, quia in manu tua dabo eam. Et eleuauit Iosue hastã quæ erat in manu sua contra vrbem.

19 Tum insidiæ surrexerunt repete

è loco suo, & cucurrerunt quū eleuasset manum suam, veneruntque ad urbem, & ceperunt eam, & festinarunt urbem succendere igni.

20 Vertētes autem sese viri Ai viderunt, & ecce ascendebat fumus urbis in cælum, neque erant eis spatia ad fugiendum huc & illuc. Populus autē qui fugerat in desertū, versus est contra persequentes.

21 Iosue itaque & vniuersus Israel vbi viderūt quòd insidiæ cepissēt urbem, ascendissētque fumus urbis, reuerſi sunt, & percusserunt viros Ai.

22 Illi præterea egressi sunt ex urbe in occursum eorum, fueruntque Israeli in medio, isti hinc, & illi inde. Et percusserunt eos, donec nemo remaneret eis superstes & euasor.

23 Regem quoque Ai ceperunt vivum, & stiterunt eum coram Iosue.

24 Quum autē finē fecisset Israel cædendi omnes habitatores Ai in de-

ferto quo persequuti fuerāt eos, & cecidissent omnes ipsi acie gladii donec consumerentur, reuersus est vniuersus Israel ad Ai, & percusserunt eam acie gladii.

25 Fuitque numerus omnium qui ceciderūt die illa à viro vsque ad mulierē circiter duodecim millia omnes viri Ai.

26 Porrò Iosue non reduxit manū suam, quam eleuauerat ad lanceā, donec interficeret omnes habitatores Ai.

27 Tantū animalia & spolia vrbis eius sibi prædati sunt filii Israel secundum sermonem Iehouæ, quē præceperat ipsi Iosue.

28 Succēdit igitur Iosue Ai, & posuit eam aceruum sempiternū vastitatem vsque ad hunc diem.

29 Regem verò Ai suspendit in ligno vsque ad tempus vespertinum, cūmq; occubisset sol, præcepit Iosue & deposuerunt cadauer eius è li-

gno, & proiecerunt illud ad introitū portæ vrbis, & statuerunt super illud acieuum lapidum grandem vsque ad hunc diem.

I *Dixitque Iehoua.*) Magnopere interfuit tam Iosue quam populo nouum animum facere, vt confidenter ad impetendam urbem Ai se accingerent, à qua nuper cum iactura & maiori dedecore fuerāt repulsi. Deus ergo, vt intrepidè hāc expeditionem suscipiant, promittit se urbem illis daturum. Eodem consilio & ratione astu potius quam aperto Marte pugnare, hostes extra elicere, & insidias in loco occulto statui iubet, quæ incautos circumueniant. Nullius enim propè negocii fuisset, pauca millia ingenti multitudine obrui, si urbem repēte & ex inopinato aggressi essent. Verùm quia ante vidimus, liquefacta fuisse omnium corda, eorum infirmitati cōsuluit Deus, ne plus iniungeret oneris, quam essent ferēdo, donèc à nimio pauore recreati, mādāta eius alacrius capescerent. Verum quidē est, vsum nunc fuisse eorū industria, partim ne semper miraculis inhiarent, ac se dederent ignauix, partim vt in diuersis & inæqualibus agendi modis nihilominus semper agnoscerent eandem eius potentiam. Sed hęc specialis ratio minimè omittenda: quia nondum recreati erant ex terrore, vix potuisse ad apertum conflictum trahi, nisi tanquam subsidium addita esset fallendi solertia. Quanquā primum gradum obtinet promissio,

missio, Ne timeas : quia tradidi eam in manus tuas: quæ tametsi verbo tenus ad Iosue dirigitur, communiter tamē ad totum populum pertinet: quia maximè necesse fuit, omnes ad vnū, soluta anxietate, noua fiducia instrui. Porro quòd urbem iubet exuri sicuti Iericho, videtur id concedere populi dolori, vt dedecoris memoria hac vindicta aboleatur: quò tamen libentius expeditionem suscipiant, spolia illis relinquit in præmium victoriæ.

13 *Surrexit Iosue.* Probabile non est, omnes è castris fuisse excitos : sed exercitū fuisse confectum ex ea multitudine, quæ magis ad bellandū assuefacta erat. Copiosum certè fuisse exercitum inde apparet, quòd quinque millia ad insidias ablegat. Etsi enim videntur initio triginta quinque millia numerari, ex contextu tamen liquet, non fuisse tātum numerum. Quin potius coniiicio, triginta millia eum duxisse, quæ palam pugnarent: quinque autem millia peculiariter fuisse seposita ad insidias. Quòd maturè Iosue partes sibi iniunctas exequitur, & mane iter arripit, quantopere efficax fuerit Dei promissio, ex tātā festinatione perspicitur. Nisi enim metu soluti fuissent omnium animi, nunquam tam prōptos ad obsequium reperisset. Videtur quidem parum prudenter tātā turbam dimittere, quæ occultis itineribus ad locum insidiis aptū perueniat. Nam vt optimè compositis agminibus taciti pergerent: solo tamen pedum motu strepitum excitari necesse fuit. Iam si quis dicat, neminem illis fuisse obuium, quia omnes regionis

incolæ desertis agris in urbem confugerant: certe paulò post narrabitur, antequam proxime urbem accederent Israelitæ, eorum aduentum cognitum fuisse à rege Ai: quod vix absque speculatoribus fieri potuit. Iam vt demus neminem in agris occurrisse: præterire tamen difficile fuit, & noctu insidias locare in loco opportuno, illicque confidere, quin aliquo se indicio proderent. Quòd ad consilium Iosue, quanuis minore turba negotium posse confici prospiceret, coactus tamen videtur recenti adhuc populi trepidatione diligentius cauere, ne quid tentaret cù periculo. Nam si pauci ab exercitu dimissi essent, forte refugissent prouinciam, qua in discrimen coniiciebantur. Deus interea plusquam clementer populo suo indulget, cui hostes tam facile vincēdos tradit. Mirificus verò fauor in eo præsertim apparet, quòd omnes excæcat, ne quidquam de insidiis subolfaciant. Nec verò dubito, vbi dicitur eos nesciuisse, quin scriptor hitoriarum & insolitum Dei beneficium cõmendet, quia triginta milia quæ Iosue comitabantur, deinde quinque alia quasi vmbra manus suæ protexerit, vt omnes hostes laterēt. Iam vbi quinque milium sit mentio, non ita interpretor, quasi nouas insidias submiserit Iosue, ac si multitudo iam nimia non sufficeret: sed nunc demum ostendit quomodo triginta quinque quæ armauerat hominum milia distribuerit. Quorsum enim tantæ multitudini tam exiguũ subsidiũ? Iam idẽ locus designatur qui ante, vbi subsistere iussi sunt: quod in duas turmas non quadraret.

15 *Et profligati sunt Iosue.*) Alterum stratagemma, quòd fugam simulando, hostes procul abstrahunt, ne sit illis deinde in urbem receptus, quia antè flagrauit incendio, quàm suspicarentur quidquam sibi mali à tergo metuendum esse. Dum ergo Israelitas quasi victos persequitur rex Aï, pars exercitus, quæ versus Bethel latebat, satis habuit temporis ad capiendam urbem, ut serò agnoscerent ciues profus se periisse. Nam quàm iam antè repulsi passim trucidarentur, còspecta urbis flamma desperatione fracti sunt, & vndique circumuenti, nequis effugeret. Quod hìc quærunt nonnulli, dolone & per insidias liceat hostes opprimere, ex crassa imperitia nascitur.

Certum enim est non feriendo solùm geri bella, sed eos censerì optimos duces, qui arte & consilio pollèt magis quam imperi; deinde ut quisque longo usu factus est veterator, ita optimum esse militem. Ergo si legitimum sit bellum, extra controuersiam est, consuetis vincendi artibus patefactam esse viam: modò ne vel pactis induciis, vel alio modo fidem datam fallamus.

17 *Nec remansit quisquam.*) Liquebit ex contextu, deprehensos fuisse aliquos in urbe & occisos: ideoque tenendum est, nò omnes absque exceptione eruptionem fecisse, ut senes quoque & fœminæ & imbellis turba se in campos proiecerint: sed sensus est, nihil ad custodiendam urbem relictum fuisse præsidii. Idem & de Bethel pronunciat, vnde conicere promptum est, Bethel quia exiguum erat oppidulum, militasse sub alieno ductu. Hinc factum est, ut propria urbe

quam tueri non poterant, relicta & deserta, omnes suas vires obtulerint regi Ai, cuius forte tributarii erant. Porrò an ad Regem Ai profecti sint ante aduentum populi Israelitici, vt coniunctis copiis pugnarent, incertum est. Probabilis tamen coniectura est, quia pares non erant ad resistendum, ex compacto in urbem munitam & magis populosam venisse. Certe non aliter putarunt se fore saluos, quam si sub vmbra vicinæ urbis quæ longe excellebat conseruarentur.

18 *Dixit autem Iehoua.*) Docet hic locus, vel rara urbis munitione, vel audacia ciuium, vel trepidatione populi Israelitici redditam fuisse difficilem victoriam: quia Deus hastæ eleuatione se urbis fore expugnatorem promittit. Porrò in re indubia superuacuum fuisset symbolum. Sollicitos ergo & perplexos fuisse animos oportet, quando Deus fiduciæ vexillum manu Iosue attollit ne fathiscant. Quanquam paulò pòst notatur diuersus finis, vbi dicitur insidias hoc modo fuisse excitas & cucurrisse. Quòd si illud surgendi signum fuit, non conueniet, in hasta ostensam fuisse victricem Dei potentiam, quæ dubitationem omnibus eximeret. Verùm quia nō exprimitur, militibus ad insidias dispositis causam exeundi fuisse, quòd hastam viderint, fieri potest, vt sponte progressi sint, vel quia opportunum erat tempus, vel quia clamor & strepitus admonuit iam commissum esse prælium. Nec verò credibile est, longo spacio interposito cōspectam ab illis fuisse hastam: præsertim quia Iosue in valle substiterat. Adhæc, si dicamus eleuationem hastæ quæ a-

lio



liò spectabat, illis quoque profuisse, vt magis animarentur, in eo nihil erit absurdi. Hoc quidem fixum manere debet, solenni tessera certiores de fœlici prælii euentu fuisse redditos: deinde non aliud fuisse Iosue consilium, quam suos ex Dei mandato incitare. Sequitur enim tandem, Iosue non retraxisse manum nisi vrbe capta, hostibus vbique deletis belloque illo profligato. Vnde apparet, in medio conflictu gestasse quasi insigne triumphi, ne de successu Israelitæ ambigerent.

Quamuis enim eos iuberet manus conferere, & armis fortiter vti: simul tamen clarè denunciabat eos iam vicisse. Etsi verò seriem rei gestæ non nihil obscurat, quòd bis idem repetitur: summa tamen satis liquet: filios Israel retrocessisse metum fingendo, nec antè initium pugnandi esse factû, quam ciues Ai à reditu & vrbis suæ defensione exclusi essent: postquam verò configere cœperant duo exercitus, alios surrexisse ex insidiis: tantàmque fuisse festinationem, vt flamma ex incendio erumperet, quum terga verterunt hostes: vnde coniecere licuit, vrbem ab Israelitis teneri: sed præcipuam stragem fuisse editam, vbi in occursum prodierunt qui in vrbe erant: quia tunc vndique deprehensi nihil amplius remoræ attulerunt vel resistendo, vel fugiendo. Ergo desperatione exanimes, & simul in angustias redacti passim cæsi fuerunt. Quòd autem subiicitur, non antè editam fuisse in vrbe stragem, quam reuersi sunt qui fugam simulauerant, ita interpretor, cõiunctis viribus irrupisse, vt collecta præda occiderent quicumque adhuc erant residui. Siquis exci-

piat, quum prælium committeretur, fuisse exusta, respondeo, ignem quidem fuisse suppositum, ut cognosceret vterque exercitus, Israelitas ea potiri: sed non fuisse consumptam incendio. Neque enim momento temporis prædam rapere & abigere promptum fuit, imò vasa & bonâ copiam supellectilis extra efferre: absurdum verò fuisset, quæ Deus spolia concesserat, ultro perdere. Videmus ergo primum ignem, delendæ totius vrbs causa non fuisse accensum, sed quia pars vrbs flagrabat, indicium fuisse expugnationis: quanquam absque sanguine & sudore per apertas portas Israelitæ ingressi sūt. Idque paulò post confirmatur, dum adscribitur incendium ipsi Iosue: non tantum quia eius ductu vrbs fuit exusta, sed quia reuersus à prælio funditus diruendam curauit: sicuti mox additur, posuisse in aceruum lapidum, ut perpetua esset vastitas.

25 *Fuitque numerus.*) Sensus non est, omnes qui occisi sunt fuisse incolas Ai: sed quicumque illic habitabant fuisse occisos, ut ne vnus quidem effugerit. Antè enim visum fuit, ciues Bethel simul fuisse permixtos: neque postea fiet eius vrbs mentio: vnde elicitur probabilis coniectura, relicto oppido parum munito, in locum tutiorem se contulisse, quem sperabant facile posse defendi. Simpliciter ergo verba sonant, omnes qui egressi erant, & qui in vrbe reperti sunt, ad vnum fuisse interfectos. Quanquam si cui magis placet, numerum hunc restringi ad senes, ægrotos, pueros, & mulieres, quorū strages intra muros fuit edita, non contendam. Si tamen reputamus, vr-

bi non

bi non adeo amplæ nec populosæ coniunctum fuisse oppidulum, magis probabile est, qui in acie ceciderunt simul comprehendi.

26 *Iosue non reduxit.*) Quia hastã tollendo, signũ & tessera bene sperãdi quasi è cœlo dabat, nõ antè destitit in eius intuitu defixos retinere suorũ animos, quam vrbe potiti essent. Qua perseuerãtia satis probauit, quã ab ambitione remotus foret: tãtũ abest vt quidquã vanæ ostetationis præ se tulerit. Perinde enim fuit, ac si ducis munere se abdicãs, totã victorię laudẽ in Deũ transcriberet. Quam robustus esset bellator, ex aliis locis patet. Nũc ergo libẽter defunctus esset militaribus officiis: idque ad existimationẽ ac gloriã fuisset lõge aptius. Atqui tanquã manu ad hastã alligatũ, tãtũ hortatur suos milites, vt in Deum solũ respiciant, cui resignat prælii successum. Cæterũ ita feriendo plus profecit, quàm si magnos hostium acervos hinc inde manu prostrasset: simulque eius ocium qualibet agilitate laudabilius fuit.

29 *Regem Ai.*) Quanquam videtur in Regem fuisse asperior, vt populi odia expleret: mihi tamen dubiũ non est, quin fideliter exequi studuerit Dei iudicium. Solent quidem victores Regibus captis parcere, quia aliquid venerationis trahere secum videtur eorum dignitas: verũ inter gentes illas alia fuit regum conditio, in quibus præcipuẽ ostendere voluit Deus quantopere detestaretur quæ tandiu tolerauerat scelera. Nam quum omnes exitio essent addicti, meritò in ipsis capitibus à quibus interitus causa manabat, seuerior & atrocior apparuit Dei vindicta.

Adde quòd inflicta regibus ignominia vulgus magis probrosum reddidit, ne importuna misericordia populus ad omnes delédos segnior foret vel remissior. Et Deus còsultò regem viuum tradidit in manum Iosue, quò insignior esset atque ad exemplum magis notabilis eius pœna. Et promiscuè cum aliis occubisset in conflictu, a hac peculiari infamia fuisset exemptus. Nūc potè mortem quoque in eius cadauer animaduertit Deus. Imò postquam suspensus fuit, proiicitur ad portam vrbs, vbi è solio iudicia exercuerat, & monumentum erigitur ad posteros continuandi dedecoris causa. Insetitur tamen sepultura: vt sciamus nihil fuisse gestum tumultuoso impetu, quia diligenter seruauit Iosue quod Moses in Lege præscriperat: nempe vt qui in patibulis suspensi erant, ante solis occasum tollerentur, quia execrabile est eiusmodi spectaculum. Et certe quum mortuos sub terra recòdere humanum sit, laniandos feris proiicere vel auibus, immane est. Ergo ne populus ad barbariem assuefieret, Deus maleficos ita suspendi permisit, ne plus vno die penderent insepulti. Quò autè ad officiũ, quod alioqui facile neglectum fuisset, magis attenderet populus, pronunciat Moses maledictũ esse quisquis pendet in ligno: ac si diceret, terram illo mortis genere contaminari, nisi statim è medio tollatur offendiculum.

30 Tunc ædificauit Iosue altare Iehouæ Deo Israel in monte Ebal,

31 Quemadmodum præceperat  
Moses

Deut.  
21.23

Moses seruus Iehouæ filiis Israel: sicut scriptum est in libro Legis Mosis, alta-  
 re ex lapidibus integris, super quos nō  
 leuauerant ferrum: & immolauerunt  
 super illud holocausta Iehouæ, & sa-  
 crificauerunt hostias prosperitatum.

Exo. 20.  
 25  
 Deut.  
 27.5

32 Scripsit quoque ibi in lapidi-  
 bus repetitam Legem Mosis, quā scri-  
 psit coram filiis Israel.

33 Vniuersus autem Israel, & senio-  
 res eius, & præfecti, & Iudices eius sta-  
 bant hinc & inde ad arcam coram sa-  
 cerdotibus Leuitis portantibus arcam  
 foederis Iehouæ, tam peregrinus quam  
 indigena: dimidia pars eius contra  
 montem Garizin, & dimidia pars eius  
 contra montē Ebal: quemadmodum  
 præceperat Moses seruus Iehouæ, vt  
 benediceret et populo Israel primū.

34 Et posthęc legit omnia verba Le-  
 gis, benedictionem & maledictionem  
secundum id totum quod scriptū est  
in libro Legis.

35 Non fuit quidquam ex omnibus quæ præceperat Moses quod non legerit Iosue corâ vniuerso cœtu Israel, & mulieribus, & paruulis, & peregrinis versantibus in medio ipsorum.

30 *Tunc edificauit.*) Hoc sibi primum extraordinarium sacrificium offerri Deus in terra Chanaâ voluerat, quo testata fieret populi gratitudo, & solenni ritu terra inciperet consecrari. Neque enim antè liberè & in proprio solo id fieri potuit, donec regio aliqua vacua contigisset. Duo autem simul mandauerat Deus: vt in monte Ebal altare extrueret: deinde vt lapides duos statueret ac linerent calce, in quibus legem describerent, vt in transitu quibuslibet eius lectio esset exposita. Vtrumque nunc legimus fideliter fuisse præstitum. Tertium præceptum erat de recitandis benedictionibus & maledictionibus: quod etiâ Iosue non minore diligentia exequutus est. Nunc vt ab altari incipiam, dicitur secundum Dei mandatum fuisse compositum ex lapidibus impolitis. Integri enim lapides super quos ferrum non ascendit, vocantur rudes nulloque artificio formati. Hoc de altari cuius nunc fit mentio, specialiter traditur Deuteronomii 27. Verum idem in genere de aliis omnibus antè proditum fuerat. In ratione frustra allegoriam fabricant interpretes, manum & industriam hominum prohiberi, quia simul atque asserimus nostra commenta, vi tiatur Dei cultus. Verè quidem hoc & scitè dicitur:

Deut.  
27. 2. 3.  
4

tur: sed extra locum, quia nō aliud fuit Deo propositum, quam vetare perpetua altaria. Scimus enim hanc fuisse ritē sacrificādi Legem, vt vnum omnibus esset altare tum ad fouēdum inter eos cōsensum, tum vt omnibus corruptelis obuiam iretur, ne qua obreperet aduentitia superstitio, denique vt religio vna & simplex maneret: quia ex altarium varietatē procliuis fuisset lapsus ad discordiam. Ita distractus fuisset populus, & dissipata sincera pietas. Iam verò locum eligere non fuit in arbitrio populi: sed Deus id sibi passim apud Mosen vindicat. Ergo exercitia pietatis restringit ad eum locum, vbi posuerit memoriam sui nominis. Porro quia non statim patefacta fuit Dei volūtas, nec locus designatus, ne interea cultus eius cessaret, permissum fuit vbi arca stationem haberet, altare statuere: sed ex indigesta lapidum cōgerie, vel ex cespitibus, vt esset temporarium duntaxat. Notent lectores, optionem datam fuisse populo vt facerent ex lapidibus asperis, ne forma<sup>o</sup> venerationem afferret, vel ex terra quæ sponte deflueret. In summa, hoc ad commēdationem perpetui altaris valuit, ex quo mōtem Sion elegit Deus. Quamobrem dicitur in Psalmo, Lætatus sum quia stabunt pedes nostri in atriis tuis Ierusalem. Quæ alii pacifica vertunt, ego non abs re sacrificia prosperitatum: quia vel ad petendos fœlices successus offerebātur, vel ad gratias agendas, & nomen Hebraicum non male conuenit: vt plenius apud Mosen reperient lectores.

Psalm.  
122. 1. 2

32 *Scriptis quoque in lapidibus.*) Diuersa fuit la


pidum de quibus nūc agitur ratio, in quibus voluit Deus semper extare Legis suæ monumentū, vt tanquā oppositis claustris munita esset pura religio contra superstitiones Ægypti. Itaque calce illiti erant, quō magis essent conspicui, & distinctior lectio scripturæ. Eorum verò sententię libenter subscribo, qui per Legem repetitam intelligunt exemplar descriptum: quod vulgus copiam vel duplum nominat. Quanquam mihi credibile non est, totum volumen illic fuisse exaratum: nec verò lapides quanlibet magni tam prolixos sermones capere poterāt. Itaque Legis nomine summam & sanctiones notari existimo: vnde palam factum est, etiam exteris qui terram ingrediebantur, quisnam Deus illic coleretur: & sublata fuit erroris excusatio, dum Lex non in libro recōdita, sed omnium oculis patefacta fuit. Denique quanuis muti essent sacerdotes, clarè lapides ipsi loquuti sunt.

33. *Vniuersus autem.*) Tertium specimen obedientiæ, quod omnes tribus Israel locauit Iosue in monte Garizin & in monte Ebal, vt senis ordinibus inter se respōderent. Sic enim dispositæ erant, vt sex tenerent montem Ebal, totidè è regione starent in monte Garizin. Levitæ autè medium spacium occupabāt cum arca fœderis, vt Deus vndique à suo populo circundaretur. Dicitur verò Iosue stetitisse vt benediceret populo primū: nempe quia Dei consilium fuit, populum suauiter & amabili comitate ad se allicere. Etsi enim Moses, quò perstringat populi contumaciam, maledictiones tantūm cōmemorat: certum



certum est tamen fuisse quasi accidentales: quia genuina hæc fuit ratio, vt benedictiones ad obsequium flecterent parum alioqui morigeros. Verùm vbi nihil profuit tam humana inuitatio, additæ sunt maledictiones in nouum subsidium & remedium. Deus amplam mercedem pollicitus fuerat seruis suis qui Legi obedirent. Rursum propositis maledictionibus transgressores teruerat. Nunc coguntur singuli eius iudicio palã subscribere, dum ad singulas sententias respondent, Amen. Hoc enim modo non solùm audiūt se damnari ore Dei, sed tāquam missi ab eo præcones quæ ipsos maneat pœna denuntiant. Similis promulgatio facta erat in planitie Moab vltra Iordanem: sed nunc sanctius astringuntur, & agnoscunt qua lege habitaturi sint in terra Chanaan. Accessit non leue pondus, quod paruuli quoque adhibiti sunt testes.

## CAPVT IX.

**I**  VVM autem audissent omnes reges qui erant trans Iordanem in monte, & in planitie, & in toto tractu maris magni è regione Libani, Hitthæus, Amorrhæus, Chanaanæus, Pherisæus, Hiuæus, & Iebusæus,

**2** Congregauerunt se pariter ad pugnandum cum Iosue & Israel vno

consensu.

3 Habitatores verò Gibeō audientes quod fecerat Iosue vrbi Iericho & Ai,

4 Egerunt etiam ipsi callidè. Nam abierunt, & finxerunt se legatos esse, & tulerunt faccos vetustos in suis afinis, & vtres vini vetustos, & ruptos ac colligatos,

5 Et calceamenta vetusta, & resarta in pedibus suis, & vestes vetustas super se, & totus panis viatici eorum aridus ac mucidus.

6 Perrexerunt ergo ad Iosue in castra in Gilgal, dixeruntque ei & viris Israel, E terra longinqua venimus, itaque nunc percutite nobiscum foedus.

7 Tunc responderunt viri Israel ad Hiuxum, Forte in medio mei tu habitas, & quomodo percutiā tecū foedus?

8 At illi dixerunt ad Iosua, Serui tui sumus. Quibus ait Iosua, Quinam estis, & vnde venistis?

9 Responderunt ei, E terra longinqua valde venerunt serui tui in nomine Iehouæ Dei tui. Audiuimus enim famam eius, & quæcunque fecit in Aegypto,

10 Quæcunque item fecit duobus regibus Amorrhæi, qui erāt trans Iordanem, Sehon regi Hesebon, & Og regi Basan in Astaroth.

11 Dixeruntque nobis seniores nostri, & omnes habitatores terræ nostræ, Tollite in manu vestra escam pro itinere, & ite in occursum eorum, ac dicite illis, Serui vestri sumus, & nunc percutite nobiscum fœdus.

12 Iste est panis noster, calidū pro viatico parauimus è domibus nostris quo die egressi sumus vt veniremus ad vos, nunc autem aruit, & siccus est.

13 Et isti sunt vtres vini, quos impleueramus nouos, & ecce rupti sunt. Et ista vestimenta nostra, & calceamenta nostra vetustate attrita sunt ob

longumiter.

14 Sumpserunt ergo viri de viatico eorum, & os Iehouę nō interrogauerunt.

15 Et fecit cum eis Iosue pacem, & percussit cum eis fœdus quod fineret eos viuere, iuraueruntque eis principes congregationis.

*Quum audissent.*) Quando reges istos minimè ab initio latuit populi aduentus, certum est diuinitus securitate vel potius locordia inebriatas fuisse eorum mentes, ne facta conspiratione protinus occurrerent. Fuit enim nimii stuporis, non ante sibi prospicere, quàm dum clade duarum vrbiũ violenter excitati sunt è suo veterano. Nam quia communie erat bellum, quædã voluntaria fuit deditio, nullum vicinis subsidium mittere, imò nō habere paratum exercitum, qui pro earum defensione validam impressionem faceret. Verùm hoc modo pepercit Deus suorũ infirmitati, quibus coniunctæ tot gentium vires non parum formidinis attulissent. Certum ergo est, earũ desidia & torpore Israelitas factos fuisse expeditiores. Spatium enim datum interea fuit, quò seipos colligerent: & qui solis hostium nominibus fuissent turbati, ad eos excipiendos se per ocium comparant. Ita quanuis reprobis nihil non moliri cupiant ad perdendam Ecclesiã:

Deus

Deus tamen vt nocēdi facultatem adimat, dissipat & peruertit eorum consilia: imò spiritū vindemiat. Ab altera parte se prodit furiosa eorum audacia, quòd manifesto miraculo non flectuntur, quominus inexpugnabili Dei potentia se rāquam rabidæ belluæ opponant. Fama ad eos allata fuit de expugnatione vr̄bis Iericho. An hominum consilio vel industria? an conatu? an machinis euersa fuerat? Imò sponte muri corruerant. Qua igitur fiducia ad arma contra cælum suscipienda conspirant?

3 *Habitatores vero Gibeon.*) Soli habitatores Gibeon repudiato bellandi cōsilio, ad fraudem animos applicant, vt prætextu longæ distantia pacem impetrent. Porrò odiosum erat apud vicinos id tentare: quia id erat quodammodo facere discessionem, ianuā aperire Israelitis, vires sociorum diminuerē. Etsi autem reprehensione digna fuit stulta credulitas Iosue & procerum, quibus nulla religio fuit, re nondum comperta inconsideratè pacisci: Deus tamen qui educere solet lucē è tenebris, id vertit suis in bonū: quia relaxatio illis data fuit, vt in solo pacato consisterent. Rectè quidem & prudenter Gibeonitæ, dum sibi quiduis potius ferendum statuunt, quā frustra resistēdo, magis Deum in se prouocare. Sed fraude & illicitis artibus circunuenire quos cupiunt habere propitios, non minus absurdū & ridiculum, quā rationi & æquitati aduersum fuit. Quæ enim potuit esse fœderis stabilitas, quod non nisi crassa fraude subnixū erat? se alienigenas ex regione procul distita venisse simu-

lant. Cum laruis ergo paciscitur Iosue: nec quidquam obligationis contrahit, nisi secundum eorum verba. Ita calliditas qua se insinuabant, nihil prodesse debuit. Verum ut maior adhuc vigeat inter homines integritas: satis illis fuit vel errore extortum iusiurandum: quod certò persuasi erant populum Israel non violaturum. Quòd dicitur, ipsos etiam egisse callidè, perperam referunt quidam ad stratagema, quo usus fuerat Iosue in fallendis ciuibus Ai: nec minus inscitè alii trahunt ad tempus Iacob, cuius filii Leui & Simeon fraudulenter oppresserant Sichimitas. Atqui potius subest antithesis inter hostilem apparatus regum, & occultam vafritiem qua ipsi adorti sunt Iosue. Postquam ergo dictum fuit, alios coniurasse ut simul descenderent in apertum certamen: subiicitur Gibeonitarum dolus: ideòque sensus est, negocium oblatum fuisse ipsi Iosue non tantum à professis hostibus, qui se ad pugnandum congregauerant: sed à callida vnus gentis simulatione. Quæritur tamen quorsum tam anxie laborauerint in re minimè necessaria. Videbimus enim alibi, iustos fuisse Israelitas omnibus pacem offerre, quò deinde iustum & legitimum bellum indicerent. Sed quia passim vulgatum erat, eos sedem habitationis quærere in terra Chanaan (quod assequi non poterant nisi profligatis incolis) constituunt Gibeonitæ non aliter ad misericordiam posse flecti quam fallacia delusos: quia nunquã sponte & scientes passi fuissent quam inuaserant terram ab aliis occupari. Imò quia præceptum de omnibus perden-

dis in-

dis innotuerat, hæc necessitas eos ad astutiã cõ-  
pulis, quia spes omnis salutis impetrandæ adem-  
pta erat. Et hac etiam ratione paulò pòst fraudẽ  
necessitate expressam deprecantur. Exoritur ta-  
men hîc quæstio: quia mox excipiunt Israelitæ sibi  
non esse liberum pacisci cum gentibus Chanaã:  
sed omnes sibi esse exterminãdas. Hæc certe duo  
inter se discrepant: ad deditiõnem hortari: ne-  
que supplices & voluntarios admittere. Verum  
quanuis Deus pro more & vsu consueto iura  
belli seruari voluerit, atque ita sub conditione  
pacem offerri si modò cederet: tentari duntaxat  
voluit gentium illarum animos, vt propria ob-  
stinatione accerferent sibi exitium: populo autẽ  
Israelitico denũtiatum erat, vt funditus eas per-  
deret: hinc meritò sumitur hæc sententia, non  
posse tolerari qui in terra Chanaan habitant,  
quibuscum fœdus percutere nefas erat. Ac vtrũ-  
que disertè postea exprimetur, omnes pertinaci-  
ter bellum gessisse, quia Dei sententia fuerat, vt  
indurarentur corda eorum & periret. Vnde col-  
ligere licuit, seruari non posse qui morti addicti  
erant. Siquis obiiciat, Gibeonitas quum pacem  
vltro appeterent, fuisse igitur exemptos: respõ-  
deo, Israelitas non expendere in præsentia solen-  
nem illum ritum, qui effectui carebat: sed pro-  
missionem solam cum mandato Dei arripere. Ita  
fit vt nullam spem residuam faciant: quia simpli-  
citer & præcisè mandatum fuerat, vt omnibus  
ad vnum interfectis, terram purgarent, & succe-  
derent in locum mortuorum.

6 *Perrexerunt ergo.* Dixi summo iure eua-

nidum & irritum fuisse eiusmodi fœdus. Quid enim dum fiunt voti compotes adipiscuntur, nisi vt salui sint, si ex remota & longinqua orbis plaga venerint? Et quò sapius idem mendacium inculcant, pactionem magis ac magis abrogant dolo elicitam, quâdo nonnisi in hæc verba concipitur, ne quid molestiæ afferant Israelitæ populo alieno & procul dissito: præsertim quum omnes incolas terræ Chanaan nominatim excludât Israelitæ. Nullum igitur ex fraude precium obtingere illis debuit. Nihilo etiam magis eos iuat, quòd fallaci nominis Dei prætextu obnubilant mentem Iosue. Obtendunt se venisse in nomine Dei: ac si profiterentur se Deo dare gloriam: & quidem Deo Israelis: vbi subest tacita superstitionum quibus assueri erant reiectio. Nam si verum est, miraculorum quæ in Ægypto edita erant fama permotos venisse, summâ potentiam concedunt Deo Israelis licet incognito.

14 *Sumpserunt ergo viri.*) Insipida sunt commenta, gustasse panem vt ex sapore colligerent, an verustate esset rancidus: vel epulo fœdus confirmasse. Potius enim meo iudicio, perstringitur nimia credulitas, quòd leuiter acquieuerint fabulosæ narrationi, & dum attentum sunt ad solum panem, non reputauerint figmentum illud colore destitui. Et certe nisi hebetati fuissent eorum sensus, multa statim occurrissent ad refutandos Gibeonitas. Sed quia interdum contingit, acutissimos oculos inani spectaculo perstringi: grauius damnatur eorum error, quòd sciscitati non sunt quid Deo placeret. In promptu erat re-



rat remedium , si nihil aggressi essent nisi præ-  
 unte oraculo. Res verò digna erat de qua sedulò  
 inquireret. Signū ergo crassæ incuriæ fuit, quum  
 præsto adesset sacerdos qui per Vrim & Thu-  
 mim responsum à Deo peteret, de re obscura in-  
 consideratè decernere, ac si nullū consilium sup-  
 peteret. Quò minus excusabilis fuit eorum te-  
 meritas cum tam supino gratiæ Dei neglectu  
 coniuncta.

16 Post tres autem dies à fœdere  
 cum illis inito audierunt , quòd pro-  
 pinqui essent ipsis , & in medio ipso-  
 rum habitarent.

17 Profectique sunt filii Israel , &  
 venerunt ad vrbes ipsorum die tertio.  
 Vrbes autē eorum erant Gibeon, Che-  
 phirat, Beeroth, Ciriath-iearim

18 Et non percusserunt eos filii Is-  
 rael eo quòd iurassent eis principes  
 congregationis per Iehouam Deum  
 Israel: & murmurauit tota congrega-  
 tio contra principes.

19 Tunc dixerunt omnes princi-  
 pes ad totam congregationem , Nos  
 iurauimus eis per Iehouá Deum Israel,

ideo nunc nō possumus attingere eos.

20 Hoc faciemus eis, seruabimus eos viuos, ne sit contra nos ira propter iusiurandum quod iurauimus eis.

21 Dixerunt itaque illis principes, Viuant, & cædant ligna, & fodiant aquam toti congregationi, quemadmodum loquuti sunt eis cuncti principes.

22 Vocauit itaque eos Iosue, & loquutus est ad eos dicēdo, Vt quid decipistis nos dicendo, Remoti sumus à vobis valde, cū in medio nostri habitetis?

23 Nunc ergo maledicti estis, nec delebuntur ex vobis serui, & cædentes ligna, & fodientes aquam pro domo Dei mei.

24 Qui responderunt ad Iosue, atque dixerunt, Cū renunciando renunciatum fuit seruis tuis quomodo præceperat Iehoua Deus tuus Mosi seruo suo, vt daret vobis terrā, & disper-

deret omnes habitatores terræ à facie vestra, timuimus valde animabus nostris à facie vestra, & fecimus istud.

25 Et nunc ecce sumus in manu tua, sicut placet, & sicut rectum est in oculis tuis vt facias nobis, facies.

26 Et fecit eis ita, liberauitque eos in manu filiorum Israel, nec interfecerunt eos.

27 Constituítque eos Iosue eo die cęsores lignorum, & haustores aque congregationi, & altari Iehouę vsque in hunc diem in loco quem elegerit.

16 *Post tres autem dies.* ) Quòd triduo pòst errore deprehenso castigata fuit eorum leuitas, ea pœnæ celeritas plus infamię & pudoris incurtere debuit. Sic enim cognitú fuit, eos per ignauiam & socordiam plusquá turpiter fuisse lapsos, quia de re propemodum ante oculos exposita inquirere non sustinuerint. Quòd pacatum est illis iter in ea regione, securè vrbes ingrediuntur, liberum reperiunt com meatum, id fit pater-na Dei indulgentia, qui non solùm ignoscit eorum delicto, sed in bonum vertit quod meritò damnosum illis fuisset. Híc verò narratur, non fœuisse filios Israel hostiliter in illa regione: quia

Gibeonitis promissa iureiurādo interposito fuerat incolumitas. Nunc primò quæritur, an vlla religio tenuerit filios Israel, quibus nihil minus in animo fuerat, quam fidem suam impostoribus obstringere. Suboritur deinde alia quæstio, an non fuerit in arbitrio populi; quod stultè & perperam duces promiserant, rescindere. Quantum ad thesin spectat, iurisiurandi religio eoufque sancta apud nos esse debet, ne erroris prætextu à pactis discedamus etiā in quibus fuimus decepti: quando sacrum Dei nomen totius mundi opibus preciosius est. Quauis itaque parum consideratè iurauerit quispiam, nulla iactura vel dispendium fidem eius soluet. Nec dubito quin hoc sensu dicat Dauid, veros Dei cultores si iurauerint in malum, non mutare: quia damnum perferent potius, quam promissa retractando contemptui exponant Dei nomen. Sætu igitur, si sola in rationem veniat priuata vtilitas, quidquid iurando promiserimus præstandum esse. Atque ex verbis apparet, veritos fuisse Israelitas ne Dei sui nomen infamiæ subiicerēt apud Gentes Chanaan. Emphaticè enim positum interpretor: quia iurauerant per Deum Israel. Verùm peculiaris ratio liberum fecit Israelitis dolosæ pactioni non stare: quia non tantum suo iure cesserant, sed perperam deciderant ex Dei mandato: quod vel in minimo apice attingere fas non erat. Penes ipsos non erat, aut victis parcere, aut ferre deditiois leges. Nunc tanquam de negotio sibi permissio transigunt. Videmus itaque vt nomen Dei bis profanauerint, dum prætextu iu-

Psalm.  
15.4

*profanauerint nomen Dei iuramenti*

ramēti pertinaciter defendunt quod stultè promiserant. Quòd autem tātum defert vulgus suis ducibus, vt manus abstineat à Gibeonitis, in eo se prodit seculi integritas. Promptum enim alioqui fuisset eludere, paucorum hominum placito non teneri totum populū: sicuti olim à Romanis pax Caudina repudiata fuit, in quam soli Consules, & Legati, ac Tribuni, senatus & populi iniussu iurauerant. Plus ergo laudis meretur rudis illa simplicitas, in qua maior viguit religio, quam nimis arguta disquisitio, in qua sibi hodie placet ac plaudit maior pars hominum. Etsi autem indignatur populus, duces plus æquo sibi sumpsisse, modestiæ tamen est quòd non vltur murmur & strepitum progreditur.


20 *Hoc faciemus eis.*) Quauis ex pacto vitam concedant Gibeonitis, non tamē nisi dimidia ex parte ratū habent fœdus. Nam quum plena Gibeonitis præstanda esset incolumitas, nunc libertas vita ipsa charior eripitur. Vnde cōiicimus, Iosue cū reliquis, vt in re dubia & perplexa, medium aliquid excogitasse, ne prorsus inane esset iusiurandum. Præcipua quidem huius cōsiliū ratio fuit, multitudinem placare: quia tamen indignè ferebant verba sibi esse data à Gibeonitis, vafritiem vlti sunt, ne impunitas ludibrium auget. Porro fuit hæc dura cōditio, nō tantū addici ad operas seruiles, sed abstrahi à suis domibus, vt vagam & erraticam vitam agerent. Calonum munus illis iniungitur vile non minus quam laboriosum. Sed cumulus molestiæ est, ligna cædere & haurire aquam, vbicun-

que Deo placuerit arcam locare.

22 *Vocauit eos Iosue.*) Quia tristem sententiam & acerbam laturus erat, præfatur nihil se iniquum statuere, quia nihil minus conueniat, quam dolos & fallacias suis authoribus lucrum afferre. Expostulat igitur, quòd mentiendo periculum à se depulerint: deinde mox pronunciat maledictos esse: qua voce interpretor culpã seruitutis in illos reiici, quòd nihil perferant durius quam promeriti sunt dolo vel perfidia: acsi diceret, damnationis quam profert materiam in ipsis residere. Asperum quidem, nullum temporis finem dari laboribus quibus manciantur: sicuti & verba sonant, Nunquam desinent ex vobis esse serui: sed nihil iniuriæ fieri illis pronuntiat, quia sponte vel suo vitio maledicti sint. Ipsi quidem obiecta quæ eos coegit necessitate, crimen extenuant: neque tamen pœnam detrectant, qua agnoscunt iustè se castigari. Fieri quidem potest, vt metu oppressi nihil recusauerint: imò placidè nec sine assentatione impositis sibi legibus acquieuerint. Quid enim proficerent litigando? Verùm quia male sibi conscii erant, nec poterant crimè profus diluere: nō dubito quin secum valde humaniter agi censuerint, modò salua esset vita.

## CAPVT X.

I



VVM audisset Adonizedec rex Ierusalem quòd cepisset Iosue Ai, & eã perdidisset (quẽadmo-

dum fecerat Iericho, & regi eius, quòd sic fecisset Ai & regi eius) & quòd pacem fecissent habitatores Gibeon cū Israel, & essent inter ipsos:

2 Tunc timuerunt valde, quòd ciuitas magna esset Gibeon tanquā vna è ciuitatibus regiis, quia maior erat quàm Ai, omnesque viri eius fortes.

3 Propterea misit Adonizedec rex Ierusalem ad Hoham regem Hebron, & ad Piram regē Iarmuth, & ad Iaphiam regem Lachis, & ad Debir regem Eglon, dicendo,

4 Ascēdite ad me, & suppetias ferre mihi, vt percutiamus Gibeon qui pacem fecit cum Iosue, & filiis Israel.

5 Congregati sunt itaque, & ascēderunt quinque reges Amorrhēi, rex Ierusalē, rex Hebron, rex Iarmuth, rex Lachis, rex Eglon, ipsi & omnes exercitus eorū, & castrametati sunt iuxta Gibeō, pugaueruntque aduersus eā.

6 Miserunt ergo viri Gibeon ad

*supplicia  
in auxilium  
eius. Iosue*  
Iosue ad castra in Gilgal, dicendo, Ne  
cōtrahas manus tuas à seruis tuis: ascē-  
de ad nos citò, & serua nos, atque au-  
xiliare nobis: congregati enim sunt  
contra nos omnes reges Amorrhæi  
habitantes in monte.

7 Ascendit itaque Iosue de Gilgal,  
ipse, & vniuersus populus bellator cū  
eo, omnes potentes viribus.

8 Dixit autem Iehoua ad Iosue,  
Ne timeas ab eis: in manum enim tuã  
tradidi eos, nec consistet quisquam ex  
eis in conspectu tuo.

9 Et venit ad eos Iosue repente: to-  
ta enim nocte ascendit de Gilgal.

10 Et contriuit eos Iehoua coram  
Israel, percussitque eos plaga magna  
in Gibeon, & persequutus est eos per  
viam ascensus Beth-horó, & percussit  
eos vsque Azecah, & vsque Makedah.

11 Dum autem fugerent à facie Is-  
rael, & essent in descensu Beth-oron,  
Iehoua demisit super eos lapides ma-



gnos è cœlo vsque ad Azecah, & mortui sunt: plures mortui sunt lapidibus grandinis, quam quos interfecerunt filii Israel gladio.

12 Tunc loquutus est Iosue ad Iehouam die qua tradidit Iehoua Amorrhæum corâ filiis Israel. Dixitque in oculis Israel Sol in Gibeon expecta, & luna in valle Aialon.

13 Et expectauit sol, & luna constitit, donec vlcisceretur se gens de inimicis suis. Annon hoc scriptum est in libro \* Iasar? Stetit ergo sol in medio <sup>\* vel</sup> <sup>restit?</sup> cœli, nec festinauit occumbere circiter die vna integra.

14 Et non fuit sicut dies illa ante eam nec post eam, qua exaudiuit Iehoua vocem viri: Iehoua enim pugnat pro Israel.

1 *Quum audisset.* ) Quod ante breuiter perstrinxerat nunc fufius prosequitur de conspiratione regum, qui tam in montibus quam in planitie habitabant. Nam ex quo dixerat metu tan-

dem fuisse percussos, vt commune bellum simul susciperent, abrupta illa narratione mox transierat ad Gibeonitas. Quod autē de regibus communiter dixerat, nunc confert in vnus hominis personam: non quòd solus Adonizedec timuerit: sed quia omnes alios concitauerit, & dux atque author præcipuus fuerit gerendi belli contra Israelitas. Idque satis exprimitur plurali verbi numero. Quum audisset Adonizedec, timuerūt valde: vnde apparet eundem omnibus fuisse animum: sed quia in trepidatione alii cessabant, hunc qui autoritate pollebat, & propinquior erat periculo, vocasse quatuor alios ad arma. Ergo initio capitis repetitur quomodo societatem coierint quinque reges, vt Israelitis occurrerent ad propulsandā quæ omnibus instabat cladem. Verūm quia se interea dediderant Gibeonitæ, in ipsos primò arma vertunt: tum vt pœnā sumendo quasi de patriæ proditoribus, exemplum statuerent omnibus vicinis: tum vt illis victis terrorem inculcerent hostibus, suos autem milites ad fiduciam animarent. Aggredi ergo constituunt Gibeonitas qui sua legatione rupturam fecerant, vt viam patefacerent Israelitis. Et honestus quidem belli prætextus fuit, eorum mollitiē vlcisci, qui extraneis ad omnia vastanda manum porrigere maluerant, quam vicinos fideliter defendere. Gibeonitæ verò experti sunt quā inutile esset astutum consilium: nisi misericordia Israelitarum seruari essent. Interea passus est Deus eos periclitari, vt bis liberati, libentius ac placidius iugo se subiicerent.

6 *Miserunt itaque viri Gibeon.*) Series historiarum inuersa est: quia certe non expectauerunt Gibeonitæ dum obsiderentur: sed quum viderent armari & instrui exercitum: nec dubiũ esset quin sustinēdi ipsis essent primi impetus, quia omniũ odia in se conflauerant, antequam oppugnētur, maturè confugiunt ad fidem Iosue. Nam eos deserere quibus data fuerat vita, neque rectũ, neque humanum, neque fas fuisset. Imò quia fœdus sequuta erat deditio, contra vim & iniuriam defendi oportuit. Meritò itaque implorat Israelitas, sub quorum erant clientela: nec verò cunctatur Iosue, quia suarum partium esse iudicat, quos semel recepit in suam clientelam, tueri. Fefellerant quidem: sed ex quo fraus detecta fuerat, vt eam excusatione interposita, confessi erāt, venia rursus data fuerat. Ita æquitas & officii religio cōstrictos tenebat Israelitas, ne eorum curam abicerent. Laude tamen digna est Iosue promptitudo, quòd rogatus absque mora succurrit. Dicitur enim tota nocte iter fecisse, vt pro salute totius populi diligentius festinare nõ potuerit. Si eadem semper in profanis gentibus valisset sinceritas, in rēpore iuissent potius suos fœderatos quam vti essent clades ipsis illatas. Neque tamen particula repente, restringi debet ad vnum diem, quasi tridui iter nocte vna emensus, postridie Gibeonitis apparuerit. Tātũm notatur summa celeritas quòd in crastinum profectiorem non distulit. Nam quũ antè castra mouissent Israelitæ ab Ai, aut illa vicinia, non ante triduum fines Gibeonitarum ingressi sunt. Vt

demus, lente tunc acie disposita fuisse progressos, longius aberat Iosue quando nunc ad opera Gibeonitis ferendam fuit accersitus. Vidimus enim Gilgal à transitu Iordanis primam fuisse stationem, vt remotior esset quam Iericho. Si cui videtur absurdum, ex quo aliquot urbium ditio- nem occupauerat, retro cursum flectendo, vacuam hostibus reliquisse, in qua deinde recuperanda subeundus esset nouus labor: respondeo, non fuisse timendum ne longius obuiam prodirent, & expeditionem susciperent magno discrimine & pari molestia plenam. Probabile enim est, dum ad oppugnandam Iericho habitus fuit delectus, mulieres, paruulos, totamque imbellē turbam cum impedimentis in illo pacato angulo substitisse, quū ab opposita ripa Iordanis præsidio essent qui relictī fuerant ex Rubenitis & Gaditis cum dimidia tribu Manasse. Quorsum enim pueros & mulieres alias grauidas, alias puerperas, alias nutrices cum teneris pueris in prælia traxissent? Vnde tantæ multitudini anno- na inter hostiū incursiones? vnde aquatio quæ tantæ animalium copię sufficeret? Sic igitur statuo, Iosue & milites ad sua tabernacula reuersos esse, vt cum vxoribus & liberis se paulisper reficerent, ac spolia illic deponerēt, quibus fuerant locupletati.

8 *Dixit Iehoua.*) Dubium est, anteuertente Deo, & Iosue oraculo suo armauerit, & extra- xerit è Gilgal antequam pedem moueret, an verò iam accinctum confirmauerit. Mihi rectius illud videtur, Iosue non temere simulac rogatus fuit,

fuit, Deo incōsulto prorupisse: sed tādē quum de eius voluntate factus esset certior, arma intrepidè & alacriter sumpisse: præsertim quū nuper ob nimiam facilitatē castigatus fuisset, probabili coniectura elicitur, nihil in re perplexa tētassee nisi ex Dei mandato. Ergo miseros Gibeonitas respexit Deus, quando passus non est, suorum auxilio eos destitui. Porro instruitur Iosue victoriæ fiducia, vt ipsis succurrat: quia nos acrius Deus promittendo quàm iubēdo ad præstandum officium extrinulat: tamen si quod vni promittitur, ad omnes pertinet. Sed honoris causa peculiariter deponitur apud Iosue quod deinde ad exercitum suū perferat. Neque enim promiscuè quibuslibet loquutus est è cælo: sed eximios tātum seruos & electos Propheas hac prærogatiua ornauit. Porro notatu dignum est, Iosue non fuisse Dei promissione abutum ad seignitiem: sed eo vehementius fuisse accensum ex quo de fœlici euentu fuit edoctus. Multi enim dum fidem ostentant, peruersa securitate resides fiunt ac ignaui. Audit sibi in manu esse victoriā: vt potiatur, celeriter ad pugnādum currit. Nam fœlicem euentum nō vt tardior esset vel remissior, sciebat sibi patefactum esse: sed quò maiore studio eniteretur. Hinc factum est, vt hostes ex inopinato deprehenderit.

10 *Contrixit eas Iehoua* / Gladiis quidem populi primam stragem edidit: sed propria virtute. Vnde colligimus, quoties operatur per homines, nihil decedere eius gloriæ, quin sibi in solidum vēdicet quidquid factum est. Neque enim

*Folij supra rardian Liii de ser  
re: sed quo maiore studio emi*

*Operum  
in aram  
di*

dum vitur hominum opera socios aduocat in subsidium, vel quidquam ab illis mutuatur: sed quum penes ipsum sit, quidquid visum est solo nutu implere, homines quoque ipsos adhibet tanquam instrumenta, vt manu sua & arbitrio regi ostédât. Interea vtrunque verè dicitur, hostes vel à Deo, vel ab Israelitis fuisse profligatos & contritos, quia Deus per Israelitas eos cõtriiuit. In altera strage clarius apparuit Dei manus, dum grandine prostrati sunt. Et disertè exprimitur, plures fuisse grandine percussos, quã manu occisos, ne obscurum esset, victoriã è cælo partam fuisse. Vnde rursus colligitur, grandinem hanc non fuisse vitatam: vt naturaliter excitari solent proceliæ: plures enim fuissent vulnerati, vel palati ac disiecti, quam repente extincti: deinde nisi eam directè iaculatus esset Deus, pars super Israelitarum capita cecidisset. Nunc vbi alter exercitus seorsum impetitur, alter verò à noxa immunis tanquam ad auxiliares copias accedit, clarè liquet è cælo Deum pugnare. Eodem quoque spectat quod dicitur, Deum proiecisse è cælo magnos lapides grandinis. Sensus enim est, extraordinario impetu irruisse, & magnitudine excessisse communem modum. Si quando tempestas in medio prælio coorta alteri parti utilis fuit, signum fauoris sui dare visus est Deus. Hinc illud, O nimium dilecte Deo tibi militat ether. Verùm hîc refertur insignius miraculum in quo palam Deus virtutem suam exeruit.

12 *Tunc loquutus est Iosue Iehouæ.*) Ad verbum ita legitur: quanquam exponunt quidam,  
Coram

Coram Iehoua: quia Deum alloqui, quem suppliciter rogandum esse dicit pietas, videtur parum esse consentaneum fidei modestiæ, & continuo post subiicitur, Iosue verba sua ad solem direxisse. Ego verò non dubito, priore membro notari precationem aut votum, altero autem fiducia testimonium, postquã exauditus est. Soli enim mandare vt se sisteret, nisi impetrata venia, temerarium fuisset ac superbum. Deum itaque consulit & rogat: mox accepto responso, audacter imperat soli quod Deo placere cognoscit. Atque hæc est vis & prerogatiua fidei quã Christus commendat, vt suo imperio subiiciat montes & maria. Quo enim magis se exinanunt pii, eo liberalius in eos suam virtutem Deus transfert: & quando fides annexa est verbo, suam in ea potentiam demonstrat. Denique fides à verbo in quo fundata est, imperii fiduciam mutuatur. Ita Helias cælum clausit aperuitque suo mandato, & ignem à cælo attraxit. Ita Christus discipulos instruit cælesti potestate, vt sibi elementa subiiciant. Tantum cauendum est, ne quis suo arbitrio ad inconsiderata iussa profiliat. Quæ ratione Iosue non antè aggressus est morari & cohibere solis cursum, quam de consilio Dei probe edoctus. Et si autem vbi dicitur loquutus esse cum Deo, hoc verbo nõ satis exprimitur quæ Dei seruum in concipiendis precibus decet modestia & submissio: nobis sufficiat breuiter subindicari, Iosue quod optabat postulasse à Deo, & quum exorasset, liberum & magnanimum fuisse præconem incredibilis miraculi quod nõ-

*Ex fidei  
dispositio, et  
in Iosue  
deus*

Mat. 17

20

Luc. 17.

6

1. Reg.

17 & 18

*Vergil  
Sicilicet  
subdistinguitur*

dum contigerat. Nunquam enim coram omnibus tam securè soli præcipere ausus fuisset, nisi suæ vocationis sibi probe conscius. Alioqui turpe & pudèdum probrum subiturus erat. Quòd ergo non dubitanter in hanc vocem erumpit, vt sol & luna deflectant à perpetua naturæ lege, perinde est ac si eos adiuraret per immèsam Dei potentiam, qua præditus est. Hic autem refulget singularis Dei fauor erga Ecclesiam, quòd sicuti in gratiam humani generis quotidiano solis cursu diem à nocte diuidit, & molem illam ingentem infatigabili pernicitate assidue versat: ita ad breue tempus consistere voluit, donec deleti essent Israelis hostes.

13 *Expectauit sol.*) Non minus intempestiue quæstionem mouent quidam, quomodo sol steterit in Gibeon, quàm inscitè expediunt. Neque enim subtiliter Iosue solè locauit in aliquo puncto: vt necesse sit fingere pugnam in solstitio æstiuo fuisse commissam: sed quia vergebat in regionem Aialon, quoad prospicere oculis licebat, illic Iosue morari & quiescere illum iubet: vt maneret supra orientem quem vocant. In summa, retrahitur sol ab occasu ad quem iam inflexus erat. Nec de numero horarum anxie laboro: quia mihi satis est, diem fuisse tota nocte prorogatum. Si quæ illius seculi extarent historia, illic haud dubie celebraretur tam insigne miraculum: ne tamè ambigua sit eius fides, scriptor libri alibi fuisse proditum commemorat: quanquam perit liber quem citat, nec de nomine Iazar satis conuenit. Qui Moÿsen designari volunt,



volunt, frigidè trahunt ad generales prædictiones quod hîc narratur exemplum. Quia electum populum sic appellat Moyses, melius quadrabit, rerum gestarum commentarios notari. Ego certe vel Deum, vel Istaëlem potius, quam authorè historiæ intelligo.

14 *Et non fuit sicut.*) Iterum postea in gratiam regis Ezechix ordinariû solis cursum fuisse mutatû legimus apud Isaiam, & in sacra historia. Nâ *Isa. 38. s. 8.* ut persuasus esset, vitam sibi adhuc productam per quindecim annos, umbra solis per decem gradus quibus descenderat retracta est. Non ergo præcisè negatur fuisse quidquam simile alteri concessum: sed miraculum extollitur tanquã singulare. Quòd verbum *וַיִּשְׁמַע* quidam vertunt obedire, tanquam asperius reiicio. Et si enim dicitur in Psalmo Deus facere secundum desiderium seruatorum suorum, quod tantundem valet *Psal. 21. 3.* ac morem gerere, fugere tamen præstat quidquid videtur Deum in ordinem cogere. Simpliciter ergo miraculi præstantia laudatur, quia nihil antea tale visum erat, nec deinde contigerit. Secundo membro versus, tam humanitas Dei & facilitas commendatur in exaudiendo Iosue, quàm paternus erga populum fauor pro quo dicitur pugnasse.

15 Reuersus autem est Iosue & vniuersus Israel cum eo ad castra in Gilgal. *Gilgal*

16 Fugerat verò ipsi reges, & abs-

*reges abscon-*  
*dit in spelunca*  
*in Makeda*  
 conderant se in spelunca in Makeda.  
 17 Et nunciatum est Iosue his ver-  
 bis, Inuēti sunt quinque reges abscon-  
 diti in spelunca in Makeda.

18 Tunc dixit Iosue, Deuoluite sa-  
 xa magna ad os speluncæ, & consti-  
 tuite iuxta eā viros vt custodiant eos.

19 Vos autem persequimini ini-  
 micos vestros, & caudam eorū cædi-  
 te, nec sinatis eos ingredi vrbes suas:  
 tradidit enim eos Iehoua Deus vester  
 in manum vestram.

20 Quum autem finem fecisset Io-  
 sue, & filii Israel percutiendi plaga ma-  
 gna valde donec consumerentur, &  
 superstites qui euaserant ex ipsis in-  
 gressi essent vrbes munitas,

21 Reuersi sunt vniuersus populus  
 ad castra ad Iosue in Makeda in pace:  
 non mouit contra filios Israel quis-  
 quam linguam suam.

22 Tunc dixit Iosue, Aperite os  
 speluncæ, & adducite ad me quinque  
 illos

illos reges de spelunca.

23 Atque ita fecerunt, nempe eduxerunt ad eum quinque illos reges de spelunca, regem Ierusalem, regem Hebron, regem Iarmuth, regem Lachis, regem Eglon.

24 Quúmque eduxissét quinque reges illos ad Iosue, vocauit Iosue omnes viros Israel, dixítque ducibus virorum bellatorum, qui profecti erant secum, Accedite, ponite pedes vestros super colla regum istorum. Et accesserunt, posuerúntque pedes suos super colla ipsorum.

25 Tunc dixit ad eos Iosue, Ne timeatis, & ne paueatis, fortes estote, & roborate vos: sic enim faciet Iehoua omnibus inimicis vestris contra quos pugnatis.

26 Post hæc percussit eos Iosue, & interfecit eos, & suspendit in quinque lignis, fuerúntque suspensi in lignis vsque ad vesperum.

27 Fuit præterea tempore quo occumbit sol, præcepit Iosue, & deposuerunt eos è lignis, proieceruntque eos in speluncam in qua se absconderant, & posuerunt lapides magnos ad os speluncæ vsque ad hunc diem.

28 Makedam verò cepit Iosue eo die, & percussit eam acie gladii, & regem eius occidit vnà cum illis, & nullam animam quæ esset in ea reliquit superstitem, fecitque regi Makeda quemadmodum fecerat regi Iericho.

15 *Reuersus est.* ) Inferitur hic versus non suo loco. Nam paulò post attextitur finis prælii: deinde supplicium de regibus sumptum, quod est prælii appendix. Additur etiam tunc castrametatum fuisse in Makeda: tandem in fine capituli reperitur quod hic neglecto temporis ordine positum fuerat de reditu in Gilgal. Cohæret ergo cum superioribus quod narratur de regum fuga & absconsione. Nam quum in medio pugnæ ardore nunciatum esset, eos in spelunca delitescere: prudenter cauit Iosue, ne si insisteret illis capiendis, reliqui dilaberentur. Tantum iussit obstrui magnis lapidibus os speluncæ, & custodes apposuit, vt tanquam carcere inclusi opportunè tandem ad mortem extraherentur. Hinc autem  
apparet

apparet, ingentem fuisse exercitum, quòd quum acriter terga fugientium vrgerent Israelitæ, & sol ipse spacium cædendi daret: fieri tamen non potuit, quin se multi reciperent in vrbes munitas. Verùm ad testandam Dei gratiam id satis valuit, quòd ad lassitudinem vsque obuios quosque impune strauerunt, & reuersi sunt incolumes. Nam vbi dicitur, neminem ausum fuisse mouere linguam, notatur quoad Israelitas incruenta victoria: ac si non ad bellũ sed ad trucidationem egressi essent.

18 *Tunc dixit Iosue.* ) Exercitu prostrato nũc libere & quasi per ocium Iosue regibus pœnam infligit: in qua nobis semper considerandum est Dei mandatum. Alioqui barbara fuisset atrocitas & immanis superbia, calcare pedibus colla regum, & mortuos in patibulis suspendere. Nam certe nuper diuinitus fuerant euecti in sacram dignitatem, & in regio soliq locati. Quare exultare in eorum contumelia minimè humanum fuisset, nisi Deo ita iubente. Cæterum quia sic voluit, acquiescere oportet eius sententiæ, nec inquirere fas est cur tam seuerus fuerit. Quãquam simul tenendum est quod antè attigi, quũ à minimo vsque ad maximum digni omnes essent interitu, quia ad summum vsque cumulum peruenerat eorum iniquitas, reges qui sceleribus alios superauerant, duriozem pœnam fuisse promeritos: deinde in eorum persona statuendum inexorabilis rigoris fuisse exemplum, ne peruersa clementiæ affectatione populus ad ignoscendum esset propensior. Volebat Deus omnes de-

leri: huius verò iudicii exequutionem populo suo iniunxerat. Nisi ad has partes obeundas acriter eos stimulasset, reperti fuissent speciosi dā-dæ veniæ prætextus. Detestabilis autem misericordia, quæ Dei authoritatem pro hominum arbitrio imminuit. Iam vbi ne regio quidē honori parcitur, ansa humanitati præciditur erga plebeios & totum vulgus. Atque hoc quidem documento ostendit Deus, quanti electum populum faceret: quia raræ dignationis fuit, reges eorum pedibus subiicere, vt eorum præstatiæ non secus ac si viles essent latrunculi insultarent: sicut in Psalmo dicitur, Gladius biceps in manu eorum, vt faciant vindictam in nationibus: vinciant reges eorum compedibus, & proceres eorum vinculis ferreis: vt faciant iudicium scriptum: decor hic omnibus sanctis eius. Simul valuit formidabile illud spectaculum ad incutiendum terrorem, ne gentium mores iimitarentur Israelitæ in quarum scelera Deum tam grauitè animaduertè viderant. Ideo sæpius apud Moysen occurrit hæc admonitio. Vidisti vt Deus ultus sit gentes quæ fuerūt ante te in terra Chanaā. Ergo caue ne peruerlis eorū operibus prouoces iram Dei tui. In summa, quo sanctius coleretur, iussit terram omnibus inquinamentis purgari, & quia nimis scelerati fuerant incolæ, suam in eos maledictionem nouo & insolito modo extare voluit.

25 *Ne timeatis.*) Iam in quinque regum persona Iosue de aliis omnibus qui restabant triumphum agit. Perinde enim ad fiduciam suos hortatur, ac si iacerent sub pedibus qui adhuc integri

Psal.

149.6.

7.8.9

regri erant. Vnde colligimus dum pedibus attriti sunt pauci illi, quasi in sublime fuisse erectum totum populum, vt alios omnes despiceret quasi iam prostratos. Et certe illic clarius perspecta fuit Dei potentia, quæ animos in posterum faceret. Suspensos autem fuisse notandum est, non vt asperius in eos sæuaret Iosue: sed tantum ignominix causa, quia iam erant interfecti. Sed vtile fuit prostare in omnium conspectu memorabilem Dei vindictam. Forte & Dei consilium fuit, reliquas gentes desperatione efferare & adigere in rabiem, quò celeritorem interitum sibi accerferent, dum Israelitas sua pertinacia ad iracundiã acuiunt. Eodem dedecore afficitur rex Makeda, qui tamen suas copias nõ eduxerat. Similis clades infligitur toti populo, qui intra suos muros quieuerat. Ac probabile quidem est, hostiliter aliquid tentasse: præcipua tamen causa fuit, quòd Deus vnam de omnibus sententiam tulerat. Cur vespere proiecta fuerint cadauera in spelũcam, alibi exposui. Porro hæc historia tanquam speculum nobis demonstrat, ubi conscendit Deus tribunal, vt coram ipso euanescat totus mundi splendor: imò vt eorum gloriam qui excellere visi sunt, suo iudicio in extremũ probrũ vertat.

29 Transiuit deinde Iosue & vniuersus Israel cum eo de Makeda in Libna, & oppugnauit Libna,

30 Tradiditque Iehoua illam etiã

in manu Israel, & regem eius, & percussit eam acie gladii, omnemque animam quæ erat in ea: non reliquit in ea superstitem, fecitque regi eius quæ admodum fecerat regi Iericho.

*2. a. 16*  
31 Postea transiit Iosue, & uniuersus Israel cum eo de Libna in Lachis, & castrametatus est iuxta eam, & oppugnauit eam.

32 Deditque Iehoua Lachis in manum Israel, & cepit eam die secunda, & percussit eam acie gladii, omnemque animam quæ erat in ea prorsus ut fecerat Libna.

*Horam rex Gesser*  
33 Ascēdit autem Horam rex Gesser ad opem ferendam Lachis, & percussit eum Iosue ac populum eius, ut non reliquerit ei superstitem.

*4. 1. 10*  
34 Transiit insuper Iosue & uniuersus Israel cum eo de Lachis in Eglon, & castrametati sunt cōtra eam, & oppugnauerunt eam,

35 Ceperuntque eam die illo, & percusserunt



percusserunt acie gladii, & omnem animam quæ illic erat, die illa interfecit prorsus vt fecerat Lachis.

36 Ascēdit postea Iosue & vniuersus Israel cum eo ab Eglon, in Hebrō, & oppugnauerunt eam.

37 Et ceperunt eam & percusserūt acie gladii, & regem eius, & omnia oppida eius, atque omnem animam quæ illic erat: non reliquit superstitem prorsus vt fecerat Eglon. Perdidit ergo eam atque omnem animā quæ illic erat.

38 Postea reuersus est Iosue, & vniuersus Israel cum eo in Debir, & oppugnauit eam.

39 Et ceperunt eam, & percusserūt acie gladii, & regē eius, & omnia oppida eius, percusseruntque eos acie gladii, atque interfecerunt omnem animam quæ illic erat. Non reliquit superstitem, quemadmodum fecerat Hebron, sic fecit Debir, & regi eius: &

quemadmodum fecerat Libna, & regi eius.

40 Percussit itaque Iosue omnem terram mōtanam, & Meridianam, & campestrem, & descensus acliues, & omnes reges earum: non reliquit superstitem: & omnem animam interfecit, quemadmodum præceperat Iehoua Deus Israel.

41 Percussit itaque Iosue à Cades Barne vsque ad Afa, & vniuersam terram Gosen vsque Gibeon.

42 Cunctos verò reges istos, & terram eorum cepit Iosue simul: quia Iehoua Deus Israelis pugnabat pro Israele.

43 Inde reuersus est Iosue ac vniuersus Israel cū eo in castra in Gilgal.

29 *Transiit deinde.*) Nunc describitur urbium expugnatio, ex quibus conflatus fuerat exercitus, vbi Deus virtutem suam nō minus quā in acie admirabilem reddidit: præsertim si celeritatem reputemus. Nam etsi non nihil consternationis attulerant qui trepidi illuc refugerāt ex prælio:

prælio: sedato tamen metu ad defensionem vti-  
 les esse poterant. Præsidium quidem ex eorum  
 numero creuerat. Quòd itaque exiguo tempo-  
 re omnes capit Iosue, ac minoribus oppidis po-  
 titur, in successu illo non minus incredibili quã  
 inexpectato, manifesta refulsit Dei præsentia. Nã  
 vt tantùm portas clauderent obsessi: quia tamẽ  
 Iosue neque scalas attulerat quibus muros tran-  
 scenderet, nec machinas quibus dirueret, potuit  
 vnaquæque obsidio aliquid remoræ & rædii af-  
 ferre. Ergo vbi vnã, postridie quam aggressus  
 est, alteram eodem expugnat, continuæ victoriæ  
 & tam faciles & expeditæ humanum modum  
 superant. Quare non abs re in fine capituli suo e-  
 logio celebratur Dei gratia, quòd palam factum  
 sit, pro Israele pugnare, dum semel tot reges cū  
 eorum ditione cepit Iosue: quia nunquam ita  
 festinanter quasi inspiciendi causa, transiisset ab  
 vrbe in urbem, nisi obstaculis remotis patefactū  
 diuinitus fuisset iter. Creuit etiam miraculum,  
 quòd rex Geser, qui in aliorum auxilium haud-  
 dubie nō sine fiducia venerat, repente nulloque  
 negocio profligatus fuit, nec moratus est conti-  
 nuum pergendi tenorem. Porrò qui in urbibus  
 fuerunt interfecti, quasi in speculo eos repræ-  
 sentant, quorum pœnam suspendit Deus vbi in  
 alios vindicat. Nam etsi modici temporis rela-  
 xatione sibi plaudūt, deterior tamen est eorum  
 conditio, quam si mox ad mortem traherentur.  
 Miserum fuisset in acie occumbere. Elapsi, vrbiũ  
 se mœnibus tuentur. Atqui illic quod longe a-  
 serbius erat, vxores, & liberi in eorum cōspectu

*in vna vrbe M.ii.*

*in vna vrbe M.ii.*

iugulantur: & mors illis magis cōtumeliosa quā  
 si pugnando fuissent occisi. Non est itaque cur  
 inuideamus reprobis breues inducias quātiſper  
 ipſos Deus tolerat, quia vbi ſecuritātē ſibi pro-  
 miſerint repentinus ſuperueniet interitus. In-  
 terea diſcamus non abuti Dei patientia quanti-  
 ſper iudicium ſuum differt: ac ſi quando videbi-  
 mur periculo vno defuncti, vel ſi ad nos prote-  
 gendos ſe offerant latebræ, ne ideo nobis pla-  
 ceamus: quin potius nobis veniat in mentem il-  
 lud Ieremiæ, ficus præcoces ſaltē habere aliquid  
 ſaporis, alias verò propter amaritudinē reiici.


1. Theſ.  
 5.3

Ier. 24.

40 *Percuſſit omnem terram.* ) Hic ruruſum  
 interponitur Dei authoritas, quæ Ioſue ab omni  
 crudelitatis nota abſoluat. Si enim ſuo arbitrio  
 promiſcuè ſæuiſſet in mulieres & pueros, nulla  
 excuſatio, quin deteſtabilis eſſet immanitas, cu-  
 ius ne in feris quidem & propè belluinis genti-  
 b<sup>9</sup> ſimile quidquā legitur. Verūm quod omnes  
 alioqui horrerent amplecti reuerenter conue-  
 nit, quia à Deo profectum. Meritò inter virtutes  
 præcipuè laudatur clementia: nempe vbi ſuæ i-  
 racundiæ moderantur qui læſi ſunt, & quibus  
 priuatim iuſta eſſet occaſio fundendi ſanguinis.  
 Sed quia Deus gladios populi ſui deſtinauerat  
 interficiendis Æmorrhæis, non aliud potuit Io-  
 ſue quam parere eius imperio. Ita que hac voce  
 non tantū obſtruuntur omnium ora: ſed mē-  
 tes etiam coercentur, ne ad ſiniſtra iudicia pro-  
 ſiliāt. Siquis audiat, Ioſue abſque diſcrimine ob-  
 uios omnes interfeciſſe, quanuis ſupplices ab-  
 iectis armis pacē peterent, placidos animos tur-  
 baret

baret nuda & simplex narratio: sed quū additur, sicuti Deus pręceperat, nihilo magis obloqui fas est, quā vbi de sceleratis pœna exigitur. Et si autē nostro iudicio pueri saltem ac multæ quoque mulieres essent extra culpā, meminimus nostris legibus cæleste tribunal minimè subiici. Quin potius vbi sic videmus ardere virides plātas, nos qui lignū aridum sumus, nobis metuamus à grauiore interitu. Et certe si se quisque probè excutiat, cētum mortibus dignū reperiet. Cur non itaque Deus materiam vnus mortis iustam agnosceret in fœtu vix dum matris vterum egresso? Frustra quidem obstreperis querelis exagitabimus, quod sobolem quoque gētis maledictæ in eundem coniecit interitum: quia figulo nihilominus in sua vasa vel potius in lutū, summa erit potestas. Vltimus versus confirmat quod antè dixi, fuisse toti populo stationem in Gilgal: ac milites qui ad bellum exierant illuc reuersos, tum vt se à lassitudine reficerent, tum vt prædas deponerent in tuto. Neque enim cōsentaneum fuisset longius spargi, donec sortitio monstrasset vbi singulis manendum esset.

## CAPVT XI.

I  VVM autem audisset Iabim rex Hasor, misit ad Iobab regem Madam, & ad regem Simerō, & ad regem Achsaph.

2 Ad reges quoque qui habitabant ab Aquilone in montanis, & in planitie ad Meridiem Cineroth, & in planitie in Naphoth-Dor ab Occidente.

3 Ad Chananæum ab Oriente & Occidente, & Amorrhæum, & Hithæum, & Pherisæum, & Iebusæum in montanis, & Hiuæum sub Hermon in terra Mispath.

4 Et egressi sunt ipsi, & omnes exercitus eorū cum ipsis, populus multus tanquam arena quæ est iuxta litus maris, præ multitudine, & equi, & currus multi valde.

5 Congregati sunt omnes reges isti, & venientes castrametati sunt pariter ad aquas Merom, vt pugnarent cum Israele.

6 Dixit autem Iehoua ad Iosuam, Ne timeas à facie eorū: cras enim hoc tempore tradam omnes istos occisos coram Israele, equos eorum subneruabis, & curius eorū combures igni.

7 Venit itaque Iosue, & cunctus populus bellator cum eo aduersus ipsos ad aquas Merom repente, & irruerunt in eos.

8 Et tradidit eos Iehoua in manū Israelis, percusseruntque eos, & persecuti sunt vsque ad Sidonem magnā, & vsque ad feruores aquarū, & vsque ad campum Misper ad Orientem: ac percusserunt eos donec nō reliquerit eis superstitem.

9 Fecitque eis Iosue quemadmodum dixerat ei Iehoua, equos eorum subneruauit, & currus eorum combussit igni.

10 Et reuersus Iosue eodem tempore cepit Hasor, & regem eius percussit gladio, Hasor enim antea fuerat caput omnium istorum regnorum.

11 Percusserunt quoque omnem animam quæ illic erat, acie gladii perdendo: non remansit vlla anima: & Hasor combussit igni.

12 Omnes vrbes regum istorum, & vniuersos reges earū cepit Iosue, percussitque eos acie gladii, perdēdo eos sicuti præceperat Moses seruus Iehouæ.

13 Tātummodo omnes vrbes quæ manebant in statu suo non combussit Israel, præter Hasor solam, quam cōbussit Iosue.

14 Et omnia spolia vrbium istarū, & iumēta prædati sunt sibi filii Israel: veruntamē omnes homines percusserunt acie gladii quousque perderēt eos: non reliquerunt vllam animam, quemadmodum præceperat Iehoua Mosi seruo suo: sic præcepit Moses Iosue, & Iosue sic fecit, vt non omitteret quidquam ex omnibus quæ præceperat Iehoua Mosi.

1 *Quum audisset Iabin.*) In hac quoque noua conspiratione iterura refulget plusquam pater-  
na Dei cura in præcauendis suorum periculis,  
simulque in leuanda infirmitate indulgentia &  
huma-



humanitas. Si vicinis regibus Iabin cum fœderatis, quorum nunc fit mentio, socium se esset professus, grauior incubuisset belli moles Israelitis: maior eos sollicitudo & anxietas turbasset. Facile quidem Deo fuisset, tam illas ingentes copias simul prosternere, quam discutere metum & terrorem: noluit tamen præter modum suos alioqui debiles premere, vt nimia multitudine obiecta expauescerent ac demum conciderent: sed multas gentes quæ se tempestiuè armare debuerant, quasi sopitas & attonitas tenuit: donec insignibus victorius ad residua bella gerenda electus populus animosior factus esset. Amplam ditionem vastant ac diripiunt, nudatam incolis, & opibus exinanitam relinquunt. Nemo ex vicinis qui mox impetum facturi erant, se commouet. Reuisunt securi vxores & liberos. Vbi collectis animis ad nouum bellum parati sunt, repente exoritur maximus exercitus ex diuersis populis conflatus, qui hactenus quiescendo vincendi spacium dederant. Quòd enim serius expergefacti sunt, perinde fuit ac si pactæ fuissent induciæ. Itaque Deus non tantùm pro electo populo pugnavit: sed hostes scindendo, illius vires multis vicibus renouauit. Quam formidabilis fuisset hic occurfus, nisi paulatim assuefacti fuissent Israelitæ ad pugnandi audaciam, & simul manifestum Dei auxilium experti? Multitudo confertur arenæ maris, deinde currus & equites: quo apparatu mirum fuit non exanimari qui equitatu prorsus carebant. Gradatim ergo producti sunt quoad ferebat eorum facultas. Nam certe supe-

rioribus præliis, tãquam iucundis præludiis eos tantùm exercuerat. Adde quod pluribus victoriis subinde testatam fecit suam potentiam, ne leuius æstimaretur quã par erat. Si enim omnes fuissent simul profligati: magnificè quidem celebratæ fuissent Dei laudes: sed memoriam intercidere facile erat. Distinctè ergo & seorsum plura documenta in medium proponi oportuit: ne victoriam vnam fortunæ adscriberent.

6 *Dixit autem Iehoua.*) Quo plus negotii & difficultatis erat in delèdo tam populoso & tam bene instructo exercitu, eo magis necessaria fuit noua fiduciæ accessio. Itaque Deus seruo suo Iosue apparet, ac promittit eundem quem prius aliquoties dederat successum. Diligenter notandum est, quoties suas promissiones iterat, commonefieri homines suæ vel obliuionis, vel scordix, vel leuitatis. Nisi enim identidem adhibeantur noua fidei fomenta, mox effluunt & euanescent. Et tamen peruerso fastidio laboramus, vt ferè pigeat idem bis audire. Quare discamus, quoties occurrunt noua certamina, in animos reuocare Dei promissiones, quæ corrigant languorem nostrum, vel segnitiam excitèt. Præfertim quod in genere dictum est, ad quotidianos vsus accomodemus: sicuti nũc Deus quod de omnibus gentibus pronunciauerat specialiter in re præsentis certum firmũque fore asserit. Cæterum ex circumstantia temporis colligitur, Reges istos aliquantum itineris fuisse emensos, vt Iosue & populum in Gilgal inuaderent. Oraculo enim subnectitur expeditio Iosue. Promittitur

titur in crastinum diem victoria. Non procul itaque aberant. Et lacus Merom vbi castra locauerant, qui Iordani cōtiguus est, longe propius accedit ad Gilgal quam Genesara, ex cuius tractu pars hostium profecta erat. Dicunt autem lacum hunc vel diminui vel crescere, prout niues rigida subsidunt in montibus, vel liquefcunt. Porro quòd Iosue & populo præcipitur, vt succidant equorum crura vel poplites, & currus exurant, spectauit haud dubiè ad tollendas quæ profanis gentibus in vsu erant magis exquisitas bellandi rationes. Militare quidem ipsos, & strenuè cum hostibus confligere oportuit: sed ita vt à Deo solo penderent, vt eius virtute se fortes esse reputarent, recumberet in eum solum: quod fieri vix poterat, si equestribus copiis & curruum apparatu fuissent instructi. Scimus enim vt splendor ille perstringat oculos, & superba confidentiamentes inebriet. Iam lex lata erat, ne reges sibi equos & currus pararent: quia scilicet nihil procliuius fuisset, quam ad suas munitiones transferre, quod Deus sibi vindicabat. Inde illud commune dictum: Hi in curribus, hi in equis: nos autem in nomine Iehouæ Dei nostri tollemus vexillum. Voluit etiã Deus audaciæ materiam suis adimere, vt finibus suis contenti placidè quiescerent: neque vicinos iniuste aggredierentur. Atque experientia docuit, quum praua ambitio reges impulisset ad equos emendos, non minus temere quã infœliciter ab illis suscepta fuisse bella. Equos ergo neruis succisis inutiles reddi ad bellandum, & currus aboleri necesse fuit, ne Israeli-

*niues rigida  
subsidunt  
in montibus  
vel liquefcunt*

*Deut. 17.16  
Populi  
qui  
in curribus  
sunt*

*Psalm. 20.8*

tæ gentium moribus assuescerent.

8 *Tradidit eos Iehoua.* ) Magnitudo stragis inde colligitur, quod cæsi sunt vsque ad Sidonē, quæ longe à lacu Merom distabat. Vocatur autem magna ob celebritatē emporii, & quia vrbs erat præ aliis populosa. Neque enim comparatur cum alia minore & eiusdē nominis. Hebraicum nomen Mozerephoth, quod tāquam proprium quidam retinent, vertere placuit feruores : quia probabile est aquas calidas illic ebullisse. Sicuti verò consternatio quæ illos in fugam adeo effusam rapuit, palam ostendit arcano Dei instinctu præcipientes fuisse actos : ita Israelitas qui per tot discrimina fugientes persequi ausi sunt, cælesti virtute certum est ultra humanum modum fuisse transuectos. Laudatur deinde tam abstinentia Iosue quam obsequii promptitudo. Neque enim tot equorum & curruum iacturam libenter facturus erat, nisi vicisset Dei timor. Nam quæ nostra est solertia ad excogitandos prætextus, ob- tendere plausibile erat, quamuis ad vsum militarem eos non aptaret, preciū tamen minimè esse spernendum. Atqui non aliud sibi considerandum duxit, nisi quid Deo placeret. Iam quia suis virtutibus adeptus erat, vt populum haberet facile & morigerū, quod omnes præstiterunt meritò in vnus laude ponitur.

12 *Omnes vrbes regum istorum.* ) Profligato exercitu regionem populari & vastare, vrbes capere & diripere ceperunt. Quum dicitur, vrbes quæ manebant integræ non fuisse exustas, inde probabilis coniectura elicitur, quasdam vi & impetu

petu fuisse captas, atque ita dirutas. Sola Hazor post expugnationem & sedato ardore fuit incendio cōsumpta: quia scilicet facem prætulera-  
 inflammando bello. Cæterum quod antè vidimus, Iosue non iracundiæ frena laxasse dum omnes à minimo vsque ad maximum interfecit, sæpius & clarius hoc loco repetitur. Nam quod nondum expressum fuerat nunc disertè designatur: Iosue fideliter defunctum esse suis partibus, quia impleuit quidquid Deus per Mosen iniūxerat. Perinde ergo fuit ac si manus suas consecrasset Deo, ubi ex eius mādato gentes illas deleuit. Ita tenendum est, quamuis totus mundus nos damnet, *Deus autem* sufficere tamen ad nos omni culpa liberandos, *confessione p* Deum habere authorem. Interea prudenter ex- *calat et alio* pendere conuenit quid ferat cuiusque vocatio- *J. Bruni* ne si quis pro zeli sui licentia imitari velit Iosue, crudelis & sanguinarius iudicetur potius quam seuerus Dei minister.

16 Et cepit Iosue omnem terram istam montanam, & omnem australem, omnemque terram Gosen & planitiem atque campestria, montē quoque Israel & planitiem eius.

17 A monte Læni qui assurgit versus Seir vsque Baalgad in campo Libani sub monte Hermion: omnes quoque reges eorū cepit, & percussit eos

& interfecit.

18. Diebus multis gessit Iosue cum omnibus regibus istis bellum.

19. Non fuit vrbs quæ pacem fecerit cum filiis Israel præter Hiuæos habitatores Gibeon : omnes ceperunt prælio.

20. Quia à Iehoua fuit, vt induraret cor eorum in occursum belli cum Israel: vt deleret eos, nec restaret illis misericordia: sed vt disperderet eos, sicut præceperat Iehoua Mosi.

21. Venit autem Iosue tempore illo, & excidit Anakim è montanis: ex Hebron, ex Debir, ex Anab, & ex omni mōte Iehuda, & ex omni mōte Israel: vnà cum vrbibus eorum deleuit eos Iosue.

22. Non remāsit ex Anakim in terra filiorum Israel: tantùm in Gad & in Afdod residui fuerunt.

23. Accepit itaque Iosue totam terram prorsus vt dixerat Iehoua Mosi,

& tradidit eam in hæreditatem Israe-  
li secundum diuisiones eorum per tri-  
bus suas: & terra quieuit à bello.

16 *Et cepit Iosue.*) In continua victoriarum serie quum terra sponte veteres incolas euome-  
ret vt vacua cederet Israelitis possessio, palam ap-  
paruit quod dicitur in Psalmo, quamuis fortiter Psalms.  
44.4 pugnauerint non tamé gladio suo acquisisse ter-  
ram, nec salutem brachio suo sibi peperisse: sed  
manu & brachio, & splendore vultus Dei omnia  
adeptos. Hoc consilio recensentur loca & re-  
giones, vt sciamus Deum opus quod cœperat,  
continuo tenore pertexuisse. Cæterum falluntur  
qui certum montem notari putant sub nomine  
Israel: quia liquebit ex fine capitis montanã par-  
tem Israel & Iuda promiscuè sic vocari. Est ita-  
que numeri enallage: quia montes decé tribuum  
montibus Iehuda comparantur. Ideoque subau-  
dienda antithesis. In altero monte cognomen est  
ambiguum. quidam accipiunt pro diuisione, ac si  
fuiſſet dissectus: alii pro læui, quoniam arbori-  
bus carebat, vt caput redditur glabrum caluitie.  
Libera sit optio lectoribus in re incerta & leuis  
momenti.

18 *Diebus multis.*) Antè intra exiguum tem-  
pus & quasi celeri cursu quinque regna occupa-  
uerat: in aliis diuersa fuit ratio, non cunctatione  
vel tædio vel pigritia: sed quia variè populum  
suum exercuit Deus, vt multiplex gratia luculen-  
tius fulgeret, quæ plærunque apud nos vileſcit,

si vno & eodem modo se exerat. Ergo sicuti antè ad commendationem potentiaè Dei valuit incredibilis facilitas, dum momèto profligati sunt hostes, ita lenta militia pluribus documentis Dei auxilium patefecit. Neque id repente accidit & inexpectatū, quia Deus ita fore per Mosen prædixerat, ne si terra in solitudinem statim redacta esset, irrumperent feraè bestiaè. Denique hîc quasi in speculo perspicimus, quidquid promiserat Deus per Mosen, re ipsa & non obscuro euentu fuisse sancitum. Verùm cum fide promissionum Dei simul considerandus est rarus erga electum populum fauor, quòd tanquam prouidus paterfamilias nihil quod ad illius vtilitatē faceret, neglexit, vel omisit.

Ex. 23.  
32, &  
deuter.  
7.2

19 *Non fuit vrbs qua pacem.*) Huic sententiaè primo intuitu repugnat quod passim occurrit apud Mosen, ne percutiant Israelitaè fœdus cum illis gentibus, vel vllas pacis condiciones admittant: sed funditus perdant & deleant sobolem & nomen. Quum ergo exclusi essent ab omni pacto, ac frustra de pace acturi essent: absurdum est eorum contumaciaè imputari quem liberum non erat deprecari interitū. Fingamus enim legatos obuiam misisse cum ramis olearum: ad pacificandum fuisse intentos. Excepisset protinus Iosue, sibi fas non esse transigere, quia Deus vtruerat. Quare si centies bellum effugere tentassent, pereundum erat nihilominus. Cur ergo vitio illis vertitur, quòd pacē non petierint? Quasi verò necessitate compulsi nō fuerint ad pugnandum, postquam videbant cum implacabili populo



pulo esse negociū. Quòd si aliter agere liberum non fuit, iniuste illis culpa adscribitur, quòd coacti se hostiū furori opposuerint. Respondeo, quanuis clementer eos recipere vetiti fuerint Israelitæ, quò tamen iustum esset bellum, hostiliter fuisse exceptos. Atque id arcana Dei prouidentia mirabiliter gubernatum fuit, vt exitio ad dicti vltro se offerret, & Israelitas laceffendo perniciem sibi accerferent. Deus itaque qui veniam illis negari iusserat, idem eos ad cæcum furorem impulit, ne locum darent misericordiæ. Atque hac in parte populum non oportuit nimis sagacem esse vel curiosum. Nam quum ab vna parte interdiceret Deus, ne ad vllum fœdus descenderent: & simul tamen nollet hostiliter sæuire nisi essent prouocati, nimis anxia disceptatio valde turbasset eorum animos. Quare vna ratio expediendæ perplexitatis fuit, curam illam in Dei sinum reiiicere. Et ipse pro sua incomprehensibili sapiëntia prospexit, ne quo obstaculo, vbi ad rem ventum est, abrumperetur cursus populi. Sic reges trās Iordanem quum priores arma sumpserint, meritò dederunt suæ temeritatis pœnas. Neque enim infestis armis eos aggressi sūt Israelitæ donec essent prouocati. Eodẽ quoque modo ciues Iericho quum portas clausissent, bellū ipsi indixerūt. Similis aliorum ratio, qui sua contumacia causam pugnandi dederunt Israelitis. Nunc apparet quam aptè inter se conueniant, Deum mandasse Mosi, vt perderetur gentes quas destinauerat ad interitum: ideòque viam patefuisse suo decreto, vbi reprobos obdurauit. Pri-

mo itaque in gradu locatur Dei voluntas, ut emineat tanquam præcipua causa. Nam quia ad cumulum peruenerat illorum iniquitas, statuit eos delere. Inde fluxit datum Mosi præceptum: quod tamē effectu caruisset, nisi eorum qui per-  
dendi erant pertinacia & obstinatione armatus  
esset populus ad exequendum Dei iudicium. In hūc finem illos Deus obdurat, ut à se misericordiam auertant: unde & durities ista vocatur eius opus, quia effectum consilii eius stabilit. Nunc si rem adeo dilucidam suis nebulis obscurare contentur qui Deum è cælo speculari fingunt quid hominibus libeat, nec hominum corda arcano eius instinctu frenari sustinent: quid aliud quam suam impudentiam prodent? Deo tantum concedunt ut permittat: hoc autem modo suspendunt eius consilium ab hominum placito. Quid autem spiritus? à Deo esse obdurationem, ut præcipitet quos vult perdere.


21 *Venit autem Iosue.*) De filiis Anak alibi visum fuit. Progenies fuit Gigantum, quorum proceritate terruerant populum exploratores, ut pergere noluerit in terram Chanaã. Ergo quum ita essent formidabiles, operæ precium fuit è medio tolli, quò alacrior esset populus ad bene sperandum. Spectaculum enim ipsis obuersari, quod assidue eos pungeret ac angeret, perquam noxium fuisset: quia Dei gloriam in superioribus victoriis obscurabat timor, & fidem obruebat, quum in animis suis voluerent sibi restare. difficillimum omnium certamen. Proinde non abs re inter reliqua Dei auxilia hoc memoratur, dum talibus

*Gigantibus*

talibus monstris purgata fuit terra tranquillam habitationem populo fuisse concessam. Quô enim min<sup>9</sup>credibile erat posse debellari, insignior fuit Dei potentia.

23 *Accepit itaque Iosue.*) Quâquam multû abfuit, quin Iosue acquisierit totam terram: verè tamen dicitur, obtinuisse totam terram, sicut Deus Mosi testatus erat: qua voce restringitur generalis sententia. Siquidem nominatim addita fuerat exceptio, non nisi paulatim obuenturam quâ Deus pollicitus erat ditionem, ne deinde cum truculentis & syluestribus beluis pugnandum foret, si in desertam solitudinem se proicerët. Deus itaque licet nondum in possessione regionis promissæ locasset populum, tamen quasi ex formula præstitit quod pepigerat: quia cômodum hospitium & quod in præsentia sufficeret, dedit. Atque ex verbis elicitur, alias etiã plagas comprehendendi, quæ nondum in manum & potestaté venerât. Dicitur enim quod acquisierat distribuisse secundum familias. Atqui deinde in partitione videbimus, in sortem cõiectas fuisse plagas, quæ mortuo tandem Iosue, imò multis pôst seculis, subiectæ sunt populi imperio. Nunc sensus verborum liquet, viuo adhuc & superstitite Iosua exhibitum fuisse certum specimen promissionis, vt securè licuerit terram sorte diuidere.

*Sicut Iosue  
Deus Iosue  
7.22. Iosue  
14*

I  sunt reges terræ quos percusserunt filii Israel, & quorum possederunt terram trans Iordanem, ad ortum solis à torrēte Arnon vsque ad montem Hermon, & omnem planitiem Orientalem.

2 Schon rex Emorrhæus qui habitabat in Hesbon, qui dominabatur ab Aroer ad ripam torrentis Arnon, & ad medium torrētis, & ad mediam partem Gilead, vsque ad Iabbok torrentē, qui est terminus filiorum Ammon.

3 Et à planitie vsque ad mare Cinneroth ad Orientem, & vsque ad mare deserti, mare salis ad Orientem per viam Beth-hagesimoth, & ab Austro sub effusionibus Pisga.

4 Terminus præterea Og regis Basan ex residuo Rephaim qui habitabat in Astaroth, & in Hedrei.

5 Qui dominabatur in monte Hermon, & in Salchah, & in toto Bafan, vſque ad terminũ Geſſuri, & Maachathi: & mediam partem Gilead, terminus Schon regis Hesbon.

6 Moſes ſeruus Iehouæ, & filii Iſrael percufferunt eos, & dedit eam Moſes ſeruus Iehouæ in poſſeſſionem Rubenitis, & Gaditis, & dimidiæ tribui Manaſſe.

7 Iſti autem ſunt reges terræ quos percufsit Iofue, & filii Iſrael trans Iordanem ad Occidentem, à Baal-gad in campo Libani, vſque ad montem Lennem qui aſſurgit in Seir, & tradidit eam Iofue tribubus Iſrael in poſſeſſionem ſecundum partes eorum,

8 In montanis, & in planitiæ, & in campeſtribus, & in Aſdoth, & in deſerto, & in Auſtro: Hitthæus, Emorrhæus, Chananæus, Pheriſæus, Hiuæus, & Iebuſæus.

9 Rex Iericho vnus, rex Ai, qui e-

rat è latere Beth-el vnus.

10 Rex Ierusalem vnus, rex Hebrō vnus.

11 Rex Iarmuth vnus, rex Lachis vnus.

12 Rex Eglon vnus, rex Ieser vnus.

13 Rex Debir vnus, rex Ieder vnus.

14 Rex Hormah vnus, rex Arad vnus.

15 Rex Libna vnus, rex Adullam vnus.

16 Rex Makeda vnus, rex Beth-el vnus.

17 Rex Tapua vnus, rex Ephraim vnus.

18 Rex Aphek vnus, rex Lasaron vnus.

19 Rex Madō vnus, rex Asor vnus.

20 Rex Simron Meron vnus, rex Achsaph vnus.

21 Rex Taanach vnus, rex Megiddo vnus.

22 Rex Kedesch vnus, rex Jocnam

ad Car-

ad Carmelum vnus.

23 Rex Dor ad Naphath-dor vnus,  
rex Goim in Gilgal vnus.

24 Rex Thirsa vnus: omnes reges  
triginta & vnus.

31 Reges


1 *Hi sunt reges.*) Caput hoc non longa expositione indiget: quia tantum reges enumerat quorum ditionibus potiti sunt Israelitæ. Sunt autem duo trans Iordanem, Og & Sihon, qui late dominabatur: in terra verò Chanaan triginta vnus. Etsi autem prolixius narrata sunt singula quorū *ἀνακεφαλαιώσεις* nunc breuiter refertur: non tamen absque optima ratione ante oculos nobis statuitur quasi viua pictura gratiæ Dei, quæ fœdus eū Abrahæ percussum probauit ratum firmumque esse. Abrahæ dictū fuerat, Semini tuo dabo terram hanc: tempus quoque donationi præfixum fuerat. Hic viua fidei à Deo præstitæ effigies non secus occurrit, quàm si nos Deus in rem præsentem adduceret. Octogenarius erat Iosue quum terram ingressus est. In sene qui potuit tantum esse vigoris, vt tot bellis gerendis & perferendis militiæ oneribus sufficeret, nisi cælesti virtute suffultus humanum modum superasset? Continuis autem vincēdi tenor, prosperitas in quolibet euentus, non dubia nec varia in expugnandis vrbibus facilitas: expeditionum celeritas, & inflexibilis constantia, nonne clara manus Dei fuerunt documēta, perinde ac si è cælo apparuis-

Gen. 12.  
7, & 13.  
15, & 15.  
18

set? Atque hoc consilio suis limitibus finiuntur regiones, ex quarum amplitudine melius elucet Dei potentia: sed tantum apud eos quibus cognitus est earum situs. Itaque nisi quis chorographian teneat, in nominibus longius insistere, stultę & vanę curiositatis esset. Fateor quidem vtiliter obseruari loca, quorum vt sæpe fit in Scripturis mentio, ita cognitio paulò familiarior nobis esse debet. Sicuti dum termini statuuntur in torrēte Iabboc, in agro Libani & lacu Genesara, qui hic vocatur mare Cineroth, & alibi Cinereth. Nam mediocris obseruatio ad historiam intelligendam nos iuuabit. Si autem ultra non datur, inamus peritos subtilius quę nos fugiunt, excutere. Et si autem his Regulis angustę fuerunt ditiones, neque magni populi: videbimus tamen primariis earum vrbibus annexa fuisse multa oppida: numerus præsertim ex sorte Leuitarum colligi poterit. Iam altera ex parte si reputemus quomodo angulus vnus senes, paruulos, ac mulieres, imò magnam partem populi cum animalibus capere & alere potuerit, in admirationem nos rapiet inæstimabilis Dei gratia, qua factum est ne horribili cōfusione omnia miscerentur.

## CAPVT XIII.

I



VVM autē senuisset Iosue, venisset in dies, dixit ei Iehoua, Tu senuisti, venisti in dies, & mul

ta terra



ta terra admodum superest ad possidendum :

2 Hæc est terra quæ residua est, omnes limites Philisthinorū, & omnis Gessuri.

3 A Nilo qui est è regione Aegypti vsque ad terminū Hebron, qui est ab Aquilone, quæ Chananeæ reputatur, quinque principatus Philisthinorū, Azathæus, Asdodæus, Ascalonæus, Gitthæus, & Ekronæus, & Auçi.

*Ekron-*

4 Ab Austro vniuersa terra Chananaei & Meara, quæ est Sidoniorum vsque ad Pæra, vsque ad terminum Emorrhæi.

5 Et terra Gibli, & totus Libanus ad Ortum solis à Baal-gad sub monte Hermon, donec peruenias Hemath.

6 Omnes habitatores montis à Libano vsque ad feruores aquarum : omnes Sidonios ego expellam à facie filiorum Israel: tantum iacias sortem, vt sit in hereditatem Israeli, sicut præ-

*Sidonii*

cepi tibi.

7 Nunc ergo diuide terram istam in hæreditatem nouẽ tribubus, & dimidiæ tribui Manassẽ.

8 Præter eam Rubenitæ, & Gaditæ acceperunt partes suas, quas dedit iis Moses trans Iordanem ad Orientem sicut dedit eis Moses seruis Iehouæ.

9 Ab Aroer quæ est iuxta ripam fluminis Arnon, & urbem ipsam quæ est in medio vallis, & totam planitiẽ Medeba vsque ad Dibon.

10 Et omnes vrbes Sihon regis Amorrhæi, qui regnabat in Hesbon, vsque ad terminum filiorum Ammon.

11 Et Gilead, & terminum Gessuri, & Maachati, & totũ montẽ Hermõ, & vniuersum Basan vsque ad Salchah.

12 Vniuersum regnũ Og in Basan, qui regnabat in Astaroth, & in Edrei: hic supererat ex residuo Rephaim, quos percussit Moses & expulit.

13 Non expulerunt autem filii Is-

rael Gessuri & Maachathi: propterea habitauit Gessur & Maachat in medio Israel vsque ad hunc diem.

14 Tantùm tribui Leui non dedit hereditatem, sacrificia Iehouę Dei Israel sunt hereditas eius, quemadmodum loquutus est de ea.

um.  
18. 21.

I *Quum autem senuisset.*) Quoniã supra vidimus, terrã fuisse subactis vno & triginta regibus pacatam: probabile est, ne populus sub continua militia fathisceret, aliquid cessationis fuisse datũ leuãdi rãdii causa. Neque id reprehensione dignũ fuit, modò nõ nisi ad tẽpus interquiescerẽt, semperque intẽti essent ad meram sibi propositam. Verũm ne illa quæ ad reparãdum nouũ vigorẽ dabatur intermissio, desidix occasio foret: nouo stimulo Deus eos ad pergendũ sollicitat. Iubet enim totã hereditatẽ diuidi in tribus: & totũ tractũ maris Mediterranei, qui ab hostibus possidebatur, in sortem venire. Absurda quidem & ludicra, imò ludibrii plena videri potuit eiusmodi partitio, quum de alienis nõ secus ac propriis inter se trãsigerẽt. Sed optimo consilio eã Deus constituit. Primò enim abiecta spe promissionis contenti fuissent præsenti statu. Imò quauis iacta sorte, illis in solidum asseruerit Deus quidquid promiserat: sua tamen ignauia quantum in se erat, fidem abrogarunt eius verbis. Nec verò per eos stetit, quo minus concisa & mutila iace-

reteius veritas. Sortitio igitur illis esse debuit certæ possessionis arrha, vt semper essent in pro-  
 cinctu. Iam quibus obtigit in hostico sua portio,  
 quia interim erant inquilini & tanquam in pré-  
 cario hospitio extra hæreditatem suam degebāt,  
 tanquam exactores aliis dati sunt qui assidue i-  
 ipsos vrgerent. Et certe nimii stuporis fuit, quod  
 diuinitus assignatum erat, negligere ac deserere.  
 Iam videmus in quem finem sortitio oportue-  
 rit totam terram distribui, & vnamquamque tri-  
 bum locari in sua sede. Id quoque viuo Iosue fie-  
 ri necesse fuit, quia post eius mortem minus ad  
 obsequium propensi fuissent Israelitæ. Nemo e-  
 nim successit cuius authoritas rem ita difficilem  
 impetraret. Adhæc quia iam per os Mosis Deus  
 ita fieri mandauerat, nisi partibus sibi impositis  
 defunctus esset, labefactum fuisset totum opus  
 sublato legitimo ministro. Porrò tamen non  
 designatur tempus, probabile tamen est, quum  
 spes non esset, Iosue viuo & superstite populum  
 rursus arma sumpturum, vt fines suos latius ex-  
 tēderet, tunc demum terram partiri aggressum:  
 ac si clamaret ac solenni testificatione promitte-  
 ret effectum distributionis ratum fore, quia Dei  
 veritas hominis interitu non excideret.

2 *Hæc est terra.*) Reuocantur in memoriam  
 veteres termini pridem à Deo positi: vt certò  
 persuasi sint Iosue & populus, fœdus cum Abra-  
 ham percussum tãdem completum iri omni ex  
 parte. Quare iubentur ad ea quæ restant acqui-  
 renda studium suum adicere. Aptã verò erit a-  
 nagoge, si accommodetur hæc perseuerantia ad  
 eam

eam quæ à nobis exigitur: nempe vt quæ retro sunt oblitæ enitatur ad præmium supernæ vocationis, & nos ad signum propositum extēdamus. Nihil enim profuerit in stadio cucurrisse nisi ad metam vsque pertingere studeamus. Exordium fit à fluuio, qui Ægyptum versus mare disternat à terra sancta: siue is sit Nilus, vt nos ex recepta opinione vertimus: siue exiguum flumen quod oppidum Rhinocorneam alluit, quæ à multis creditur esse Raphiavel Raphane. Extra controuersiam quidem est, ab ea plaga hæreditatem populi contiguam Ægypto fuisse. Etsi autem consensum plurimum sequutus sum, non ultra protensos fuisse limites quam ad agrum minus cultum & quasi desertum, ne damnosa esset nimia vicinitas, si familiaris & propior cum Ægyptiis fuisset vsus: diuersam tamen sententiam minime repudio. In primo versu nascitur quæstio: quia postquã dictum est quinque fuisse circa littus maris principatus, adduntur sexto loco Auæi. Quidam non censei inter quinque existimant, quia ignobilis fuerit prouincia. Verùm cogitent lectores, an non potius obliqua sit antithesis inter populum liberum & sui iuris, ac quinque principatus. Quia igitur diuersa fuit Auæorum conditio, seorsum numerantur. Et ideo nomen plurale ad distinctionem est positum. Cæterùm principatum recitatio non ex cuiusque dignitate vel opulentia petita est: sed primum gradum obtinet Aza, quia Ægypto vicinior, quæ eadem ratio in Asdod & reliquis valet. Græci suo more supponunt suum γ loco γ.

Act. 8.  
26.

Atque ita Gazam nominant quæ Hebræis est Aza: sicuti ex Amorrhæ Gomorrhæ faciunt. Quo satis detegitur eorum error qui finxerunt nomē esse Persicum ab opibus sic dictum: quia Cambyses bellum in Græcia gesturus thesauros suos illic deposuerat. Sed quia apud Lucam mentio fit Gazæ desertæ: apparet urbem eiusdem nominis propè quidem, sed alio loco fuisse extructam. Asdod ea est quam Græci dixerunt Azotum. Perducitur autem totus hic tractus maritimus vel qui ad mare vergit vsque ad Sidonem. Et sunt qui putent, Phœnices Gazæ quoque & Azoti olim fuisse dominos. Quam lōge se por-tendat Libanus satis notum est. Montem enim Hermon aliquando comprehendit: & propter longitudinem pars antilibanus cognominatur. De monte Hermon reperient lectores Deuter. 4. Versus Orientem est Hæmath quæ & Antiochia Syriæ.

6 *Omnes habitatores montis.* Iterum mone-tur Iosue, quanuis regiones illas nondum pos-sideant Israelitæ, ne tamen fortitionem differat, Dei promissione fretus, quia malignè eius virtu-ti detraheret si ambigeret de euētū. Ideo dicitur, Tantum quod tui officii est præsta in distribu-tione terræ: nec à sorte eximatur quod adhuc se-curè obtinent hostes: quia mihi curæ erit quod promisi implere. Hinc discamus, in suscipiendis negociis sic pendere ab ore Dei, ne qua dubita-tio nos moretur. Non est quidem nostrum, va-nas spes nobis fabricare: verùm ubi in Deo fun-data est nostra fiducia, tantummodo obtempe-

remus suis mandatis: quia metuendum non est, ne euentus nos frustretur. Postea nouem tribubus & dimidiæ terram Chanaan assignat: quia trans Iordanem Rubenitis, & Gaditis, & dimidiæ tribui Manasse data sit sua portio. Etsi autem videtur in his verbis esse battologia, Quas dedit illis Moses, sicut dedit illis Moses, nihil tamen superfluum est: quia secundo membro confirmatur donatio: ac si Deus ratum esse iuberet quod factum est. Sicut ergo dedit illis Moses terram illam, ita in eius possessione tranquilli maneant. Hac quoque ratione insignitur elogio serui Dei: ne quis conuellat decretum illud quod ex Dei autoritate protulit fidelis minister. Et certe libus obuiam ire necesse fuit, quæ alioqui quotidie subortæ forent.

14 *Tantum tribui Leui.*) Necessaria fuit hæc quoque exceptio, ne se Leuitæ iniuste fuisse exheredatos obtenderent, atque ita de suo iure mouerent magnas turbas. Admonet igitur huius distinctionis Mosen esse authorem: simulque docet, non esse cur querantur sibi quidquam fuisse ereptum, quia præclara compensatio data fuerit. Quauis autem non distribuerentur ex æquo sacrificia inter Leuitas: satis tamen est alimenta ex primitiis & decimis fuisse omnibus data. Porro sicuti Deus mercede eos allicit ad subeundam sacrorum curam: ita vicissim populum hortatur ad sacras oblationes fideliter persoluendas, ubi victum Leuitarum pronuntiat sua esse sacrificia.

15 Dedit ergo Moses tribui filiorū

Ruben per familias suas:

16. Fuitque illis terminus ab Aroer, quæ est iuxta ripam torrentis Arnon, & vrbs quæ est in medio vallis, & vniuersa planities quæ est iuxta Medeba.

17 Hesbon & omnes vrbes eius, quæ erant in planitie: Dibon & Bamoth-baal, & Beth-baalmeon,

18 Et Iahafah, & Cedemoth, & Mephaath.

19 Et Ciriathaim, & Sibmah, & Sereth-sahar in monte vallis,

20 Et Beth-peor, & Asdoth-Pisgah, & Beth-iesimoth.

21 Et omnes vrbes planitie, & vniuersum regnum Sihon regis Emorrhæi, qui regnabat in Hesbon, quem percussit Moses: & principes Midian, Eui & Rekem, & Sur, & Hur, & Reba, duces Sihon habitatores terræ.

22 Et Bileam filium Beor diuinatorum occiderunt filii Israel gladio cū

inter-



interfectis eorum.

23 Fuit autem terminus filiorum Ruben, Iordanis & terminus. Hæc est hæreditas filiorum Ruben per familias suas, vrbes, & villæ earum.

24 Deditque Moses tribui Gad, filiis Gad per familias suas:

25 Et fuit eis terminus Iazer, & omnes vrbes Gilead, & dimidiũ terræ filiorum Ammõ, vsque ad Aroer, quæ est coram Rabbah:

26 Et ab Hesbõ vsque ad Ramath ipsius Mispe, & Bethonim: & à Mahanaim vsque ad terminũ ipsius Debir.

27 Et in valle Beth-hará, & Bethnimrah, & Succoth, & Saphõ: residuũ regni Sihon regis Hesbon, Iordanem & confinium, vsque ad extremũ maris Chinnereth, trans Iordanem ad Orientem.

28 Hæc est hæreditas filiorum Gad per familias suas, vrbes & villæ earũ.

29 Dedit præterea Moses dimidię

tribui Manasse: fuitque dimidię tribui filiorũ Manasse per familias suas,  
 30 Fuit, inquam, terminus eorum à Mahanaim omnis Basan totius regni Og regis Basan, & omnes Hanoth-Iair, quę sunt in Basan, sexaginta vrbes.

31 Et dimidium Gilead, & Astharoth, & Edrei, vrbes regni Og in Basan, filiorum Machir, filii Manasse, dimidię parti filiorum Machir, per familias suas.

32 Istę sunt hereditates quas tradidit Moses in cãpestribus Moab à transitu Iordanis ipsi Iericho ad Orientem.

33 Tribui autem Leui non dedit Moses hereditatem: Iehoua Deus Israel ipse est hereditas eorum, quem-  
 admodum dixit \*illis.

\*vel de illis.

15 *Dedit ergo Moses.*) Quod visus fuerat satis clarè dixisse, nunc distinctius persequitur, non tantum vt lectio populũ incitet ad gratias agendas,

das, dum publicis monumentis consignatum erit Dei beneficium, & quasi ante oculos versabitur: sed etiam vt sua quisque hæreditate sine molestia & iurgio fruatur. Scimus quam ingeniosa sit hominum cupiditas ad excogitãdos litigandi pretextus: vt nemini ius suum saluum esse possit, nisi liquida & perspicua iuris definitio controuersias omnes tollat. Extra sortem data fuerat illa regio. Excipere aliis promptum erat, quia iusta dimensio non fuerat seruata, corrigendam esse inæqualitatem. Ne qua igitur intèpestiua disceptatio pacem vnquam cõturbet, termini vbique Dei autoritate figuntur, & claustris oppositis dirimuntur quælibet contentiones. Neque enim vno verbo solùm adiudicat Deus tribui Ruben rotum regnum Sihon: sed summum limitem ducit ab Aroer ad ripam Arnon, atque ita toto circuitu eos vel restringit vel dilatat, vt ne vnus quidem iugeri ambigua sit possessio. Porro quã utilis fuerit tam exacta descriptio, ex profanis historiis licet cognoscere, vbi passim occurrunt nō odiosæ tantùm, sed perniciosæ quoque inter vicinos contentiones de finibus. Adhæc sedulitas, quam Deus vt suis caueret, ac foueret mutua inter eos pacem, suscipere grauatus non est, verè paternum eius amorem demonstrat, quia nihil omisit, quod eorum tranquillitati conduceret. Ac sane nisi maturè prospectum foret, intestinis certaminibus fuissent consumpti. Iterum lectoribus excusatus esse velim, si in describendo vrbium situ nō anxie laborem: ac ne in nominibus quidem sim curiosus. Imò facile patiar appellati-

uè sumi & Latinè conuerti quæ tâquam propria relinquere in sua lingua visum est. Id notatu dignum, vbi de Madianitarum terra agitur, principes qui illic dominabâtur vocari Satrapas Sihō, vt sciamus, eiusdē cladis fuisse socios, quia se iniusto bello implicuerant, ac pertinebât ad imperiū Sihon professi hostis. Ac quô melius liqueret iustè periisse, dicitur Balaam inter eos fuisse occisus, cuius lingua conati fuerant grauius vulnerare Israelitas quâ mille gladiis: ac si dictum esset, in strage ipsa repertum fuisse hostile vexillum, quo professi fuerant se contra Israelitas militare. Vbi legitur, Iordanem fuisse terminum & terminū, ne inanis sit reperitio, commodè verte-  
re licebit, terminum illis fuisse Iordanem secundum suos fines.

24 *Dedit Moses tribui Gad*) Eadem in tribu Gad obseruanda ratio, diligenter sepiri legitimis finibus, ne litigiosa sit eorum possessio. Interim commendatur Dei liberalitas, quòd magni nominis gentes expulerit, in quarum locum eos substituerat. Quod in dimidia tribu Manasse clarius exprimitur, dum in parte hæreditatis eorum numerantur sexaginta vrbes. Vnde etiam palam factum est, Mosen non errore fuisse munificum, quia Deum non latebat, quot vrbes pro immensa sua largitate illis daret. In clausula iterū excluditur tribus Leui, ne prætexant in posterum Leuitæ quod Gaditis & Rubenitis ac dimidiæ tribui Menasse extra sortem obtigerat, sibi quoque esse commune: quia nominatim sortiri cum fratribus suis vetantur: quod argutè pro suo com-  
modo

modo interpretari promptum erat, sibi in aliis relictam esse partem. Nunc autem non vocantur sacrificia hæreditas eorum, ut paulò antè, sed ipse Deus: quo nisi sint contenti, numis superbum & intolerabile fastidium prædunt.

## CAPVT XIII.

**I** HÆC sunt quæ in hereditate acceperunt filii Israel in terra Chanaã, quæ illis tradiderunt in hereditate

Eleazar sacerdos, & Iosue filius Nun, & capita tribuum filiorum Israel.

2 Per sortem hereditatis eorum, sicut præceperat Iehoua per manum Moſis, ut daret nouem tribubus, & dimidię tribui.

3 Dederat enim Moſes duabus tribubus, & dimidię tribui citra Iordanem: Leuitis autem non dederat hereditatē in medio eorum.

4 Fuerunt enim filii Ioseph duę tribus Manasse & Ephraim: ideo non dederunt partem Leuitis in terra præter vr-

bes ad habitandum, & suburbana earum pro armentis & gregibus ipsorum.

5 Quemadmodum præceperat Moses sic fecerunt filii Israel, & diuiserunt terram.

6 Accesserunt autem filii Iuda ad Iosueam in Gilgal, dixitque ad eum Caleb filius Iephune Kenisæus, Tu nosti verbum quod loquutus est Iehoua ad Mosem virum Dei de me, & de te, in Cades-barnea:

7 Quadragenarius eram quando misit me Moses seruus Iehouæ de Cades-barnea ad explorandam terram, & retuli ei rem sicuti erat in corde meo.

8 Et quum fratres mei qui descenderant mecum dissoluerent cor populi, ego perseueranter sequutus sum Iehouam Deum meum.

9 Et iurauit Moses illo die, dicendo, Si non terra quam calcavit pes tuus, tua erit in hereditatem & filiis tuis in æternum, quia perseueranter sequutus

es Iehouam Deum meum.

10 Nunc autem Iehoua concessit mihi vitam sicuti dixerat. Iam quadraginta quinque anni sunt, ex quo tempore pronunciauit Iehoua hanc rem Mosi, ex quo ambulauit Israel per desertum: & nunc quidem hodie sum quinque & octoginta annorum.

11 Et adhuc sum hodie vegetus ut eo die, quo misit me Moses: quatus erat tunc vigor meus, tantus hodie est vigor meus ad prælum, & ad exeundum, & ad ingrediendum:

12 Nunc ergo da mihi montem istum, ut loquutus est Iehoua eo die. Tu enim audiuisti eo die quòd Anakim sint ibi, & vrbes magnæ & munitæ: forte Iehoua erit mecum, & expellat eos quemadmodum dixit Iehoua.

13 Et benedixit ei Iosue, deditque Hebron ipsi Caleb filio Iephune in hereditatem.

14 Idcirco fuit Hebron ipsius Ca-

leb filii Iephune Kenisei in hæreditatem, vsque ad diem hūc, eo quòd perseueranter sequutus est Iehouam Deū Israel.

15 Nomen autem Hebron antea fuit Ciriath-arba, qui Arba homo magnus inter Anakim fuit: & terra quieuit à bello.

1 *Hæc sunt quæ in hereditatem.)* Nunc ad terram Chanaan descēdit, de qua oportuit nouem tribus & dimidiam fortiri. Atque huius quidem narrationis filum, vt videbimus, mox abrumpet. Opportunus tamen fuit transitus ab ea regione cuius diuersa erat conditio: vt sciant lectores posthac de terra Chanaan fore sermonem, quæ sorte diuidenda erat. Diximus autem Iosue & Eleazar non tātūm partitos esse quod iam acquisierant Israelitæ: sed quum in Dei promissionem recumberent, quidquid suis promiserat securè complexos esse non secus ac iam vsu captum. Videbimus quidem non statim plenā fuisse partitionem: sed quum prima exiit fors Iuda, aliis in spe relictæ fuerūt suæ vices. Verūm emergit difficilis quæstio, quomodo terram distribuerint Iosue, Eleazar, & principes, si iactæ fuerunt sortes. Neque enim hominum sententia, vel arbitrio, vel auctoritate sortitio regitur. Siquis respōdeat, præfuisse ne qua fraus obreperet, nondum so-



dum solutus est nodus, imò effugium illud re-  
 felleter ex contextu. Sciendum igitur est, non  
 simpliciter electos fuisse qui sortito terram di-  
 uiderent: sed qui deinde iusta proportione cu-  
 iusque tribus fines vel ampliarent vel restringe-  
 rent. Quòd autem nuda sorte non potuerit trá-  
 sfigi negocium, facilè liquet. Nam quum secun-  
 dum homines nihil sit magis fortuitú quam for-  
 tis euentus, nesciebant an dimidiam tribum Ma-  
 nasse locare vellet Deus vbi sedem obtinuit tri-  
 bus Iuda: an loco Ephraim futurus esset Zabu-  
 lon. Longius itaque progredi liberum ab initio  
 non fuit, quàm vt terram diuiderent in decem  
 plagas vel prouincias: sic tamé vt cuiusque ma-  
 neret indefinitum spacium. Nam si data fuisset  
 singulis optio, alii optassent in terræ vmbilico  
 habitare, alii sumpsissent quietam stationem, alii  
 vbertatem agrorum, vel cæli temperiem, ac loci  
 amœnitatem sequuti essent. Atqui fors Iudæos  
 velut in capite constituit, tribum verò Zabulon  
 relegauit ad littus maris: tribum Benjamin fecit  
 Iudæis vicinam, tribú Ephraim longius submo-  
 uit. Denique hæc fuit sortis potestas, vt ab Ægy-  
 pto Syriam versus, à plaga Septétrionali ad ma-  
 re Mediterraneum caderent sortes decem, vt alii  
 finitimi essent Ægyptiis, alii maritima loca in-  
 colerent, alii tenerét partem altiorem, alii in me-  
 diis vallibus subsiderent. Hoc co nstituto, resta-  
 bant præfectis populi suæ partes, vt pro iure a-  
 nalogico fines vndique circumscriberent. Fuit i-  
 gitur in eorum arbitrio supputare quot millia  
 capitum essent in vnaquaque tribu: & secúdam

paucitatem vel copiam hominum singulis adiu-  
dicare vel plus vel minus spacii. Nam ex Dei præ-  
cepto seruanda proportio fuit: vt quò plures e-  
rant vel pauciores, sicuti reperti fuerant in cæsu,  
regio illis amplior vel angustior terminaretur.  
Nume. 26. Eorundè principū iudicio permissum  
fuit, vt vel in lōgitudinem vel in latitudinem di-  
rigerent limites, prout commodior ratio exige-  
bat. Iam memoria quoque tenendum est quod  
legitur Numer. 34. cap. Decem qui vocātur nunc  
Familiarum capita, non suffragiis hominum, sed  
voce Dei fuisse creatos ad munus hoc exequen-  
dum. Ita singulæ tribus habebant proprios co-  
gnitores, nequa fraus aut vis interueniret. Dein-  
de nefas erat qui à Deo nominati fuerant, habe-  
re suspectos. En quomodo dedit Iosue terram,  
quæ tamen sortitioni subiecta fuit.

4 *Leuitis non dederunt.*) Tertiò idem repe-  
titur. de Leuitis, non venisse in numerum, vt ca-  
put vnum facerent: sed alio consilio, quia scilicet  
continuò pòst sequitur, filios Ioseph in duas tri-  
bus fuisse diuisos, atque ita priuilegio duplicatã  
illis fuisse portionem. Sic enim vaticinatus fue-  
rat Iacob: imò tanquam arbiter à Deo datus fi-  
lium Ioseph reliquis hac in parte prætulera. Er-  
go Leuitas sibi assumpsit in peculium, & in eorū  
locū substituit alterã ex duabus familiis Ioseph.

Gen. 49

6 *Accesserunt filii Iuda.*) Inferitur narratio,  
qua abrumpitur quod de terræ partitione dici  
cœptum erat: nempe quòd postulauerit Caleb  
montem Hebron sibi dari, vt à Mose promissus  
erat. Id autem longo antè tempore accidit, quã  
bellandi

bellandi finem populus fecisset ac sortiri oporteret. Quintus enim annus numeratur à terræ ingressu: nec verò locum iam pacatum & hostibus vacuum sibi relinqui vult: sed in medio armorum strepitu ac feruore permitti sibi cupit, illum profligatis cæsisque Gigantibus acquirere. Tantùm cauet, ne vbi sua virtute Gigantes domuerit, laboris sui mercede fraudetur. Ratio cauendi est, ne in communem tribus sorté veniat. Ideo non solus ipse causam suscipit: sed tribules quoque filii Iuda subscribunt: quia extraordinario hoc munere quod in vnam familiam conferbatur fiebat, vt tâtundem omnibus accresceret. Quâuis ergo solus Caleb verba faciat, adest tamen tota tribus cuius intererat illum hoc premio locupletari. Cur verò nomē Kenisæi inditū fuerit ipsi Caleb, mihi non liquet. Sic etiam vocatur Numer. 32. Nec verò me latet quid alii diuinent: nempe ita cognominatū fuisse à Kenas, vel quòd apud Kenisæos habitauerit ipse, aut quispiam è maioribus. Sed apud me nihil firmū. Quid si ab aliquo insigni actu titulum adeptus fuerit? Sicuti victores interdum cognomen ex gentibus subactis assumunt. Primò, quia neque in publicas tabulas relata erat promissio, nec eius quisquam erat testis superstes præter Iosua, ipsum compellat. Probabile autem est, quum exploratores decem nomina Enakim ad terrendum populum obiectarent, Caleby eorum improbitatem refelleret, quod verum erat respondisse eos quum aspiceret in monte Hebrò, adeo non fuisse terribiles, vt eos seorsum aggressurus esset,

esset, modò illis expulsis succederet. Atque hac lege habitationem à Mose fuisse concessam in eo loco quem sua fortitudine acquisisset.

7 *Quadragenarius eram*) Videtur paulo splendidius quam pium & modestum hominè deceat, virtutem suam iactare. Verùm meminerimus quum res per se odiosa esset multisque querelis obnoxia, necessariam fuisse raram cōmendationem, quæ inuidiam dilueret. Commemorat igitur se bona fide retulisse quod cognouerat de terra. Nam hac particula, Sicuti erat in corde meo, sinceritatem notari certum est: atque ita fallacibus verbis cor opponi. Ridiculum enim commentum est, dixisse in corde, quia in itinere nihil tale proferre ausus fuerat, ne à comitibus occideretur. Nihil ergo aliud significat, quam se absque fuce & simulatione probè perfunctum esse mandatis sibi iniunctis. Laudem suæ integritatis amplificat, quòd quum omnes collegas, excepto Iosue, haberet aduersarios, nō tamen cesserit eorum malitiæ, nec scelestæ con-  
spiratione fractus fuerit, sed constanter perstire-  
rit in proposito. Ad verbum legitur, Impleui ire post Deum meum. Sensus tamen clarus est, non fuisse abductum ab officii fide praua machinatione decem hominum, quam difficile erat sustinere, eo quòd inflexibili perseuerantia Deum sequutus sit. Nempe quia certo persuasus erat, Deum expeditionis esse authorem, à qua perfidi illi populum retrahere tentabant. Cæterùm discamus ex hoc loco, nisi vltima primis respō-  
deant, bona principia euanescere: deinde hanc demum


demum constantiam laude esse dignam, vbi Deum sequimur.

9 *Tunc iuravit Moses.*) Hic iam vnus fructus legationis probè & fideliter obitæ, hæreditate potiri, qua priuatur totus populus. Etsi enim inter Dei beneficia iure censetur vitæ diurnitas: finis tamen hic annectitur, vt hæreditatem quæ aliis negatur obtineat Caleb: quod non vulgaris fuit prærogatiuæ. Exinde celebrat Dei fidem, quia sibi vitam prorogauerit: neque id modò, sed vigorem & robur contulerit, vt octogenario maior, nihilo debiliior sit quam in flore ætatis. Aliorum etiam viridis fuit senectus, sed paucorum: deinde ad hunc æquabilem tenorem non accessit, vt octogesimo quinto anno maneret virile robur prorsus integrum. Neque enim ducis modò peritiam sibi & fortitudinem arrogat, sed militare robur. Addit alia quoque munia & vitæ actiones. Nam ingredi & exire tantundem Hebræis valet, atque peragere & exequi omnes officii nostri partes. Re ipsa autem id confirmat Caleb, dum sibi Gigantes deposcit quos aggrediatur & expellat. Neque tamen stolido fastu effertur ad victoriæ fiduciam: sed prosperum euentum sperat ex Dei auxilio. Videtur quidè absurda esse dubitationis nota, Forte: ac si fortuito se ad pugnam accingeret. Qui modestiæ causa putat ipsum sibi diffidere, & considerare suam infirmitatè, neque totum neque nihil dicunt. Certe omittunt quod præcipuum est, referri istud Forte, ad comunem hominum sensum, qualis ex præsentis rei statu concipi poterat.

terat. Sed in primis expendere conuenit eius consilium. Si montem sibi dari petiisset, in quo occupando nihil fuisset negotii: difficilius erat impetrare. Nunc verò rei difficultate proposita, sibi apud Iosue & principes fauorem conciliat: quia ubi eius voto annuerint, nihil tamen concedent, nisi arduum, dubium, & periculosum certamen obeat. Quum ergo sciret trepidare & expauescere filios Israel ad famam Gigantum, ex eorum opinione loquitur, quasi de re perplexa & confusa. Quod ad ipsum attinet, verba clarè demonstrant quam non incerto aut vacillante animo quod sibi dictum fuerat, præsumperit. Expellam, inquit, eos sicut pronunciauit Iehoua. Dicemusne ubi Dei sententiam profert, eum ambigere, <sup>an</sup> acsi quod promisit facturum sit necne? Certe patet, quò maior esset impetradi facilitas, tantum monuisse quanti discriminis esset negotium. Quanquam Hebræis nouum non est, hac voce difficultatem simpliciter notare, utcuque nulla diffidentia inquietudine animos agitet. Quantæ verò molis fuerit expellere Gigantes ex ea munitione inde colligitur, quòd nō nisi mortuo demum Iosue eos aggredi ausus est Caleb.

13 *Benedixit ei.*) Ita bene precatus est, ut simul gratularetur. Nam ad exemplum fuit utile, publicè eius virtutem celebrari, qua alii ad superandos omnes metus incitarentur. Perinde enim fuit, acsi Gigantes ex sublimi despiceret. Benedictio igitur Caleb laudem in se continet, quæ ad populum exhortandum valeat. In fine capituli dicitur, nomē Hebron fuisse Ciriath-Arba. V-

bi notandum est, non montem ipsum intelligi, sed primariam urbem, cuius frequenter occurrit mentio in Scriptura. Sic autem dicitur fuisse cognominata à famosæ proceritatis Gigante: quo refellitur eorum commétum qui à quatuor Patriarchis illic sepultis sic dictum volunt, Adam, Abraham, Isaac, & Iacob. Patet autem Caleb minime consuluisse præsentis otio, vel domesticæ vtilitati, quando ad locum sibi datum multis post annis non aspirat. Quare non minus totius populi interfuit, quàm vnius priuatæ familiæ, pro singulari beneficio tribui, quod adhuc ab incõprehensibili Dei gratia pendeat, & erat in mera spe reconditum. Minus etiam debuit odiosa esse donatio, cuius effectus sine incredibili Dei virtute ratus non fuisset. Nascitur tamen quæstio, quum Hebron nõ tantùm Leuitis cesserit in portionem, sed vna fuerit ex urbibus refugii, quomodo firma steterit donatio. Si dicamus Caleb aliis oppidis contentum, ius suum Leuitis resignasse, nondum planè soluitur nodus, quia disertè constituitur dominus illius urbis. Verùm si reputamus, tantùm ius habitationis in urbibus Leuitis concessum fuisse, nulla erit repugnantia. Interea tamen nõ parua laude digna fuit moderatio Caleb, qui in parte sibi extra ordinem, & priuilegio data hospitium Leuitis non negauit.

1  Vítque fors tribui filiorũ Iehuda per familias eorũ iuxta terminum Edom, & desertum Sin ad Austrum ab extremo Austri.

2 Fuitque eis terminus Meridiei ab extremo maris salis, hoc est à petra quæ respicit ad Meridiem.

3 Et egreditur versus Meridiẽ Maa-le-acrabim, & illinc transit in Sin: progrediẽs autem à Meridie in Cadef-barnea trahit illinc in Esron, & rursus ascendit in Adar, vnde circuit in Carcaa.

4 Inde transit in Asmon, & egreditur ad torrentem Aegypti: sũntque egressus huius termini ad Occidẽtem: iste erit vobis terminus ad Meridiem.

5 Terminus verò ad Orientem, est mare salis vsque ad extremitatem Iordanis, terminus autem anguli Aquilonaris à petra maris ab extremo Iordanis.



6 Ascēditque terminus iste in Beth-hoglah, & tráfit ab Aquilone ad Beth araba: atque illinc ascendit terminus iste ad lapidem Bohan filii Ruben.

7 Ascendit præterea terminus iste in Debir à valle Achor, & versus Aquilonem respicit ad Gilgal, quæ est è regione ascensus Adūmim, quæ quidem est ab Austro torrenti: & transit terminus iste ad aquas En-semes, sūnt que exitus eius ad En-rogel.

8 Et ascendit terminus iste ad vallem filii Hinnō, ad latus Iebusæi à Meridie, ipsa est Ierusalem: ascendit insuper terminus iste ad verticem montis qui est è regione vallis Hinnom ad Occidentem, quæ quidem est in extremitate vallis Rephaim ad Aquilonem.

9 Circuit autem terminus à vertice ipsius mōtis, ad fontē aquæ Nephthoah, & egreditur ad vrbes montis Ephron, circuitque terminus iste in

Baala, ipsa est Ciriath-iearim.

10 Et illinc girat terminus iste à Baala ad Occidentem ad montē Seir, & illinc pertransit ad latus mōtis Iearim ab Aquilone, ipsa est Chesalon, descēditque in Beth-lemes, & pertrāsit in Timna.

11 Egreditúrque terminus ad latus Ecrō ad Aquilonem, & circuit terminus iste ad Sichron, pertransítque usque ad mōtem Baala, & illinc egreditur in Iabneel: sūntque exitus huius termini ad mare.

12 Porrò terminus Occidentalis ad mare magnum, & terminum, iste est terminus filiorum Iehuda per circuitum, per familias suas.

13 Caleb autem filio Iephune dedit partem in medio filiorum Iehuda secundum sermonem Iehouæ ad Iosue, Ciriath-arba patris Anac, ipsa est Hebron.

1. Iam præfatus sum in delineando locorū situ  
& ex-

& excutiendis nominibus non fore me curiosum, partim quia me in topographica sciētia vel chorographica nō esse exercitatum fateor: partim quia magni laboris non nisi tenuis fructus ad lectores rediret. Imò forte maxima pars absque vtilitate valde sudaret. Quod ad ré pertinet, obseruandum non tantum in loco excelso cadere sortem tribus Iuda, vt ipsa regionis eminentia dignitatem futuri regni commendet: sed nomen eius primum exire in eiusdem rei præfagium. Quod iam armis partum erat diuidere incipiunt. Tribuum decem nomina coniiciuntur in urnam. Iuda omnibus aliis præfertur. Quis non videt attolli in summum gradum, vt ratum sit vaticinium Iacob? Iam intra fines hîc positos satis notum est fuisse opima pascua & vites generosas ac fœcunditate celebres. Hoc modo dum fors respondet vaticinio Iacob, illam non casu cecidisse plane liquet: sanctum verò patriarcham quod à Spiritu dictatum erat protulisse. Si qui sint locorum peritiores, illis quidē iucunda erit & utilis argutior disquisitio. Verum ne rudiores pigeat ignota nomina legere, non mediocre operæpretium se fecisse existiment, modò breuem quam attigi summam teneant, in sublime efferri tribum Iuda, vt supra alias cōspicua emineat, donec inde sceptrū exurgat: deinde vitiferam & pascuis nobilem regionē assignari eius posteris; adhæc, vt totus populus agnosceret non fortuitum fuisse iactum, qui tribus antè seculis prædictus fuerat. Præterea indoctis quoque ex multiplici ambitu colligere promptum

est, spaciosam fuisse plagam, quã tribus vna sortita est. Nam etii postea contigit aliqua diminutio: semper tamen latissimè dominati sunt. Memoria verò tenendum est quod dixi, sorte nihil aliud fuisse declaratum, quam filiis Iuda terminum esse contiguũ terræ Ædon & filiis Sin: eosdem finitimos ab altera parte torrentis AEgypti marique Mediterraneo: qui verò electi erant diuisores, quoad ferebat eorum iudicium, pro multitudine hominum emensos esse quanta illis portio cederet, nec longius extendisse eorum fines: eandem quoque rationem sequutos esse in aliis, vt postulabat vicinitas. Nec verò obstitit error quo minus firmum fuerit quod decreuerant. Nam sicut eos non puduit ex parte retractare partitionem non satis consideratè factam: ita vicissim populus quum agnosceret eos optima fide & probitate in negotio versatos esse, libentius se submisit eorum decreto: nec obstitit particularis error quo minus rata maneret generalis actio. Verbum vnum attingere de vrbe Iebus, cuius nomen postea fuit Ierosolyma, operæpretium erit. Quum iam arcano Dei consilio in sacrarium electa esset, illicque futura esset regni sedes: fuisse tamen possessam ab hostibus, vsque ad tempus Dauidis. Nam in tam diuturna priuatione eius loci, in quo fundata erat reliquæ terræ sanctitas, præstãtia, & decus: dilucida apparuit Dei maledictio, ad puniendam populi ignauiam. Siquidem perinde erat ac si terræ adempta esset præcipua dignitas & ornãmẽtum. Sed ex altera parte refulsit mirabilis Dei bonitas,

bonitas, quòd Iebusei qui post tempus sibi prorogatum, altissimas radices egisse visi fuerant, ex secura tamen statione tandem euulsi sunt.

13. *Caleb autem filio Iephune.* ) Ridiculum fuit si ex præsentis statu iudicium fieret, sæpius imaginariam donationem celebrare, cuius nullum fructum percepit Caleb viuo Iosue. Sed hæc tam veritas Dei quam sancti viri fiducia, quæ in eius promissionem recubuit, commendatur. Quanquam ergo vanam sollicitudinem Chaleb, & inanem Iosue liberalitatem tunc lusissent nasuti homines, ac loci ipsius incolæ, si ad eos perlatus fuisset rumor, superbè nec absque subsannatione spreuissent. Deus tamen constantiam sui decreti tandem reipsa patefecit. Caleb verò quavis cerneret ab accessu montis se arceri, testatus est se nudo Dei sermone esse contentum: sicuti hoc rectum est fidei specimen, rerum quæ promissæ sunt fruitione libèter carere, donec tempus aduenerit. Porro hic locus & similes docent, Gigantes qui passim vocantur Enakim, sic fuisse cognominatos ab authore sui generis Enac, atque ita vocem esse Gentilitiam. Quando autem filios Enac profligauerit, paulò post videbimus. Inter ea docet hic locus, Caleb quum obtenderet nomen Mosis, minimè fucum fecisse, vel quidquam falsò protulisse: quia palam nunc asseritur, Mosen ex Dei præcepto ita statuisse.

14 Expulit inde Caleb tres filios  
Enac, Sezadi, & Ahiman, & Thalmal,

qui fuerant filii Enach

15 Ascenditque inde ad habitatores Debir, cuius nomen antea fuit Ciriath-sepher.

16 Dixitque Caleb, Qui percusserit Ciriath-sepher, & ceperit eam, dabo ei Achsa filiam meam in uxorem.

17 Cepit autem eam Othoniel filius Cenas fratris Caleb: deditque ei Achsa filiam suam in uxorem.

18 Fuitque quum veniret ipsa suavit illi, ut peteret à patre suo agrum, & descendit de asino, dixitque ei Caleb, Quid tibi est?

19 Illa respondit, Da mihi benedictionem: quandoquidem terram aridam dedisti mihi, da mihi fontes aquarum. Et dedit ei fontes superiores, & fontes inferiores.

20 Ista est hæreditas tribus filiorum Iehuda per familias suas.

21 Fuerunt autem vrbes in extremitate tribus filiorum Iehuda iuxta

terminum Edom ad Meridiem, Cab-  
feel, & Eder, & Iagur,

22 Et Cina, & Dimona, & Adada,

23 Et Cedus, & Hasor, & Ithnan,

24 Ziph, & Telem, & Bealoth,

25 Et Hasor in Hadatha, & Ce-  
rioth, Hefron, ipsa est Hasor.

26 Amam, & Sema, & Molada,

27 Et Hasar-Gadda, & Hesmon,  
Beth-phelet.

28 Et Hasar-sual, & Beerseba, &  
Biziotheia,

29 Baala, & Iim, & Afem,

30 Et Eltholad, & Chesil, & Horma

31 Et Siclag, & Madmanah, & Sé-  
fannah.

32 Et Lebaoth, & Silhim, & Ain, &  
Rimon: omnes vrbes viginti & no-  
uem, & villæ earum.

33 In planitie Esthaol, & Sora, &  
Asnah,

34 Et Zanoah, & En-gannim, &  
Thaphuah, & Enam,

35 Iarmuth, & Adulam, Sochoh, & Azecah,

36 Et Saaraim, & Adithaim, & Gederah, & Gederothaim: vrbes quatuordecim, & villæ earum.

37 Sená, & Hadafa, & Migdalgad,

38 Et Dilan, & Mispah, & Iocteel.

39 Lachis, & Bosath, & Eglon,

40 Et Chabbon, & Lahmam, & Chithlis.

41 Et Gederoth, Beth-dagon, & Naamah, & Makeda: vrbes sexdecim, & villæ earum.

42 Libna, & Ether, & Ašan,

43 Et Iephtha, & Afna, & Nesib,

44 Et Cheila, & Achzib, & Mare-fah: vrbes nouem & villæ earum.

45 Ecron, & oppida eius, & villæ eius.

46 Ab Ecron, & ad mare, omnes quæ sunt ad latus Asdod, & villæ earum.

47 Asdod, oppida eius, & villæ eius: Azza, oppida eius, & villæ eius

vsque



vsque ad torrentem Aegypti, & Mare magnum, & terminus.

48 Et in monte, Samir, & Iathir, & Sochoh,

49 Et Dánah, & Ciriath-fannah, ipsa est Debir.

50 Et Anab, & Esthemoh, & Anim,

51 Et Gofan, & Holon, & Giloh: vrbes vndecim, & villæ earum.

52 Arab, & Dumah, & Efan,

53 Et Ianum, & Beth-thappuah, & Aphecah,

54 Et Huntha, & Ciriath-arba, ipsa est Hebron, & Sior: & vrbes nouem, & villæ earum.

55 Mahon, Carmel, & Ziph, & Iuttah.

56 Et Iezrael, & Iocdean, & Zaura.

57 Cain, Giba, & Thimnah: vrbes decem, & villæ earum.

58 Hal-hul, & Beth-sur, & Gedor,

59 Et Maarath, & Bethanoth, & Elthecon: vrbes sex, & villæ earum.

60 Ciriath-baal, ipsa est Ciriath-iarim, & Rabba: vrbes duæ, & villæ earum.

61 In deserto Beth-arabah, Middin, & Sech-acha,

62 Et Nibsan, & vrbs salis, & Engedi: vrbes sex, & villæ earum.

63 Porrò Iebusæos habitatores Ierusalem non potuerunt filii Iehuda expellere: itaque habitauit Iebusæus cum filiis Iehuda in Ierusalem vsque ad diē hanc.

Hic narratur quod gestum fuisse demum post mortem Iosue ex libro Iudicum patet. Sed ne quæstionem gigneret nouitas, quòd mulieri datus erat pinguis & irriguus ager in patrimoniū, historiam quæ postea accidit, inferere voluit libri scriptor: ne quid in sorte tribus Iuda maneret ambiguum. Primò, dicitur Caleb, expugnata vrbe Hebrō, aggressus fuisse Debir, vel Ciriath-sepher, & generum sibi adoptasse, qui primus illuc ingressus esset. Apparet autem, quādo raro præmio inuitat suos commilitones ad capiendam vrbem, non parum fuisse negotii. vnde confirmatur quod antè visum est, laboriosum opus ei iniunctum esse cū data ei fuit possessio, quæ magno discrimine acquirenda esset. Ergo vt fortissimum

simum quemque animet, filia suæ nuptias promittit in mercedem strenuitatis, quisquis murum superauerit. Tandem additur, Othoniel qui nepos erat ex fratre, præmium hoc sua virtute fuisse adeptum. Quomodo obrepserit in vulgarem translationem, Frater Caleb iunior, nescio: nec certe villo colore excusari potest hoc mendum. Quare in scitè se torquent nonnulli, quomodo neptè suam Othoniel duxerit vxorem: quia iam tale coniugium lege prohibitum fuerat. Atqui colligere promptum est, non patrum fuisse, sed tantum patruelem. Verum hinc quæritur quomodo de filia sua pacisci ausus fuerit Caleb, donec certior de eius voluntate factus esset. Quanquam enim parentum munus est filias suas elocare: non tamen illis permittitur tyrannicum imperium, ut eas incòsultas addicant quibuscunque visum fuerit maritis. Nam cum voluntarii esse debeant omnes contractus: in coniugiis maximè vigere debet libertas, nequis inuitus fidem suam obstringat. Verum probabili ratione adductus fuit Caleb, ne de filia suæ còsensu dubitaret: quia verecundè repudiari nõ poterat tam honorifica conditio. Maritus enim dabatur, non quilibet ex vulgo: sed qui bellica virtute alios omnes antecelleret. Quanquam fieri potest, ut in feruore pugnae inconsideratè promiserit Caleb, quod præstare non erat in eius arbitrio. Mihi tamen videtur exponenda fuisse pactio ex iure communi, si accederet puellæ voluntas. Deus certè votum Caleb exaudiuit, dum generum obtulit ex animi sententia. Nam si alioqui data fuisset optio, neminem

magis optasset.

Nmu  
27.8

18 *Fuitque quum veniret.* ) Etsi coniiicere licet Acsa puellam fuisse egregiis moribus, & probè institutam, cuius nuptiæ singularis præmii loco victori promissæ fuerint: hîc tamen deregitur peruersa eius cupiditas. Sciebat mulieres Dei lege à fundis hæreditariis excludi: at nihilominus appetit, & maritum iniqua exostulatione stimulat. Sic enim ambitiosæ & cupidæ vxores viris molestæ esse non desinunt, donec pudoris, modestiæ, & æquitatis eos obliuisci cogant. Nam etsi virorû quoque inexplebilis est auaritia: fœminæ tamen magis præcipites feruntur. Quô attentiùs cauere debent viri, ne importunis earum cõsiliis tanquam flabellis accendantur. Sed maior intèperies se prodit, dum mariti facilitate & patris indulgētia audacior redditur. Nam agro sibi dato non contenta, regionem irriguam sibi poscit. Ita vbi quis femel transiliuit recti & honesti modum, vitium illud protinus sequitur impudētia. Porro quòd pater nihil negauit, signum fuit rari amoris. Sed non ideo sequitur, quin meritò exosa sit improbalucris cupiditas, quæ mentes excæcat, rectumque iudicium peruertit. Quod dicitur Acsa descendisse ex asino, quidam ad simulationem & astutiam referunt, quasi mœrore concideret: atque ita lapsus iudicium esse deliqui vel defectiois animi. Verùm simplicius est, quò suppliciter patrē rogaret, descendisse ad eius pedes. Quidquid sit, astu & blanditiis sibi conciliauit mulier ius alienum: vnde tantundem diminuta fuit fratrum portio.

20 *Ista est hereditas.*) Antea quidem fines circūdedit filiis Iuda: sed nunc alia ratione ostenditur, quàm ampla & fertilis illis obtigerit ditio, in quo etiam refulget summa Dei liberalitas. Numerantur centum & tredecim vrbes, cum oppidis & villis. qui numerus non tantùm frequentiam hominum testatur: sed terræ quoque vbertatem. Neque tamen dubium est, quin Dei benedictione noua indita fuerit fertilitas. Fulgere tamen in ipsa terræ natura Dei gratiam oportuit, dum omni bonorum copia refertam populo suo delegit. Nunc si homines tribus respicimus, dimidia pars regionis abūdè sufficere illis potuit ad habitandum. Nam vt octingenti distributi essent in singulas vrbes: residuæ multitudini manebāt oppida & villæ. Et certè paulò pòst detracta fuit portio, quæ tribui Simeō daretur. Nam ita completa fuit dispersio de qua vaticinatus erat Iacob, vt posteritas Simeō quasi in alieno solo peregrinaretur. Ergo à filiis Iuda admissi sunt tanquam hospites.

Genes.  
49.7

63 *Porro Iebusæos.*) Hoc ad excusandum populum nihil facit, neque in eum finem ponitur: quia si pro virili incubuissent, & destituti essent successu, recidebat dedecus in ipsum Deum, qui promiserat se illis perpetuum fore ducem, donec terram illis vacuam traderet: ac missurū crabrones, qui incolas abigerent. Ergo nō nisi per illorum ignauiam stetit, quo minus potiti fuerint vrbe Ierusalem. Itaque non potuerunt, quia obstaculo illis fuit suus torpor, dum quietis desiderio Dei mandatum neglexerunt. Locus notatu di-

Deut.  
7.20

gnus: vt discamus alacriter vires nostras experiri in aggreudiendis Dei præceptis: nec occasionem prætermittere, ne cessantibus claudatur ianua. Reprehensione vacasset modica dilatio: sed longi temporis molities Dei benedictionem quodammodo repulit.

## CAPVT XVI.

I **E**gressa est autem fors filiis Ioseph à Iordane Iericho, ad aquas Iericho, ad Orientem, ad desertum quod ascendit à Iericho in montem Beth-el.

2 Egrediturque à Beth-el in Luz, & hinc pertransit ad terminum Archi Ataroth.

3 Postea ascendit ad mare, ad terminum Iaphleti, vsque ad terminum Beth-horon inferiorem, & vsque ad Gazer, suntque exitus eius ad Mare.

4 Itaque hæreditatem acceperunt filii Ioseph, Manasses & Ephraim:

5 Fuit autem terminus filiorum Ephraim per familias suas: fuit inquam,

terminus hæreditatis eorum ad Orientem ab Atroh-Addar, vsque ad Beth-horon superiorem.

6 Et exit terminus ille ad Mare, ad Michmethah ab Aquilone:& circum-  
it terminus ad Orientem, ad Thaa-  
nath-filoh, & tráfit illam ab Oriēte ad  
Ianoah.

7 Et descēdit à Ianoah in Atharoth,  
& Naarath, & peruenit in Iericho, e-  
greditúrque ad Iordanem.

8 A Thappuah pergit terminus ad  
Mare ad torrentem arundinis, sún-  
que exitus eius ad Mare. hæc est hære-  
ditas tribus filiorum Ephraim per fa-  
milias suas.

9 Et vrbes separatae filiis Ephraim  
in medio hæreditatis filiorum Manaf-  
se, omnes vrbes, & ville earum.

10 Neque expulerunt Chananæum  
habitantem in Gazer: Itaque habitauit  
Chananæus in medio Ephraim vsque  
ad diem hanc, & fuit tributo seruiens.

I *Egressa est sors filiis Ioseph.*) In genere primùm  
 narrat quæ sors obtigerit duobus filiis Ioseph:  
 deinde recenset sortem Ephraim. Mirum autem  
 est, cum dimidia pars tribus Manasse iam locata  
 esset trans Iordanem: plus tamen verborum consu-  
 mi in parte illius residua, quam in tota hæredita-  
 te tribus Ephraim: quæ tamẽ vt erat populosior,  
 ita meritò sibi vendicabat ampliozem terram. Ve-  
 rùm quod prolixior habetur sermo de posteris  
 Manasse, id fit per occasionem: quia iterum repe-  
 tit scriptor libri, quomodo extra sortem illis data  
 fuerit sedes in regione Basan. Deinde cõmemo-  
 rat sancitum fuisse à Iosua quod Moses ex autho-  
 ritate Dei præceperat quoad filias Selophead.  
 Quum ergo de finibus Ephraim nulla esset du-  
 bitatio, nec futurum esset certamẽ, breuiter per-  
 stringitur eorum sortitio. Verùm hîc noua quæ-  
 stio exoritur, quum ius primogenituræ à Manasse  
 ad Ephraim transiisset, quomodo posterius eius  
 qui gradu honoris erat superior vrbes suas ob-  
 tinuerint inter filios Manasse. Videtur enim hoc  
 modo deterior fuisse eorum conditio. Ego verò  
 sic interpreto, Quum latior esset pars Manasse  
 quam pro hominum numero, supputatione fa-  
 cta detractas fuisse vrbes quæ iustam portionem  
 tribus Ephraim conficerent: non vt permixti fi-  
 liis Manasse, quasi precariò inter ipsos habitaret:  
 sed quia longius protensi fuerunt eorum termi-  
 ni versus ipsos, quibus sufficere poterat angu-  
 stior possessio. Cæterum in fine capitis probro  
 notatur mollities Ephraim, quòd Chananæum  
 non expulerit è Gazer, quia si viriliter & corda-  
 tè



tè progressi essent ad terram quæ sorte obuenerat vendicandam, in manu erat victoria: quia nihil temere aggressi essent, eo quòd tātundem valebat sortitio, ac si deus ipse manum è cælo porrigeret. Sed clarius exprimitur fœda eorum segnitates, & culpa exaggeratur, quòd tributarios sibi fecerint quibuscum villo modo transfigere fas nō erat. Quū itaque disertè vetuisset Deus populū suum quidquam negotii contrahere cum illis gētibus, maximè autem pacisci de venia & salute, lōgè grauius peccarūt filii Ephraim, tributum exigendo, quàm si eos absque pactione tolerassent.

## CAPVT XVII.

**I** Vit quoque fors tribui Manasse ( ipse enim fuit primogenitus Ioseph ) ipsi Machir primogenito Manasse patri Gilead ( ipse enim fuit vir bellicosus ) fuit inquam, ei Gilead & Basan.

2 Fuit item filiis Manasse reliquis per familias suas, filiis Abiezer, & filiis Helec, & filiis Asrel, & filiis Sechem, & filiis Hopher, & filiis Semida. Isti sunt filii Manasse, filii Ioseph mares

Qi.

per familias suas.

3 Porro Selophead filio Hephher, filii Gilead, filii Machir, filii Manasse non fuerunt filii, sed filiae: quarum ista sunt nomina, Mahala, & Noa, Hogla, Milcha, & Thirsa.

4 Hæ accesserunt in conspectum Eleazar sacerdotis, & in conspectum Iosue filii Nun, atque in conspectum principum, dicendo, Iehoua præcepit Moysi ut daret nobis hereditatem in medio fratrum nostrorum. Itaque dedit eis iuxta sermonem Iehouæ, hereditatem in medio fratrum patris earum.

5 Et ceciderunt hereditates Manasse decem, præter terram Gilead & Basan, quæ erant trans Iordanem.

6 Filiae enim Manasse sortitæ sunt hereditatem in medio filiorum eius: terra autem Gilead fuit filiis Manasse reliquis.

7 Fuit autem terminus Manasse ab Aser ad Michmethath, quæ est coram

Sechem,

Sechem, & pergit terminus ad dextrā ad habitatores En-thappua.

8 Ipsius Manasse fuit terra Thappua: at Thappua quæ erat ad terminū Manasse, est filiorum Ephraim.

9 Descenditque terminus ad Torrentem arundinis ad Meridiem ipsius Torrētis: ciuitates istę tribus Ephraim sunt in medio ciuitatum Manasse: at terminus Manasse est ab Aquilone ipsius Torrentis: suntque exitus eius ad Mare.

10 Ad meridiem est ipsius Ephraim, & ad Aquilonem ipsius Manasse, estque Mare terminus eius, & in Aser occurrunt inter se ab Aquilone, & in Issachar ab Oriente.

Redit ad tribum Manasse, idque vt confirmet quod antea vidimus de filiabus Selophead. Nam cum res noua esset, fœminas promiscuē succedere cum viris: quia tamen quinque erant patri suo superstites, probarunt æquum esse, ne pater orbitatis ignominiam innoxius ferret, se in portionem admitti. Ita Deus per oraculum Mosi re-

sponderat, vt caput vnum in successione efficerent. Nunc quod Dei ore adiudicatum erat, præstari sibi postulât. Quod adhuc Manasse primogeniti nomen retinet, sic accipere conuenit, ne pugnet cum vaticinio Iacob: quin potius hîc primogenitura eius quodammodo sepelitur, eiuſque dignitas restringitur in præteritum tempus, vbi notandum est, adeo tenaces esse homines, suisque vtilitatibus addictos, vt raro in mentem veniat ius suum aliis tribuere. Decreto cœlesti partē obtinuerât filiæ Selophead, nec quisquam ausus esset verbum cōtrâ facere. Interea si tacuissent, nulla fuisset habita illarū ratio. Ergo ne cunctatio damnosa sit, Iosue & Eleazar adeunt, & vrgent ne legitima successione priuentur. Mora quidem nō interponitur à Iosue, quominus statim obtineant quod iustum est. Nec verò populus obmururat: vnde colligimus omnes ad æquitatem fuisse propensos: sed dum quisque sua curat, nimis securè alios negligit.

5. *Ceciderunt hereditates decem.*) Numerantur hoc loco septem stirpes in posteris Manasse, Machir primogenitus seorsum statuitur: deinde alii sex. Nunc quæritur quomodo in partes decē diuisa fuerit hæreditas. Quidam astutè hîc scrupulum dissimulant. Alii quia nodum soluere nequeunt, obtédunt meras nugas. Certe valde absurdum est, quinque filiabus datas esse quatuor sortes: nihilo magis consentaneum, quia pater erat primogenitus duplicatam illis esse suam partem. Hoc quidem extra controuersîam est, Gilead filium Machir proauū mulierum de quibus nūc agitur,

agitur, sedē in mōte Gilead & Basan sibi elegisse. Ergo quū iam extra sortem priuilegio hæreditatem adeptus esset, non debuit in terra Chanaan sortiri: nisi forte partem dūtaxat familiæ suæ trās Iordanem locauit. Hopher enim vnus fuit ex eius filiis, sed nō solus: sicuti aliorū quinque fratrum soboles in plura capita distingui potuit, pro quorū numero sortitio fieret. Neque enim scitur in quoto gradu sumptæ fuerint familiæ, quibus cōtigit in terra Chanaan portio. Nec verò aliud hic legimus quàm iactas fuisse decem sortes inter filios Manasse præter regionem, quam sibi antea acquisierant trans Iordanem. Ita frustra contenditur de numero, quem certum elicere ex præsentī narratione non possumus: quia ante omnia alioqui tenendum esset, quot familiis communis fuerit partitio. Imò fieri potest, vt filiabus Selothead illic datum fuerit patrimonium. Dicuntur quidem habitasse inter fratres patris sui: sed locus non designatur. Quidquid sit non dubito quin seruata mutua æquabilitate, postquam aliis prospectum erat, terram quæ sorti subiecta erat distribuerint inter decem familiās: quarū nomina hic tacentur.

II Fuitque ipsi Manasse in Issachar, & in Aser, Beth-sean, & oppida eius: & Ibleá, & oppida eius: & habitatores Dor, & oppida eius: & habitatores Endor, & oppida eius: & habitatores

Thaanach, & oppida eius: & habitatores Magiddo, & oppida eius, tres regiones.

12 Et non potuerunt filii Manasse expellere habitatores urbium istarum, sed coepit Chananæus habitare in terra ipsa.

13 Quum autem roborati essent filii Israel, posuerunt Chananæum tributarium, nec expellendo expulerunt eum.

14 Loquuti sunt autem filii Ioseph ad Iosue, dicendo, Cur dedisti mihi in hæreditatem sortem unam, & hæreditatem unam, quum ego sim populus multus, ita quod hucusque benedixerit mihi Iehoua?

15 Dixitque ad eos Iosue, Si populus multus es, ascende in sylvam, & succide tibi illic in terra Perizei, & Rephaim, si angustus est tibi mons Ephraim.

16 Cui responderunt filii Ioseph,

Non

Non sufficiet nobis mōs ille: & currus ferrei sūt in omni Chananeo qui habitat in terra vallis, & ei qui habitat in Beth-sean & oppidis eius, & ei qui habitat in valle Iezrael.

17 Dixitque Iosue ad domum Ioseph, nempe ad Ephraim & Manasse, dicendo, Populus multus es, & fortitudo magna est tibi: non erit tibi fors v-nica:

18 Mons enim erit tibi, quia sylua est: succides ergo eam, & erunt tibi exitus eius: quia expelles Chananeum, quanquam currus ferrei sint ei, quanquam fortis sit.

ii *Fuitque ipsi Manasse.*) Quomodo ita permixti fuerint, vt quaedam vrbes possederint in sorte Aser & Issachar, quum intra eorum limites habitaret tribus Ephraim, diuinare facile nō est: nisi quia forte prospectum fuit, ne habitatio cōmodior obnoxia esset multis querimoniis: vel forte prout deinde certius innotuit tota regio, aliquid secundum æquitatis regulam in superiori partitione mutatum fuit. Videtur itaque hæc noua fuisse accessio, postquam compertum fuit

filios Manasse absque aliorum iactura posse dilatarari. Nec verò illis data est pacata habitatio, qua statim frueretur: sed hæreditas illis sub spe reposita fuit, vt in cælesti promissione magis quàm in terrena possessione acquiescerent. Quòd tamen vrbibus illis potiri non sunt, eorum culpæ adscribitur: quia fors illis indubium erat pignus victoriæ. Non potuerunt igitur expellere incolas, quia neque ex animo fuerunt perluasi, Deum esse veracem, & eius virtutem sua pigritia suffocarunt. Sed alterum crimé minus tolerabile: quòd quí illis facile esset omnes delere, non modò segnes fuerunt in exequendo Dei mādato: sed tui pilūtro adducti, viuos seruarūt quos Deus exitio destinauerat. Nam quibus tributū imponimus, eos quodammodo recipimus in fidem nostram, & clientelam. vindictæ suæ ministros præfecerat Deus, vires ad eam exercendam suppeditat: ipsi autem non modò cunctantur, sed bene agendi libertatem sibi eripiunt. Nihil ergo mirum si Deus peruersam ad eò socordiā seuerè vltus fuerit, vt gentes illæ, quibus cōtra manifestā prohibitionē ignouerāt, fuerint similes aculeis ad configendos eorum oculos, & stimulis ad fodienda latera. Emergit etiam hīc quæstio, quomodo cōcessæ illis fuerint vrbes in tribu Aser & Issachar, quum adhuc incognita esset vtriusque portio. Ergo *καὶ ἀρόληψιν* quod nondum impletum erat refertur. Quidquid sit, colligimus propter ignorantia locorum non ita exactè diuisas fuisse singulas partes, quin necesse fuerit postea corrigere quod plus vel minus pronunciatum fuerat.



Ac omnino in genere sic habendum est de tribu Ephraim, & reliquis, multas vrbes quibus potiti sunt, propter vastitatē nullo fuisse numero. Multas ergo ruinas hīc sepeliri non dubito. Deinde statuendum est, vbi vici fuerunt ignobiles, propter soli vbertatem, & alias commoditates, illic fuisse præclaras vrbes cōditas. Nam certe Sichi- ma satis celebris fuit ad nomen & gradū tenendum: eius tamen nulla hīc fit mentio, sicuti nec Samariæ, quæ quū metropolis esset regni Israel, ad eandem tribum Ephraim pertinebat, vt satis notum est. Patet igitur fuisse ab vnaquaque tribu complures vrbes possessas, de quibus hīc siletur.

14 *Loquuti sunt filii Ioseph.*) Etsi querimoniam suam prætexunt aliquo excusationis colore: male tamen dissimulant plus fuisse comprehensum in vna sorte, quam in tribum vnā compereret. Nescio tamen an confusè pro filiis Ioseph iacta fuerit sortitio: nec certe consentaneum videtur. Non latebat Iosue, nec alios diuisores, Ephraim & Manasse duo efficere capita, vel duas stirpes: ac sæpius antehac dictum fuit, terram diuidi in decem tribus, qui numerus non constabat, nisi tribum Manasse à tribu Ephraim discernerent. Certum igitur est, non fuisse tam crasso errore lapsos, vt duo nomina in vnā sortē cōiicerent. Occultare autē sub nomine Ioseph duas tribus, vt eas fraudarent dimidia sui iuris parte, intolerabilis fuisset iniquitas. Adde quòd distinctè exposita antè fuit vtriusque ditio, suisque terminis descripta. Huc itaque ratio nos ducit,

quum in duas tribus iactæ essent sortes, admirabili Dei consilio factum esse, vt finitimi & contigui inter se essent fratres, quibus communis erat pater. Indignè igitur exostulant sibi nō nisi vnam hæreditatem datam esse: quia nec tanta erat socordia Iosue, nec tam malignus animus, vt eos liquido iure, vel per incogitantiam, vel per inuidiam fraudaret. Sed hinc falsa querimonia de angustiis finibus, quòd pro nihilo ducebant quidquid adhuc virtute bellica acquirendū erat: quasi verò alias tribus in solo pacato fors deinde locauerit. ideóque vno verbo eorum disceptationem refellit ac discutit Iosue, & crimē vnde inuidiam conflare ei tentabant, in ipsos retorquet. Si tanta inquit, est vestra copia, & multitudo, cur non in hostes irruitis, quorum regio vobis data est? Neque enim si Dei promissione freti hæreditatem fortiter adieritis ab eo concessam, euentus vos frustrabitur. Videmus quanuis recte fuisset illis prospectum, sua tamen desidia excæcari, vt se angustiis constrictos querantur, quia ad petendum sortis suæ effectum digitum mouere nolebāt. Quare docet hic locus, si quādo putamus minus nobis præstari quam debetur, diligenter excutiendas esse omnes remoras, ne culpam, quæ in nobis residet, temere in alios regeramus.

16 Cui responderunt.) Apparet nimis fuisse sibi deditos, quia tergiuersantur quoad possunt, ne rationi à Iosua propositæ, qua tamen nihil æquius erat, obtemperent. Montē squalidum esse & quasi desertum obiiciunt. Ita vbi illis accesserit mi-

rit, minimū tamen vtilitatis inde sensuros. Quā-  
 tum ad planitiem, quæ culta erat & fertilis, exci-  
 piūt se ab ea excludi & arceri propter formida-  
 bilem hostium apparatus. Itaque commemorāt  
 currus ferreos: ac si nō antè experti fuissent Deū  
 nullo negotio cōterere tam currus, quam equi-  
 tes. Verūm Iosue simplici cordatōque responso  
 tam eorum auaritiam, quam delitias, torporē m-  
 que probè castigat, Si tibi sylua hodie non satis  
 fructuosa est, cæsis arboribus conficies tibi bo-  
 nos agros: ita modò ne labori parcas, erit hæc  
 non pœnitenda habitatio. Currus porrò ferrei  
 nō impedient quo minus tibi præstet Deus quod  
 promisit. Tua est hæreditas: solūm qua decet fi-  
 ducia in eam ingredi.

## CAPVT XVIII.

**Y** Congregata est autē vni-  
 uersa multitudo filiorum  
 Israel in Silo, & colloca-  
 uerunt ibi tabernaculum  
 conuentionis, postquam terra subie-  
 cta erat coram eis.

2 Remanserant autem è filiis Israel  
 quibus non diuiserant hæreditatem  
 suam, septem tribus.

3 Dixitque Iosue ad filios Israel, Vt

quequo cessatis ingredi, vt possideatis terram quam dedit nobis Iehoua Deus patrum vestrorum?

4 Tradite ex vobis tres viros per tribum, quos mittam: surgentque, & ambulabunt per terram, describentque eam iuxta hereditatem suam, postea reuertentur ad me.

5 Et partientur eam in septem portiones: Iudas stabit in finibus suis à Meridie: & familiae Ioseph stabunt in finibus suis ab Aquilone.

6 Vosque describatis terram in septem partes, & afferatis ad me huc: tum proiciam vobis sortem hinc coram Iehoua Deo nostro.

7 Non est enim pars Leuitis in medio vestri, quia sacerdotium Iehouae est hereditas eius: Gad autem & Ruben, & dimidia tribus Manasse acceperunt hereditatem suam citra Iordanem ad Orientem, quam dedit ei Moses seruus Iehouae.

8 Surrexeruntque viri illi, atque abierunt, præcepitque Iosue istis qui ibant, vt describerent terram, dicendo, Ite, & ambulate per terram, ac describe eam: postea reuertimini ad me, & *te* hîc proiciam vobis sortem coram Iehoua in Silo.

9 Abierunt itaque viri, & transierunt per terram, atque descripserunt eam per vrbes in septem partes, in libro: reuersique sunt ad Iosua ad castra in Silo.

10 Misit autem eis Iosua sortem in Silo coram Iehoua: partitusque est ibi Iosua terram filiis Israel secundum partes eorum.

1 *Congregata est autem.*) Hic refertur celebris conuentus habitus in Silo, vbi deliberatum fuit de iaciendis reliquis sortibus. Nam etsi pio studio sortitionem aggressi erant, fuerat tamen actio interrupta: ac si victoria præcedere deberet distributionem, quæ pendeat à solo ore Dei. Conueniunt igitur in Silo, vt decernât quid factu opus sit in futurum tempus. Nec verò dubium est, quin cœtum hunc Iosue indixerit, vt pigri-

pigritiam illis excuteret. Neque enim ipsi sponte quidquam proferunt: sed ab obiurgatione incipit, quòd segnes ac remissi sint in adeunda quâ Deus ipsis largitus fuerat hæreditate. Colligere itaque ex eius sermone pròptum est, plena quidem alacritatis fuisse exordia: sed nullam fuisse perseverantiam. Et tamen Spiritus sancti elogio ornata fuit illa obedientia, quæ paulò post elanguit. Ac notandum est, populum reprehendi, non quòd sortiri negligat: sed quòd hæreditatem non occupet diuinitus sibi oblatam. Et certe vt signum fiducia erat sortitio, ita quæcûque singulis obtigerat regio, certum & fidele erat pignus futuræ possessionis: quia Deus suam cuique partem assignâdo, minimè ludebat. Verbum נפח quod transtuli cessare, significat etiam remissum esse, vel debilem. Turpis ergo socordia eos infimulat, quòd quum maturum aduenit tempus hostes profligandi, cunctâdo morentur, ac suspendant effectum beneficii Dei. Nâ si nuda sorte contenti, quod obtigerat fide amplexi essent, pròpti haud dubie & expediti fuissent ad bellandum: imò quasi victores ad triumphum properassent. Dicitur autem arca posita fuisse in Silo, non tantùm vt consultatio, quasi in Dei conspectu sanctior esset ac grauior: sed quia locus erat pacatus, & ab omni vi externa & iniuria tutior. In primis enim esse curæ debuit, ne ad repentinos insultus exposita esset. Quauis enim ad propulsandos hostium impetus vndique manus Dei esset extenta: sic tamen inter ipsos habitauit Deus, vt essent veluti custodes ac

satel-

satellites. Cæterùm quanuis arcę tunc electa fuerit statio: non tamen perpetuum fuit domiciliũ, sed temporale hospitiũ duntaxat. Neque enim in arbitrio vel suffragiis populi fuit, Deo sedem vbi resideret præfigere: sed expectari debuit quod passim occurrit in Lege, vt alicubi statueret memoriam nominis sui. Quod tandem exhibitum fuit, quum templo dicatus fuit mons Sion. Qua ratione dicitur in Psalmo, Stãdo manebunt pedes nostri in atriis tuis Ierusalem: quibus verbis innuitur, arcam ad illud vsque tẽpus peregrinatam fuisse. Verùm ruina & vastitas Silo tandem docuit, nulla præstantia vel dignitate aduersus Dei vindictam protegi, qui eius beneficia corrumpunt. Vsq̃ ad mortem Heli passus est Deus illic coli sacrum suum nomen: sed quũ tota religio sacerdotum impietate fœdata, & populi ingratitude fere abolita esset, locus ille formidabili pœnæ documento insignis fuit ad posteros. Itaque Ieremias ciues Ierusalem, qui templo improbè superbiebant iubet oculos dirigere ad illud exemplum, Ecce, inquit, tabernaculum Dei ante in Silo fuit quam apud vos: nũc videtis in quantam ignominiam cõuersa sit antiqua gloria.

4 *Tradite ex vobis.*) Iam plagas illas lustrauerãt Caleb & Iosue, & populus sciscitãdo multa cognouerat: vult tamen Iosue quasi ex præsentis aspectu terram distribui: & ternos speculatores iubet eligi pro quaque septem tribuum, vt in ore duorum vel trium finiatur omnis cõtrouersia. Verùm nihil minus consentaneum vide-

Psal.

122.2

1. Sam.

4.

Ierem.

7.12

tur, quam vnum & viginti homines mittere, qui non modò rectà per hostilem terram traiciant, sed circumeant per varios & obliquos flexus, ne quis angulus eos lateat, supputent longitudinem & latitudinem, inæquales etiam tractus cōsiderent. Nam quencunque habebant obuium, facile suspicari poterat quinam essent, & qua de causa illis iniuncta esset hæc expeditio. Denique liber non patebat reditus, nisi per mille mortes. Nec verò illi cæco & bruto impetu subiissent tantum discrimen, nec Iosue author illis fuisset manifesti periculi, nisi quia experti erant, gentes illas omnes cælesti pauore attonitas, nihil magis oprare quàm pacem. Ersi enim filii Israel infesti erant, tot stragibus subacti, digitum non audebant mouere: ita securè exploratores tanquam per regionem pacatam progressi sunt, vel negotiandi prætextu, vel saltem vt innoxii hospites. Fieri etiam potest vt in plures ordines diuisi, iter occultius fecerint. Certum quidem est, non aliunde tantum sumpsisse animi & fiducia, nisi quia freti vmbra alarum Dei, cæcos & stupidos non timebant. Hinc prompta quæ hîc laudatur, voluntas: quia nisi persuasi fuissent diuinitus cōstrictas esse gentium illarum manus, erat iusta & honesta renuendi occasio.

9 *Abierunt itaque viri.*) Hîc iam non tantum parendi facilitas commendatur, in qua enituit præclara eorum virtus: sed insignis quoque Dei fauor: quòd incredibili successu pium Iosue & populi studiũ dignatus est. Si per subterraneos cuniculos reptassent, vix effugere poterant innumera

mera



mera discrimina: nunc quum vrbes, earumque situs, agros, regionum varietatem, omnes oras annotant, nullòque tristi occurſu fœliciter ad ſuos redeunt, quis dubitet admirabili Dei potètia vitam eorum inter mille mortes fuiſſe incolumen? Emphaticè ergo ad celebrandã Dei gratiam dicuntur reuerſi fuiſſe in caſtra: quòd tantundem valet atque fuiſſe Dei manu reductos, quò libètius ad fortiendum populus descendit, necdum enim ſaſtidio bene purgati fuiſſent animi, niſi quòd in illa profectiõne cernebãt incredibilem Dei gratiam, quæ illis euentum ex voto promittebat. Ideò dicitur Iosue partitus eſſe ſecũdum cuiusque portionem, ac ſi in tráquillã ditionẽ eos immitteret: verũ effectus pẽdebat ex Dei præſentia, quia ſufficere illis debuit Dei auctoritate rem totam geri, qui ſuos nunquam fruſtratur, etiam dum videtur ludere. Quo autem ſenſu arca fœderis vocetur Deus vel eius facies, fatiſ multis locis expoſui.

11 Ascendit autem ſors tribus filiorum Benjamin per familias ſuas, & exiit terminus fortis eorum inter filios Iehuda, & filios Ioseph:

12 Fuitque eis terminus ad latus Aquilonis à Iordane: & ascendit terminus ad latus Iericho ab Aquilone, ascenditque in montem ad mare, ac exi-

tus eius sunt ad desertum Bethauen.

13 Illinc autem pertransit terminus in Luz ad latus Luz Australe (ipsa est Beth-hel) & descendit terminus in Ateroth-Adar, iuxta mōtem, qui est à Meridie ipsi Beth-horon inferiori.

14 Et designatur terminus, circuitque ad latus Maris ad Meridiem, à mōte qui est eregione Beth-horon ad Meridiem: suntque exitus eius ad Ciriath-Baal (ipsa est Ciriath-Iearim) urbē filiorum Ichuda, hoc est latus Maris.

15 Latus autem ad Meridiem, ab extremo Ciriath-Iearim: itaque exit terminus ad mare, exit inquam, ad fontem aquarum Nephthoah.

16 Et descendit terminus ad extremum mōtis, qui est eregione vallis Ben-hinnom, quique est in valle Rephaim ad Aquilonem, descenditque ad vallē Hinnō ad latus Iebusæi, ad Meridiem, & illinc descendit ad En-rogel.

17 Et circuit ab Aquilone, & exit

ad En-ſemes, atque egreditur ad Geliſoth, quæ eſt è regione contra aſcenſum Adummim: & deſcendit Eben Bohan filii Ruben.

18 Illinc pertranſit ad latus quod eſt è regione planitiei ad Aquilonem, & deſcendit in Arabah.

19 Inde pertranſit terminus ad latus Bethhogla ad Aquilonem: ſuntque exitus termini ad limitem Maris ſalis ad Aquilonem, ad extremum Iordanis ad Meridiem: iſte eſt terminus Auftri.

20 Et Iordanis terminat eum ad latus Orientis. Iſta eſt hæreditas filiorum Benjamin per terminos ſuos in circuitu per familias ſuas.

21 Fueruntque vrbes iſtæ tribus filiorum Benjamin per familias ſuas, Iericho, & Beth-hoglah, & vallis Ceſis,

22 Et Beth-araba, & Semaraim, & Beth-el,

23 Et Auim, & Parah, & Ophrah,

24 Et villa Haamonai, & Ophni, & Gaba: ciuitates duodecim, & villæ earum.

25 Gibon, & Ramah, & Beeroth,

26 Et Mispah, & Chephirah, & Mofah,

27 Et Recem, & Irpeel, & Tharah.

28 Et Sela Eleph, & Iebusi (ipsa est Ierusalem) Gibath, Ciriath, ciuitates quatuordecim, & villæ earum: ista est hereditas filiorum Benjamin per familias suas.

In sorte Benjamin nihil occurrit magnoperè notatu dignum, nisi quod exigua tribus aliis ordine præfertur. Fateor quidem pro hominum paucitate redactâ fuisse in angustos limites, quia tantùm viginti sex vrbes obtinuit: fuit tamen id per se honorificum, ante alias tribus nobiliores hæreditatem accipere. Adde quòd hoc modo coniuncti ac finitimi fuerunt reliquis filiis Ioseph, quibuscum propinquior illis erat cognatio. Fuerunt enim medii inter Ephraim & Manasse ab vna parte, & inter tribum Iuda, ab altera. Fuit etiã eximius honor, quod inter alias vrbes, Ierusalem illis

Illis obtigit, vt postea filiis Iuda quasi precario sedem regiam concederent. Porro, quum stationem adeo tranquillam nacti essent, mirum est humaniter cum vicinis placidam vitam non coluisse. Atqui tenemus vaticiniũ Iacob, Benjamin lupus rapax, mane rapiet prædam, vespere diuidet spolia. Ergo vel natura nimis cupidos, & tumultuosos fuisse oportet: vel necessitate hodie nobis incognita ad prædandum fuisse impulsos. Quantum attinet ad urbem Luz, ideo additur alterum nomen, ipsa est Bethel, quia tum demũ nomen inditum à Patriarcha Iacob vsu & consuetudine obtinuit. Non procul aberat Beth-Auen, cuius nomen quod probrosam erat & infame, ad ipsam Bethel translaturum fuit, ex quo impiis superstitionibus fuit corrupta & polluta. Ciriath-Baal dictam fuisse Ciriath-Ieharim probabile est, vt è medio tollerent nomen idoli, quod fuisset veræ pietatis macula. Et certe turpe ac pudendum fuisset, patronum qui Deo vnico aduersus erat, populi ore celebrari.

Gene.

49.27

Gen.

28.19

## CAPVT XIX.

I Gressa est autem sors secunda ipsi Simeon, tribui filiorum Simeon per familias suas: & fuit hæreditas eorũ in medio hæreditatis filiorum Iehuda.

2 Fuitque eis in hæreditate eorum  
Beer-seba, & Seba, & Moladah,

3 Et Hafar-sual, & Balah, & Asen,

4 Et Eltholad, & Bethul, & Hor-  
mah,

5 Et Siclag, & Beth-Marcaboth,  
& Hafarsusa.

6 Et Beth-Lebaoth, & Saruhē: vr-  
bes tredecim, & villæ earum.

7 Ain, Rimmō, & Ether, & Asan:  
vrbes quatuor, & villæ earum.

8 Et omnes villæ quæ erāt per cir-  
cuitus urbium istarum vsque ad Baa-  
lath-beer, Ramath Australem. Ista est  
hæreditas tribus filiorum Simeon per  
familias suas.

9 De portione filiorum Iehuda fa-  
cta fuit hæreditas filiorum Simeō: erat  
enim portio filiorum Iehuda maior i-  
psis, itaque hæreditatem acceperunt  
filii Simeon in medio hæreditatis  
eorum.

Proximè sequuta est fors tribus Simeon non  
tam

tam honoris causa, quàm in notam ignominia. Pronuntiauerat Iacob de Simeon & Leui, Di- Gen.  
 spergam eos ac disiciam. Pœna quidem Leui nõ 49-7-  
 solum mitigata fuit, sed conuersa in eximiam di-  
 gnitatem: quia locati sunt eius posterii tanquam  
 in speculis ad populum in officio pietatis reti-  
 nendum. Quantũ verò ad Simeon spectat, quod  
 eius posteris datæ fuerunt certę vrbes in ditione  
 Iuda, hæc fuit manifesta dissipatio de qua vatici-  
 natus fuerat Iacob. Quãuis enim reiecti nõ fue-  
 rint in longas distancias, inquilini tamen ac di-  
 spersi fuerunt quum in alieno habitauerint. Er-  
 go propter stragem, non minore perfidia, quam  
 crudelitate editam, separati fuerunt in diuersa  
 hospitia. Hoc modo crimen patris reiectum fuit  
 in sinum filiorum, & Deus sententiã quam ser-  
 uo suo dictauerat re ipsa fanciuit. Sortis etiã ve-  
 ritas clarè fuit comprobata. Quòd autem detra-  
 hitur familiæ Iuda aliqua portio, iterum perspi-  
 cimus, quanlibet prudenter statuerint diuiso-  
 res æquitatem seruare, errore tamen fuisse la-  
 psos, quem corrigere nõ puduit, simulac fuit de-  
 prehensus. Nec absurdum est quanuis Dei Spi-  
 ritu regerentur, fuisse tamen aliqua in parte de-  
 ceptos: quia Deus aliquando seruos suos spiritu  
 iudicii destituit, & humanitus hoc vel illud age-  
 re patitur, ne in nimia perspicacia exultent. Adde  
 quod populus suæ incuriæ & securæ festinatio-  
 nis pœnam dedit: quia debuerat ab initio me-  
 lius excutere quantum iuris in singulos compe-  
 teret: quod neglexit. Magna ditio per inscitiam  
 coaceruata fuerat filiis Iuda, cuius partem aliis

relinquere coegit æquitas. Atqui præstabat certos limites ipsis semel statui quam spoliari cum molestia. Adde quod vana spe singuli præsumperant se longè latèque habitaturos, ac si terra sine fine se porrigeret.

9 *De portione filiorum.*) Laude etiam digna moderatio tribus Iuda, quæ nõ contēdit iniquū esse, quidquā sibi de portione iam assignata detrahi. Obtendere enim promptum erat Dei nomen, quia non nisi eius autoritate sedem illam adepti erant. Verū quia ex communi omnium sententia decernitur plus illis esse datum, quàm quod sine aliorū dispendio & iniuria possideāt, statim desistunt ab omni litigandi prætextu, & certe falsò & perperā Dei nomen iactassent: quia etsi fors eorum ab illo egressa erat quoad regionem: in ipsa tamen amplitudine error interuenierat, quia hominum iudicio, largius quàm decebat fines dilatati fuerāt. Quod ergo agnoscunt sibi cum aliorum iactura male esse datum, libenter dimittunt, fratresque suos, qui alioqui hæreditate carebant, excipiunt hospitio: imò partiri cum ipsis sustinent quod putabant sine controversia sibi iam quæsitum esse.

10 Ascendit autem fors tertia filiis Zabulon per familias suas: & fuit terminus hæreditatis eorum vsque ad Sarid:

11 Ascenditque terminus eorum ad  
mare:



mare : & Maralah , & pertingit ad Dabbafeth : peruenítque ad flumen quod est eregione Iocneam.

12 Reuertitúrque à Sarid ad Orientem, id est, ad ortum solis, ad terminũ Chifloth -Thabor, & illinc egreditur ad Dobrath, & ascendit in Iaphia.

13 Inde præterea transit ad Orientem, ad ortũ, ad Githah-Hepher, & ad Ihtah-casin: & illinc exit in Rimmon, & gyrat ad Neah:

14 Gyrat item idem terminus ab Aquilone ad Hannathon: sũntque egressus eius ad vallem Iphthael.

15 Et Catthath, & Nahalal, & Simron, & Idalah, & Beth-lehem: vrbes duodecim, & villæ earum.

16 Hæc est hæreditas filiorum Zabulon per familias suas: vrbes istæ, & villæ earum.

17 Ipsi Issachar egressa est fors quarta, filiis inquam, Issachar per familias suas.

18 Et fuit terminus eorū Iez-rael,  
& Chesuloth, & Sunem,

19 Et Hapharaim, & Sion, & Ana-  
harath,

20 Et Rabbith, & Cisiō, & Abeth.

21 Et Remeth, & Engānin, & En-  
haddah, & Beth-passeth.

22 Et peruenit terminus in Tha-  
bor, & Sahasima, & Beth-semes: erūnt  
que exitus termini eorum ad Iorda-  
nem: vrbes sedecim, & villæ earum.

23 Hæc est hæreditas tribus filiorū  
Issachar per familias suas: vrbes & vil-  
læ earum.

24 Egressa est autem sors quinta  
tribui filiorum Aser per familias suas.

25 Fuitque terminus eorū Helcath,  
& Hali, & Bethen, & Achsaph,

26 Et Alamelech, & Amad, & Mi-  
fal, & peruenit in Carmel ad Mare, &  
in Sihor-Libnath.

27 Et reuertitur ad ortum solis in  
Beth-dagon, & peruenit in Zabulon,

& in vallem Iphthelad Aquilonem,  
& in Beth-emec, & Neel: & exit ad  
Chabul à sinistra,

28 Et Ebron, & Rehob, & Ham-  
mon, & Canah, vsque ad Sidon ma-  
gnam:

29 Reuertiturque terminus in Ra-  
ma, vsque ad urbem munitam petre:  
inde reuertitur terminus in Hofah:  
suntque exitus eius ad Mare à funicu-  
lo Achzib,

30 Et Vmmah, & Aphec, & Rehob:  
vrbes viginti duæ, & villæ earum.

31 Hæc est hæreditas tribus filiorũ  
Aser per familias suas: vrbes istæ, &  
villæ earum.

10 *Ascendit autem fors.* In sorte Zabulon di-  
lucida est veritas vaticiniũ Iacob, qui prædixerat  
habituros esse circa littus maris. Senex, exul, Gene.  
49.13  
qui pedem in suo ponere non poterat, maritimã  
regionem addicebat soboli filii sui Zabulon.

Quid magis ridiculũ? Nunc autem vbi fors ma-  
ritimam regionem iis assignat, nõ potuit clarior  
desiderari illius sententiæ approbatio: ac si Deus  
bis è cælo tonaret. Non ergo littus spõte, vel ho-

Gen.  
49.13.  
14.15

Gen.  
49.20

nium suffragio occupat tribus Zabulon, sed regio mari cōtigua diuinitus facta est eius hereditas. Ita, quanuis errarint homines: lux tamē semper in tenebris fulgida apparuit. Lōgius progreditur Iacob, & illustre discrimen statuit inter Zabulon & Issachar: quòd prior tribus negotiandi causa variè discurret: altera autem in suis tabernaculis otium colet ac vitam sedentariam. Ergo probabile est tractum maris, vbi Zabulon confedit fuisse portuosum, & aptum ad multiplices commeatus. Filios autem Issachar cōtentos fuisse suo prouentu, & fructus quos perceperant ex labore suo & cultura, domi comedisse. Qui regionum illarum periti existimantur, asserunt agrum tribus Aser fuisse frumentarium: quod optimo consensu atque optimo concentu respondet vaticinio Iacob. Quòd nō nisi exiguus vrbiū numerus exprimitur, hinc rursum coniecere licet multas tunc fuisse ruinas quæ non venirent in rationem, & ex quo populus commodè habitauit, extractas fuisse multas vrbes, quibus terrā fuisse ornatam ex aliis locis patet. Et certe apparet, summam diuisionis breuiter fuisse perstrictam, atque ita multa prætermissa, quæ inuestigare nulla religio vetat, modò ne curiositas sine fructu molesta sit. Certe quibus hīc viginti vrbes vel septēdecim tribuuntur, latius dominati sunt. Ergo compendium diuisionis tantū hīc narratur, quale sumptum fuit ex tumultuario nuntiorum commentario.

32 Filiis Nephtali exiuit fors sexta,  
filiis

filiis inquam, Nephthali per familias suas.

33 Fuitque terminus eorum ab Heleph, & ab Elon in Saananim, & Adami, Neceb, & Iabneel vsque ad Lacum: suntque exitus eius ad Iordanem.

34 Postea reuertitur terminus ad Mare ad Aznoth-thabor: & progreditur illinc in Huccoc, & peruenit ad Zabulon à Meridie, & ad Afer peruenit ab Occidente, & ad Iehuda in Iordanem, ad ortum solis.

35 Et vrbes munitę, Siddim, Ser & Hammath, Raccath, & Chinnereth,

36 Et Adamah, & Ramah, & Haffor.

37 Et Cedec, & Hedrei, & En, Haffor.

38 Et Irō, & Migdal-el, Horem, & Beth-anath, & Beth-semes: vrbes nouendecim, & villę earum.

39 Hęc est hæreditas tribus filiorum Nephthali per familias suas, vr-

bes istę & ville earum.

40 Tribui filiorum Dan per familias suas exiuit fors septimā.

41 Fuitque terminus hæreditatis eorum, Sorah, & Esthaol, & It-šemes,

42 Et Saalabbin, & Aialon, & Ithlah.

43 Et Elon, & Thimnathah, & Eron,

44 Et Elthece, & Gibbethon, & Baalath,

45 Et Iehud, & Bene-berac, & Gath-rimon,

46 Et Mehaiarcon, & Raccon cum termino contra Iapho.

47 Et exiuit terminus filiorum Dan ab eis: ascēderuntque filii Dan, & pugnauerunt cum Lesem, ceperuntque eam, ac percusserunt eam acie gladii, & hæreditate acceperunt eam, habitaueruntque in ea: & vocauerunt Lesem Dan secundum nomen Dan patris sui.

48 Hæc est hæreditas tribus filiorum Dan per familias suas, ciuitates istæ, & villæ earum.

49 Quum autem finem fecissent partiendi terram vt possideret singuli terminos suos, dederunt filii Israel hereditatem ipsi Iosue filio Nun in medio sui.

50 Secundum sermonem Iehouæ dederunt ei urbem quam petiuit, Thimnath-serah in monte Ephraim: & ædificauit urbem, habitauitque in ea.

51 Istæ sunt hæreditates quas tradiderunt possidendas Eleazar sacerdos, & Iosue filius Nun, & principes patrū tribuum filiorum Israel per sortem in Silo coram Iehoua ad ostium tabernaculi conuentionis, & finem fecerunt diuidendi terram.

Nunc de sorte Nephthali, quæ videtur congruere ingenio & moribus illius familiæ. Iacob enim testatus fuerat mansuetos fore, & qui blandis sermonibus vicinos mulcerent. Hac ratione videntur contigui ab vna parte fuisse filius Iuda: Genes. 49.21

alibi autem cincti fuisse fratrum suorum præsi-  
diis. Certè quum dicitur tribus Dan expugnasse  
Lesen, videtur tacita fieri comparatio, quòd filii  
Nephtali, non irruerint armata manu in suã hæ-  
reditatem: sed placidè se continuerint in ditione  
pacata: atque ita sub fide & quasi clientela tribus  
Iuda & aliarum tuti, quietique fuerint. Porro  
quod imperium vrbis Lesen diuinitus sibi addi-  
ctum armis vendicarunt filii Dan, id demum post  
mortem Iosue contigit. Sed hîc obiter inseritur  
Iudic. historia, quæ fufius narratur in libro Iudicû, quia  
18 strenuitas fuit laude digna, ius a Deo concessum  
sic amplecti, vt eo freti, ad profligandos hostes  
strenuè descenderent.

49 *Quum autem finem fecissent.*) Tandem hîc  
narratur gratitudo populi erga Iosue. Nam etsi  
æqua fieri debuit partitio terræ Chanaan inter  
posterios Abrahæ: virtutum tamen suarum præ-  
stantia, promeritus est Iosue honorariû aliquod  
præmium. Nec conqueri quisquam potuit, suo  
dispendio vnum hominem ditari. Nam primùm  
in cunctatione refulget sancti viri moderatio,  
quòd non antè priuatim sibi consulit, quam pu-  
blicus status est compositus. Quotusquisque re-  
perietur qui non post editum vnum vel alterum  
specimen suæ virtutis ad prædã festinet? non sic  
Iosue, qui de se non cogitat, donec terra diuisa  
fuerit. In ipso quoque præmio eadem conspici-  
tur temperãtia & frugalitas. Urbem sibi & fami-  
liæ dari postulat, nempe aceruum lapidum, quia  
vel diruta erat, & ruinis deformis, vel nulla vrbs  
fuerat illic extructa. Verùm probabilis coniectu-  
ra est,



ra est, vt inuidia donum careret, sibi virum aliquem minimè opulentum quæsiisse. Si cui absurdum videtur, non gratuitam operam impendisse, reputet Dei vocationi liberaliter paruissè, nec mercenario animo subiussè tot labores, pericula, & molestias: sed quū officio spõte perfunctus esset, non repudiandum fuisse monumentum gratiæ Dei, nisi peruerso cõtemptu gloriam eius obruere vellet. Nam quæ delata fuit prærogatiua, nihil aliud quam simplex testimonium cœlestis potentiæ fuit, quæ per eius manum patefacta fuerat. Nec verò vlla ambitio hîc notari potest, quia nihil sibi appetit, nec suam cupiditatem temere ingerit: sed honoré quem iam Deus in ipsum contulerat cõfirmari rogat populi consensu. In quo si tacuisset, signum potius dedisset socordiæ quam modestiæ. Quod in fine capituli repetitur, Iosue & Eleazar finem fecisse distribuendæ terræ, ad perpetuum ius finium regundorum spectat, ne quid mouerent filii Israel ad labefactandum inuiolabile decretum.

## CAPVT XX.

1 **L**oquutus est autem Iehoua ad Iosue dicendo,

2 **L**alloquere filios Israel, his verbis, Date vrbes re-

fugii, de quibus loquutus sum ad vos Deut. 19.2  
per manum Moſis:

3 Ut fugiat illuc homicida qui percussit animam per errorem, absque scientia: eruntque vobis in refugium à propinquo sanguinis.

4 Et fugiet ad vnam ex ciuitatibus istis, stabitque ad ostium portæ vrbis, ac loquetur in auribus seniorum vrbis ipsius verba sua, & recolligent eum in urbem ad se, dabuntque ei locum, & habitabit apud eos.

5 Quum autem persequutus fuerit eum propinquus sanguinis, non tradent homicidam in manum eius: quia absque scientia percussit proximum suum, neque odio habuerat eum ab heri & nudius tertius.

6 Et habitabit in ea ciuitate donec stet ante cœtū ad iudicium, aut donec moriatur Sacerdos magnus qui erit in diebus illis: tunc enim reuertetur homicida, venietque ad urbem suā, & ad domum suam, ad urbē vnde fugerat.

7 Et addixerunt Cedus in Galil in

monte Nephtali, & Sechem in monte Ephraim & Ciriath-arba (ipsa est Hebron) in monte Iehuda.

8 De trans Iordane autem Iericho, ad Orientem dederunt Beser in deserto in planitie, de tribu Ruben : & Ramoth in Gilead, de tribu Gad : & Golan in Basan, de tribu Manasse.

9 Istæ fuerunt vrbes conuentionis omnibus filiis Israel, & peregrino qui peregrinatur in medio eorum : vt fugeret illuc quicumque interfecisset aliquem per errorem, & nõ moreretur manu propinqui sanguinis, donec stetit coram cœtu.

1 *Loquutus est autem Iehoua.)* Quòd illis vltro non venit in mentem vrbes refugii designare, donec iterum admoniti fuerunt, videtur obliquè perstringi eorum segnities. Id iam vltra Iordanem statutum fuerat ex Dei mandato. Quum par & eadem prorsus ratio esset, quid expectant? Cur non ad finem vsque perducunt quod rectè cœperant? Adde quod magnopere interfuit tuta refugia in fontibus constitui, ne terra sanguine pollueretur : quia nisi adhibitum esset illud re-

medium, propinqui eorum qui occisi fuerant, promiscuè eorum mortem viciscendo, malum duplicassent. Certe populum in cauenda terræ macula & labe cessare non oportuit. Vnde perspicimus quam tardi sint homines non modò ad officium, sed ad salutis suæ curam, nisi Deus exhortationum suarum stimulis eos frequenter pungat ac sollicitet. Cæterum non nisi incogitantia peccasse inde apparet, quòd mox parati sunt ad obsequium, neque procrastinant, neque litibus rem necessariam impediunt vel morantur. Porro quale fuerit ius istud asylli, alibi dictum est. Neque enim impunitas data fuit voluntariis cædibus: verum si quis errore hominè sibi non inimicum occiderat, tutum per fugium habuit ad illas vrbes, quæ in eum usum erant destinatæ. Ita Deus miseris opitulatus est, ne quum extra culpam essent, facti non scelerati indignè pœnam luerent. Interea eorum qui mortui erant cognatis & fratribus hoc Deus per indulgentiam concessit, ne assiduo eorum conspectu à quibus orbati fuerant, exacerbaretur dolor. Postremò ad homicidia detestanda assuefactus fuit populus, quum homicida, quanuis à crimine absolueretur, patria tamen ac domo carebat, usque ad mortem Sacerdotis. Nam tēporale illud exilium clarè ostēdit quam pretiosus sit Deo humanus sanguis. Ita lex tam publicè quam priuatim iusta & æqua utilisque fuit. Sed breuiter notandum est, singula hīc ordine non referri. Sic enim saluus latere potuit fortuitus homicida, si se iudicio ad causam dicendam sisteret, & ea probè discussa &

cognita

cognita, absolueretur, sicuti fufius apud Mosen Deut. 19  
de hac tota re differitur.


7 *Et addixerunt.* Verbum שָׁקוּ quod hîc  
apponitur fignificat etiam aptare & consecrare.  
Ego itaque interpretor fuiffe delectas prout cõ-  
munis vltus ferebat. Vnde colligitur, vere sibi fuif-  
se moderatos, vt priuata vtilitas publicæ cede-  
ret. Porrò Ciriath-arba, quæ postea dicta fuit He-  
bron, translata fuiffe ad Leuitas quum antea  
facta effet ditionis Caleb, proximo capite vide-  
bimus. Vbi rara, imò incomparabilis sancti viri  
continentia apparuit, qui libenter tam urbem  
quam suburbia, quæ meritò sibi vendicasset, li-  
benter aliis tradidit, simulac fors ostēdit ita Deo  
placere. Breuiter autē attingere necesse fuit hanc  
mutationem, quia per fugium Deus tātum apud  
vrbes Leuiticas esse voluit: vt illic maiori fide, at-  
que authoritate, innocentia defendēretur.

Gene'

Aijla

Ier. 1. 1. 1.  
Ier. 2. 1. 1.  
Ier. 3. 1. 1.  
Ier. 4. 1. 1.  
Ier. 5. 1. 1.  
Ier. 6. 1. 1.  
Ier. 7. 1. 1.  
Ier. 8. 1. 1.  
Ier. 9. 1. 1.  
Ier. 10. 1. 1.  
Ier. 11. 1. 1.  
Ier. 12. 1. 1.  
Ier. 13. 1. 1.  
Ier. 14. 1. 1.  
Ier. 15. 1. 1.  
Ier. 16. 1. 1.  
Ier. 17. 1. 1.  
Ier. 18. 1. 1.  
Ier. 19. 1. 1.  
Ier. 20. 1. 1.  
Ier. 21. 1. 1.  
Ier. 22. 1. 1.  
Ier. 23. 1. 1.  
Ier. 24. 1. 1.  
Ier. 25. 1. 1.  
Ier. 26. 1. 1.  
Ier. 27. 1. 1.  
Ier. 28. 1. 1.  
Ier. 29. 1. 1.  
Ier. 30. 1. 1.  
Ier. 31. 1. 1.  
Ier. 32. 1. 1.  
Ier. 33. 1. 1.  
Ier. 34. 1. 1.  
Ier. 35. 1. 1.  
Ier. 36. 1. 1.  
Ier. 37. 1. 1.  
Ier. 38. 1. 1.  
Ier. 39. 1. 1.  
Ier. 40. 1. 1.  
Ier. 41. 1. 1.  
Ier. 42. 1. 1.  
Ier. 43. 1. 1.  
Ier. 44. 1. 1.  
Ier. 45. 1. 1.  
Ier. 46. 1. 1.  
Ier. 47. 1. 1.  
Ier. 48. 1. 1.  
Ier. 49. 1. 1.  
Ier. 50. 1. 1.  
Ier. 51. 1. 1.  
Ier. 52. 1. 1.  
Ier. 53. 1. 1.  
Ier. 54. 1. 1.  
Ier. 55. 1. 1.  
Ier. 56. 1. 1.  
Ier. 57. 1. 1.  
Ier. 58. 1. 1.  
Ier. 59. 1. 1.  
Ier. 60. 1. 1.  
Ier. 61. 1. 1.  
Ier. 62. 1. 1.  
Ier. 63. 1. 1.  
Ier. 64. 1. 1.  
Ier. 65. 1. 1.  
Ier. 66. 1. 1.  
Ier. 67. 1. 1.  
Ier. 68. 1. 1.  
Ier. 69. 1. 1.  
Ier. 70. 1. 1.  
Ier. 71. 1. 1.  
Ier. 72. 1. 1.  
Ier. 73. 1. 1.  
Ier. 74. 1. 1.  
Ier. 75. 1. 1.  
Ier. 76. 1. 1.  
Ier. 77. 1. 1.  
Ier. 78. 1. 1.  
Ier. 79. 1. 1.  
Ier. 80. 1. 1.  
Ier. 81. 1. 1.  
Ier. 82. 1. 1.  
Ier. 83. 1. 1.  
Ier. 84. 1. 1.  
Ier. 85. 1. 1.  
Ier. 86. 1. 1.  
Ier. 87. 1. 1.  
Ier. 88. 1. 1.  
Ier. 89. 1. 1.  
Ier. 90. 1. 1.  
Ier. 91. 1. 1.  
Ier. 92. 1. 1.  
Ier. 93. 1. 1.  
Ier. 94. 1. 1.  
Ier. 95. 1. 1.  
Ier. 96. 1. 1.  
Ier. 97. 1. 1.  
Ier. 98. 1. 1.  
Ier. 99. 1. 1.  
Ier. 100. 1. 1.

## CAPVT XXI.

I  Ccesserunt autem prin-  
cipes patrum Leuitarum  
ad Eleazar sacerdotē, &  
ad Iosue filium Nun, &  
ad principes patrum tribuum filiorum  
Israel.

2 Loquutique sunt ad eos in Silo in  
terra Chanaan, dicendo, Iehoua præ-

Name.  
35. 2. 3

cepit per manum Moſis vt daretis nobis vrbes ad habitandum, & ſuburbana earum pro animalibus noſtris.

3 Dederunt ergo filii Iſrael Leuitis de hæreditate ſua ſecundũ ſermonem Iehouæ vrbes iſtas, & ſuburbana earum.

4 Egreſſa eſt autem fors per familias Ceathitarũ: fuerũntque filiis Aaron ſacerdotis de Leuitis, de tribu Iuda, & de tribu Simeon, & de tribu Benjamin per fortem, vrbes tredecim.

5 Filiis autem Ceath reliquis, de familiis tribus Ephraim, & de tribu Dã, & de dimidia tribu Menaffe, per fortem, vrbes decem.

6 Filiis verò Gerſon de familiis tribus Iſſachar, & de tribu Aſer, & de tribu Nephtali, & de dimidia tribu Manaffe in Baſan, per fortem, vrbes tredecim.

7 Filiis Merari per familias ſuas, de tribu Rubẽ, & de tribu Gad, & de tri-

bu Zabulon, vrbes duodecim.

8 Dederunt, inquam filii Israel Leuitis vrbes has, & suburbana earum, sicut præceperat Iehoua per manum Mosis, per sortem.

9 Dederunt ergo de tribu filiorũ Iuda, & de tribu filiorum Simeon vrbes istas quas vocauit nomine.

10 Fuerũntque filiis Aaron de familiis Ceat, de filiis Leui: illis enim fuit fors prima.

11 Dederũntque eis Ciriath-arba patris Anac ( ipsa est Hebron ) in monte Iuda, & suburbana eius per circuitum eius.

12 Agrum verò eius vrbis & villas eius dederunt Caleb filio Iephune in possessionem eius.

13 Filiis, inquam, Aaron sacerdotis dederunt urbẽ refugii homicidæ, Hebron, & suburbana eius: & Libna, & suburbana eius:

14 Et Iathir, & suburbana eius: &

Esthemoa, & suburbana eius:

15 Holon, & suburbana eius, & Debir, & suburbana eius:

16 Et Ain, & suburbana eius: & Iuttah, & suburbana eius: & Beth-femes, & suburbana eius: vrbes nouem de duabus tribubus istis.

17 De tribu verò Benjamin, Gibeon, & suburbana eius: & Geba, & suburbana eius.

18 Anathoth, & suburbana eius: Almon, & suburbana eius: vrbes quatuor.

19 Omnes vrbes filiorum Aaron sacerdotum, tredecim vrbes, & suburbana earum.

1 *Accesserunt.*) Hic posterius narratur quod præcedere debuit. Neque enim ciuitates refugii prius fuerunt datæ, quam assignatæ essent Leuitis. Huc accedit quod antè dictum fuit, Iosue & Eleazar finè fecisse diuidendę terrę. Neque enim verè diuisa fuit terra donec sua Leuitis habitatio attributa esset. Tenendum igitur, quum sortitio facta fuit decē tribuum nomine, detractas fuisse vrbes in terra Chanaan, in quibus Leuitæ habi-



habitarēt. Iam enim trans Iordanem sua eis portio obtigerat. Cæterum vbi accedunt Leuitæ, & ratum esse postulant Dei munus, vt vrbes possideant cum suburbiis, probabile est fuisse neglectos, donec causam suam agerent. Sic enim accidere solet dum quisque ad sua curanda attentus est, vt fratrum obliuiscatur. Certe turpe fuit vellicari aurem populo, & in memoriam reuocari quod Deus de Leuitis clarè iusserat. Atqui nisi domicilium sibi flagitassent, periculum erat ne iacerent sub dio. Quanquam simul colligere licet, populum incuria & obliuione magis peccasse quam fraudandi cōsilio, quia non cunctatur simulatque monitus est: imò laudatur eorū obedientia: quòd secundum sermonem Iehouæ præstiterint quod æquum & rectum erat.

4 *Egressa est fors.*) Hic primò describitur vrbium numerus, de quo paulò pòst dicendum erit. Secundò disertè exprimitur, filiis Aarō sortè eecidisse in tribu Iuda, quod nō cōtigit fortuito euentu: quia Deus pro admirabili suo cōsilio in ea sede eos locauit, vbi statuerat templum sibi eligere. Tertiò descenditur ad ipsa vrbium nomina, quarum prima refertur Hebron, qua priuari æquo animo passus est Caleb. Si quis obiiciat debuisse potissimum Ierusalem illis dari, vbi legitima futura erat statio: solutio facilis est, medioeres vrbes, vt ferebat eorū conditio, illis fuisse traditas. Adhæc, Ierusalem nondum tunc erat pacata, quum Iebusæi potirentur eius imperio. Denique absurdum fuisset sedem regiã attribui sacerdotibus. Et in eo melius probata fuit eorū

religio & fides, quod sponte migrabāt ex natali solo, vt sacris operam impēderent. Nullus enim sacerdos officio functus est, qui nō fieret inquilinus. Eorum tamen infirmitati venia data est, quum vicinis vrbibus donati sunt, ne molestum esset longinquum iter suscipere ad obeundum suum munus. Porro, quando vni tantum familiæ nec admodum populosæ tredecim ad habitandum datæ sunt vrbes, hinc confirmatur quod alibi docui, alias tribus plurimis vrbibus fuisse dominatas, quarum nulla fit mentio: idque paulò post certius confirmabitur.

20 Familiis verò filiorum Cahath Leuitarum, qui residui erant de filiis Cahath ( fuerunt autem vrbes sortis eorum de tribu Ephraim.)

21 Dederunt, inquam, illis urbem refugii homicidæ Sechem, & suburbana eius in monte Ephraim: & Geser, & suburbana eius.

22 Et Cibsam, & suburbana eius: & Bethoró, & suburbana eius: vrbes quatuor.

23 De tribu verò Dan, Elthece, & suburbana eius: & Gibbethó, & suburbana eius:

24 Et Aialon, & suburbana eius:  
& Gath-rimmon, & suburbana eius:  
vrbes quatuor.

25 De dimidia verò tribu Manasse  
Thaanach, & suburbana eius: Gath-  
rimmon, & suburbana eius: vrbes duę.

26 Omnes vrbes decem, & subur-  
bana earum, familiis filiorũ Cahath  
residuis.

27 Porrò filiis Gerson de familiis  
Leuitarum, de dimidia tribu Manasse  
urbē refugii homicidæ, Golan in Ba-  
san, & suburbana eius: Beesthera &  
suburbana eius: vrbes duę.

28 De tribu Issachar, Cision, &  
suburbana eius: Dabrath, & suburba-  
na eius:

29 Iarmuth, & suburbana eius: En-  
gannim, & suburbana eius: vrbes  
quatuor.

30 De tribu autem Aser, Misal, &  
suburbana eius: Abdon, & suburbana  
eius:

31 Helcath, & suburbana eius: & Rehob, & suburbana eius: vrbes quatuor.

32 De tribu verò Nephtali urbem refugii homicide, Cedes in Galil, & suburbana eius: & Hamoth-dor, & suburbana eius: & Carthan, & suburbana eius: vrbes tres.

33 Omnes vrbes Gersunitarũ per familias suas, tredecim vrbes, & suburbana earum.

34 Familiis autem filiorum Merari Leuitarum residuorum, de tribu Zabulon, Iocneam, & suburbana eius: Cartha, & suburbana eius:

35 Dimnah, & suburbana eius: Nahalal, & suburbana eius, vrbes quatuor.

36 De tribu verò Ruben, Beser, & suburbana eius: & Iahafa, & suburbana eius.

37 Cedemoth, & suburbana eius: Mephaath, & suburbana eius: vrbes  
quatuor

quatuor.

38 Et de tribu Gad, urbem refugii homicide, Ramoth in Gileath, & suburbana eius: & Mahanaim, & suburbana eius.

39 Hesbon, & suburbana eius: Iazer, & suburbana eius: vrbes quatuor.

40 Omnes vrbes filiorum Merari per familias suas qui residui erant de familiis Leuitarum, vt fuit fors eorum, vrbes duodecim.

41 Omnes vrbes Leuitarum in medio possessionis filiorum Israel, vrbes quadraginta octo, & suburbana earũ.

42 Fuerunt vrbes istę singule, & suburbana earum per circuitum ipsarum: sic omnibus vrbibus istis.

43 Dedit itaque Iehoua Israeli vniuersam terrã de qua iurauerat se daturum eam patribus eorum: & possederunt eam, habitaueruntque in ea.

44 Requiem quoque dedit eis Iehoua in circuitu prorsus vt iurauerat

Iehoua patribus eorum: neque fuit quisquam qui resisteret illis ex omnibus inimicis eorum: omnes inimicos eorum tradidit Iehoua in manū eorū.

45 Non cecidit vllū verbū ex omni verbo bono quod loquutus fuerat Iehoua ad domū Israel, omnia euenerūt.

20. *Familias vero filiorum Cahath.*) Cur per singulas tribus dispergi oportuerit Leuitas, quaerant lectores apud Mosen. Hæc quidem imposta fuerat pœna eorum patri ob perfidiam & crudelitatem, quam exercuerat contra Sichimitas: verū loco ignominia dispersio illis cōuersa est in maximum honorem, vt tanquam custodes in singulis regionibus dispositi, populum in puro Dei cultu continerent. Fuerunt quidem vbique inquilini: sed cum maxima illa dignitate, vt tanquam Dei procuratores operam darent, ne populus à pietate descisceret. Hæc ratio est cur tam diligēter narretur, quot ex quaque tribu illis vrbes obtigerint, vt essent vbique in excubiis, ad conseruandam sacrorum puritatem.

41. *Omnes vrbes Leuitarum.*) Hic præcipue locus docet quod iam aliquoties attigi, fines aliarum tribuū non ita fuisse restrictos, quin lōge maior fuerit numerus vrbiū, quàm fuerit expositus. Satis notum est, tribum Leui minimam fuisse omniū. Cuius ergo æquitatis fuisset quadruplo

druplo magis dilatari quam tribum Zabulon, quam vidimus contentam fuisse duodecim urbibus, quum tamen esset populosior? Tribus Issachar numerantur tantum sedecim vrbes. Tribus Nephtali nouemdecim. In tribu Aser tantum viginti duæ referuntur. Certe iniqua fuisset distributio multo plures vrbes in habitatione dare paucioribus. Vnde colligitur, non tantum villas, quæ hîc censerentur urbium accessio, aptas fuisse ad habitandum: sed alias quoque vrbes fuisse comprehensas, de quibus facta non fuit mentio. Denique ex sorte tribus Leui palam apparet quâ lata fuerit & ampla aliarum ditio.

43 *Dedit itaque Iehoua.*) De requie si quis moueat quæstionem, facilis solutio est, ita fuisse territas & metu exanimatas gentes Chanaan, vt sibi nihil magis conducere putarent, quam seruiliter blâdiendo pacem redimere à filiis Israel. Planè itaque subacta erat regio, & habitatio pacata, quum nemo vel molestus esset, vel quicquâ moliri auderet, quum nullæ minæ, nullæ insidiæ, nulla vis, aut conspirationes. Verum de secundo ambigitur, quomodo in possessione terræ sibi promissæ locati fuerint filii Israel, ea potiti sint, vt in eius fruitione ne syllaba quidē ex Dei promissionibus deesset. Atqui antè vidimus multos hostes fuisse illis permixtos. Dei sententia erat, ne quis superstes maneret: multos non expellunt, sed eos admittunt vicinos, ac si communis iis esset hæreditas: cum illis etiam paciscuntur: quomodo hæc simul conuenient, Deum, sicuti promiserat, terræ possessionem dedisse populo, qui

*videtur  
quod  
de promissis  
Dei: in m  
reges regni  
Ierusalem  
pauca p*

*manibus & virtute*  
*Johanni*  
*impugnandi*  
*per quosdam*  
*virescentes de*  
*regis populi*  
*gentilium.*  
 tamē hostium viribus, aut pertinacia fuit exclu-  
 sus ab aliqua parte? Vt species repugnantiæ tolla-  
 tur, discernere conuenit inter certam, perspicuā  
 & stabilem Dei fidem in seruandis promissis: &  
 inter populi mollitiem ac inertiam, qua factum  
 est, vt Dei beneficiū quasi è manibus deflueret.  
 Quodcunque bellum suscepit populus, quan-  
 cūque in partem signa mouit, parata fuit victo-  
 ria, nec aliud remoræ fuit vel obstaculi, quomi-  
 nus exterminarent omnes hostes, quā volun-  
tarius eorum torpor. Quare etsi nō omnes pro-  
 fligarūt quo vacua fieret eis possessio: Dei tamē  
 veritas manifesta emerfit, atque extitit: quia ni-  
 hil illis negotii fuisset reliqua consequi, si oblatas  
 victorias amplecti libitum esset. Summa huc re-  
 dit, nō nisi per eorum ignauiam steterisse quomi-  
 nus fruerentur solido & integro Dei beneficio:  
 quod ex proximo capite melius liquebit.

## CAPVT XXII.

1 **I**nc accersuit Iosue Ru-  
 benitas & Gaditas, ac di-  
 midiā tribum Manasse,  
 2 **D**ixitque ad eos, Vos  
 custodistis omnia quæ præcepit vobis  
 Moses seruus Iehouæ, & obedistis vo-  
 ci meæ in cunctis quæ præcepi vobis.  
 3 Non deseruistis fratres vestros



iam diebus multis vsque ad diē hanc, sed custodistis custodiam præceptilehouæ Dei vestri.

4 Nūc autem requiem dedit Iehoua Deus vester fratribus vestris, quæadmodum dixerat eis: nunc igitur reuertimini, & proficiscimini ad tabernacula vestra, ad terram possessionis vestræ, quam dedit vobis Moses seruus Iehouæ trans Iordanem.

5 Tantūm obseruate diligenter vt faciatis præceptum & legem quam præcepit vobis Moses seruus Iehouæ, vt diligatis Iehouam Deum vestrum, & ambuletis in omnibus viis eius, seruetisque præcepta eius, & adhæreatis ei: atque seruiatis ei totō corde vestro, & tota anima vestra.

6 Benedixitque eis Iosue, ac dimisit eos, abieruntque in tabernacula sua.

7 Dimidiæ autem tribui Menasse dederat Moses in Basan: alteri autem

eius parti dedit Iosue cum fratribus suis trans Iordanem ad Occidentem. Et etiam quum dimitteret eos Iosue in tabernacula sua, & benedixisset eis,

8 Tunc dixit ad eos, dicendo, Cum diuitiis multis reuertimini ad tabernacula vestra, & quum acquisitione multa valde, cum argento, & auro, & ære, & ferro, & vestibus multis valde: diuidite spolia inimicorum vestrorum cum fratribus vestris.

9 Reuerfi sunt itaque, & abierunt filii Ruben, & filii Gad, & dimidia tribus Menasse à filiis Israel de Silo que est in terra Chanaan, vt irent ad terram Gilead, ad terram possessionis sue, in qua possessionem acceperant secundum sermonem Iehouæ per manum Mosis.

1 *Tunc accersit Iosue.*) Hic refertur missio duarum tribuum & dimidiæ, quæ sequutæ residuum populum fuerant, non vt sibi quicquam acquirèrent: sed quia iam extra sortem adepti erant domicilia, & agros vt commune cum fratribus

tribus bellum gererēt, donec ipsis quoque tranquilla esset sua hæreditas. Nunc quia fidi suis fratribus comites & adiutores fuerunt, Iosue e-meritos esse pronuntiat, atque ita solutos & liberos domum remittit. Quæritur tamen quomodo ipsos censeat legitima militia perfunctos, quum adhuc occuparetur pars terræ ab hostibus, cuius sola possessio iustum debuit bello finē imponere. Verūm si memoria tenemus quod nuper dixi, expeditus erit hic nodus. Si Dei invitationem sequuti essent, & obsecundassent eius virtuti, imò quū illis manum porrigeret, nisi turpiter retrocessissent, nullo periculo & parua molestia confectæ fuissent belli reliquiæ. Sua igitur desidia recusarunt quod Deus paratus erat largiri. Atque ita factum est, vt cessaret pactio qua se obstrinxerāt duæ tribus & dimidia. Nec enim aliter se obligarāt, quàm vt decem tribus comitarētur, nec minus strenuè certarēt pro illorū hæreditate, quàm si par & eadē eorum esset conditio. Nunc quum perseveranter se fideles socios præstiterint, decem verò tribus præsentī fortuna contentæ, non postulent, sed potius tacitè repudient eorum auxilium, iure datur illis liber reditus ad suos. Laudabilis verò eorum tolerantia, quòd tædio impulsī non anteuertunt, sed quieti expectant dum ultro eos accersat Iosue.

§ *Tantum observate.*) Temporalī stipendio ita eos soluit ac liberat, vt in perpetuum deuinciat imperio vnius veri Dei. Redite itaque domum permittit: sed hac lege, vt Deo vbiunque sint militent. modum simul præscribit, vt Legem

eius seruent. Sed quoniam ea est humani ingenii vanitas, & inconstantia, vt facile euanescat ex cordibus religio, obrepat incuria & cōtempus, exigit ab ipsis studiū ac diligentiam in Lege præstanda. Legem vocat Moſis, ne per æreas speculationes volitent: sed maneat defixi in ea doctrina, quam didicerant ex fidei Dei seruo. Finem quoque & summā Legis attingit, vt diligant Deum, & adhæreāt ei: quia exterior cultus alioqui parum ponderis haberet. Idem confirmat aliis verbis, vt seruiant Deo in toto corde, & tota anima, quibus verbis notatur sinceritas.

8 *Cum dinitis.*) Quia antè vitum est, maiorem partem duarum tribuum relictam fuisse in suis agris trans Iordanem, quū alii ad gerendum bellum traicerent, æquum erat, quum in otio cum suis familiis vixissent, vel tantum occupati fuissent in domesticis negotiis, contētos esse suo victu, & fructu suorum laborum. Et certè improbè postulassent sibi quidquam ex præda & spoliis distribui, quum omnium molestiarum & periculorum fuissent expertes. Verum Iosue non in summo iure insistit: sed milites hortatur, vt liberaliter ipsos prædæ suæ participes faciant. Hic intempestiuè quispiam disputet, fueritne communis præda. Neque enim simpliciter pronuntiat Iosue deberi quod iniungit: sed tantum admonet quum Dei benedictione ditati fuerint, non fore satis humanos, nisi largi sint & benefici erga fratres, præsertim quia per eos non steterat, quominus ad eandem expeditionem se accingerent. Cæterum quum iubet diuidere, non flagi-  
rat

rat equam partitionem, qualis fieri solet inter socios & pares: sed aliquid erogando tollere inuidiæ & odii materiam.

10 Deuenerunt autem ad limites Iordanis qui erāt in terra Chanaan, & ædificauerūt filii Ruben, & filii Gad, & dimidia tribus Menasse ibi altare iuxta Iordanem, altare magnū uisū.

11 Audierunt autem filii Israel dici, Ecce ædificauerunt filii Ruben, & filii Gad, & dimidia tribus Menasse altare è regione terræ Chanaan, in confinibus Iordanis in transitu filiorum Israel.

12 Audierunt, inquam, filii Israel, & conuenerūt uniuersus cœtus filiorum Israel in Silo, ut ascenderēt contra eos ad pugnam.

13 Miserunt autem filii Israel ad filios Ruben, & ad filios Gad, & ad dimidiam tribum Menasse, ad terram Gilead, Phinees filium Eleazar sacerdotis.

14 Et decem principes cum eo, sin-

gulos principes per singulas domos auitas ex omnibus tribubus Israel: singuli namque principes familiarum patrum suorum erant in millibus Israel.

15 Venerunt ergo ad filios Ruben, & ad filios Gad, & ad dimidiam tribum Menasse, ad terram Gilead, loquutique sunt cum eis, dicendo,

16 Sic dicunt vniuersus coetus Iehouæ, Quæ est præuaricatio ista, qua præuaricati estis contra Deum Israel, vt auertamini hodie ne eatis post Iehouã ædificando vobis altare, vt rebelletis hodie contra Iehouam?

17 An parum nobis est cum iniquitate Peor, à qua nec dum sumus muniti etiam hodie, & tamen fuit plaga in coetu Iehouæ?

18 Vos autem auertimini hodie ne eatis post Iehouam, & erit, vos rebelabit hodie contra Iehouam, & cras in totum coetum Israel irascetur.

19 Et quidem si immunda est ter-

ra possessionis vestrę, transite ad terram possessionis Iehouę, in qua habitat tabernaculũ Iehouę, & possessiones accipite in medio nostrũm, & contra Iehouam ne rebelletis: neque à nobis deficiatis, ædificando vobis altare præter altare Iehouæ Dei nostri.

20 Nonne Achan filius Zerah præuaricatus est præuaricatione in anathemate, & contra omnem cœtum Israel fuit ira? & ille vir vnus non obiit propter iniquitatem suam.

10 *Deuenerunt autem.*) Historia apprime memoratu digna, quòd duæ tribus cum dimidia cum in animo haberent monumentum erigere communis fidei, & fraternæ concordix, zelo tamen inconsiderato rationem sequuti sunt, quæ meritò fratribus suspecta esset. Decem verò tribus, quum putarent impia audacia & temeritate violari cultum Dei, sancta ira accensæ arma sumpserunt, vt in proprium sanguinem sæuirēt, nec placatæ fuerunt, nisi iusta satisfactione accepta. Finis extruendi altaris per se rectus fuit. Propositum enim erat filiis Ruben, & Gad, & Manasse, testari quamuis fluminis interstitio diuisi essent, in religione tamen coniunctos, & mutuũ fouere cõsensum in Legis doctrina. Nihil autem

minus erat in animo, quàm in Dei cultu quidquam nouare. Verùm non leuiter peccarunt, quòd præterito summo sacerdote, & inconsultis fratribus, rem nouam aggressi sunt: deinde quòd forma ipsa testimonii in sinistram partem trahi poterat. Scimus quàm seuerè lex duo altaria uerit: quia uolebat Deus in vno loco tantùm coli. Quū itaque ex aspectu statim omnibus in mentem ueniret, eos secundum altare statuere, quis non eos sacrilegii damnasset, quòd ritum à Lege Dei alienum, & degenerem fabricarent? Quum ergo vitiosum opus censeretur, debuerant certe in re tanta & tam seria fratres suos facere consilii sui participes: præsertim summum sacerdotem prætermittere nefas fuit, quū ex eius ore quærenda esset Dei uoluntas. Reprehensione igitur digni fuerunt, quia perinde ac si soli essent in mundo, non reputarunt qualis posset nasci offensus ex nouitate exempli. Quare discamus nihil inconsideratè aggredi, etiam si uitio careat, quin potius semper occurrat Pauli admonitio, non tantum quid liceat spectandū esse, sed quid expediat: præsertim sedulò cauendum ne quo nouo exemplo turbemus pios animos.

Exod.  
20.24

1. Cor.  
6.12, &  
10.23

II *Audierunt filii Israel.*) Non dubiū est quin sancto zelo excanduerint, neque uehementia uideri nimia debet, quòd ob congeriem lapidum ad delendos suos populares se armauerint. Verè enim & prudenter iudicarunt pessundari legitimum Dei sanctuarium, eius cultum profanari, sacra uolari, dissipari consensum pietatis, inquam aperiri superstitionum licentiæ, si duobus  
in locis



In locis immolarentur Deo victimæ: quibus etiam de causis tam grauius totum populum ad vnum altare astrinxerat. Non temere itaque decem tribus sacrilegam audaciam in profano altari detestantur. Quare hîc nobis illustre proponitur specimen pietatis, vt si videmus corruptum Dei cultum, acerrimi quantum in nobis erit, sumus eius vindices. Non omnibus quidem datus est gladius in manum: sed pro sua quisque vocatione & officio, viriliter & constanter asserere studeat purum religionis statum contra omnes corruptelas. Maximè verò rara laude dignus fuit zelus dimidiæ tribus Manasse, quæ posthabito carnis respectu, familiæ suæ non pepercit. Interea fateor hoc quamuis pium studium non caruisse turbulento impetu: quia antequam sciscitati fuerint de fratrum suorum animo, & causam probè tenuerint, properant ad bellum decernendum. Fateor quidem id non fieri nisi sub conditione: quia legatos mittunt, qui causam bene & penitus compertam referant, nec digitum mouent ad pœnam exigendam, donec facti sint sceleris certiores. Itaque excusari potest iracundiæ feruor, dum se ad pugnam comparant, si qua defectio deprehensa fuerit.

16 *Sic dicunt.*) Perinde ac si cognitum esset, vnico Dei altari hoc secundum esse oppositum, ab obiurgatione incipiunt, & quidem valde dura & aspera. Sumunt igitur hoc pro confesso, extractum esse altare, in quo duæ tribus sacrificia sua offerant. Hîc eos fallit opinio, quia in alium usum & finem erat destinatum. Porro si verum

fuiſſet quod animis conceperant, iuſta eſſet tota expoſtulationo qua vtuntur : erat enim clarum deſectionis crimen, quidquam mutare in Lege Dei, cui obedientia pluris eſt quam omnes victimæ: ac in optima ratione fundata eſt hæc condemnatio, eos eſſe apoſtatas, qui ſe ab vnico altari ſubducunt.

1. Sam.

15.22

17 *An parum nobis eſt.* ) Scelus amplificat à pertinacia, quòd non deſinant Deum ſubinde laceſſere ſuis abominationibus. Proferunt in medium inſigne exemplum, ac recentis memoriæ. Nam quum à quatuor plagis mundi circundarent Dei ſanctuarium, quaſi boni cuſtodes Dei, quum tradita eis eſſet rite colendi Dei regula, in qua aſſiduis exercitiis retinebantur: ſcortorum tamen illecebris decepti ſe polluerant in fœdis ſuperſtitionibus, & adorauerant Bal-Peor. Quia hoc ſcelere implicitus tenebatur totus populus, non dubitant decem legati ſocios culpæ ſe adiungere. Quærunť igitur, annon ſufficit nobis iniquitas quam contraximus in idolo Peor? Addunt nondũ ab ea ſe eſſe mundatos, quaſi dicerent nondum penitus ſepultam eſſe memoriã, vel extinctã Dei vindictã: inde colligunt duas tribus, & dimidiam, dum ſe impia contumacia à Deo auertunt, & excutiunt eius iugum, non tantũ ſibi male conſulere: ſed accerſere ſimile exitium toti populo, quia Deus iniuriã ſuã latius vlcifcetur: quod exemplo Achan confirmant, qui quum ſolus, & clam furatus eſſet ex anathemate, non ſolus ſubiit ſacrilegii ſui pœnam: ſed alios quoque ſecum traxit, quemadmodum vi-

ſuit

sum fuit quosdam cecidisse in acie, omnes autem turpiter fuisse fugatos, quia in populo residebat pollutio. Ratiocinantur autem à minori ad maius, Si flagrauit ira Dei contra multos ob clandestinum vnius hominis maleficiū, multo minus impune cessurum populo, si manifestam idololatriam dissimulet. Inseritur tamen media sententia, vt si altare extruxerint duæ tribus cum dimidia, ac si deterior esset earum conditio, quia non habitarent in terra Chanaan, veniant & potiantur ipsæ quoque terra Chanaan, ne praua æmulatione Deum prouocent. Hinc autem colligimus non ventoso aliquo impetu fuisse concitatos, quando sua iactura & dispendio, benigne admittere in societatem parati sunt qui sedem a libi & domicilium sibi poposcerant.

21 Responderunt autem filii Ruben, & filii Gad, & dimia tribus Manasse, loquutique sunt cum principibus millium Israel,

22 Deus deorū Iehoua, Deus deorum Iehoua ipse nouit, & Israel cognoscet, si per rebellionem, & si per præuaricationem in Iehouam, ne serues nos die hac.

23 Si cogitauimus ædificare nobis altare, vt auerteremur ne iremus post

Iehouam, & si ad immolandum super illud holocausta & sacrificium, & si ad faciendũ super illud sacrificia prosperitatum, Iehoua ipse inquirat.

24 Et si non potius timore huiusce rei fecimus hoc dicendo, Cras dicent filii vestri filiis nostris dicendo, Quid vobis & Iehouæ Deo Israel?

25 Nam terminum posuit Iehoua inter nos & vos filii Rubẽ & filii Gad, Iordanem: non est vobis portio in Iehoua: & cessare facient filii vestri filios nostros, vt non timeant Iehouam.

26 Et diximus, Demus nunc operam vt ædificemus altare, non pro holocausto, nec pro sacrificio:

27 Sed vt testis sit inter nos & vos, & inter generationes nostras post nos, vt seruiamus seruitutem Iehouæ coram eo in holocaustis nostris, & in sacrificiis nostris, & prosperitatibus nostris: & ne dicant filii vestri cras filiis nostris, Non est vobis pars in Iehoua.

28 Diximus itaque, Et erit, si dixerint nobis aut generationibus nostris cras, tum dicemus, Videte similitudinem altaris Iehouæ quod fecerūt patres nostri, non pro holocausto, neque pro sacrificio, sed vt testis sit inter nos & vos.

29 Absit à nobis vt rebellemus cōtra Iehouam, & auertamur hodie ne eamus post Iehouam, ædificando altare pro holocausto, pro oblatione, & pro sacrificio, vltra altare Iehouæ Dei nostri quod est ante tabernaculū eius.

30 Porro quum audisset Phinees sacerdos, & principes cœtus, capitáque millium Israel qui cum eo erant, verba quæ loquuti fuerant filii Ruben, & filii Gad, & filii Manasse, placuit in oculis eorum.

31 Dixitque Phinees filius Eleazar sacerdotis filiis Ruben, & filiis Gad, & filiis Manasse, Hodie nouimus quod in medio nostri sit Iehoua, quod non

præuaricati sitis contra Iehouam præuaricationem istam: tunc liberaſtis filios Israel de manu Iehouæ.

32 Reuerſus eſt igitur Phinees filius Eleazar ſacerdotis, & principes illi à filiis Ruben, & à filiis Gad, de terra Gilead ad terram Chanaan ad reliquos filios Israel, & retulerunt eis rem.

33 Placuitque res in oculis filiorum Israel, atque benedixerunt Deo filii Israel: neque decreuerunt aſcendere contra eos ad pugnam, ut diſperderent terram in qua filii Ruben & filii Gad habitabant.

34 Vocauerunt autem filii Ruben & filii Gad altare Hed, dicendo, Quia teſtis erit inter nos quod Iehoua eſt Deus.

21 *Reſponderunt autem.*) Status cauſæ in definitione verſatur. Excufant enim filii Ruben, Gad & Manaffe, ſibi alium fuiſſe animum, atque ita crimen dilluitur: quia alia eſt facti qualitas, quam alii putabant. Quòd autem non tumultuantur, nec iurgium mouent ob factam ſibi iniuriam,

exem-

exemplum est raræ modestiæ, quod nobis ad im-  
 imitationem proponitur, vt si quando iniuste &  
 falso quod recte à nobis factum est vituperari  
 ab imperitis contingat, nobis sufficiat reprehensionem ita refellere, vt purgati simus. Porro quò  
 plus sibi fidei acquirant, meliùsque testatam faciant suam integritatem, graui obtestatione scelus cuius suspecti erant, à se reiiciunt. Pondere etiam non caret *αὐτὰ δὲ δεικνύουσιν*, Deus deorum Iehoua, Deus deorum Iehoua, qua etiam vehementia confirmant quàm fideliter perseuerare cupiant in Legis doctrina, & quantopere abhorreant à contrariis superstitionibus. Quia autem eorum cōsiliū hominibus non patebat, & pro cuiusque sensu expositum erat variis sententiis, ideo ad Dei iudicium prouocant, seque offerunt ad subeundam pœnam, si agnoscat aliquid peperam fuisse aggressos. Cæterum vt probent se hypocritis non esse similes, qui perdita improbitate Deum iudicem centies appellāt, quum tamen intus conuicti teneantur, non modò conscientiam obtendunt: sed simul pronuntiant totum populum fore testem, ac si dicerent, re ipsa palàm fore, sibi nunquam fuisse in animo comminisci nouum Dei cultum: & rectè interpretatur quomodo altare fuisset illicitum, nempe si illic instituissent mactare sua sacrificia. Neque enim Lex simpliciter aceros lapidum damnauit: sed voluit vno tantùm in loco sacrificia offerri ad retinendum in vna fide populum, ne discerperetur religio, ne daretur licentia hominum temeritati, & ita quisque post sua commenta diffluetet.

Ita videmus qualitate facti monstrata, detestationem tolli quam decem tribus conceperant. Impropriè quidem, sed aptè pro ruditate sensus nostri Deus statuitur supra omnes deos. Neque enim aliis cōferri posset nisi plures essent. Itaque fugiendæ absurditatis causa, aliqui de Angelis exponunt, quod tamen alicubi bene quadrare fateor, nego tamen esse perpetuum. Nec verò durum videri debet, eum qui vnicus est ac solus, vocari tamen Deum deorum, quia parem non habeat: sed emineat supra omnem celsitudinem, adeoque sua gloria obscuret, ac in nihilum redigat omnia deitatis nomina, quæ in mundo celebrantur. Ita hæc loquutio referri debet ad communem vulgi sensum.

Exo. 1  
20.4,  
Leuit.  
26.1,  
Deut.  
5.8

26 *Et diximus.*) Crassa quidem impietas, cuius rei acti fuerat, probè refutata fuit: non tamen videntur omni ex parte fuisse extra culpam, quia Lex vetat quasilibet statuas erigere. Verum excusatio facilis est, non alias statuas damnari, nisi quæ ad Deum representandum spectant. Interea congeriem lapidum erigere trophæi loco, vel in testimonium miraculi, vel in memoriam insignis Dei gratiæ, nusquam Lex prohibuit: alioqui & Iosue, & post eum multi sancti Iudices ac Reges se profana nouitate inquinassent. Verùm nihil aliud Deo displicuit, nisi hominū mentes deorsum trahi, vt crasso & terreno modo coleretur. Satis ergo superque à noxa se eximunt filii Ruben, Gad, & Manasse, dum profitentur non alium fore vsum altaris, quā vt vinculum sit fraternæ cunionctionis, & iustam rationem adferunt:




tunt: quia periculum erat ne longo temporis progressu decem tribus alias excluderent tanquam alienas, quòd non eandem terram incoherent. Nam quia regio trans Iordanem non fuerat initio comprehensa in fœdere, poterat diuersa habitatio mouere litè dissidii. Posteris itaque suis tempestiuè consulunt, vt altari quasi publicis tabulis, ius suum tueri queant, vt ita alii alios mutuò agnoscant, & communiter seruiant vni Deo.

30 *Porrò quum audisset.*) Rectè zelo suo temperant Phinees & legati, dum morosius non insistent, nec urgent conceptum præiudicium, sed excusationem blandè & libenter admittunt. Multos enim si qua re offensi sint & exasperati, placare nulla defensio potest, quin semper reperiât quod malignè & iniquè carpant potius quàm rationi cedere videantur. atque hoc exemplum obseruatu dignū est, vt si quando re non satis cognita sumus offensi, à pertinacia caueamus: sed potius statim deflectamus ad æquitatem. Porrò quòd puri à scelere reperti sint filii Ruben, Gad, & Manasse, id Dei gratiæ adscribunt Phinees & legati. Nam his verbis, *Novimus quòd Iehoua sit in medio nostri*, significant Deum sibi fuisse propitium, & curâ gessisse ipsorum salutis. Quod diligèter obseruandum est: quia inde rursus colligitur, nos à Deo nunquam deficere, vel ad impietatem prolabi, nisi nos deserat, & derelictos coniciat in sensum reprobum. Ergo omnis idololatria ostendit iam antè alienatū fuisse Deum, vt pœnas scelerum iusta excècatione exigeret,

Interea tenendum, nō aliter nos perstare in pietate, nisi quādiu Deus præsto adest, nosque manu sua sustinet, ac Spiritus sui virtute cōfirmat ad perseverentiam. Dicunt Phinees & legati, se fuisse liberatos à filiis Ruben, Gad, & Manasse: quia iam amplius non sit metuenda Dei vindicta vbi purgata est omnis sceleris suspitio. Similis tandē in toto populo æquitas & humanitas se profert, quia defensionem fratrum suorum amplexi, gratias agunt Deo, quod populum suum immunem à piaculo seruauerit. Et quanuis subito incaluerant, sedatis tamen animis discedunt. Similiter duæ tribus & dimidia sedulo ad præstandum officium incumbunt, vbi nomen imponunt altari, quod rectū eius vsum docendo, ab omni superstitione populum retrahat.

## CAP V T XXIII.

I  Vit autem post dies multos postquam requiē dedit Iehoua Israeli ab omnibus inimicis eorum in circuitu, Iosue senuit & venit in dies:

2 Tunc vocauit Iosue omnē Israel, seniores eius, & capita eius, & iudices eius, & præfectos eius, dixitque ad eos, Ego senui, & veni in dies:

3 Vósque vidistis omnia quæ fecerit Iehoua Deus vester omnibus gentibus istis in conspectu vestro, quòd Iehoua Deus vester pugnaverit pro vobis.

4 Videte, sorte distribui vobis gentes istas residuas in hæreditatem per tribus vestras, à Iordane, atque omnes gentes quas disperdidi vsque ad Mare magnum ab Occasu solis.

5 Iehoua autem Deus vester ipse propulsabit eas à facie vestra, & expellet eas à conspectu vestro, & iure hæreditario possidebitis terram earũ, quemadmodum loquutus est Iehoua Deus vester vobis.

6 Roborate igitur vos valde, vt custodiatis, & faciatis quicquid scriptũ est in libro Legis Mosis, vt non recedatis ab eo neque ad dexterã, neque ad sinistram. *Definitio ad dexterã & ad sinistram*

7 Neque cõmisciamini gentibus istis quæ remanent vobiscum, & no-

men deorum earum ne cōmemoretis, nec adiuretis, neque seruiatis eis, neque incuruetis vos eis.

8 Sed Iehouæ Deo vestro adhæreatis, sicut fecistis vsque ad diē hanc.

9 Propterea expulit à facie vestra gentes magnas & fortes, nec stetit quisquam in conspectu vestro vsque ad diem hanc.

10 Vir vnus ex vobis persequutus est mille, quia Iehoua Deus vester est qui pugnat pro vobis, sicut loquutus fuerat vobis.

11 Custodite valde super aminabus vestris vt diligatis Iehouã Deum vestrum.

Hic narratur solennis contestatio, qua vsus est Iosue sub tempus mortis, vt purum Dei cultum sibi superstitem relinqueret. Etsi autem hîc pax & quies qua potiti sunt Israelitæ inter gentes Chanaan pro eximio Dei beneficio censetur: repetere tamen memoria conuenit quod antè docui, eorum ignauia factum esse, vt inter hostes suos habitarent, quos profligare & abolere difficile non erat. Sed meritò laudatur Dei indulgentia,

ria, quòd eorum ingratitude ignouerit. Pia etiã sollicitudo Iosue omnibus qui aliis præ sunt ad imitationem hîc proponitur. Nam sicuti paterfamilias non satis prouidus reputabitur, si tantùm de suis liberis vsque ad vitæ finem cogitat, nisi curam suam longius extendat, & quoad in se est studeat etiam mortuus prodesse: ita boni Magistratus & præfecti prospicere debent vt quem relinquunt bene compositum statum confirmet ac prorogent in longũ tempus. Hac ratione scribit Petrus se daturũ operam, vt quum 2. Petr. migrauerit è mundo, suarum tamen admonitio- 1.15. num memòr sit Ecclesia, fructũque inde percipiat. Quòd dicitur vocasse totum Israelem, cõtinuò autem post subiicitur, seniores eius, & capita, & iudices, & præfectos, sic interpretor, omnibus quidẽ fuisse permissum, vt venirent, sed conuentum indictum fuisse capitibus ac præfectis. Atque ita hoc posterius membrum mihi exegeticũ esse videtur. Et certè nullo modo credibile est, totum populum fuisse vocatum: neque etiam fieri potuit. Hoc itaque modo vocatus est populus, quia senioribus, iudicibus, & aliis mandatum fuit vt venirent, & secum adducerent voluntarios quosque. Recitatur quidem duplex sermo Iosue: sed mihi videtur scriptor historię, breuiter, vt fert linguæ vsus, totius concionis summam perstringere, deinde latius persequi ac cõplecti quæ prætermiserat. In hac quæ priorem locum obtinet, breuitate Iosue populum ad certam continuæ & infatigabilis Dei gratiæ fiduciam hortatur atque animat. Nam quum

experti essent Deum in omnibus esse veracem, nulla in posterum dubitatio relinquebatur, quia eosdem tutò sperarēt successus in hostibus vincendis ac perdendis. Sortitionem quoque qua illis residuam terram distribuerat, tanquam arrham vel pignus indubiæ fruitionis in medio illis statuit: quia non temere sed Dei iussu suã cuique sedem, suósq; fines descripserat.

6 *Roborate igitur.*) Iam modum vincendi ostendit, ne crassam securitatem, vt sæpe fieri solet, loco fiducia arripiant. Deum igitur propitium illis fore affirmat, & quidquid aggressi fuerint fœliciter cessurum promittit, si modò in Legis obedientia persistant. Hypocriæ quauis securè Deum contemnant ac derideant, eum tamen vellent sibi habere obstrictum: imò plenis buccis non sine ludibrio iactant eius promissiones. Atqui vera fides sic in Deum recumbit, vt simul homines in eius timore retineat. Denique vt inueniatur Deus, sincere quærendus est: & si respici ab eo cupimus, cauendum ne terga ei obuertamus. Verbo roborandi vt alibi dictum est, serium studium designat: quia in tanta imbecillitate nemo ad seruandã Legem se penitus accinget, nisi supra vires nitatur. Notanda etiam veræ obedientiæ definitio, quæ hic ex Mose repetitur ne deflectamus ad dextram vel sinistram.

Deut. 1

3.32

7 *Neque commisceamini.*) Disertè admonet non aliter probè satisfacturos esse officio, nisi attentè sibi caueât ab omnibus corruptelis: quod valde necessarium fuit illis præcipere. Vndique enim circumdati erāt Sathanæ laqueis, & scimus quan-

quanta eorum fuerit ad superstiones propensio, vel potius quam præceptis cupiditas. Primò igitur verat ne interior gentium necessitudo scelerum societate eos implicet. miscere enim hoc loco tantundè valet, atque apud Paulum iugum ducere. Denique primò idololatriæ fomenta vel illecebras remouet: deinde ipsam idololatriam detestatur. Notandum verò quod neque genu flexionē, neque sacrificia, neque alios ritus exprimit: sed peruersos omnes cultus designat uocibus memorandi & iurandi. Vnde colligimus detrahi Deo suum honorem, ubi ex omnibus quæ sibi vendicat vel tantillum ad idola transfertur. Itaque cōcludit ut Deo vni ad hæreant: quod tantundem valet atque in solidum esse addictos.

9 *Propterea expulit.*) Significat modò ne ipsi mutantur, Deum ex sua parte minimè fore mutabilem. Itaque modò sibi Dei fauorem concilient, continuum victoriarum tenorem fore asserit. Tandem iterum hortatur, ut quantum illis chara est sua vita & salus, attenti sint ad Deum amandum. Ex quo fonte oriuntur omnia vera obsequia, quia nisi liberaliter propensioque affectu eum colamus, frustra mores nostros componere studebimus ad externam Legis formam.

12 Quia si auertendo auersi fueritis, & adhæseritis residuis gentibus istis, residuis, inquam, istis quæ sūt vobiscum: & affinitatem contraxeritis cum

eis, & misceatis vos cū eis, & ipsę vobiscum:

13 Iam nūc scitote quòd posthac Iehoua Deus vester non expellet omnes gētes istas à facie vestra: sed potius erunt vobis in laqueum, & offendiculum, & flagellum in lateribus vestris, & in spinas in oculis vestris, donec pereatis è terra optima ista quam dedit vobis Iehoua Deus vester.

14 En autem ego ingredior hodie viam vniuersę terrę: cognoscite ergo toto corde vestro, & tota anima vestra quòd non cecidit verbum vnum ex omnibus verbis optimis quę loquutus est Iehoua Deus vester super vos: omnia euenerunt vobis, non cecidit ex eis verbum vnum.

15 Sicut ergo euenit vobis omne verbum bonū quod loquutus est Iehoua Deus vester ad vos: sic adducet Iehoua super vos omne verbum malum, donec disperdat vos è terra opti-



ma ista quã dedit vobis Iehoua Deus vester.

16 Quum trãsgressi fueritis pactum Iehouæ Dei vestri quod præcepit vobis, & abieritis, & serueritis diis alienis, incuruaueritisque vos eis, irascetur furor Iehouæ contra vos, & peribitis cito è terra optima quam dedit vobis.

12 *Quia si auertendo.*) Minas adiungit ex trita Legis methodo, vt si forte dulcedine gratiæ Dei non satis tangantur, metu saltem excitentur ad officium. Turpe quidem est, vbi blande inuitat Deus homines, nõ statim eos occurrere, vt prõpto & alacri obsequio respondeat: sed ea est carnis socordia, vt semper minarum stimulis indigeat. Iosue ergo vsitatã in Lege rationem tenet, dum terrorem iniicit Israelitis, nisi oblatum Dei fauorem sponte amplecti studeant. Porrò hæc denunciatio non semel illis facta est, gêtes Chanaan fore stimulos ad pungenda eorum latera, & in spinas configendis eorum oculis si illis asuescerent. Primò quia terrã illam sibi Deus cõsecrauerat, purgari volebat inquinamentis omnibus: deinde quia videbat quàm procliue esset, populum malis exemplis corrumpi, huic quoque malo mederi volebat. Iam quũ ab vna parte pro nihilo duceret populus, terram impiis superstitionibus cõtaminari, & illic idola coli pro vero Deo: ab altera parte contagionem nimis

Nume.  
33-55


cupidè ex earú vitiis traheret, iusta fuit tam crassi cōtemptus merces, sentire molestos & infestos, quibus male pepercerat. Porro quod tam Moses quàm Iosue minati fuerát; palam fuisse completum satis supérque liquet ex libro Iudicum. Neque tamen prorsus inutilis fuit hæc vindictæ Dei promulgatio: quia mortuo Iosue animos sumptserunt ad bellandum. Verùm euanidus fuit ardor ille, ac paulò pòst initiati sunt nefandis gentium sacris. Vnde perspicitur humani ingenii intemperies ad peruersos cultus, quæ nullis frænis cohiberi satis potest. Nunc expendere conuenit quatenus ad nos pertineat hæc doctrina. Peculiarè quidem fuit veteri populo hoc mandatum, vt deletis gentibus Chanaan, separati essent ab omnibus profanis sordibus. Nobis hodie certa regio quæ nos distermineat, definita non est: neque gladio armati sumus ad impios omnes occidendos: tantùm cauendum est nequa propior necessitudo scelerú societate nos inuoluet. Nam plusquam difficile est, vbi sponte nos miscemus, non aliqua labe vel macula aspergi. Sed hoc caput quia alibi expositum fuit, leuiter tantùm iam attingo.

Hebr.  
9.27

14 *En autem ego.* ) Quoniam statutum est omnibus semel mori, dicit Iosue sibi instare exitum qui manet cunctos homines, quia ipse quoque mortalis natus sit. Hæc porro verba ad populi cōsolationem accommodat, ne se immodico mœrore excrucient propter orbitatem quum illis ereptus fuerit. Neque enim dubium est, quin reliquerit inestimabile sui desiderium, quum popu-  
lus

lus quasi capite ablato truncum se & mutilum videret. Ergo admonet, quū vitæ curriculum suo quasi stadio finitum sit, non esse poscendum, vt alia sit sua, quàm totius humani generis conditio. Interea non significat promiscuam esse omnibus moriēdi formam, quia semen incorruptibile cælestis doctrinæ fideles ab incredulis discernit, ne pariter intereant: sed hic tantum attingit quod cōmune est, nempe peracto vitæ cursu è mūdo migrare. Summa autem sermonis huc redit, quemadmodum beneficiis, & promissionum suarum euentu Deus se veracem probauerat: ita nō irritas nec inanes fore eius minas, quin vltimo eorum interitu vlciscatur cultus sui profanationem.

## CAPVT XXIIII.

**I**  Ongregauit itaque Iosue omnes tribus Israel in Sichem, vocauitque seniores Israel, & capita eius, iudicēsque eius, ac præfectos eius: steteruntque coram Deo.

**2** Dixitque Iosue ad vniuersum populum, Sic dicit Iehouah Deus Israel, Trans flumen habitauerunt patres vestri à seculo, vt Thare pater Abrahā, & pater Nachor, seruiēruntque diis

alienis.

3 Et tuli patrem vestrum Abraham è loco qui erat trans flumen, & deduxi per vniuersam terram Chanaan: multiplicauique semē eius, & dedi ei Isaac.

4 Et dedi ipsi Isaac Iacob & Esau: tradidique ipsi Esau montem Seir, vt possideret eum: Iacob autē & filii eius descenderunt in Aegyptum.

5 Misique Mosen & Aaron, & percussi Aegyptum, quemadmodum feci in medio eius, & postea eduxi vos.

6 Et eduxi patres vestros ex Aegypto, deuenistisque ad mare, & persecuti sunt Aegyptii patres vestros cū curribus, & equitibus vsque ad mare rubrum.

7 Tum clamauerūt ad Iehouam, & posuit caliginem inter vos & Aegyptios: induxitque super eum mare, ac operuit eum: & viderunt oculi vestri quæ feci in Aegypto, & habitastis in solitudine in diebus multis.

8 Postea adduxi vos ad terram Emorrhæi habitantis trans Iordanem: præliatique sunt vobiscum, & tradidi eos in manum vestram: possedistisque terrã eorũ, ac deleui eos à facie vestra.

9 Surrexit autem Balac filius Sippor rex Moab, & præliatus est cum Israel: misitque & vocauit Bileã filium Beor, vt malediceret vobis:

10 Et nolui audire Bileam, sed benedixi benedicendo vobis, & liberaui vos è manu eius.

11 Transistisque Iordanem, & venistis ad Iericho: pugnaueruntque cõtra vos viri Iericho, Emorrhæus, & Perizæus, & Chananæus, & Hittæus, & Girgasæus, & Hiuæus, & Iebusæus: tradidique eos in manum vestram:

12 Et misi ante vos crabrones, qui expulerunt eos à facie vestra, duos reges Emorrhæi, non gladio tuo, nec arcu tuo.

13 Dedique vobis terrã in qua non

laborastis, & vrbes quas non ædificastis, & habitastis in eis: vineas & oliueta quæ non plantastis, comeditis.

14 Nunc ergo timete Iehouam, & seruite ei in perfectione, & veritate, & auferre deos quibus seruierunt patres vestri trans flumen, & in Aegypto, & seruite Iehouæ.

1 *Congregauit itaque.*) Iam meo iudicio fusius explicat quæ antè breuius retulit. Neque enim consentaneum fuisset bis eadem de causa populum extrahere in alienum locum. Ergo repetitione series historiæ cõtextitur. Ideo particulam expletiuam, *Itaque*, posui quæ cœptam narrationem cõtinuet. Exprimit autem quod antè tacuerat, stetisse omnes coram Deo, quo sanctior dignitas & religio cõuentus designatur. Neque enim dubium quin solenni ritu inuocauerit Iosue Dei nomen: & tanquam in eius conspectu ad populum concionatus sit, vt reputarent pro se quisque, Deum omniùm quæ agebantur esse præsidem, nec priuatum negotium se illic tractare: sed sacrum & inuiolabile pactum cõfirmare cum ipso Deo. Adde quod paulò pòst additur, illic fuisse sanctuarium: vnde probabile est, arcam fœderis eò fuisse traductam, non mutandi loci causa: sed vt in actione tam seria se sisterent ad terrestre Dei tribunal. Nulla enim religio vetabat, arcam moueri: & locus Sichem non procul distabat.

2 *Trans flumen.*) Exordium sumit à gratuita eorum adoptione, qua sic Deus eos anteuertent, ne quam præstantiam, vel quod meritum iactare possēt. Nam arctiore vinculo eos sibi Deus deuinxerat, quòd quū reliquis pares essent, eos tamen sibi collegerat in peculium, non alio respectu quam meri beneplaciti. Porro vt clare appareat nihil esse in quo gloriētur, ad suam originem ipsos adducit, & commemorat patres ipsorum in Chaldæa sic habitasse, vt communiter idola cum aliis colerent, nec quidquam differēt à vulgo. Vnde colligitur, Abraham quum in idololatria demersus esset, fuisse quasi ab inferis extractum. Iudæi quidem vt falsam generis dignitatem sibi arrogent, fabulantur patrem suum Abraham, quum nollet ignem Chaldaicum pro deo agnoscere, profugum fuisse è patria. Verum si ad consilium Spiritus attendimus, nihilo magis eximitur à publici erroris culpa quam Thare & Nachor. Quorsum enim dicit patres populi seruisse diis alienis, & Abrahā inde fuisse ereptū, nisi vt in ipsis primordiis resulgeat gratuita Dei misericordia? Nam si reliquis dissimilis fuisset Abraham, eum sua pietas discerneret. Atqui hoc nominatim agitur ne propria dignitate excellat quæ obscuret Dei gratiā: sed vt posteri agnoscāt quum esset perditus, excitatum fuisse à morte in vitā. Cæterū, fuit hoc incredibile & simile portento, quum adhuc superstes esset Noe, nō modò passim in mundo grassatam fuisse idololatriā: sed in familiam quoque Sem penetrasse, in qua talem purior vigere debuerat religio. Certo

quantum in hac parte vesanus & indomabilis hominum sit furor inde cognoscitur, quòd sanctus Patriarcha, cui peculiaris data fuerat Dei benedictio, frænare suos posteros non potuerit, quin relicto vero Deo, se ad superstitiones profectuerent.

3 *Et tuli patrem.* ) Hoc verbo melius confirmatur quod nuper docui, Abrahá non propria virtute emerfisse ex profunda ignorantia & errorum abyfso, fed inde manu Dei fuiſſe eductú. Neque enim dicitur vltro Deum quæſiſſe, fed fuiſſe ab eo ſumptus, & aliò traductus. Beneficia ſua amplificat, quòd in longa peregrinatione mirabiliter Abraham incolumé ſeruauerit. Verùm quod ſequitur ſcrupulum aliquem parit, quòd Deus multiplicauerit ſemé Abrahæ: & tamen dederit ei ſolum Iſaac, quia non niſi eius fit mentio. Sed hæc comparatio ſingularem erga eos Dei gratiam illuſtrat, quòd quum numeroſa eſſet alioqui Abrahæ ſoboles, ſolus eorum pater gradum legitimi hæredis tenuerit. Eodem ſenſu mox ſubiicitur, quum fratres germani & gemelli eſſent Eſau & Iacob vnum ex duobus fuiſſe reſtentum, altero præterito. Videmus ergo vt magnificè tam in perſona Iſmael & fratrum, quam Eſau, Dei clementiam, & bonitatem extollat erga Iacob, ac ſi diceret genus eius non aliis præcellere, niſi quia ſic Deo placuit.

4 *Iacob autem & filii eius.* ) Poſt relegationem Eſau narratur deſcèſus Iacob in Ægyptum, qui tametſi tantùm vno verbo attingitur, amplá tamen, & vberem, & luculétam paterni Dei fauoris



uoris materiam cōprehendit. Nec verò dubium est, quanuis author libri splēdidis elogiis non extollat singula miracula, quin tamen summā liberationis quoad sufficeret exposuerit Iosue populo. Primò virtutes designat in Aegypto editas: deinde celebrat transitū maris rubri, vbi illis inestimabili potētia opitulatus erat Deus. Tertiò tēpus cōmemorat quo peregrinati sunt in deserto.

8 *Postea adduxi vos,*) Tandē de victoriis differere incipit, quæ viam patefecerūt ad sedes occupandas. Etsi enim regio trans Iordanē, in hereditate promissā nō fuerat: ex quo tamē Deus suo decreto eam terræ Chanaā adiunxit, tanquā beneficii sui cumulū, nō abs re Iosue eam simul copulat, vt Dei liberalitatē erga populum cōmendet: nec tantūm prædicat virtute Dei fretos fuisse armis & viribus superiores: sed etiā defensos cōtra exitiales insidias, quibus adortus eos fuerat Balac. Etsi enim nihil impostor Balaā diris & execrationibus magicis poterat: valde tamen profuit in euertenda eius malitia admirabilem Dei potentiā cernere. Nam perinde fuit ac si cōsertis manibus cū noxis omnibus cōfligeret. Iam quò certius persuadeat non tantūm Deo duce ipsos vicisse: sed sola eius potētia, repetit quod legitur apud Mosen, immissos fuisse crabrones, qui sine hominum manu hostes prosternerent. Hoc autē illustrius fuit miraculum, quàm si alio modo fusi, fugati, & profligati essent. Nam qui preter opinionē nullo negotio fuerunt victores, quāuis fateantur prosperum belli euētum Dei donū esse: mox tamē eius laudē superbia excæcati, ad suum

Deut.  
27.20

consilium, industriam, & fortitudinem transcribunt. Verùm vbi per crabrones res efficitur, indubiè asseritur Dei virtus. Itaque concluditur, populum non suo gladio neque arcu acquisiisse terram, quod Psalmo quadragesimo quarto repetitur, & videtur hinc esse sumptum. Postremò vbi admonuit, populum fructus alienis laboribus partos comedere, hortatur vt Deum, sicut eius beneficentia meretur, diligat.

Psalmo  
44.4

15 Quòd si molestum est vobis seruire Iehouæ, eligite vobis hodie quos colatis: siue deos, quibus seruierunt patres vestri, qui fuerunt trans flumen, siue deos Emorrhæi, in quorum habitatis terra: ego verò, & domus mea colemus Iehouam.

16 Cui respondit populus, dicens, Absit à nobis vt derelinquamus Iehouam, seruiendo diis alienis.

17 Iehoua enim Deus noster ipse est qui eduxit nos & patres nostros è terra AEgypti, è domo seruorum, & qui fecit in oculis nostris signa ista magna: seruauitque nos in omni via per quam ambulauimus, & in omnibus populis  
per

per quorum tranſiuimus medium.

18 Expulítque Iehoua omnes populos, atque adeo Emorrhæum habitatorem terræ à facie noſtra: etiam nos ſeruiemus Iehouæ, quia ipſe eſt Deus noſter.

19 Dixítque Iofue ad populũ, Non poteritis ſeruire Iehouæ, quia Deus ſanctus eſt, Deus æmulator eſt: non parceret ſceleribus veſtris, atque peccatis veſtris.

20 Si dereliqueritis Iehouam, & ſerueritis deo alieno, conuertet ſe, & malefaciet vobis, conſumétque vos, poſtquam benefecerit vobis.

21 Cui reſpondit populus, Nequaquam: ſed Iehouæ ſeruiemus.

22 Dixítque Iofue ad populum, Teſtes eſtis contra vos quòd vos elegeritis vobis Iehouam vt illi ſeruiatis. Et dixerunt, Teſtes.

23 Nunc ergo auferete deos alienos, qui ſunt in medio veſtri, & inclinate

cor vestrum ad Iehouam Deum Israel.

24 Cui respondit populus, Iehouæ Deo nostro seruiemus, & voci eius obediemus.

15 *Quod si molestum est.*) Videtur hîc parum respicere Iosue quid deceat probû & cordatum ducem. Si populus relicto Deo post idola abreptus fuisset, illius erat de impia & scelestâ defectione pœnam exigere. Nunc verò optione data, seruire Deo velint necne, habenas laxat, quò audacius ruant ad peccandi licentiam. Absurdus etiam quod sequitur, vbi negat Deo posse seruire: acsi consultò impellere ipsos vellet ad excutiendum iugum. Atqui dubium non est, quin Spiritus instinctu gubernata fuerit eius lingua ad excutiendos illorum sensus. Nam vbi Deus homines sub imperium suum cogit, plerunque satis voluntarii sunt ad profitendum studium pietatis, à quo tamen statim defluunt: ita ædificant sine fundamento. Id fit quia nec de sua imbecillitate satis vt par erat, diffidunt, nec reputant quàm difficile sit totos se Deo addicere. Quare serio examine opus est, ne leui motu in arduum feramur, atque ita inter primos conatus nos successus destituat. Hoc consilio Iosue probationis causa Iudæos emancipat, vt tanquam soluti & sui iuris de integro eligant quem Deum velint colere, non vt à vera religione abigat, qui iam plus satis erant procliuës: sed ne inconsideratè promittant quod paulò post violant. Scopus enim Iosue

Iosue fuit renouare fœdus ac sancire cum Deo iam percussum, vt videbimus. Non abs re igitur illis datur eligendi libertas, ne postea necessitatem obtendant, vbi se proprio consensu obligauerint. Interea vt pudorem ipsis incutiat, se in Dei cultu cum domo sua perseueraturû testatur.

16. *Cui respondit populus*) Hic iam non pœnitendus fuit fructus optionis datæ, vbi populus non iurat in alterius verba, nec quod aliunde dictatum fuit quasi pro obsequio ratum habet: sed nefas esse pronuntiat à Deo desciscere. Atque ita ad fœderis confirmationem non parum valet, quòd sibi vltro legem imponit. Summa responsi est, quum Deus ipsos mirabili redemptione sibi acquisierit in populum peculiarè, perpetuò auxiliatus sit, atque ostēderit se ipsis esse in Deum, detestabilem fore ingratitude, si eo repudiato, ad deos alienos desciscant.

19. *Dixitque Iosue*) Hic verò prorsus absurdè facere videtur Iosue, qui pròptum & alacre populi studium terrore frangit. Quorsum enim negat posse seruire Deo, nisi vt ipsa ἀδωρόπειρα eos in desperationem coniciat, qua à timore Dei alienari necesse fuit? Verùm hac quamuis aspera contestatione socordem populum, & securitate hebetè expergefieri necesse fuit: quod videmus saltem momentaneo successu non caruisse. Neque enim animos despondēt, vel seigniores redduntur: sed hoc obstaculo superato, intrepidè respondent, se in officio constantes fore. Denique non deterret eos Iosue, quominus Deo seruiant: sed tantùm quam refractarii sint ac immorigeri

Deu.32 exponit, vt ingenium mutare discant. Sic Moses in cantico cum videtur diuortium inter Deum & ipsos facere, nihil aliud quàm eos pungit & acuit, ne sui similes esse pergant. Simpliciter quidem ratiocinatur Iosue à Dei natura: sed præcipuè stylum stringit in peruersos mores, & indomitam contumaciam populi. Pronuntiat Deum esse sanctum, & zelotem. Id certe ab eius cultu homines minimè prohiberet: sed hinc sequitur, impuris, sceleratis, profanisque eius contemptoribus, & quibus nulla religio est, eius iram prouocare, nihil esse cum eo negotii, quia implacabilem sentient. Cæterum, vbi dicitur non parsurus eorum sceleribus, non statuitur generalis regula: sed dirigitur ad immorigeros homines sermo, vt sæpe aliàs. Neque etiam agitur de quibuslibet, vel specialibus delictis, sed de crassa Dei abnegatione, sicuti proximus versus demonstrat. Ideoque liberius respondet populus se fore Dei cultorem.

22 *Dixitque Iosue.* ) Nunc tenemus in quem hæctenus scopum collimauerit Iosue: non vt populus metu exanimatus à religione excideret: verùm vt sanctior esset obligatio, ex quo vltro appetiuerāt eius imperium, in eius fidem ac clientelam se contulerant, vt degerent sub eius patrocínio. Se ergo propria conscientia perfidiæ reos ac conuictos fore agnoscunt nisi fidē præstiterint. Etsi autem non simulatè professi sunt se ad sui damnationem fore testes: quam leuiter tamen elapsa sit huius promissionis memoria patet ex libro Iudicum. Nam mortuis senioribus celeri-

eeleriter ad varias superstitiones distracti sunt. Quo exemplo docemur quam multiplices fallaciæ occupent hominum sensus, & quam flexuosi recessus hypocrisin & vanitatem occultent, dum seipfos vana fiducia decipiunt.

23 *Nunc ergo auferite.*) Quis fieri potest vt nuper tam rigidi superstitionis vindices idolis apud se locum dederint? & tamen id verba sonant, vt è medio sui auferant deos extraneos. Si recipimus domos eorum adhuc fuisse pollutas idolis, quasi in illustri speculo cernere licet, vt suauiter sibi maior pars hominum indulgeat in vitiis, quæ inexorabili seueritate contra alios persequitur. Sed quia verisimile mihi non est post cædem Achan ausos fuisse manifestis sacrilegiis se pollueri, libenter ad eorum affectum refero, vt procul omnia falsorum deorum figmenta à se abigant. Nam antè hoc eodem capite hortatus est, vt auferrent deos, quibus seruierant patres ipsorum trans flumen, & in Ægypto. Atqui nemo putabit idola Chaldææ reposita fuisse in eorum sacrariis, vel etiam secū asportasse ex Ægypto spurcitas, quæ hostilis inter Deum & ipsos dissidii causa forent. Sensus ergo simplex est, vt renuncient omnibus idolis, ac se abdicent omni profanatione, quò solum Deum purè colant. Nam & huc tendit particula, *Vt inclinent cor ad Iehouam*, quod tantundem valet atque in eo acquiescere, vel ita adiciere animum ad eius amorè, vt eo solo oblectentur, ac contenti sint.

25 Percussit itaque Iosue foedus cū

X.iiii.

populo in die illa: & proposuit ei præceptum & iudicium in Sechem.

26 Scripsit Iosue verba ista in libro Legis Dei: tulit quoque lapidem magnū, statuitque eum ibi subter quercum, quæ erat in sanctuario Iehouæ.

27 Dixitque Iosue ad vniuersum populum, En lapis iste erit nobis in testimonium: ipse enim audiuit omnia verba Iehouæ quæ loquutus est nobiscum, eritque contra vos in testimonium, ne forte mētiamini contra Deum vestrum.

28 Remisitque Iosue populū, quemlibet in hæreditatem suam.

29 His autem gestis, mortuus est Iosue filius Nun seruus Iehouæ cētum & decem annorum.

30 Sepelieruntque eum in termino hæreditatis eius in Thimnatserah, quæ est in monte Ephraim ad Aquilonem montis Gaas.

31 Seruiuitque Israel Iehouæ cun-



Etis diebus Iosue, cunctisque diebus seniorum qui diu vixerunt post Iosue, quique nouerant omne opus Iehouæ quod fecerat ipsi Israel.

32 Ossa autem Ioseph quæ detulerant filii Israel ex Aegypto, sepelierunt in Sechem, in parte agri quam acquisierat Iacob à filiis Hamor patris Sechem centum nummis, & fuerunt filiis Ioseph in possessione sua.

33 Porro Eleazar filius Aaron mortuus est, & sepelierunt eum in Gibeath Phinees filii eius, qui datus fuit illi in monte Ephraim.

25 *Percussit itaque.*) Hic locus quem in finem indictus fuerit conuentus demonstrat, vt populus scilicet renouato fœdere Deo esset addictior, sanctiusque obstrictus. Itaque in hac pactioe Iosue tanquam internuntius Dei fuit, vtpote qui eius nomine fidem & obedientiam stipulatus est à populo. Itaque secundum membrum exegeticè additur, proposuisse illis præceptum & iudicium. Sensum enim deprauant ac peruertunt qui has voces exponunt de nouo aliquo sermone Iosue: quum de Lege Mosis propriè accipi debeant, ac si dictum esset, Iosue nihil aliud pepigif-

se, quam vt manerent firmi in Lege seruanda, nec alia capita fœderis prolata fuisse in medium: sed tantum in ea quam antè amplexi & professi erant doctrina fuisse confirmatos. Sicuti etiam Malachias vt eos contineat sub iugo Dei non aliud flagitat, quàm vt memores sint Legis per Mosen traditæ.

26 *Scriptit Iosue.* ) Authentiquum illud volumen intellige quod custodiebatur iuxta arcam fœderis: ac si publicas tabulas ad perpetuam memoriam in archiuis reponderet. Nec dubium est quò Lex recitabatur, quin accesserit huius quoque fœderis promulgatio. Verum quia sæpe quod scriptum est in libris clausis delitescit, aliud memoriæ subsidium statuitur, quod semper in omnium oculis extet, nempe lapis sub quercu prope sanctuarium. Nò quòd perpetua illic fuerit arcæ statio: sed quia illic locata fuit, vt coram Deo apparerent. Itaque quoties se coram Deo sistebant, in eorum conspectu versatum fuit testimonium vel memoriale percussi fœderis, quo melius in fide retinerentur. Quòd lapidem dicit verba Iehouæ audiisse, hyperbolica quidem, sed non inepta loquutio est ad exprimendam sermonis Dei efficaciam & virtutem, ac si dictum esset, penetrare in saxa mortua, & lapides: vt si homines surdi sint, in omnibus elementis resonet eorum damnatio. Mentiri hùc, vt alibi sæpe, accipitur pro dolosè & fallaciter agere, frustrari, & fallere datam fidem. Quis non putaret fœdus tam bene stabilitum posteris in multas ætates firmum ac sanctum fore? Atqui non aliud ma-

xima sollicitudine profecit Iosue, nisi vt paucis annis vigeret.

29 *His autem gestis.* ) Honor sepulturæ indicium reuerentiæ fuit, quæ ipsa pietatem populi testata est. Sed vtraque parum altas habuit radices. Itaque elogium quo insignitur Iosue post mortem, quū vocatur *Seruus Dei*, miseris ac perditis omnem excusationem abstulit, qui Deum mirabiliter in ipso operatum paulò post spreuerunt. Ideo obliquè notatur eorum inconstantia, quod eo superstite & vsque ad mortem seniorum Deo seruiert. Subest enim tacita antithesis lapsus, & alienationis, dum subito obrepfit beneficiorum Dei obliuio. Non mirum igitur est si hodie quoque, vbi Deus aliquos ex seruis suis præclaris & egregiis dotibus instruit, eorum auctoritas ordinem & statum Ecclesiæ tuetur ac conseruat: ipsis autem mortuis statim exoritur tristis dissipatio, & occulta impietas effræni licentia prorumpit.

32 *Ossa autem Ioseph.* ) Tempus quo sepulta fuerunt ossa Ioseph non præfigitur: sed colligere promptum est, ex quo Israelitis pacata fuit habitatio vrbs Siché, officio defunctos esse. Quamuis enim locum sepulchro certum nō designasset, honoris tamen causa in agro quem emerat Iacob ponēdum esse duxerunt. Forte etiam hoc exprimitur ad coarguendam segnitiam populi: qua factum est, vt Ioseph cum Abraham non sepeliretur, quòd illic adhuc dominabantur hostes. Stephanus recenset ossa duodecim Patriarcharum, & fieri potest vt aliæ tribus æmulatione

Gen. 33

19

Act. 7

adductæ cineres patrum suorum collegerint. Quod autem agrum dicit emptum fuisse ab Abraham, in nomine mendum obrepit. Quoad sepulturam, in genere tenendum est toties occurrere eius mentionem in Scriptura, quia symbolum fuit resurrectionis futuræ.

## L A V S D E O.


### ERRATA SIC REPONENDA

*ex manu scripto exemplari, priore numero paginam,  
posteriore lineam indicante.*

Pag. 22. lin. 11. הניו, & 23. 7. ita etiam legendū. 44. 28. cef-  
ferunt. 49. 30. defoderet. 57. 4. πέρληψι. 70. 29. quod non  
tam. 85. 24. ipsarum. 91. 18. in fontes simul. 100. 25. ore tenus  
ad. 106. 32. ex rebus furto. 123. 15. alligata. 136. 18. Statuo.  
181. 7. Ecron. 196. 13. tamē fit. 198. 32. lōgo. 202. 16. bigere an.  
203. 6. dictā 208. 30. id perinde. 216. 27. iudiciū. 221. 23. Af-  
riel. 233. 5. reuertemini. 248. 1. minum. 257. 6. bene sibi. 291.  
4. misceri. 299. 20. dicitur.

*Commentary on the book of Joshua, by the Rev. John ...  
... 109.*

# INDEX RERVM ET VERBORVM selectiorum quæ hoc in Iosuaam Commentario explicantur: cuius prior numerus caput, alter verò capitis versum indicat.

<b>A</b>	
 Chan crimen clandestinum refertur	7.1
Achan puniendus quas ob causas extra castra educatur	7.24
de promiscua AEtatum strage	7.24
Afflictorum precatio	7.6
cur Ai urbem israelitis deus se daturum promittat	8.1
Anack filii qui sint	11.8
Ara'grua quid sit	6.17
Angelus præcipue excellentiæ quis sit	5.13
Apostate qui sint	22.16
cur Arca præibat in bello	3.11
Arce dignitas cõmendatur	3.4
ab Auaritia retrahuntur fideles	1.5
<b>B</b>	
in Belli metu quid fieri soleat	2.2
Belli tempore diligentius solito custodiuntur vrbes	6.1
Beneficentiæ diuinæ thesauri	1.4
Bethel exiguum erat oppidulũ	8.17
<b>C</b>	
cur exigitur, vt Calceos iosue exuat	5.15

Calonũ munus gibeonitis iungitur	9.20
cur notetur dies quo terrã Chanaã israelite ingressi sunt	4.19
ad terram Chanaam descendit	14.1
Cœnæ mysterium quibus sit cõmune	5.2
dei Cognitio altius penetrat, quam mentis nostræ intelligentia	7.24
præcipua consternationis causa recensetur	2.10
israelitarum Credulitas nimia perstringitur	9.14
Crimen is perpetratur, qui dum impedire potest, nihilominus fieri patitur	7.1
Cupiditas hominum ingeniosa	13.15

Dei sequitur Deus operatur per homines, nihil decedit eius gloriæ, quin sibi in solidum vendicet quicquid factũ est	10.10
Deus iosue apparet	11.6
Dei cura paterna in præcauedis suorum periculis	11.1
Deum suppliciter rogandũ esse dictat pietas	10.12
Diffidentiæ origo, & mala	1.5
Duces optimi qui sint	8.15

*Inter os, in 17/4/16, 102.  
 Aliq' offensus / ...  
 .e.oe*

## E

- ad Ecclesiam perdendā reprobī  
nihil non moliuntur 9.1  
erga Ecclesiam singularis Dei  
fauor 10.12  
Edictū de castris mouēdis 1.10  
dei Exercitus quis sit 5.14  
vnde colligatur Exercitū iosuē  
fuisse copiosum 8.13  
de Expiando populo 7.13  
de Explorandi ratione 2.1

## F

- insignis dei Fauor commenda-  
tur 18.9  
aliud Fidei rahab specimē 2.12  
Fidei caput præcipuum 3.2  
Fidei effecta 7.6  
ad Fiduciam quid maximē va-  
leat 1.9  
Fortitudinis exēplar, iosuē 1.15  
ad Fortitudinem exhortatio 1.6  
Fundamenta iacere in primo-  
genito quid sit 6.26

## G

- Gaditę, vide rubenitas  
Gibeonitę ab israelitis pacem  
impetrant 9.3  
Gibeonitis vita ex pacto con-  
ceditur 9.20  
Gratitudo populi erga iosuam  
narratur 19.49

## H

- Hastam tollere quale esset si-  
gnum 8.26

## I

- de Iericho vnquam extruatur,  
cur à deo sit prohibitum 6.26  
Iericho vrbis capiendę promif-  
sio 6.3  
de Iericho spoliis populum di-

- tari deus noluerit 6.17  
Interdictum quid sit 6.17  
Interrogatio emphatica 1.9  
Iosue cit datus successor mosi  
1.2

- Iosue cur instruaturspeciali fi-  
ducia 1.5  
cur duriter Iosue insultet achan  
7.25  
cur Iosue præfatur nihil se ini-  
quum statuere 9.22  
Iosue octogenarius terram est  
ingressus 12.1  
de præfectura Iosuę 1.2  
Iosuę fides & integritas in ser-  
uandis promissis 6.22  
quid post mortem Iosuę gestū  
sit 15.1  
Iosuę quid præcipiatur 1.6  
cur Iosuam deus eximia nomi-  
nauit 4.14  
cur Iosuam deus reprehenderit  
7.10

- duobus Ioseph filiis quę fors  
obtigerit 16.1  
Iosephus reprehenditur 5.9  
priusquam confingerent hostes  
Israelitarū, prostrati erant 5.1  
Israelitarum segnities in quo  
perstringatur 20.1  
Israelitis quoties res fuerunt  
prosperę, statim ad laciuriam  
defluerunt 1.4  
Iudicum officium 7.19

## L

- cur Lapidēs duodecim iosuę  
mandato sublatis, & in gilgal  
depositi sunt 4.1  
Lapidum sub iordane depofi-  
torum testimonii vsus 4.9

Legati

Legationis probè & fideliter obite fructus	14.9	bis ingenitus	2.4
Legis meditatio assidua præcipitur	1.8	dei Persecrãtia in fouendo populo	1.2
Legis nomine, summa & sanctiones notantur	8.32	Pietatis propagandæ studium à quibus exigatur	4.7
Legi nihil addendum	1.6	Pœnitentiæ professionis signa	7.6
de Lege nihil detrahendum	1.6	Potentia dei insolita in ferendo auxilio proponitur, & cur	3.5
Leuitarum minorum officium	3.4	Potentia diuinæ specimen	4.24
cur per singulas tribus Leuitas dispergi oportuerit	21.20	Præfationis in iosue argumentum	1.4
Luctus solennis ritus & ratio	7.6	qua prærogatiua eximios seruos & electos Prophetas deus ornauerit	10.8
in Manasse posteris septem stirpes numerantur	17.5	Prudentia militaris	7.2
Manasse, vide rubenitas	510	R	
Mentiri quid importer	7.10	Rabinis quid sit solenne	2.1
Metus proponitur	7.9	Rahab exploratores repræsentare iubetur	2.4
Modestiae raræ exemplum	22.21	Rahab fidei imago	2.11
Mortem sibi exploratores imprecantur, nisi rahab seruandæ curam fideliter suscipiant	2.14	Reprobi ad perdendã ecclesiam nihil non moliuntur	9.1
Moses quo sensu dicatur seruus	1.2	Reges chanaan cur securitate & socordia inebriati essent	9.1
Mose mortuo onus gubernandi populi in iosue deuolutum	1.2	Reges mortui in patibulis suspensi	10.18
O		quot Reges chanaã subacti	13.1
Obedientiæ israelitarum tertium specimen	8.33	cur Regum chanaan conditio alia fuerit quam aliarum nationum	8.29
Obsequium populi laudatur	6.20	de Regum terræ chanaan conspiratione	10.1
Officio rite perfugii quid sit	1.16	Regum colla mandato dei à iosue pedibus calcata	10.18
P		noua Regum conspiratio	11.1
Parendi facilitas commendatur	18.9	Regum enumeratio quorum ditionibus potiti sunt israelitæ	12.1
de Paschatis celebratione	5.10	Regibus captis victores cur soleant parere	8.29
Patientia fructus	6.15		
Patria est velut communis mater	2.4		
Patriæ amor est naturaliter	19.		

*Handwritten marginal note:*  
 in Manasse posteris septem stirpes numerantur 17.5  
 in iosue deuolutum 1.2  
 in iosue deuolutum 1.2  
 in iosue deuolutum 1.2

*Handwritten notes at the bottom of the page:*  
 in iosue deuolutum 1.2  
 in iosue deuolutum 1.2  
 in iosue deuolutum 1.2







77-6310



